

本草綱目拾遺

清趙學敏撰

第

函至



利濟十二種摠序



先君子昔艱於嗣嘗至京口遇異人云準君相  
 無後若行利濟事可得子及總設下砂時海溢  
 淹斃者不下數十萬先君志為設法撈埋秋疫  
 癘繼作又為延醫捐俸合葯以療疾賴生者數  
 萬人更詳創築塘當事轉題得奉 俞旨允行  
 時各場皆被潮灾攀轅借寇自下砂石堰龍頭  
 鳴鶴等凡七邑皆一身董其事塘成名曰利濟



是年秋劇驟至迄無害後由永春司馬宰尤溪  
甫生子昆季二人乳字之曰利濟退居之日用  
以楹其軒此利濟所由昉也先君嘗欲以一子  
業儒一子業醫故指弟自幼年讀經書外兼誅  
以靈素難經及傷寒論諸書暇時復命默畫銅  
人圖以嬉戲貯甲乙卷於養素園地一畦為  
栽葯圃予弟兄春秋輒寢食其中令弟銳意岐  
黃用承先志雖未敢自信出以應世然親中間

有請診者服其葯無不應手愈居恒喜著書所  
纂有百草鏡八卷採生海百卷皆言中肯綮解  
洞元微誠有裨於斯道者不淺予自愧謏庸蹄  
涔勺水曾何當大雅之目者乃欲為瓦釜鳴耶  
憶自髫齡性好博覽凡星厯醫卜方技諸學間  
亦涉獵之意有所得即欣々忘倦鈔撮成帙約  
之篋久而所積麓外東度閣上纍々幾千卷餘  
近亦稍自厭棄間歲檢閱其無用者焚之此十



二種內祝由事雅二稿己丑春己取投之敵時  
因小輩攫去乃姑存焉自甲戌歲始成醫林集  
腋從隣人黃販翁家閱所藏醫書萬餘卷參以  
舊存江閩祕本集其屢驗者名之曰腋見精選  
之匪易也戚好中有以驗方見示及游篋所得  
歷年頗增為傳信方乙亥春湖南汪子師就儂子  
舍居見其案頭有祝由本汪君用之素驗暇日  
因借錄一通後又得張氏本及儒門事親萬薛

二家抄採擇試之刪其妄而存其效且便於行  
者以為山居一時不能備葯石之助作祝由錄  
驗余素有書癖日不給焚膏繼之恐堂上呵禁  
嘗篝灯帷中藏書夜觀煤積翠帳皆黑丙子秋  
患目幾廢息視不啟者六月乃愈因作囊露集  
較瑤函銀海龍木論明鏡箋自謂過之以囊露  
名者蓋取囊柏葉露可治目意宗子相雲扶華  
扁術行遊名都戊寅航海從中山歸相潤已八



載矣投刺來謁予時讀礼家居館之三月間與  
設者有闢其謬處相雲過虛懷士頗以予言為  
然慷慨出其應游方術頂串諸法合予養素園  
簡驗方本彙編之串而曰雅知非江湖俗技之  
末也鏡水居士隱元上人皆松<sup>檀</sup>點苑法素與何  
竹里善庚辰子讀書西山寺回峯精舍適竹里  
避暑至與之結河朔飲曾一面焉因得聞制伏  
烏火諸說予用其法於諸科升降為中軀不耗

而功倍捷因集古來升降諸方參以製法為祕  
要一書而以葯性之奇制者為元解以見本草  
之用為最廣昔高濂有珍異葯品而搜奇未全  
瀕湖著本草綱目而後出未補悉為續之一曰  
奇葯備考一曰綱目拾遺均各有義例焉夫本  
草之成書自神農本經桐君葯錄而下繼作者  
不下數十家固無乎不備矣然所重在葯性則  
論性者多考其真偽若何辨其地產各別如地



黃有三才之判天冬有五嶽之分繼李氏以略  
言之而究之風俗異宜古今殊轍百餘年來未  
有不轉易者况乎婆奶公鬚名隨俗改丹經媚  
帖藝以達分苟隱僻或謝未知將名稱亦云素  
昧手有不為所竊笑者幾希因作本草話為小  
名錄至於攝生間覽為導引却病之方坎離裁  
接之說何取我嗟乎學期適用醫可通元殊慚  
襪線之材敢謂金針之秘用是述其緣起贅于

簡端他日倘能將靈素脉經傷寒有見解處為  
著醫論續增十種合吾弟所著二書并梓之為  
利濟後集斯予之志也夫

庚寅春仲上浣六日恕軒趙學敏序



利濟十二種全目

醫林集腋十六卷

養素園傳信方六卷

祝由錄驗四卷

囊露集四卷

本草詒三十二卷

串雅八卷

花藥小名錄四卷

升降秘要二卷

攝生閒覽四卷

藥性元解四卷

奇葯備考六卷

本草綱目拾遺十卷

通計一百卷



本草綱目拾遺小序

客有問於予曰聞子有綱目拾遺之作乎予曰  
然客曰瀕湖博極羣書囊括百代徵文考獻自  
子史迄禡乘悉詳採以成一家之言且其時不  
惜工費延天下醫流遍詢土俗遠窮僻壤之產  
險探仙麓之華如癸辛雜識載押不蘆輟耕錄  
載木乃伊瀕湖尚皆取之亦何有遺之待於  
歛拾觀子所為不幾指之駢疣之贅歟余曰唯也夫



瀕湖之書誠博矣然物生既久則其種類愈繁  
俗尚好奇則珎尤畢集故丁藤陳葯不見本經  
吉利寄奴惟傳後代禽虫大備于思邈湯液復  
補于海藏非有繼者誰能宏其用也如石斛一  
也今產霍山者則形小而味甘白朮一也今出  
於潛者則根班而力大此皆近所變產此而不  
書過時罔識將何別於百粵記中之產元黃基  
治腫毒孫公設圃之用水梅花治痢疾後且莫

知為何物安辨其色味哉荆夫烟草述於景岳  
燕窩訂於石頑閻繆氏經疏一編知簡誤實為  
李氏之功臣則子拾遺之作又何有續旺重邱  
之虞乎客應曰可即命予弁斯言於首以為叙  
乾隆乙酉八月錢塘趙學敏恕軒題於双硯草  
堂



凡例

一是書專為拾李氏之遺而作凡綱目已登者  
或治療有未備根實有未詳仍為補之

一藥日本有次第綱目分類自不得不繁茲槩  
從簡以為例

一用藥取其便也琮貴罕見之物奚取焉然以  
天地間瓌奇神異何所蔑有倘遇其物而莫  
能名何如備其說之猶可考也載之以助博





物者用

一拙集雖主博收而選錄尤慎其中有得之書  
史方志者有得之世醫先達者必審其確驗  
方載入并附其名以傳信若稍涉疑義即棄  
勿登如銀汗釘霜雞丹蜂溺雲根石雄黃油  
之類不之傳方俱難責效有似此者槩從刪  
削寧蹈缺略之譏不為輕信所誤

一草藥為類最廣諸家所傳亦不一其說予終

未敢深信百草鏡中收之最詳茲集間登一  
二者以會種園圃中試驗故載之否則寧從  
其略不敢欺世也

一綱目無藤部以藤歸蔓類不知木本為藤草  
本為蔓不容牽混茲則另分藤蔓部綱目無  
花部以花附于各種本條然其中有錄其根  
葉反棄其花者或僅入其花名又無主治者  
因為另為花部其枝梗有補遺者亦附其後



如梅花附梅梗之類可以例推

一綱目中有僅列其名無主治者如梅花龍涎  
志為錄驗增入有考核未詳者他日擬作代  
用本草將宇宙可入葯之物未經前人收採  
者合之另為一書以俟博訪於後之君子

一綱目有悞分者有悞合者如草部既列鴨跖  
草專條何于雜草內又列耳環草豈以其有  
碧蟬見花之名誤分也不知碧蟬花即鴨跖

草又於長生草下附紅茂草引庚辛玉冊之  
通泉草為註此乃因通泉草亦有長生草之  
名而悞合也殊不知通泉草乃蒲公英之別  
名似此舛勢不勝指數至于貝母不分川象  
大棗不分南北以致功用相歧傳誤匪淺則  
志為補正其缺

一人部綱目收載不少如瓜甲代刀天靈殺鬼  
言之詳矣茲求其遺必於隱恠殘賊中搜羅



之非云濟世寔以啟奸夫殺物救人尚干天  
怒况用人以療人乎故有謂童腦可以生勢  
交骨可以迷魂直羅刹修羅道耳意孫思邈  
且自誤矣老神仙吾何取哉今特刪之而附  
其所刪之意於此

一 是錄選輯之初於目下分註增品補治二字  
為別凡到目未載則為增到目已載治法未  
備則為補庚子春復加校訂于補治什去八

九蓋常用者主治自紛綱目采載亦夥毋庸  
再補惟綱目所收罕用之物而主治寥寥仍  
為補治不刪品類無多亦不必目下分識故  
槩削之

一 綱目中大目為綱細目為目有釋名集解以  
考名稱形狀氣味主治以別寒熱功用發明  
以著其效正誤以定其訛脩治以和其性且  
主治未備則有附方物質相同則有附錄亦



可謂詳矣然其例亦有一者若土當歸乃  
荷包牡丹之根而無釋名集解鉄線草金絲  
草有集解而不言形狀水仙花甘鍋泥非難  
得之物而氣味不載既列修治而諸石中獨  
罕見其法既無主治則不應入葯而海獺猶  
髓並不錄不遺尋常之味每多發明珍貴之  
倫未獲一解可見前人用心多持矜慎予成  
書既簡一切繁例從芟其葯品來自陳編在

古人原載氣味形狀或一物數名者統為直  
叙不另分細目有得之傳聞或舊本不載名  
解氣味者亦不妄添臆說間有一得則為附  
註于後以就証方家倘蒙同志之助為一一  
指訂舛訛更當永誌不朽



本草綱目拾遺目錄



一  
序例

正誤

卷一

二  
水部

春水

白云

古刺水

天孫水

鹵水

强水

荷葉露

糯稻

竹精

刀創水



本草綱目拾遺

目錄

本草綱目拾遺



鼻冲水  
白鳳漿  
櫻莢水  
御溝金水  
鷄神水  
卷二

丹砂水  
天蘿水  
各種葯露  
起蚊水  
日精油

曹青水  
梅子水  
黃茄水  
混堂水

三  
火部

陽火陰火  
太陽火  
星精飛火  
鑽木火  
擊石火  
受金火  
人身君火  
龍火  
雷火  
石油火

水中火  
相火  
三昧火  
藤火飽火  
松柴火  
燒酒火  
丹葯火  
火確氣  
烟桿  
藏香

魚膏火  
陽燧鏡  
烟草火  
烟梗  
烟葉  
烟膏

黃金火  
荷梗火  
標柴火  
煤火  
稻麥穗火  
茅柴火  
蠟油火  
神灯火

鼻烟  
水烟  
鴉片烟  
烟筒中煤  
蘅烟  
潮烟  
濟寧烟  
烟筒中火  
面烟



土部

楊妃粉

烏金磚

烏龍粉

白臘塵

回燕膏

狗溺硝

丹灶泥

炆鑽泥

白硃砂

檀香泥

鞋底泥

鴉脚膠

洗手土

觀音粉

鑄銅確

席下塵

鼠穴泥

椅足泥

金部

鉄線粉

菜花銅 風磨銅

馬口鉄

子母懸

石部

辟驚石 呂宋果

天生磺

神火

開元錢

紫銅鉏 金花鉏 錫鉏

金頂

銀銷

奇功名 保心石 吸毒石

倭硫黃

天龍骨

白銅鑛 白銅

錢花

烏銀

石腦油

玉田沙



瑶池沙

禹穴石

松化石

岩香

紅毛石皮

石螺螄

卷三

五 草部上

木心石

樟岩

桃花藍

雲核

龍窩石

金精石

猫睛石

仙人骨

痛卵石

瀚海石 寰沙

石髓

雄胆

參條

人參子

西洋參

菊花參

土人參

南沙參

紅莞

南連

仙姑連 天姥連

冬虫夏草

參鬚

珠參

東洋參

紅毛參

建參

法菴極

於朮

水黃連

浙烏頭

參葉

太子參

羅浮參

朮參

人參三七

煤參

上党參

防党

北雲朮

馬尾連

霍石斛

五色



六

銀柴胡

撫芎

綠升麻

白毛夏枯草

建麴

土連翹

土西草

野苧麻

鴉鴨脚艾

千里光

小青草

澤半艾

金錢草

雪裡青

望江青

無骨苧麻

接骨草 紫接骨 麻衣接骨

鳳眼草

風膏药

離情草

和合草

藍蓬醺蓬

知風草

風頭蓮

七

草部中

梨鬆果

蒲包草

鬼扇草

鮎魚鬚

紫背希奇

臭草

卷四

金豆子 在溪門

接骨仙朮

七葉黃

山黃荊

救命王 生不換

黃麻葉

六月霜

山海螺

水楊柳

小將軍

九鼎連環草

牛筋草

翠羽草

見



半嬌紅

阿勃參

羅裙帶

苦草

玉淨瓶

象鼻草

拳黃鷄子

箭頭風

普賢線

茄連

金狗脊

山馬蘭

沙帽翅

透骨草

刀創草

紅果草

藏紅花

靈通草

雪裡開

野馬蘭

石風丹

不死草

苦地胆

勾金皮

八

琉璃草

紅珠大鋸草

番薏苡

七仙草

露筋草

班節相思

金果欖

見種消

仙人凍

金剛草

馬尾絲

大母葯

百里奚草

野丈人

雁來紅

千年老鼠屎

金絲草

臺七星

方正草

藍布裙

黃德祖

戴文玉

天灯笼草

辟瘟草



水草角

水楊梅

走馬脂

卷五

草部下

香草<sup>+</sup>

草棉

露花粉

老鴉蒜

野龍青

蒼耳子油

臭草<sup>+</sup>

紫草茸

通血香

玉如意

困來草

九浙貝<sup>土貝</sup>

獨脚連

野馬豆

綿絮頭草

雀梅

落得打

毛葉仙橋

狗牙半支

金鷄獨立草

真珠草

狗卵草

鴉胆子

妳酣草

苦花子

荷包子

馬牙半支

神仙對坐草

九龍草

一粒金丹

元寶草

開金鎖

草召蚕

鼠牙半支

狗尾半支

龍鬚草

石打穿

兔耳一枝箭



金線釣蝦蟇

鷄蟲草

老君鬚

葛公草

芸香草

鏡面草

石將軍

五葉草

蛇草

千年健

蜈蚣萍

老鶴草

肥兒草

石蛤蚧

香蕉

虎頭蕉

蕝草

鮮暈草

萬年青

仙半夏

各種麩

帕拉聘

一枝蒿

十一

木部

卷六

響豆

木蛇

通香水

閨月樓皮

南天竹

查克水

綠益子

丁香油

檀香油

水安息

夜蘭

黎椒

金剛纂

黃葛樹

土漆

麻樞果

千張紙

風葉

以蠟之



拔尔撒摩

桂子

榕鬚

楠七树

羅漢松實

柳椹

特迦香

金鷄勒

楓果

椴木

飛沉香

柏瘿

金松

檉柳

氣結

臭梧桐

咬人狗

樟皮

松球

柏子壳

清明棟簷柳

伽南香

桑瘿

木八角

烏不宿

沒竹殼

葉底紅

茶樹根

研茶

雪茶

普陀茶

六安茶

破布葉

竹衣

山西柏油

雨前茶

龍脊茶

武夷茶

江西岫片

紅毛茶

天成沙

枸桔

茶油

普洱茶

安化茶

松羅茶

水沙連茶

角刺茶

爛茶葉  
徑霜老茶葉

松油

枯餅  
杉木

十二

目次



栗茶

雲芝茶

紅花茶

烏蔞茶

瀘茶

瘧茶

桑山茶

鍛樹皮

卷七

藤部

十三

鷄血藤膠

七金藤

買麻藤

紅木香

雷公藤

藤黃

金鎖銀開

乳藤

蝙蝠藤

皆治藤

無根草

白毛藤

天球草

松蘿

蛇蒲藤

李頭藤

龍鬚藤

臭藤根

黃練芽

木龍藤

菱油

花部

梅花

雪荷花

催生蘭

珠蘭

玫瑰花

金雀花

建蘭花

金蓮花

佛桑花

十四

貝



寶珠山茶

粉團花

玉簪花

紫茉莉

野薔薇

秋海棠

茶菊

睡蓮

瑞香花

子午蓮

桃金娘

假素馨

玉蘭花

丁香花

千金花

罌粟子油

果部上

延壽果

櫻額

倒吊果

飛松子

茶胸子

椰油

宜母果

天師栗

化州桔紅

巨冠樞柳

瑣口葡萄

南棗

落花生

阿月渾子

無漏果

藕粉

菱粉

芡粉

卷八

果部下

諸荔

龍眼核

密望



地力粉

栗壳

刺梨

倒捻子

瓜子壳

必思荅

楊搖子

檀罌子

野地力

刺菱

枇杷核

甘蔗滓

橙餅

黄皮果

海梧子

榧子

櫻桃核

烏欖仁

羊棗

猴圍子

津符子

甘劍子

木竹子

羅晃子

夫編子

人向子

候騷子

荔果

隈支

諸穀部

沙米

山穀

白綠子

四味果

仙人掌子

蔞子

呂宋果

西國米

青黄稞

繫弥子

千歲子

酒杯藤子

楸子

陳倉米

未油



鍋焦

阿迷酒

酒釀

神黄豆

十六

稽豆

蚕豆壳

醬油

腐

芝麻壳

諸蔬部

甘儲

山百合

石衣

野芋芳

野毛豆

野蘿蔔

南瓜蒂

辣茄

刀豆根

地腎

穿腸瓜

葛乳

鮮草果

真珠菜

葛仙米

黃牙采

天茄

緬茄

醬茄

玉瓜

白鼓釘

三寶姜

沙葱

香蒜

蒜梗

刺兒采

乾冬采

麒麟采

諸笋

紅海粉

卷九

器用部

貝



番打馬

敗琉璃

火漆

冒布

紅絨

北雁砂

包烟紙

酒罈上紙

老材香

油烟脂

七氣罌口

旧帽沿

棉紗

烏金紙

粗草紙

古瓦

縛木藤

木套皮

紅錫

綿珠

旧頭絕

旧徽紙

檣蘆

青龍背

絹篩籬

船蓬箸

衣帶

草鞋鼻上布

盛米栲栳

夏布旧蚊帳

白秋霜

陳年竹灯蓋

漆盤上漆

刀鞘

織机上草辨

花簪

靈鶴盞

砂壺

料絲

油木梳

旧竹筋

肉臺上屑

厠上椽木

小兒破鞋

禽部

目次



燕窩

石燕

蝙蝠腦

石鍾

鸕鶿涎

翠鳥舌

白鷓鴣

鷓鴣

鷓鴣

洋鴨

烏鴉胆

鵝毛

屎

涎

蛋壳

腿骨

喉骨

鷹吐毛

雄卵

獸部

獅子油

象糞

犴血

醉虎

鹿脂

猴脛

犬豕胎糞

猫油

海狗油

狐麝

獭糞

狼脂

山羊血

石羊胆

山狸

貂尾

七葛

香鼠

鼠血

猫尿

猫尾血

浙膠

霞天膏

羊哀

蘭薰

屏年皮

白松香

卷十



本草綱目拾遺

鱗部

十九

脆蛇

碧飛

龍涎香

苦魚

漾波魚

蜨娘魚

帶魚

環蛇

鱗油

西榜魚

金魚

四足魚

蜜姑魚

血鱈

翠蛇

斷草烏

鮓魚鱗

阿羅魚

河豚目子

雪鈴

沙魚翅

介部

土附

白皮子

海龍

鼈胆

吐鉄十九

規腊十九

石翅十九

烏魚蛋

鮓魚

海牛

煙壳

田螺涎十九

蚌淚十九

乾蝦蝦才首爪蝦才弟蝦

青魚胆

白鼈

海獅

蛤蜊肉十九

西施舌十九

石上螺獅

本草綱目拾遺

目次



虫部

雪蝦蟇

+

飯蒼蠅

+

苦蜜

+

蝦蟇黃

龍虫

炸蟻

+

灶馬

+

海參

+

龍蜂

+

蜜虎

+

葯蜂針

+

洋虫

+

灯蛾

+

水馬

+

風鈴

+

蜜蜂

+

蟾皮

+

驢龍

+

蟋蟀

+

蠅虎

+

禾虫

+

二十

壁蝨

牙皂樹虫

葉麻虫

蛆窠

淮東子

茄綵虫

桐蛆

叩頭虫

十九

黃麻梗虫

土核柳

死人蛆虫

八牙

樓虫

蔗姑

沙鴉母

十九

山螞蟻窠子

隊

虹虫

牛膝虫



正誤

瀕湖作綱目於各條下有本經者先引本經次  
列他書而土部石賦一條列作補遺不知神  
農本經園鹼有專條而不列入據本經逢原  
云園鹼即石鹼也



張石頑云朴硝石本經所言後人互錯五藏  
積熱等症乃熱邪固積非硝石所能滌除而  
化七十二種石又豈朴硝所能滌除勝此二



條向來互簡瀕湖不察亦仍其誤且于硝石  
發明下引土宿本草硝石能化七十二石以  
別錄此文列于朴硝下為誤何以于本經又  
仍其錯簡耶

硝砂有二種一種藍硝出西域狀如藍塊得濕  
即化為水或滲失一種番硝出西域有五色  
以大紅者為上質如石並無鹵氣瀕湖所引  
皆藍硝也其藏硝能化血肉為水雖煅煉亦

不可服

山慈姑處州人以白花者良形狀絕似石蒜瀕  
湖于山慈姑集解下註云冬月生葉二月枯  
即抽莖間花有紅黃白三色于石蒜集解下  
註春初生葉七月苗枯抽莖開花紅色又一  
種四五月抽莖開花黃白色于昔館平湖仙  
塘寺沈道人從遂安帶有慈姑花一盆來親  
見之其花白色儼如石蒜花據云彼土人言



無紅黃花者其花開于三月而張石頑本經  
逢原慈姑下註云開花于九月則是以石蒜  
為慈姑矣瀕湖于慈姑條下附方引孫天仁  
集效方用紅灯笼草此乃紅姑娘草當治咽  
喉口齒瀕湖所收酸漿草是也乃不列彼而  
列此豈以慈姑又名鬼灯笼而誤之耶夫慈  
姑雖解毒不入咽喉口齒何得混入又引奇  
效方吐風疫用金灯笼花根不知石蒜亦名金

灯笼山慈姑根食之不吐石蒜食之令人吐  
則奇效方所用乃石蒜非慈姑也瀕湖且兩  
誤矣

草為有金鎖匙俗呼金鎖銀開乃藤本蔓延之  
小草也土人取以療喉症極驗又名烏蹄草  
非馬蹄細辛也馬蹄細辛則杜衡瀕湖于杜  
衡條後附方引急救方中之金鎖匙認為杜  
衡誤矣



蘭草有數種瀕湖綱目雖有正誤尚未明晰其  
釋名亦多淆混志為註之澤蘭今人呼為奶  
孩兒者是也此草方莖紫花枝根皆香人家  
多植之婦女暑月以揅髮入葯入血分省頭  
草葉細碎如瓦松開黃花氣微香生江塘沙  
岸傍暑月土人採之入市貨賣婦人亦市以  
揅髮云可除疰垢未見有入葯用者又有香  
草葉如薄荷而小香氣亦與薄荷迥別五月

六月間人家買以煎黃魚云可殺腥代葱此  
即所謂羅勃者是也又有孩兒菊葉如山馬  
蘭而長近皆以此作澤蘭用入葯云可治血  
此四種皆香草惟奶孩兒草香尤峻烈瀕湖  
綱目蘭草釋名下槩以省頭草孩兒菊混列  
一類殊欠分晰至其集解所詳形狀則又以  
孩兒菊為澤蘭附方中則又認省頭草為蘭  
草皆非確實也又以羅勃入菜部謂即蘭香



而張路玉逢原云羅勒與蘭香各別張係長  
洲人其俗每食必用香草其說自有當可從  
也

凡為有天生有人造瀕湖綱目遇有人功製造  
者輒脩其法亦可云博採無遺矣獨于草烏  
條附射罔既列其主治之用而不脩其製造  
之法僅于集解下引大明一說又不詳細予  
因考而補之以全瀕湖之苦心也按白猿經

造射罔膏法用新鮮草烏一二斗洗去土用  
蘿盛將脚端去黑皮以肉白為度搗碎用布  
漚去榨出汁以乾為度去渣將磁盆盛汁盆  
下有粉去粉不用搥要澄出清汁如有十碗  
用四碗入鍋內煎一滾起沫用篾片刮去沫  
傾入磁碗內再將餘六碗生汁入前熟汁內  
一順攪勻露一宿明早取澄清汁散分于碗  
內澄去滓量汁多少以碗大小盛之放日中



本藥局刊印  
晒至午時又割去渣脚再晒至晚取澄清汁  
用薄綿紙鋪罩內濾去渣第二日三日如前  
晒法每日晒時用竹片從碗底順攪晒用此  
法不致上熟下生至第四日晚濾稠葯存留  
弗去另用碗盛露一宿取澄清汁底下存硬  
咽者不用第五日入前汁一搥晒上至六七  
日各碗漸少以汁多少減去餘碗再分各碗  
晒時觀看碗口上起黑沙點子向如結冰有

五色雲象其色紅黑如香油樣搥歸磁盆內  
放淨處陰四五日再用磚砌一炉高二尺用  
圍大可容葯盆內放炉中心離地上一尺五  
寸用木物架炉于上炉上空五寸用布物蓋  
于葯盆之上不致烟透走炉旁取一火門如  
鴉卵火從地起高三寸外用炭火十數塊并  
棍槓柴俗呼凍漆又用皂角花椒同燒烟令  
烟入火門內燻葯盆熟葯向上結成冰是火



候矣約炉一時之候其結冰要厚再看其冰  
厚則除火取葯出令冷收入磁瓶內封固聽  
用如冬天寒冷用絮物包放煖處勿冷凍損  
如夏天熱時放于清涼之處以免潮壞如冬  
凍損夏潮壞出沫用磁盆盛如前法炉燻之  
葯熱即止如將葯上于箭上用皂角花椒烟  
熏之如旧○前葯晒時如遇日色太紫晒一  
二日又要露一宿如日沒緩不必露也初做

葯之日观天色清明即用烏頭如前製之如  
晒一二日有雨將煎前熏葯炉上只用炭火  
烘熱盆為度撓勻又放得一二日俟晴再晒  
烏頭取來不可堆厚恐爛壞必要濕地下攤  
開不可見風吹乾無汁即取搗為妙其葯製  
完瓶內封固日久下澄清有稠者砂糖樣挑  
起取用上箭最快到身走數步即死名為晒  
葯比熏葯更妙其葯忌見香油如入一點即



無效其性有三飛見血飛見油飛見水飛造  
藏甚忌此三者

羊蹄菜葉能殺胡夷魚鮭魚檀胡魚毒瀕湖註  
云胡夷鮭魚皆河豚名檀魚未詳敏按檀胡  
即彈塗二字之訛也彈塗乃跳魚餘姚寧波  
皆有之沿海沙塗上甚多形如土附有刺能  
螫人閩中及寧人皆呼為彈塗有中其毒者  
羊蹄葉可解之

吾杭西湖岳墳後山生一種草高三四寸一莖  
直上頂生四葉際着白花與細辛無二土人  
呼為四葉蓮按此即綱目所載樟耳細辛及  
乃已也瀕湖于及已條下載其形狀云先開  
白花後方生葉止三片皆誤

瀕湖綱目菟葵列于黃蜀葵上蜀葵之下必以  
其形狀與蜀葵不甚相遠較之秋葵葉作雞  
爪花則單黃而大迥非蜀葵之狀者可比也



然細閱其集解下如蘇公所說苗如石龍芮  
花白如梅郭璞所註則又以為似葵而小葉  
狀如葵有毛如寇宗奭所說又以菟葵為錦  
葵終上聚訟迄無定議瀕湖于釋名下引圖  
經云菟葵即天葵而于集解中又不載圖經  
所云形狀而獨取鄭氏通志云菟葵天葵也  
狀如葵葉大如錢而厚而青背紫生于崖  
石按此即紫背天葵也其葉分三歧如三葉

酸草而大有根下有子年深者其子大如  
指俗呼千年老鼠屎以其形黑皮粗如鼠屎  
狀也故外丹本草曰雷丸草以其根下有子  
如雷丸也此則全非葵類不過有葵之名而  
已不知瀕湖何所據而以為即菟葵援引諸說  
又無折衷蓋瀕湖本未識菟葵且亦不識天  
葵故釋名引外丹本草雷丸之名而釋名下  
亦不能註出其所以得此名之故不皆失之



疎略乎考紫背天葵其功用全在根而瀕湖  
于主治條僅言其苗不著其根之用于故于  
拾遺中補之而脩其說于此

陸英即蒴藿甄權藥性論云田野村墟甚多人  
家所植高大色赤者陸英田野所生葉上有  
粉者是蒴藿二味所主大率相類其論頗明  
白可據瀕湖則目分陸英蒴藿為二于陸英  
集解下之陶蘇本草甄權藥性論皆言陸英

即蒴藿必有所據又不引入何耶

食茱萸本草述云大熱無毒能去積陰寒濕瀕  
湖于茱萸條內云椀子形似茱萸惟可食用  
故名食茱萸有小毒此解食字之誤也張石  
頑本經逢原云食茱萸與吳茱萸性味相類  
功用彷彿而本經之文向來錯簡在山茱萸  
條內詳其主心下寒熱即孟詵治心腹冷痛  
之謂溫中逐寒濕痺即中惡去藏府冷之謂



去三虫即藏氣療蠱毒飛屍之謂雖常食之  
品辛香助陽能辟濁陰之滯故有輕身之喻  
已上主治豈山茱萸能之乎其治帶下冷痢  
暖胃燥濕水氣浮腫用之功同吳茱萸而力  
少遜詳其主治如此之夥豈尚入食品之用  
者劉雲密云予年七十有七至秋冬時小腹  
痛綿綿不能止蓋小腹屬肝辛丑歲濕土司  
天寒水在泉且丙辛以化寒水致風木一于

下而不得暢且老人真陽又虛故患此也用  
食茱萸二錢烏藥一錢香附一錢合煎湯再  
加倍清酒煮一時于早膳後大飢時服之前  
症頓愈蓋食茱萸去厥陰寒濕而烏藥氣溫  
利肝氣醋炒香附又能行肝氣故尔奏效之  
捷也又一女子于秋深病腹中氣痛甚止多  
服食茱萸茶而愈時珍乃曰僅可食用不幾  
將一食字泥死句下哉



扁鵲飲上池之水即半天河水也雨也綱目必  
以樹石中水當之誤矣

焯菜好生高山泉源石上與石菖一類其味辛  
辣山谷言孫嶠以沙卧焯食其苗李東璧謂  
田園小草則誤

蕺荷東璧謂即上林蓊且而不知蓊且乃芭蕉  
之轉般也方以智物理小識蕺荷似蕉而小  
又似蘆稷三月開紅花夏結綠刺房內有黑

子其根似姜可葅蛇不喜此故又治蠱

鶻鴟十月毛落而寒號忍凍冬聚柏寔之食又  
自食其遺匕而復食故其矢為五靈脂此東  
璧所未詳者

三白草俗呼水木通綱目釋名無一條別名或  
未得訪即又瀕湖以為此草八月生苗四月  
其巔三葉面白三青變三白變餘則仍青而  
不變也故葉初白食小麦再白食梅杏三白



食黍子此則未親見三白形色者也按盧之  
願乘雅云家植此草于庭前二十餘載每見  
三月生苗葉如暮葉而对生小暑後莖端發  
葉純白如粉背白一如初小漸大大則葉根  
先青延至葉尖則盡青矣如是發葉者三不  
再葉而三秀花穗亦白根鬚亦白為三白也  
設草未秀而削除之或六七月或八九月重  
生苗葉亦必待時而葉始白月令小暑後逢

三庚則三伏所以避火形以金容平之金德  
三白草不三伏白而三顯白轉以火金相襲  
之際化變歇為清肅此即点火成金不煩另  
覓種子者是也故主夏傷于暑而出机未盡  
秋傷于濕而降令過急者兩相安也據此言  
則此草應時而生白葉三辨非到時而青葉  
轉白與李說迥異又常中丞筆記鏡湖產三  
葉白草苗欲秀其葉漸白農人候之以蔣四



三葉盡白則苗畢秀矣餘姚亦多此草生水  
濱每春夏水足葉齊白否則止白一葉或二  
葉占之甚驗今訪草長二三尺葉似白楊下  
圓上尖一本而數節每節皆生數<sup>葉</sup>不止三亦  
非盡能變白惟最上數葉初時近蒂先白次  
則葉中再白末則至葉尖通白蓋一葉而三  
白非白葉有三也予渡曹娥江親摘脈以之  
因得其詳土人呼三白草大抵志載之不定

類如此其說與盧說異因並存之瀕湖草  
部十六卷溼草內載三白草二十七卷菜部  
又列翻白草以為二種不知即是一物按陳  
綬眼科要覽云三白草根名地藕翻白草根  
名天藕斷是一物無疑此皆不應強分者無  
怪乎翻白草下有釋名而三白草下無釋名  
矣且其根能治小兒痘後眼閉不得開并起  
星最效用酒漿同持鋪棉帛上托於眉心后



一晝夜即開重者二服無不驗者而瀕湖三  
白翻白下兩處附方皆不載猶欠細核耳

綱目石龍芻下附敗席灯心草下附灯炷一有  
主治一無主治豈以敗席難列服器一門而  
燼可入火部乎未免躰不一例矣

綱目丹皮後附錄鼠姑引別錄主治另列一條  
不知牡丹即鼠姑也按宋陸游詩云行歌每  
依鷓鴣影挑頻時見鼠姑心蓋宋人世俗無

不呼鼠姑為牡丹故註云鼠姑牡丹也瀕湖  
復引陶宏景說謂鼠姑今人不識而牡丹一  
名鼠姑鼠姑亦名鼠婦未知孰是在陶貞白  
時或其名尚不甚傳何瀕湖亦未攷耶神農  
本經牡丹一名鼠姑瀕湖泥其文句以為別  
有一物似牡丹者名鼠姑又疑為鼠婦不知  
鼠姑如果為草木耶則神農下豈無一人考  
訂者若為鼠婦當入虫部亦不應列于牡丹



後矣

茵陳乃蒿屬昔人多種以為蔬本經所載主風  
濕寒熱上結黃痺濕伏陽明所生之病皆指  
綿茵陳而言其葉細于青蒿者是也乾之色  
作淡清白色今人呼為羊毛茵陳者是也其  
性專于利水故為黃痺濕熱要藥一種生子  
如鈴者名山茵陳即角蒿其味辛苦有小毒  
專于殺虫治口齒瘡尤妙今人呼為鈴兒茵

陳葯肆中俱有之此不可以不辨而概誤用  
之也瀕湖茵陳下集解條所載亦是羊毛茵  
陳而以角蒿另列故自卓識而于發明下却  
未及指出俗以角蒿為茵陳並用若言其時  
尚未有山茵陳一種相混何直指方治服熱  
赤腫即用山茵陳者偏又引入茵陳條耶至  
角蒿下集解中瀕湖亦無一語言其苗葉形  
狀者或尚未知此即山茵陳也



張石頑云南瓜至賤之品時珍綱目既云多食  
發脚氣黃痺不可同羊肉食令人氣壅其性  
滯氣助濕可知何又言補中益氣耶前後不  
相應如此吳遵程云南瓜本益氣惟不可與  
羊肉同食則令壅滯此則吳氏為兩袒之說  
不知南瓜本補氣即與羊肉同食脾胃健者何  
碍惟不宜于脾虛之人如今人服人參亦有  
虛不受補者大凡味之能補人者獨甘色之

能補人者多黃南瓜色黃味甘得中央土氣  
厚能峻補元氣不得以賤而忽之昔在閩中  
有素火腿者云食之補土生金滋津益血初  
以為浙江處州笋片蓋處片亦有素火腿之  
名也及索閱之乃大南瓜一枚蒸食之切開  
成片儼與金華猪腿無二而味尤鮮美疑其  
壅氣不敢多食然食後反覺腹中易餒少頃  
又盡咬之其開胃健脾如此因急叩其法乃



于九十間收絕大南瓜須極老經霜者摘下  
就蒂開一孔去穢及子以陳年好醬油灌入  
令滿將原蒂蓋上封好平放以草索懸戶簷  
下次年四五月取出蒸食即素火腿也則其  
補益之力又可知矣何壅之有

大腹子乃大腹楨柳與兵即形似而性異逢原  
云大腹子偏入氣分體豐溼盛者宜之楨柳  
而主血分腹滿多火者宜之綱目大腹子主

治云與楨柳半功何昧于分別乃尔至今日  
藥肆中所用楨柳半多以大腹子代用率由  
瀕湖一言之誤也

鳳仙花一名透骨草以其性利能軟堅故有此  
名綱目有名未用收透骨草瀕湖引集効經驗  
諸方載其主治而遺其形狀又鴨脚青乃藍  
澱中一種瀕湖引普濟方又失考核何其未

詢耶



綱目蔓草內載含水藤引劉欣期交州記云狀若葛葉似枸杞子多在路旁行人乏水處便吃此藤故名菜部又載東風菜按廣志廣州有涼口藤狀若葛葉如枸杞去地丈餘絕之更生中含清水渴者斷取飲之甚美沐髮令長此藤又名東風菜先春而生東風乃至農夫以驗土膏之動一名綠耳可為蔬據廣志所載形狀及治病與含水藤同其可為蔬名

東風又與東風菜同則是一物也瀕湖誤以為二一收入蔓一收入菜未免考核失當良由為裴淵廣州記所悞也

瀕湖以海月為江瑤柱復附海鏡不知海月即海鏡而江瑤非海月也此乃承嶺表錄之誤唐本峻海物蔬云海月形圓如月亦謂之蠟鏡土人磨其殼以為明瓦者是也嶺南謂之海鏡又呼膏葯盤江瑤殼色如淡菜上銳下



平大者長尺許肉白而韌圓而脆與海月絕不相類何可牽為一物耶

神農本草經桑根白皮條云主傷中五勞六極羸瘦崩中絕脉補虛益氣此乃指桑椹而言為後人誤列根皮之下世多不察而繆氏經疏以為根皮補元氣性寒而能除內熱以上諸症自消真全痴人說夢寇宗奭亦疑之以為本經獨遺其椹不知桑皮何能治傷中等症

惟張石頑獨能發明其蘊瀕湖博識何于本經尚欠推勘耶

瀕湖以海鏡附在海月條下註引郭璞江賦瑣結腹蟹以為物此即則又大誤不知瑣結又非海鏡也海南志瑣結狀如珠蚌殼青黑色長寸許大者二三寸生白沙中不汙泥滓互物之最潔者也有兩肉柱能長短又有數白蟹子在腹中狀如榆莢合体共生常從其口



出為之取食然瑣蛤清潔不食但寄其腹于  
蟹上為瑣蛤而食上在蟹而飽在瑣蛤故一  
名共命羸又曰月姑每冬大雪則肥瑩如玉  
日映如雲母味甘以柔蓋海錯之至珍者又  
有海鏡二壳相合甚圓而小瑩潔有紅蟹子  
居其腹為取食一名石鏡其腹小蟹曰蚌孳  
任昉謂之筋據此說明是二物在瑣蛤腹者  
則白蟹子在海鏡腹者則紅蟹子又各不同

予曾寓明州奉化其鮎琦亭出瑣蛤親見形  
狀迥與海月別何能強合耶



本草綱目拾遺卷一

錢塘趙學敏恕軒氏輯

水部

春水

南詔志春水有三俱在鶴慶府一在城東南  
二十里石坪坪一在城南三十里龍珠山麓  
一在城東北三十里五老山下春水盈時有  
硫黃氣郡人于二三月間和益梅椒末飲之



本草綱目拾遺卷一

春水

水部



本草綱目拾遺 十卷 廿册

明趙學敏撰

卷之抄本

十七字

竹紙

每半頁八行 二行有利濟三行總序及三行全目 故以書

乃利濟三行抄本

總序首頁有「鹿」

一朱印

清英

善年 子部

鹿成子鹿鹿鹿老人未知是名否

鹿出之印

本草

十二行全目首頁有「蘇」

一朱印 其後各頁首至尾有「蘇」

及「蘇」印 而朱印 仁例首頁有「蘇」



松書 目錄首五有石 疆外史 一朱印

章後 衡 字 紫伯 清人 此由江 係 然 景 星

字 每 清 人 石 疆 外 史 年 致

此書有同治十年刻本



能祛疾 職方考云南鶴慶府出春水在觀  
音山蓮花寨之北立夏前三日出後七日止  
水無定所每出時地中流土有穀土人循其  
穀掘之其水始出能除百病遠近村民競飲  
之走異方者飲之不染瘴病癘者飲之立除  
外境人尤效數日內有鸚鵡綠鳩數百羣飛  
來飲水涸乃去  
味甘性平除癩疾厚腸胃已虛勞去瘴癘

敏按土為萬物之母凡物得土之精者均入  
脾胃而能扶正氣正氣足則百病自除此水  
在地能鳴出無定所乃川脉得先天之氣藉  
地力宣洩故有厚腸胃除疾之功出七日即  
涸并具來復之机鶴慶為云南边境山川蒙  
密民多瘴癘府志載城東南尚有溫泉每歲  
三月郡人浴之有瘧疾者輒愈則又不特春  
水之出其地也天心愛人生一害必生一物



以救之如出鵝之地多屏觀于此水可以悟  
物理矣

### 天孫水

廣志云即七夕水廣人每以七夕雞初鳴汲  
江水或井水貯之是夕水重于他夕數斤經  
年味不變益甘甚以療熱病謂之聖水若雞  
二唱則水不然矣

色清性微寒味甘治一切熱症神效

喉蛾喉癰

陸氏濟世良方用肥婆草搥爛和

將此聖水開服如牙痛牙癰將此草搥爛和



聖水含在口內吐換數次即愈  
治食百果 濟世良方用苦瓜搥爛取汁和  
聖水服之即愈若無苦瓜取其核搥爛和聖  
水服之

荷葉上露水 糯稻露

夏日黎明日將出時將長杓坐碗于首向荷  
池葉上傾瀉之以伏露為佳秋露太寒花上  
者性散有小毒勿用 蓮葉象震卦荷上露水或  
入肝而淋益肝臟坎  
味甘明日下水腹氣脹利胸膈寬中解暑大  
力凡用之

按露本陰液夜則地氣上升降而為其性隨  
物而變居易錄有碧玉露漿方于中秋前後



用無五梧子新青色布一二疋扯作十餘段  
每一段四五尺五更時于百草頭上或荷葉  
稻苗上者尤佳先用細竹一根掠去草上蛛  
網乃用青布繫長竹上如旂樣展取草露水  
絞在桶中展濕即絞視青布色淡則另換新  
布陽光一見則不展所取露水用甌確洗淨  
盛貯澄數日自清晚間用男乳一酒杯約一  
兩半白蜂蜜一酒杯入參湯一酒杯多少同

乳人參須上等四五分不拘搥入一宮碗內  
將露水一飯碗摻入和宮碗共入七八分和  
勻以棉紙封口用碟蓋好次日五更燒開水  
二大碗將宮碗內露隔湯煑熱睡醒時緩上  
溫服之蓋所以殺去露去諸經之火參補氣  
乳補血蜜潤肺治一切虛損勞症有奇效可  
知露本養陰扶陽又得荷葉之清氣故能奏  
功如此



全書卷之二  
糯稻露俞佳士妙應方治瘧塊八月白露後  
收糯稻頭上露水脫作二服飲下立消  
按諸草木皆需天露始潤惟稻至酉時其根  
上津潤之氣漸升入夜乃達葉尖至曉復自  
上而降于根故無露之夜稻葉猶潤陳翠虛  
詞一此珠露阿誰運上稻花頭是也

### 白雲

雲本山澤之氣蒸而為水屬也故入水部雲  
有五色惟白雲可治病唐守時言凡高山大  
川悉有雲氣五嶽名山多出雲山僧取之餉  
客其取雲法用金漆盒蓋上鑿一孔以木塞  
之俟天氣晴朗黎明往山岩石畔覓之見地  
上有白雲如線者如笋者茁土而出即雲苗  
也急以盒蓋孔對其氣使盡入其中以木塞



口收必須白雲如雪色有香氣如梅蘭方合  
用其他雜色雲多帶草土氣黑雲尤怪多帶  
怪物不宜盒取放雲之法擇淨室須四面有  
窓者通上下用紙襍糊勿令洩氣然後將雲  
盒置中去塞則雲自出恣揚渙散芬芳四繞  
可以醒脾胃舒肝鬱而和經絡令人有倏然  
出塵之想

治啞瘴余謫菴云滇廣山澤有一種人受之

終身不能語名曰啞瘴唯聞白雲之氣久已  
自引毒外出可以全愈  
血散水腫聞雲氣漸消



鹵水

苦鹽無毒治大熱消渴去煩除邪下蠱毒柔  
肌膚去濕熱消疫磨積塊洗垢膩多服損人  
細目有鹽胆水乃已燒成鹽復灑下之苦鹵  
一名鹵水此乃取于鹵地灑以燒鹽之用與  
鹽胆水不同



竹精

五月五日雨剖竹得水名神水 王東藩醫  
與云毛竹內剖之竹多有水乃竹精也以不  
臭色清者入葯佳  
治汗斑以雞毛蘸水刷上立退



古刺水

帶經堂詩話左公羅石手書一帖云乙酉年五月客燕之太醫院從人有自市中買得古刺水者上鐫永樂十八年熬造古刺水一確淨重八兩確重三斤內府物也按左詩中有再拜嘗此水含之不忍咽句則此水未嘗不可服食也又云瓶中古刺水製自文皇年製之局天府元石流清泉列皇飲祖澤旨之如



羹然繹詩意又似常服所製亦不祇十八瓶也王阮亭居易錄有客自燕至出其橐有阿房宮磚瓦一陸探微畫一古刺水十餘確古刺水用錫確貯之上朱刻永樂二年熬造確重二斤水八兩香氣酷烈據此則古刺水又如是之多確面以錫刻字塗朱其曰二年則又在前三明時內府有此製耳何氏碎寒錄云古辣本賓橫閭墟名以墟中之泉釀酒

埋之地中日足取出名古辣泉色淺紅味甘不易敗此或另一種也按地輿志賓橫在廣西南寧界陳墨樵茗水札記云姚履中垣為予言餘杭一舊家祖遺一錫瓶製極精緻面刻三楷字云古刺水口封固極密搖之有水敢相傳數世亦不知何用薛澱山洪云嚴嵩抄家籍上有此其涼心骨蓋暑月以涼躰者李觀王日記云予館河東裴氏其家有



本草綱目卷一  
古刺水一確係銅製高四寸圍一拱身圓面  
平狀如花鼓銅質青黃四圍牢鑄永樂二十  
一年十月鑄古刺水一確上重三斤水重八  
兩共二十二字字皆陰文據云世宦鄭氏舊  
物也鑽銅取水可療瞽疾 朱退谷曾于陝  
西陳渭野處見古刺水一瓶云是海壇鎮張  
傑家物其製上大而下小圓如瓶式四圍無  
痕跡搖之有水鼓面微有小鑽孔言曾有富

蓄持千金欲售之以治目方取鑽上孔天大  
霹靂因懼而止然此物亦神矣 孫雍建云  
古制地名古刺水乃三寶太監所求得之物  
天下止有十八瓶其瓶以五金重上包裹其  
近水一層乃真金也水色如醬油而清光可  
鑑以大燃之如火酒有酸者真其性大熱乃  
房中藥也婦人飲之香沁骨內

性涼澤肌膚明目療青盲開瞽功同空青治



熱症有效以茶匙滴汁入湯浴能令香氣透骨不散

按古制水據薛氏言性涼可治熱疾孫氏言性大熱止可入湯沐不可服今是物世雖有之但市充貢品價值千金不聞有服試之者故並附孫說以俟考

又葉東表言古刺水手蘸少許嚥入鼻中能驟長精神強骨力其香氣蓋能和血通竅昔

未有鴉片烟以前惟用此後因呂宋有鴉片而人遂不知用古刺水緣水貴而鴉片賤故人爭有賤者其寔功效相倣房中術嚥法更勝于服



强水

西洋人所造性最猛烈能蝕五金王怡堂先生云其水至强五金八石皆能穿漏惟玻璃可盛西人造强水之法為止七味入罐中熬煉如今之取露法旁合以玻璃瓶而封其隙下以文武火叠次交煉見有黑氣入玻璃瓶中水亦隨氣滴入黑氣盡為乃成矣此水性猛烈不可服食西人凡畫洋畫必須鏤板于



銅上者先以筆畫銅或山水人物以此水漬其間一晝夜其清處銅自爛勝于雕刻高低隱顯無不各肖其妙銅上有不欲爛處先用黃蠟護之然後再漬俟一週時看銅有爛痕則以水洗去強水拭淨蠟迹其銅板上畫已成絕勝鏤鏤且易而速云入葯取其氣用治瘡疽拔疔謝天士云凡瘡疽已潰或未潰用強水可蝕惡肉勝于礪砂只須置強水于

玻璃瓶內以瓶口對瘡疽上掩少時其葯氣自昇入患處疽肉變白而腐毒亦拔出然後再敷他葯治之疔有根亦以此法治則根自爛出

物理小識有礮水剪銀塊投之則旋而為水傾之盃中隨形而定復取礮水歸瓶其取礮水法以琉璃密燒一長管以煉砂取其氣道朱公為余言之崇禎庚辰進坤輿格致一書



言采礦分五金事工省而利多壬午倪公鴻  
實為大司農亦議之而政府不從今日番礪  
甚少但有氣礪真番礪乃能乾汞按此礪水  
即強水也持古今異名耳

### 刀創水

出西洋不知何物合成番船帶來粵澳門市  
之

治金創以此水塗傷口即斂合如故



臭冲水

出西洋船上帶來不知其製或云樹脂或云  
草汁合地浸露晒而成者舶番貯以玻璃瓶  
繫塞其口勿使泄氣則葯力不減氣甚辛烈  
觸入腦非有病不可臭高夷遇頭風傷寒等  
症不服為惟以此水瓶口對鼻吸其氣即通  
身麻顫出汗而愈虛弱者忌之宜外用勿服  
治外感風寒等症嗅之大能發汗



丹砂水

耀仙神隱有造丹砂水法丹砂一斤石胆二  
兩消石四兩以小口磁罐漆固其口埋地中  
四十九日出視成水則為成矣若未化再埋  
又法用竹筒盛亦可

味苦服之延年殺精魅邪惡鬼養精神安魂  
魄



曾青水

神隱云製同丹砂不用石胆易以汞二兩為  
用洗眼亦可服  
止目痛收風淚久服輕身不老



白鳳漿

痘學真傳有造白鳳仙漿法用單葉白鳳仙  
花朵開蟬中令滿以箬封口再將泥塘之埋  
土內二三十年方取用蟬中花悉化成水割  
去滓脚其清水即鳳漿也另貯磁瓶聽用  
性大寒治痘疹焦陷不救者為內加一茶匙  
服之立能回焦更生痘不可多用疎疫解一  
切火毒大有奇功



天蘿水

救生苦海霜降後擇粗大絲瓜藤掘起根三四寸剪斷揀瓶中一夜其根汁滴入瓶內名曰天蘿水封固埋土中年久愈佳

治双丹蛾飲一杯即愈又可消疫火化疫成水解毒如神兼清內熱治肺癰肺痿更效

蕭山有一老姬家市肺癰為水三服立愈門如市已數世矣王聖俞曾得其方述之即此



水也於立秋日取存瓮用愈陳愈佳

### 梅子水

秋泉祕錄有造梅子水用大梅子三五十个  
法搗碎入有甁瓶內加鹽三兩入河水浸過  
二指日取蜒蚰投入多多益善經年更佳凡  
毒痔水搽之即消  
治諸毒惡瘡



櫻朶水

梁侯瀛集驗方春日鮮櫻朶收數斤盛在磁  
瓶內封口放在涼處發過成水濾去渣聽用  
治凍瘡瘡神驗將水搽在瘡上即愈若預搽  
面則不生凍瘡  
疹發不出名曰悶疹用櫻朶水一杯略溫灌  
下垂死者皆生不葯良方



各種藥露

凡物之有質者皆可取露上乃物質之精華其法始于大西傳入中國大則用甑小則用壺皆可蒸取其露即所蒸物之氣水物雖有五色不齊其所取之露無不白祇以氣別不能以色別也時醫多有用葯露者取其清冽之氣可以疏瀉靈府不似湯劑之膩滯腸腑也名品甚多今列其常為日用知其主治



者數則于左餘俟續考以補其全

金銀露 乃忍冬藤花蒸取鮮花蒸者香乾

花者少避氣芬郁而味甘能開胃寬中解毒

消火暑月以之代茶飼小兒無瘡毒尤能散

暑 金燦然葯帖云金銀露尚治胎毒及諸

瘡痘毒熱毒 廣和帖云清火解毒又能稀

痘

薄荷露 鮮薄荷蒸取氣烈而味辛能涼膈

發汗虛人不宜多服 金帖清涼解熱發散

風寒

玫瑰露 玫瑰花蒸取氣香而味淡能和血

平肝養胃寬胸散鬱點酒服 金氏葯帖尚

治肝氣胃氣立效

佛手露 佛手柑蒸取氣香味淡能疎膈氣

金氏葯帖尚治氣膈解鬱大能寬胸

香圓露 香圓蒸取氣香味淡消痰逐滯與



金橘橙露同功

桂花露 桂花蒸取氣香味微苦明目疎肝

止口臭 金氏葯帖治齲脹牙脹口燥咽

乾 廣和帖止牙痛而清氣

茉莉露 茉莉花蒸取氣香味淡其氣上能

透頂下至小腹解胸中一切陳腐之氣然止

可點茶不宜久服令人腦滿

薔薇露 出大食占城瓜哇回回等國番名

阿刺吉洒夜經歲其香不散能療心疾以琉

璃瓶盛之翻搖數回泡周上下者真功同醪

醪露皆可以澤肌潤牀髮植膩散胸膈鬱氣

又一種內地薔薇露係中土薔薇花所蒸出

治溫中達表解散風邪

蘭花露 此乃建蘭花所蒸取者氣薄味淡

食之明目舒鬱

鷄露 道聽集云鷄露能大補元氣與人參



同功男用雌鸡女用雄鸡一年内者名童子  
鸡可用若二年者肉老骨枯不可蒸露入药  
洎选童子鸡以绳缢死竹刀破腹醇酒洗去  
毛及腹中穢物勿见水蒸取露飲之氣清色  
白望之如有油氣味甘消痰益血助脾長力  
生津明目為五損虛勞神药

米露 以新鮮白米勿用陳久者蒸取色白  
氣清如蓮花者大補脾胃虧損生肺金如神

一云米露用稻花蒸者更佳 廣和帖鮮稻  
露和中的約食清肺開胃

姜露 辟寒解中霜霧毒驅瘴消食化疫  
椒露 鮮椒蒸取能明目開胃運食健脾

丁香露 氣烈味微辛治寒滯胃痛

梅露 鮮綠萼初放花采取蒸露能解先天  
胎毒六月未出痘小兒和金銀露食之極佳  
周栾園閩小記海澄人熟梅及薔薇露取如



火酒法酒一壺滴少許便芳香

骨皮露 地骨皮所蒸解肌熱骨蒸 金帖 一

切虛火 許帖

藿香露 清暑正氣

白荷花露 治喘嗽不已痰中有血 金帖 止血

消痰清暑安肺 廣和帖

桑葉露 治目疾紅筋去風清熱 金帖

夏枯草露 治瘰癧鼠瘻目痛羞明 金帖

枇杷葉露 清肺寧嗽潤燥解渴 金帖

和胃 許帖

甘菊花露 清心明目去頭風眩暈 廣和帖



黃茹水

梁侯瀛集驗方秋天黃老茄子不計多少以  
新瓶盛埋土中一年化為水取出聽用  
治大風熱疫能消疫成水用茹水和苦參末  
為丸桐子大食後及卧時黃酒送下三十九  
甚效



御溝金水

集效方有製御溝金水法用蔑籬八隻高二尺取山上淨土裝入籬內下用磁鉢八個盛之取童便八桶傾入七籬土內淋下上以井花水推之共傾在一籬土內如淋少再用清推前七籬淋下又加上一籬內待他一夜淨淋下水三五碗以磁確收貯外用井水養之但遇此症待口中要茶吃將此水半杯溫服



即安至重不遇三七次立愈  
性平味微益帶甘治男婦骨蒸乾血勞童子  
勞晝夜發熱至緊不肯服藥此水不比尋常  
大有功效

### 起蛟水

徽州張宇南言其地多山每春之交久雨有  
起蛟之患村人習見勿異也蛟初起一二日  
間地中先有聲隱々如雷鳴或如牛吼至期  
土中輒陷出一小穴如豆大水從穴出直上  
一二尺如箭已而漸升漸長至簷隙與溜  
合則水勢乃大下穴亦漸大如碗孔蛟如鱗  
鱗形從穴出乘水而上過簷則形变大乃飛



越奔騰而去屋宇亦無害惟相隔一二里許  
田禾間有傷損者為山水冲刷而然此水初  
起一二尺時山人以瓶盞之屬接取食之力  
大无窮蓋出蛟口中含吮精力貫注直逼而  
上其全身之力盡在此水故人亦不能多食  
壯健者食三盞即腹脹不能再飲土人以釀  
酒更壯精力可已虚勞 卑杜可云蛟初起  
時水如箭清如泉脉漸湧而高必合天雨水

則勢大而能飛騰蛟出穴口始泛出水名曰  
發洪若初起時用河水一杓灌入其穴則蛟  
水自回便不能出穴或取婦人月經穢布塞  
之亦止若人服蛟水作脹用千里長流河水  
煎服之亦可解也

壯筋骨健腰膝已虚勞除驚悸殺虫蠱尸症  
鬼疰遁尸邪氣浴瘡疥虚弱者以代水煎滋  
補為良性并能直透巔頂



泥堂水

泥堂今浴池燒水浴者人多則穢濁積垢使  
然人氣薰清躰虛者觸之昏暈名曰暈堂毛  
達可曰凡少年思慾不遂或赤白濁者待欲  
溺時入泥堂坐水中令出溺即愈蓋得人氣  
通洽也

洗疥癬通淋濁

蛇鱗纏身

劉羽儀驗方飲浴湯水便可解

泥堂水

水部



毒

癰疽 疔士元方瘡出八九日黑陷用泥堂  
水煎為立起

鷄神水

太元玉格新書有造鷄神水法眼科要覽選  
其方製法擇大蘿蔔一個開一大孔須近莖  
邊一頭開勿傷其根力可活孔內入鷄蛋一  
枚仍種地上俟其發葉長成取鷄蛋內水點  
眼其明如童  
明目去障



日精油

泰西所製本草補云其藥料多非中土所有  
旅人九萬里携至中邦决非尋常淺效勿輕  
視焉可也治一切刀鎗木石及馬踢犬咬等  
傷止痛歛口大有奇効用法先視傷口大小  
若何其長濶而皮綻先以酒洗拭淨隨用線  
縫大約一寸三縫合不可太密傷口小者無  
用縫矣既縫以酒又洗拭淨將潔淨瓦器盛



油烘熱以男人所穿舊綿布取經緯長短以  
傷口為度逐縷蘸油貼滿瘡口又以男人所  
穿舊布包裹忌用女人所穿者至三四日後  
解開潤油少許如前包固數日即愈如傷火  
血乾略爪破或刀銛俾令血水以通葯氣如  
前包固但血多則至流葯無血故不可多血  
亦不可也傷處忌水與口涎最宜防之若傷  
已含膿及骨折者此油無益不必用矣如心

腹耳鼻手足及各處骨節疼痛果屬風寒非  
燥熱則此油可治問的痛之所以油揉擦  
極熱為度然後以男人所穿舊布包裹當用  
為須坐密室切勿見風并忌食寒冷等物



本草綱目拾遺卷之二



錢塘趙學敏恕軒氏輯

火部

陽火陰火

火有陰陽乃太極之妙蘊人盡以

火為純陽不知有陰火

蠡海集陰火有形無質陽火形質全備

惟聖人知之故離卦中虛陽中有陰也坎卦

中實陰中有陽也火地生物亦然陽火無質

以物為質然後寄其形以燃物陰火有質不

陽火陰火

火部



必寄形於物而不能盡焚諸物蓋然火乃火  
之魂屬陽氣熱陰火乃火之魂屬陰氣不熱  
瀕湖統十二火以分陰陽其曰天之陽火二  
太陽火星精飛火地之陽火三鑽木火擊石  
火戛金火人之陽火一丙丁君火夫太陽灸  
背即暖星精火有光有聲其墜地之初如燔  
石手不可近鑽木之火鑽與木皆熯熱有烟  
擊石戛金必兩物摩盪熱則火出皆有火氣

人身君火所呵出之氣天雖極寒而人氣無  
不熱此皆陽火為火之魂氣雖熱必寄形於  
物乃燃故水晶取日中之火承艾而烟起火  
殃為飛星之精入土乃起焚房屋鑽木擊石  
戛金非物受其火不能存也人身丙丁火能  
解犀角散積陰之氣已不啻寄其身而焚之  
也其氣皆猛烈可知其曰天之陰火二龍火  
雷火地之陰火二石油火水中火人身之陰



火二命門相火三昧真火龍火不能焚物止  
能焚砂石蓋龍本純陽而火反陰者以陽為  
體以陰為用也雷火不能焚物能焚金鉄蓋  
雷之擊物必有聲其用屬陽而其體屬陰也  
砂石本土之餘氣為先天火結以陽體焚之  
金鉄為水之母本陰精而即以陰體鎔之此  
五行生尅之妙也石油能於水中生火凡水  
中一切物非石油不能焚之水中火本鹹精

故海水入夜則明至陰之氣不能焚物也命  
門相火即人身慾火與三昧真火皆能自焚  
不能焚物此皆陰火為火之魄氣不熱不必  
寄形於物而有能焚不能焚之別非若陽火  
之遇物無不消鎔也瀕湖僅列其名又不晰  
言其故且其主治功用又皆晦之故特為詳  
述以補

太陽火

除濕止寒辟舒經絡

痼冷以寐爆之  
則血和而病去

太陽火

星精飛火

鑽木火

火節



冬月以舊帛晒受陽補脾胃養生家有服日光法作醬日晒受

氣覆脉皆能却疾之多補久服長生養生家有服日光法日氣多人食

星精飛火 辟伏尸陳子靜養生註云大坎即

伏尸皆增志慮聰明談道錄有製星精末法

遠去承受星精小兒食之多聰以白米露星月下百日

明增智神且辟邪除瘴

鑽木火 除温疫却四時不正之氣周禮司燿

掌火政四時變火以救時疾即此 殺精魅

凡一切山魃木怪年老精魅用千年古柏不

得以凡火燃酒鑽木按時取火燃之

沈雲將食纂榆柳火助養生之氣利肝胆調

筋脉束杏火消蕃茂之氣養心血通心明柞

梢火飲耗散秉元清利肺而滋本源制陽而

結髓槐檀火補腎藏益陰血使遍躰調和周

身通暢桑柘火補脾胃壯真元

擊石火 宜針灸百病取其含陰氣於陽中有

太極之妙張石頑以擊石取火為陰火云不

擊石火 夏金火 人身受火 大部



宜以之灼艾以太陽火取於陽燧者為陽火  
宜灸病不知石雖陰質非真火蘊結則不成  
形凡石中皆有火火石較他石尤火多而易  
取者以此石獨受天陽之氣厚也石陰而火  
陽必受擊乃出火多者且有炆炸散若陰火  
則無散矣故瀕湖列為地之陽火石頑以為  
陰火未免拘墟之見耳

憂金火 能散鬼燐野祟憂金取火照之即滅

迹

人身君火 即人之氣能救卒死斃死以口布  
氣度之即生散鬼氣呵氣吹之即滅發瘧凡  
陰寒不起不漿者用壯健人氣呵之即起發  
紅活漿行而毒化 止腹痛腹瀉老年人多  
有氣弱受寒患此者用壯年人以手搓極熱  
頻互掩其臍使手中熱氣透入丹田自愈此  
借君火之力也

龍火

雷火

石火

水中火

火印



龍火 龍起石中石內必有焦裂處乃龍口火  
所燒也刮其石末煎湯治瘡隔如神以石受  
龍火之氣無堅不破也 海上格物論

雷火 其震木有硫黃氣者得雷火之氣也能  
治驚癇邪祟合辟瘟丹加用最妙

石油火 有毒不宜燻物以紙捲蘸油點火照  
瘡可引毒外出

水中火 着牀能漬肉腐爛可摩風氣

相火 三昧火 凡人皆不能運用惟有道之  
士能運以療病起死回生相火能結舍利固  
堅固子三昧火能殺精魅

黃金火

以金器燒紅烙肉上能止血凡人神所在候  
針出血不止者燒金器烙之 選元方



煤火

本經逢原云北方炊食多用煤火以地屬坎  
足勝其氣且助命門真火食煤火長氣於陰  
所以齊力強壯南人食之多發瘡毒受其毒  
者以薑汁解之然煤處置**火**缺**水**於旁則毒  
從水解南方火炊食都用薪火人食薪火長  
氣於陽氣多輕浮不寔不似北方之稟氣勁  
到也然近日南方亦產煤薪價日昂市井多



有用煤者其煤在浙省則出於衢嚴湖州較  
北煤堅細以之代薪煤氣亦減薄甚有如薪  
炭無臭氣者名曰香煤出太湖山中細目石  
部收烏金石即煤也其主治多言其質之用  
而火部又不收煤火故為補之用以香煤為  
佳  
烹一切食物能和脾胃滋氣力通腎氣助陽  
道婦人煖子宮雜煤臭煤有毒

藤火匏火

藤乃木本各種山藤性最蔓延喜束物故為  
火亦如其本性匏屬皆瓠類草本也蔓皆中  
空而長養最速其性行甚捷今徽人作花炮  
者其為線必用壺盧炭取其疾速勝於杉柳  
稍同一藤也而草木之性不同如此

藤火 宜煎散脹水腫四肢諸病等為  
匏火 宜煎救急諸藥取其頃刻能達經絡

藤火匏火

火部



也

### 荷梗火

荷梗入秋人多采取積之使乾為薪入鑊煮  
肉則精者反浮肥者反沉入藥用其火氣能  
通肝肺二竅

宜煎一切轉脬交腸藥能正倒陰陽之氣

### 稍麥穗火

稍穗火烹煮飲食安人神視利五臟六府糯

稍穗尤峻烈

盧鐘日記烏鎗用糯穀炭取其  
銘鉄力速見風鉛子不疑其能

荷梗大稍麥穗火

火印



力久住之  
如此  
麦穗火煮飲食主消渴咽乾利小便

松炭火

煮飯益人壯筋骨煎茶不佳  
食松卵火煎茶  
美以能聚茶力使不解散真味

標柴火

標柴煮猪肉食之不發風煮鷄鵝鴨魚腥等  
物易爛且良

茅柴火

收煮飲主明目解毒



燒酒火

酒本米麴之精華屬陽燒酒則又為酒之精華乃陽中之陽燃之色綠陽極陰生之象與石硫性同皆以陽為躰藏陰以用也故其光照人面皆作青灰色照魑魅則不能遁形以陰為用者多含毒今人率以此酒冬月為大碗用以燻物代炭火久食則發瘡毒然受其毒而不覺然維藏寒者宜之氣能透達骨髓



軟堅燥濕熏衣着之能發骨髓中汗

### 魚膏火

海上人多取魚膏為油代菜豆油用其魚割海鯽腹中脂或取其肉並煉為膏燃之照夜然烟重氣腥多昏目損神秦始皇墓中以鯢膏為灯即此後人多解為人魚者誤也辟蚊蛾熏一切竹木除蟲

### 蝟油火

乃刺蝟脂肉所熬油山左蝟大者如猫山人獲取之熬其脂可得油半許用以照夜光明皎澈同白晝比蠟猶明此油可入神灯用按蝟脂可烱鉄骨能縮人筋骨其性峻利可知入神灯其氣照毒能箍毒使小



丹藥火 蓬萊火 陽燧錠

錦囊秘授有製救苦丹法真射香一錢劈砂  
水飛二錢好硫黃三錢各研極細先將硫黃  
化開次入射砂二味離火攪勻傾在光石上  
攤作薄片切如米如細二樣小塊貯瓶勿洩  
氣治病將葯安患處以灯火點着候至火滅  
連灰覆在肉上立見痊愈重者用米粒大輕  
者用細粒大安放銅錢眼內香火燃之只須



一炷不必復炷如若患處潤大連排數炷一起  
起炷之且炷時不甚熱亦不甚疼炷後並不  
潰膿一茶之傾痼疾如失係觀音佛所授真  
神方也又海上仙方亦有救苦丹其法用射  
五分硃砂水飛錢半硫黃五錢樟腦錢半俱  
為細末入銅器內文武火烘烱取起冷定敲  
碎如米粒大用能治各種風痺跌扑瘡疽初  
起有效 敏按此丹葯諸火為人工製造本

非天生藥料然本草中又不得不載造釀一  
類即瀕湖火部收載神鍼之意也因與神燈  
火並錄以補李氏所未述

治一切風寒濕氣流注作痛手足蹇攣小兒  
偏搐口眼喎斜婦人心腹痞塊攻疼無分年  
深月久皆可用

蓬萊火 茅崑來家傳醫要有蓬萊火法西黃  
雄黃乳香沒葯丁香射香火硝各等分去西



黃加礪砂草烏皆可用紫棉紙裹為末燃作  
條如官香粗以緊寔為要治病剪二三分長  
一段以糝粘肉上點著不過三次即愈除根  
若點穴不差灸至藥盡皮肉發爆病即立愈  
每次三壯重者不過三次即除根不復再發  
灸後忌猪肉待瘡平復再食此茅氏家傳五  
世試效神驗方也

治風痺跌撲瘰癧

俱按志  
處灸

水脹腸氣胃氣按穴  
灸

陽燧錠

趙氏集要古有烙法今罕用之不但  
工不知用法抑且患者見之駭然故以此代  
之法用乾蟾酥剉薄片焙研硃砂水飛川烏  
草烏各五分姜蚕一條各研細將硫黃一兩  
五錢置杓內微火溶化入藥末攪勻急攪為  
要遲則凝矣傾入磁盃內速擊成片待冷收  
用用時取甜瓜子大一塊上尖下平先將束  
肉擦患處粘藥於上香火點着即起火焰五



壯七壯九壯隨症施之灸畢即飲米醋半酒杯候起小泡線針穿破出黃水此須膏藥蓋住其毒即消  
治濕疫流注附骨陰疽寒濕瘡毒經久不消內潰不痛者能使未成即消已成即潰已潰即斂如若風痺用竹箸點之有酸痛處筆蘸墨記之照墨上灸若腿膝疼痛灸鬼眼穴諸瘡初起灸三五壯即瘥

### 神灯火

外科有神灯火法用硃砂雄黃俱研水飛血竭沒藥箬烘去汗各二錢射香四分為極細末每用三分以紅棉紙緊捲撚條約長七寸麻油潤透以火燃着須令患者坐無風處將藥條離瘡半寸自外至內同圍徐上照入火頭向上藥氣乃入毒即隨火解散自不內侵藏府不可太過恐傷好肉其瘡微覺熱心



神即爽每日只燻一次初用三條每日加一條加至四五條勢即漸減然後每日減去一條直燻至紅腫消盡為度燻後用後藥稀養草新鮮采得者搗爛入陳年小粉等分初起者再加白鹽研細少許打成稠糊敷半寸厚留頭必須敷透瘡暈三分方能蘊定毒根瘡口之上用大蔥葉滾水泡熱扯開貼之或膏蓋亦可避風為妙自能拔出膿毒如無鮮草

以如意黃金散代之集要云神灯照法勿用太早如瘡四五日間形未成毒未聚驟用之毒必內鬱及難外出須用在八九日後瘡勢已定毒氣已聚未成膿腐之時用此照之未成者自消已成者自高不起發者即發不腐潰者即潰若毒已潰膿已泄者不宜用每日以猪蹄湯沐洗或葱頭煎湯洗亦佳忌發物治一切腫毒瘰癧發背能解毒活血消腫散



火確氣

火確江右及閩中皆有之係窑戶燒售小如  
人大指腹大兩頭微狹使促口以受火氣凡  
患一切風寒皆用此確以小紙燒見熖投入  
確中即將確合於患處如頭痛則合在太陽  
腦戶或巔頂腹痛合在臍上確得火氣合於  
肉即牢不可脫須待其自落患者但覺有一  
股煖氣從毛孔透入少頃火力盡則自落肉



上起紅暈確中有氣水出風寒盡出不必服  
藥  
治風寒頭痛及眩暈氣痺腹痛等症

### 烟草火

沈雲將食物會纂烟以閩產者佳燕產者次  
石門產者為下春時栽植夏時開花土人除  
一二本聽其開花收種外餘皆摘去頂穗不  
使開花并去葉間旁枝使之聚力於葉則葉  
厚味美秋日取葉用竹簾夾縛曝乾去葉上  
粗筋用火酒噴製切葉細如髮每十六兩為  
一封貿易天下其名不一有真建假建之分



蓋露頭黃二黃之別近日此方製烟不切成  
絲將原晒烟片揉成一塊如普見茶磚茶一  
般用時揉碎作末入烟袋中貯用 頂上數  
葉名曰蓋露味最美此後之葉連下味連減  
相傳海外有兒國彼俗人病將死即舁置深  
山中昔有國王女病革葉去之昏憤中聞芬  
馥之氣見卧傍有草乃就而嗅之便覺通軀  
清涼霍然而起奔入宮中人以為異因得是

草故一名返魂烟 方氏物理小識烟草明

萬曆末年有携至漳泉者馬氏造之曰浚肉  
果漸傳至九邊皆含長管而火點吞之有醉  
外者崇禎時嚴禁之不止其本似春不老而  
葉大於菜暴乾以火酒炒之曰金絲烟可以  
祛濕發散久服則肺焦諸藥多不效其症令  
人忽吐黃水而死 粵志粵中有仁草一曰  
八角草一曰金絲烟治驗亦多其性辛散食



其氣令人醉一日烟酒其種得之大西洋一  
多淡巴菰相思草物理小識淡把閩產者佳  
近出江西射洪永豐者亦佳製烟成有生熟  
二種熟者性烈損人尤甚凡患咳嗽喉瘡一  
切諸毒肺病皆忌之近蘭州出一種烟名曰  
水烟以水注筒吸之令烟從水過云絕火毒  
然烟味亦減 張良宇云水烟出蘭州五泉  
地種者佳食其氣能解瘴消穢寬中化積去

寒癖但不宜多食其製法以砒夾香油炒成  
故不能無毒也近日粵中潮州出一種潮烟  
其性更烈 姚旅露書云呂宋國有草名淡  
巴菰一名金絲釀烟氣從管中入喉能令醉  
人亦避瘴氣搗汁可毒頭蟲 延綏鎮志烟  
草其苗挺生如葵葉光澤形如紅蓼不相對  
高數尺三伏中開花色黃八月採陰乾用酒  
澆切成絲而各省之有名者崇德烟黃縣烟



曲沃烟美原烟能日本之倭絲為佳 百草  
鏡菸一名相思草葉如菘菜厚狹而尖秋月  
起莖高者六尺花如小瓶波紅色產福建者  
良用葉以伏月採者佳生頂上者嫩而有力  
色嫩黃名蓋露烟然烟品之多至今極盛在  
內地則福建漳州有石馬烟色黑又名黑老  
虎係油炒而成性最猛烈多食則令人吐黃  
水浙常山有白烟性疎利消痰如神凡老人

五更咳嗽吐痰者食之嗽漸止痰亦消江西  
有射洪烟性清肅導氣溯廣有衡烟性平和  
活血殺虫可已虛勞山東有清寧烟氣如蘭  
馨性亦剋利甘肅蘭州有水烟可以醒酒近  
日粵東有潮烟出潮州每服不過米粒大性  
最烈消食下氣如神然躰弱者忌服長洲張  
璐本經逢涼云烟草之火方書不錄惟朝鮮  
志見之始自閩人吸以症瘴向後北方藉以



辟寒今則通行寰宇豈知毒草之氣熏灼藏  
府遊行經絡能無壯火散氣之慮乎近日目  
科內瘴丸中間有用之獲効者取其辛溫散  
冷積之翳也不可與冰片同吸以火濟火多  
發烟毒不可以藤點吸恐其有蛇虺之毒也  
吸烟之後慎不得飲火酒能引火氣燻灼藏  
府也又久受烟毒而脾胃不清者以砂糖湯  
解之 蘭上徐沁堃水烟誠載有祛烟虫方

云杜湘民說凡人食烟則腹中狀類蠅兩翅  
鼓動即思烟以沐之故終日食不暇給久之  
虫日盛而臟府敗疾疫大作不可救葯常有  
臨草吃烟而始瞑者哀哉其方用生豆腐四  
兩截數孔黑砂糖二兩加腐上真飯甑中蒸  
之使腐與糖融化每思烟輒進數匙只三日  
後其虫盡下聞烟氣則嘔不欲食矣 王東  
藩云近日有一種閩人能製其法以油炒烟



片今名黑老虎又曰今紫建云食之香辣甘  
一舩而脩三味中其毒者欲吐不得須食北  
來一二枚解之凡烟種有山田之分山種者  
味厚田種者味薄多草氣 張景岳云烟草  
味辛氣溫性微熱升也陽也燒烟吸之能醉  
人用時惟吸一二口若多吸之令人醉倒久  
而後醒甚者以冷水一口解之即醒若見煩  
悶但用白糖解之即安亦奇物也吸時須開

侯長吸嚙下令其直達下焦其氣上行則能  
溫心肺下行則溫肝脾腎服後能使通身溫  
煖微汗元陽陡壯用以治表善逐一切陰邪  
寒毒山嵐瘴氣風濕邪悶膻理筋骨疼痛誠  
頃刻取效之神劑用以治裏善壯胃氣進飲  
食祛寒滯陰濁消腹脹宿食止嘔噦霍亂除  
積聚諸虫解 結止疼痛行氣停血瘀舉下  
陷後墜通達三焦立刻見効此物自古未聞



近自我明萬歷時出於閩廣之間自後吳楚  
地土皆種植之總不若園中者色微黃質細  
名為金絲烟者力強氣勝為優取其習服之  
始則向以征滇之役師旅深入瘴地無不染  
病獨一營安然無恙問其故則衆皆服烟由  
是徧傳今則西南一方無分老幼朝夕不能  
間矣予初得此物亦甚疑及習服數次乃悉  
其功用之捷有如此者因著性于此然此物

性屬純陽善行善散惟陰滯者用之如神若  
陽盛氣越而多躁多火及氣虛氣短而多汗  
者皆不宜用或疑其能頃刻醉人性必有毒  
蓋其陽氣強猛人不能勝故下咽即醉既能  
散熱亦必耗氣然烟氣易散而人氣隨復陽  
性留中旋亦生氣此耗中有補所以人多喜  
服未見其損者以此 敏按釋氏書言人乃  
山川火土之氣和合以生故脾胃亦受火土



之氣以養烟本火土之精人喜吃烟者病重  
即不食烟以脾胃不受火土之氣故烟亦不  
受也火土之氣不特養陽亦兼能生陰所以  
妖鬼鬼魅多能吃烟以無質吸無質味之氣  
也至乾癆子閉土中多年亦思得烟吸以融  
和其軀則知烟力之能走百絡通堅遠可知  
矣凡烟氣吸出悠揚於外陰為鬼吸人不見  
耳故食烟之人多面黃不盡耗肺而焦皮毛

亦因精氣半為鬼吸也友人張壽莊己酉與  
予同館臨安每晨起見其咳吐膿痰通地年  
餘迄未愈以為痰火老疾非葯石所能療一  
日忽不食烟如是一月晨亦不咳終日亦無  
痰唾精神稍健且飲食倍增啖飯如湯沃雪  
食飽後少頃即易飢予乃悟向之痰咳患烟  
之害也耗肺損血世多陰受其禍而不覺因  
筆於此以告知醫者景岳所云特一偏之見



惟辟瘴却佳 秋灯叢諾予堂叔疾延一醫  
至食畢茄烟上房大如升容烟斤許盡吸入  
腹即瞑目不語欹倚仰臥而氣息閒如衆大  
驚其僕曰無慮也頃且蘇俄信動口翕烟自  
口中噴騰而出蒼然若雲霧數刻始息乃欠  
伸而起張目四顧曰快哉晚食復如之詢其  
僕云家居朝夕餐烟二次俱以斤為率否則  
病家人聞其言惧而辭焉其酷嗜之量有如

此者

辛温 本草從新云治風寒湿痺滯氣停瘦  
山嵐瘴霧其氣入口不循經絡頃刻而週一  
身令人通躰俱快然火氣燻灼耗血損年  
葯性攷烟草味辛性温開鬱燒吸解倦暑傷  
止血烟油有毒殺虫最捷諸虫咬傷塗之病  
失 烟有毒中其毒者煎胡黃連合茶服之  
王東藩醫奧云烟毒以黑砂糖和井水服



之 延安綏鎮志云性熱味辛有毒主寒濕  
胸膈痞滿益津止飢多食傷氣 格致鏡原  
云損容

脚氣 同壽錄脚氣痛不可忍以致口眼喎  
斜手脚如搐不省人事昏迷如死用黃連烟  
二斤炒熱以坐桶盛入內將脚解光放入烟  
中出汗少冷又炒熱隔日一燻七次即除根  
金瘡止血 良朋彙集以烟末敷之

烟梗 陳良翰云烟葉生者有毒人食之即  
中毒發病難治其莖更烈登萊人用以毒魚  
凡溪塘中大魚難捕者用此法毒之用烟莖  
乾濕俱可剉碎同青胡菹皮搗爛置水中一  
飯間大魚輒如醉浮水面向小者皆死雖鰻鱺  
鳧蝦蟹蚌蛤之屬一齊罄斃其毒之猛烈  
如此然以此造烟則梗之味淡迥不如葉之  
味厚



烟葉 治腦漏楊春涯驗方烟葉半斤晒乾  
研極細末調花露四兩晒乾用玫瑰餅再研  
吹入 吃蘭花烟成腦漏者以白燄脊骨燒  
烟燻之數日愈蘭花乃江西賈人帶來一種  
蘭子即澤蘭子也氣香烈取其子研拌入烟  
名曰蘭花烟人食之作蘭花香然其氣竄上  
往入頂傷腦易成腦漏 葉天士種福堂  
方治風寒濕氣骨節疼痛痿痺不仁鶴膝風

歷節風偏頭漏肩等症有見規膏中用新鮮  
烟葉搗汁浸松香晒乾入葯亦取其氣味以  
透利筋絡也

毒蛇咬傷 慈航活人書先避風擠去惡血  
用生烟葉搗爛敷之無鮮葉用乾者研末敷  
即烟油烟灰皆可辟臭虫活人書用烟葉鋪  
床代褥或燒熏之則臭虫盡絕 不葯良方  
治毒蛇及毒虫傷用魚腥草皺面草烟葉草



决明子粉杵爛敷之

烟桿

年久色黑毛竹男子用者良

秋燈叢話新昌張姓茹竹烟管四十餘年色如漆而光可鑑珍同拱壁雖戚好不輕假也母病無葯餌資質錢二緡典主子患損病諸葯罔効或謂非多年竹烟管不可治遂取張物截之數寸煎湯服之愈後酬張以巨萬金陳毅齋云烟桿雖受烟火熏漬之氣然非



藉人氣津液漸漬之必不酥透其桿經男子  
食者光澤可鑑一經婦人口便色黑不鮮明  
且多直裂紋又最忌糞凡多年好桿持以上  
廁能令光潤若象牙桿便裂開走油不堪用  
物性之相忌如此

殺蠱毒傳屍癆塗惡瘡劈取中心油透而酥  
者持如糊塗瘡即痂或推油紙上貼治虫隔  
百草鏡毒蛇傷先取婦人舊油頭繩紮住腫

處勿令腫上再取耳垢封之止痛隨用多年  
油黑竹烟筒桿紫色者亦可毛竹者佳一段  
約長三寸咀嚼嚙汁渣沒吐去并取桿中之  
油搽患處烟桿味辣服之反甜蛇毒亦隨解  
痛止自愈試効多人凡蛇咬有蛇齒留肉內  
者烟油塗之自出

婦人血崩 劉怡軒云凡血崩諸藥不効者  
用多年舊烟桿紫色油透者佳截一寸燒灰



黃酒調服下喉即止屢試屢效

烟筒中水 俗名烟油古今秘苑烟油染衣以瓜子水洗之即去 同壽錄云烟油烟渣入目如小兒及好吃烟者誤犯之若將別湯洗愈洗愈疼必至瞎而後已須用亂頭髮或踪纓緩上揉之即愈解蛇毒塗惡瘡頑癬殺蠱

毒蛇咬

劉羽儀驗方取吃烟桿內脂膏塗

在咬傷處用手指搓入肉中痛即止最效

蜈蚣咬

劉氏驗方用烟筒內膏油塗在咬

處或烟灰擦之痛立止

按烟油一名烟膏味辛微毒陳貢士毅齋云烟油乃五行之氣相合而生近日外丹家用以點葯金又可益金色術士隱其名呼為太極膏又曰氣泥曰五行丹別以燃灯代油則一切毒蠱皆不近入水蛟龍亦畏之入藥舊



竹桿劈取良凡梅條藤條紫檀烏木老鶴草  
及純銅純銀桿中油皆不及竹中者性良惟  
象牙桿中烟油可殺盡毒闔有橄欖木烟桿  
其中油可毒魚至烟膏亦各隨所食烟桿質  
為高下烟肆所市烟俱以烟葉噴油打成塊  
用鉄鏟披作絲售之此為純葉不雜為上品  
更有打塊時夾素馨葉雜以礬紅鏟成絲再  
加姜黃末以和其色者其氣燥烈損人烟膏

亦浚而薄不及上品力厚也海鹽朱進士醒  
菴云烟油解蛇毒初不甚信後見里人獲一  
赤練蛇長八九尺粗如臂口吐毒一犬近之  
蛇噓以氣即腹裂死一人戲以舊竹烟桿去  
頭嘴以竹絲通出油刺入蛇口蛇嚙之即  
瞑目閉口身捲縮俄復伸長如是數次直如  
繩而死始知其解毒殺虫之功信不虛繆諸  
城劉仲旭少府云西北口外出一種毒虫名



曰蝨蝶狀如中土虻人出遇之即觸人面  
不論何處被其觸者亦不甚痛頃覺眼眶四  
圍細蛆攢食睛膏痛不可忍彼土人治法惟  
取烟桿四五枝折取烟油塗目內忍痛片時  
其蛆皆死然後再用溫水洗去烟油即愈  
椿園間見錄撻拉巴哈台即準噶爾故地夏  
多白蠅為害觸人畜眼角輒遺蛆而去非以  
膠粘之不出 按常中丞筆記云西北臺站

及伊犁等處出一種野蠅亂撲人面若被其  
觸者眼角內即出蛆虫痛痒異常有因此成  
瞽者土人多以烟油塗眼角治之然疾愈後  
目亦紅腫數日不消總不若蒙古治法以魚  
膠一塊向眼角粘出之又不損目較烟油為  
佳

臭烟 廣大新書有造臭烟法香白芷二分北  
細辛八分焙乾猪牙皂角二分焙乾研薄荷



二分冰片三厘乾烟絲為君乾絲一錢必配  
福烟六七分許右藥各為細末酌量配合不  
必拘分兩以色如棕色者佳 但有內府造  
洋造廣造及土烟數種鴨綠者最佳玫瑰色  
者次之醬色者為下陳久而枯者不堪用出  
洋中者能追風發汗 香祖筆記近京師有  
製鼻烟者可明目尤有辟疫之功以玻璃為  
瓶貯之象牙為匙就鼻嗅之皆內府製造民

間不及張玉叔云近有廣東來者較內府造  
者尤勝有五色以蘋果色為上 澳門紀略  
西洋出鼻烟上品曰飛烟稍次則鴨頭綠色  
厥味微酸謂之巨烟紅者為下 常中丞筆  
記鼻烟或冒風寒或受穢氣以少許引之使  
嚏則邪穢既散積懣亦解若刻不少間及有  
致疾者烟有多品總以洋烟為最取其涼潤  
不烈所以為佳



通關竅治驚風明目定頭痛辟疫尤驗

水烟 沈君士云水烟真者出蘭州五泉山  
食之性尤峻削豁痰消食開膈降氣惟虛弱  
者忌服六解蛇虺毒予家有姻戚餽食品因  
天暮未暇食寘筐中經宿為蛇涎所漬次日  
食之舉家皆患嘔吐腹痛惟一小僕見詢之  
則每食後輒服水烟也 蔡白雲言蘭州五  
泉種水烟其葉如枇杷葉相似與烟葉迥別

鴉片烟 臺海使槎錄鴉片烟用麻葛同鴉  
土切絲於銅鐺內煮成鴉片拌烟另用竹筒  
實以縷絲羣聚吸之索值數倍于常烟而治  
此者名開鴉片館吸一二次後刻不能離暖  
氣直注丹田可竟夜不寐土人服此為尊淫  
其肢躰萎縮藏府潰出不殺身不止官弁每  
為嚴禁常有身被逮繫猶求緩須臾再吸一  
筒者鴉土出噶喇吧海東札記鴉片產外洋



交留吧呂宋國諸為渡海禁物臺地無賴人  
多和烟吸之謂可助精神徹宵不寐凡吸必  
邀集多人更番作食鋪席於地眾偃坐席上  
中燃一灯以吸百餘口至數百口烟筒以竹  
為管大約八九分中定樓絲頭髮二頭用銀  
鑲首側開一孔如小指大以黃泥搗成壺盧  
樣空其中以火煨之嵌入首間小孔上置鴉  
片烟于葫蘆首烟止少許吸之一口止盡格

格有穀飲食損令倍進日須肥甘不尔腸胃  
不安初服數月猶可中止迨服久偶輟則困  
憊欲死卒至破家喪身凡吸者面黑肩聳兩  
眼淚流腸脫不收而死

主治胃脘痛神效

烟筒頭中煤 濟急良方治蜈蚣咬傷取烟  
頭內硬煤擦之立時止痛



藏香

出西藏作團成餅者良如香炷者次之色紫  
黃色氣甚猛烈焚之香聞百步外者佳偽者  
名京香不入葯用 有出打箭爐者不及西  
藏出者第一有紅藏黃藏紫藏之分 蕭騰  
麟西藏見聞錄云藏香有紫黃二色粗細二  
種各處皆有惟產于巴塘者為最 朱大駿  
云親見藏香有黑如墨者燃之催生甚妙



定元良云藏香有紫黃二色紫者內有瑣  
葡萄汁合成故色紫而性開闢竅透發而上  
升能發痘瘡黃者性下降可催生不可亂用  
聞人達遠云藏香有綠色者云最貴焚之嗅  
其烟可清目不知彼中何草合成 葉明齋  
云藏香中有一種白色小丸子焚之氣頗幽  
爽亦係番僧所貢不知何名其香氣嗅之可  
治老人腸燥氣虛便秘入廁時焚一二丸最

妙亦可治痘 馬少雲衛藏圖識藏香有紫  
黃二種真者焚時烟凌霄漢蓋以珍寶屑成  
之又出黑白香白香亦名吉吉香黑香亦名  
菴以香 敏按藏香祇有紫黃二色為正品  
其所云綠黑白諸色皆屬他香近亦罕見姑  
存其說以備考 王景略曾為織造寅公製

藏香其方云得自耘藏予求法附載于此速  
香二斤沉香黃熟香黃檀香廣木香各四兩



春花甘松三李<sup>奈</sup>玫瑰瓣母丁香細辛檜皮生  
軍排草乳香金顏香噫以攪油蘇合油伽楠  
水安息各二兩右各為極細末以頂好榆麩  
二斤火硝十兩化水加老醇酒調和為香  
殺邪治祟功同蒼朮痘瘡不發點床角上令  
兒聞之能透班甚妙愈瘰癧生明目  
按痘乃先天胎毒非火不結因感而發最忌  
燥烈安得以香氣薰觸不愈淋其枯裂乎透

班之說予終未敢深信蓋凡香皆作燥熱者  
猶烈夫痘醫曰苗痘發曰花既曰花則性未  
有不喜潤者安得以香燥助其毒即能透班  
終恐乾紅而歸黑暗耳



土部

楊妃粉

產馬嵬坡上取之者必先祭然後掘之去浮土三尺有土如粉膩滑光潔於女子最宜澤肌有效 職方典出陝西西南安府女面有黑點以水和粉洗之即除 拭面去黧點雀班美顏色



丹灶泥

嶺南雜記出羅浮山以粉紅色者佳 粵志

羅浮冲虛觀後有稚川丹灶取灶中土以藥  
槽之水洗之丸小粒投水中輒有白氣數縷  
冲射四旁生泡不已哈々有殼頃之一分為  
二二分為四四分為八然後融化服之可療  
腹疾道士號為丹滓嘗以餉客  
治暈船不服水土等症 丸如豆大飲水調



服

洗手土

坤輿典鷄足山有迦葉洗手土彼方人若頭  
痛者以此少塗之即瘥



烏金磚

乃糞窖中多年磚也取起一塊洗淨以清水煎熟撇去浮沫候浮沫淨其汁亦濃每服一二盞治痘不貫漿虛弱無力者大效



蛆鑽泥

乃糞坑中蛆鑽之泥其質鬆凡蛆在泥中過冬必鑽此土作窠蛆過冬則短縮頭生二角白如蛹清明後化黑虫而去蛆必退壳每退每大其退時輒扒越牆石從高墜下退一節再松扒再墜如是屢次則全退矣此泥有蛹故入退管葯用須冬時取

治痔漏多年起管

用蛆鑽泥一斗晒乾以



五升炒熱袋盛令患者去褲坐其上則稠水  
膿血淋下久之去泥冷再用五升炒熱接盛  
坐之如此一袋坐一袋復炒泥炒熱又易換  
數次則稠膿自盡三度後管自退出又不傷  
人屢用屢效之方也

### 觀音粉

處州府志雲和山中有白澁泥以水攪研而  
取之和糯米粉一半蒸食之可以療飢名觀  
音粉 生山土內白如粉絕細膩歲荒鄉人  
輒掘取之和麥麩作餅餌以食但不可多食  
多食能令便閉腹重以其土性滯澁腸胃耳  
生洞內者不可服恐其有蛇虺涎毒

鄭仲愛令賞載云丙子歲荒弋陽石窩村甚



僧夢大士告以山下土中有石粉可取充飢  
如言往掘果得之儼若麩粉研細作餅蒸熟  
甘美異常鄉人聞而競採之或有以掌油裹  
者即苦甚不堪入口名大士粉即此 綱目  
石部載石麩即此以為不常生不知今山中  
皆有瀕湖主治止言益氣調中食之止飢而  
不知其去濕之功十倍於蒼朮蓋亦土能制  
水之意耳

味微甘苦性平解虫毒逐水腫明目療濕黃



烏龍粉

丹術家名黑龍丹係燒馬糞全齊煤  
生肌收口葯用之搽瘡口即驗



白硃砂

一名翠白古方有用之乃舊定窰器末也近  
窰有火氣未脫有毒能腐肉不宜服

青硃末曰翠青本經逢原白硃器研細水飛

傳瘡腫可代鍼砭又點目去翳 百草鏡云

白硃砂係古硃白色者研粉入葯以其年久

無火葯之害必不得已用破碎定窰入土過

者火煨醋淬研細水飛用今人以近日窰器



白色者代用誤矣 按外科有九種十三根  
法凡種瘡留根有白蕘種能令患毒不收口  
以取利今逢原云用以傳瘡腫恐種毒留根  
不宜誤用或加入膏中以代針可也然亦以  
少為貴 接斷骨神效方黃氏醫抄研極細  
末全黃蠟丸酒吞三錢取汗出骨接有殼片  
時即復 去翳障得効方有照眼翠白丹用  
之錄驗方有推雲散翠青翠白同用

醫學指南目疾門有撥雲能光散中用白硃  
砂以童便合醋煨製二十一次方用 治疔  
義復方用白硃片燒紅醋淬七次研極細末  
燒酒服三厘 腫瘡起沿白硃砂煨紅淬入  
乾火酒內四兩七八次以酥為度研細水飛  
每上藥一錢加水片三厘研細搽之黑膏藥  
蓋貼孕婦勿服能墮胎慎之 鱧損頭葉氏  
方用細磁器為末香油調塗立効 綱目四



卷主治內云白瓷器水磨可滅癩痕 治跌  
打閃血傷方白硃砂即回青礞器用火確燒  
紅童便淬七次研成粉淨用三錢乳香沒藥  
俱去油各一錢三味研為細末用好黃酒送  
下三日一服三服全愈 難產催生便易良  
方白細碗研碎末一錢酒吞下立刻即產  
鼻血不止編定窰礞器乳極細末次少許入  
鼻孔內立止

遠近星障 眼科要覽白硃砂牛黃熊胆白  
丁香珍珠冰片各一分石燕石蟹琥珀珊瑚  
各三分甘石煨三錢射香半分共為細末蜜  
一兩調點



鑄銅確

雲溪方浙江湖州人每擔爐其赴他州代人  
鑄銅杓鍋鏟其泥確不輕棄可入藥

治小兒頭生軟癩出膿水不乾仍復癩腫用  
確石上搥細末醋調敷之膿自溢乾迨泥落  
而疾自愈



白蠟塵

此乃白蠟面上年久積塵掃下貯用  
治瘰癧 萬邦寧家抄



檀香泥

乃檀香心中所含脂垢不易得色如塵土故  
以泥名糞之而作檀香氣  
治胃氣滯痛肝鬱不舒



席下塵

治水腫 聖惠方治通身水腫用鹿葱根葉  
晒乾為末每服二錢入席下塵半錢食前米  
飲服



回燕膏

本草經疏朝北燕窠土名回燕膏  
治瘰癧經疏合胡燕窩內土研敷有效



鞋底泥

瀕湖細目引藏器本草治不伏水土用而外  
治無聞焉今補之

治停耳頭瘡 良朋彙集人生耳底即停耳  
用鞋底陳土吹入耳內即乾此土又治頭上  
瘡不乾擦上即好

一切無名腫毒 用獨即蒜一枚津唾磨鞋  
底泥搗之三五次即消



鼠穴泥

治偏正頭風 救生苦海用老鼠洞內泥炒  
熱乘熱絹帕包頭上即愈

椅足泥 物理小識此泥炕乾可以生肌



狗溺硝

此藥處有之生人家石勘上鄉村猶多乃  
狗溺石上多年結成如硝樣取之水飛用或  
甘草湯拔去穢氣用  
性涼色清白治咽喉腫痛等症能降虛火



鷄脚膠

出云南鷄足山近地土中俗名鷄脚膠土人  
往、從土中掘得如碎磚入火即烱如膠然  
故名終不知何物所結也  
治風如神煎湯服



金部

鐵線粉

色黑產廣中以香炷點之有烟起如蚊子飛者真陳廷慶云色白者真此乃鎔鉄鍋中浮起白沫如枯礬者若色黃黑者假

治癬神效 多年頑癬久不愈者先以姜擦患處後以粉傅之 百草鏡云用醋調搽忌姜椒一切發物 楊春涯驗方廣東別癬粉



治癬神效其色如沉香末則是鉄線者乃別  
癬之訛也

兩腿陰面濕癬

毛世洪經驗集以地力蘸

鉄線粉擦之立瘥

鉄線粉即火炮  
中括下鋪粉也

粵中洋行

有船上鉄絲帶來出售中土日以起綉用刀  
刮其綉明亮如新所刮下之綉末名鉄線粉  
其色黃如香灰帶白色者乃鎔鉄浮起鍋中  
白沫搗細而成亦名鉄線粉廣中有此二種

### 開元錢

無顏録唐開元錢燒之有水銀出可入葯以  
有楊妃手搯痕者佳以火煨紅淬醋中六七  
次用入目者磨用入散者同胡荽研成粉用  
明目醋煨入眼科治小兒急慢驚風 楊仁  
齋直指有孔方兄飲治慢脾驚風利疫奇效  
用開元錢背後上下有兩月痕者其色淡黑  
頗小以一個放鉄匙上炭火燒四圍上下各



出珠子取出待冷傾入盞中作一服以南木  
香湯送下或人參湯亦可錢雖利疫非胃家  
所好須以木香佐之

禁口痢 張氏必效方開元古錢一個火煨  
醋淬以錢化為度研細末拌粥內食之如十  
分沉重併粥不能食者以溫開水調下一二  
時辰即思飲食矣然後用薄粥漸上開導再  
用調理脾胃氣自愈

折傷接骨 槐西雜誌交河黃俊生言折傷  
接骨者以開通元寶錢燒而醋淬研為末以  
酒服下則銅末自結而為圈周東折處曾以  
折足鷄試之果接續如故及烹此鷄驗其骨  
銅束宛然此錢唐初所鑄歐陽詢所書其旁  
微有一偃月形乃進樣時文德皇后誤指一  
痕因而未改也其字當迴環讀之俗以為開  
元錢則誤矣 周氏方治跌打損傷用開元



錢一個醋煨和酒服至重者用二個立愈  
古方選註云唐時開元錢亦可入葯功專腐  
蝕壞肉 陳藏器曰能直入損處鐸人斷骨  
廣志自河頭至高廡二郡皆用唐宋錢開元  
錢以平頭元為上尖頭元次之有萬歷錢則  
以改歷為上以歷字左撇直下也  
古錢皆可治病如漢之五銖秦之半兩其質  
薄多青綠剝蝕痕醋煨入眼目科綱目已載

之世亦多有知者秋灯叢話載順治初湖南  
孝感縣民多病瘧或于古錢中檢周元通寶  
錢一文持之即愈遠近喧傳每文價值制錢  
一緡若是則又不止開元錢可用也然準古  
酌今入葯惟開元錢為當故特為拈出以廣  
其用

王楙野客叢書唐之錢見於今者有二開元  
通寶與夫乾元重寶按食貨志開元通寶高



祖時鑄經八分得輕重小大之中其文以八  
分篆隸三脉洛并幽益桂等州皆置監賜秦  
王齊王三壺右僕射裴寂一壺高宗復行開  
元通寶天下鑄之元宗亦鑄此錢京師藏皆  
徧天下而乾元重寶錢肅宗命第五琦鑄錢  
徑一寸每緡重十斤與開元通寶參用以一  
當十琦為相後命絳州鑄此錢徑一寸二分  
每緡重二十斤與開元通寶並行以一當十

乾元錢惟肅宗朝鑄而開元錢鑄於累朝所  
以至今尚多 按開元通寶錢有二種一種  
有手掐痕儼如月眉輪廓微仄銅色頗古即  
世所稱楊妃手痕者閱譚賓錄載錢文如甲  
乙者因文德皇后也武德中廢五銖錢行開  
元通寶錢此四字乃歐陽詢所書初進樣后  
指一甲痕因鑄之始知今所傳乃開通錢也  
存以備考



萬應龍鳳錢 臨產婦人置錢一文手掌內  
可催生

菜花銅

藥性考此天生者今之黃銅乃赤銅合爐甘  
石煉成 味辛宜製刀切藥性味不改打箔  
用入損傷劑能歛金瘡傷口強脾益肺除一  
切風痺  
風磨銅 生西番置風露中色燦如金佩之  
除一切風疾



白銅鑛

此乃礦中白銅質脆今時用白銅以赤銅砒  
石煉成有毒不堪用

辛溫治風散毒敷牛馬瘡亦續筋骨

白銅 辛涼鎮氣不足益肺下痰伐肝明目



紫銅鉗

產云南入葯鎮心利肺降氣墜痰火煨末用  
可卷續筋骨折傷

錫鉗 有毒磨塗疔腫



錢花

為性考此乃鑄錢爐中飛起黃沫輕鬆者佳  
主敷驟馬迎鞍瘡

馬口鐵

一名馬銜鉄乃馬口中嚼鑲是也其性愈久  
愈軟市人以之打簪鐲戒指偽充銀器儼如  
真者或以作包金地子皆好年久者質軟更  
得馬之精液入為良



味辛煎湯治小兒驚風

### 金頂

品級考頂製以銅外鍍以金七品以下皆純  
鍍金七品以上則嵌珍石不同入葯取純銅  
鍍金色舊難用者良先以甘草煎湯乘熱洗  
用

治頭風及口眼喎斜 傳信方袁良臣云煎

湯煮葯有效舊雀頂更妙

絕疔瘡

余札云取年久色舊純金頂一枝

一枚



以紅絹囊盛之藏卧席下勿令病人知自愈  
按頂製如于冠首日受陽氣熏決又得風日  
之氣年久者得氣愈厚凡金之屬皆能剋水  
風屬巽七為木故能治風斜絕邪瘧者亦取  
正氣以定之耳

### 烏銀

綱目銀下附烏銀言用硫黃熏銀則色黑成  
烏銀養生家製為器承露飲之長年辟惡止  
載其服食功用而不言有治病之用故從行  
篋檢秘方得其法以補之

治翻胃如神用紋銀錢二分硫黃一斤將硫  
黃分作一百二十包取大傾銀確一個將銀  
放入確內炭火上煨將硫黃逐包投入確內



黃盡為度取銀為末初服三分二次服二分  
三次服一分再加丁香尚香藿香沉香各三  
分射香一分分為三服每服用銀粉二分水  
一鍾煎為至半鍾將銀粉空心送下作三日  
服完即愈

### 子母懸

崔筠川掌記子母懸出貴州鉛鑛中乃鉛之  
精氣所結得其大者成塊有數十斤生鑿為  
洗盃沐頭面髮至老不白明目去癩瘖澤容  
潤肌凡人面有紫黑班記久沐盡去  
解毒去疣贅息肉烏鬚髮明目



銀銷

此乃傾銀鋪鎔銀脚也凡鎔銀入確必多用  
硝及礪砂黃砂以去鉛銅雜脚則成十足成  
色為紋銀其確底所餘黑色滓渣名曰銷有  
毒不可悞食亡能墜人腸此物無入葯用者  
故綱目銀下附烏銀雖無主治尚列其名而  
銷未及烏者或以其毒而棄諸人有悞食者  
急有黃泥水服二茶盞可解或每日用飴糖



四兩作小丸不時以芝麻油吞下俱可瀉其  
毒出須服至百日外無患 經驗廣集服銀  
銷水者烏梅湯灌之即解 楊春涯驗方誤  
食銀粘帶皮綠柿連吃數十枚冬日吃柿餅  
茨菇汁可解神妙  
治癬 救世青囊凡頑癬用銀銷不拘多少  
盛磁盤內安放露天將盤微側使銷沾露有  
水流水搨破搽之

內府萬應膏 慈谿陳水東得來用銀銷一  
斤黑芝麻油二斤先將銷入油內浸十日敲  
碎全油煎至四五分熟用絹袋濾去銷入炒  
黃過飛淨東丹一斤熬煎膏治一切無名腫  
毒癬瘡痔漏發背疔瘡一貼即愈

五雲膏 不葯良方治馬刀瘰癧又鼠瘡已  
潰者用銀黥子四兩槌碎黃丹八兩飛淨香  
油二十兩用砂鍋一個盛香油火溫候油熱



將熟子投入油以菟柳桑槐束五枝撓之候  
起珍珠花撓去渣用布濾淨復將油下鍋慢  
上將黃丹篩入油內仍用五枝不住手撓之  
以滴水成珠為度取出收貯用時勿見火以  
重湯炖化紅緞推貼



石部

吸毒石

袁棟書影叢說云吳江某姓有吸毒石形如  
 云南黑圍棋亦有白色者有大腫毒者以石  
 觸之即膠粘不脫毒重者一週時則落輕者  
 逾時即落當候其自脫不可強離也強離則  
 毒終未盡俟其落時預備人乳一大碗分貯  
 小碗以石投乳中乃百沸踴躍再易乳復沸



吸毒石

石部



如前俟沸定則其石無恙以所吸之毒為乳  
所洗盡也否則石必粉裂云得之大西洋  
嶺南雜記出西洋島中毒蛇腦中石也大如  
扁豆能吸一切腫毒發背亦可治今貨者乃  
土人捕此蛇以土和肉舂成如圍碁石子可  
吸平常腫毒及蜈蚣毒蝎等傷置患處粘吸  
不動毒盡自落浸以人乳變綠色即遠棄之  
不浸即裂下次不驗真腦中石置蛇頭不動

者真 張萊荷言吸毒石乃蛇螫時口中所  
含泥鶩螫後吐棄穴畔人取貨之按庚辛玉  
冊云蛇入螫時含土起螫時化作黃石並無  
此事如萊荷所言縱有之亦蛇銜土耳何能  
吸毒耶 泰西石振鐸本草補云吸毒石又  
名蛇石有兩種小西洋有毒蛇頭内生一石  
如扁豆仁大能拔除各種毒氣此生成者也  
土人將蛇石并本蛇之內與本處之土為末



造成如圖碁子大此造成者小西洋用蛇石  
大西洋惟用葯製凡遇蛇蝎蜈蚣等傷及瘡  
疽大毒一切惡瘡用此石置患處則緊粘不  
脫其毒吸盡則解脫須防墜損以綿粘等盛  
之吸時只可一二時不脫亦當摘下石則碎  
脫離時急用乳汁浸之或人乳不便牛羊乳  
亦可浸至乳汁變綠色或黃或黑是其毒  
盡也或諸乳皆無以溫水浸之亦可浸之稍

遲石即受傷不可再用矣既浸之後又以清  
水洗淨抹乾收貯但所浸乳汁有毒在內須  
掘地坑埋之免傷人畜或患處血血用小刀  
刮損微見血出方能粘也或預服解毒湯藥  
內攻再用此石吸之更妙如試如此石置毒  
蛇頭上蛇即不敢動然亦必須乳汁浸如前  
法則石不傷矣 紀曉嵐先生滌陽消夏錄  
云小奴玉保烏魯本齊流人子也初隸特納



格爾軍屯嘗入谷追亡羊見大蛇巨如柱盤  
于高岡之頂向日晒鱗週身五色爛然如堆  
錦繡頂一角長尺許有羣雉飛過張口吸之  
相距四五丈皆翩然而落如矢投壺知羊為  
所吞矣乘其未見循澗逃歸恐怖幾失魂魄  
軍吏卽圖鱗因言此蛇至毒而其角能解毒  
卽所謂吸毒石也見此蛇者携雉黃數斤于  
上風燒之卽委頓不能動取其角鋸為塊瘡

疽初起時以一塊著瘡項卽如礫吸鉄相粘  
不可脫待毒氣吸出乃自落置人乳中浸出  
其毒仍可再用毒輕者乳變綠稍重變青黯  
極重者變黑紫須吸四五次乃可盡餘一二  
次愈矣予從兄懋園家有吸毒石治瘡疽頗  
驗其質非木非石至是乃知為蛇角矣  
敏按吸毒石悅嵐先生以為卽大蛇之角菜  
漪以為蛇含土恐皆非是瀕湖網目蛇角一



名骨吐犀引輟耕錄及松漠紀聞曹昭格古  
論諸書止言能治瘧毒並無吸毒之說書影  
叢說及嶺南雜記皆斷以為石其說詳核可  
從故列石部兼采諸說備証至蛇含土乃蛇  
黃也與此更迥別尤不辨自明  
治一切無名腫毒及毒虫傷以石吸之立盡

### 天生磺

昆陵劉霽軒先生諱煥章任浪窮令有天生  
磺紀畧曰浪窮東城外五里有溫泉焉乃昆  
明海洱之委也周圍三四里許泉底產硫磺  
水熱如湯投以雞蛋可熟中流峙一平岩名  
九氣臺中空而旁穴穴凡九溫泉注其內其  
氣熏上浮於石沾濡流浹如垂乳然積時既  
久質漸堅色甚瑩白歷數百餘年其色灰蒼



堆聚岩下硨磲玲瓏與巧石相似土人宅取  
之以為藥其性大溫補命門真火虛寒諸症  
服之厥效如神蓋硫黃泉之熱氣所結質最  
輕清又久而後成故功效遠過於石硫黃也  
今土人建文星閣於九氣臺上為浪色勝跡  
云

治楊症補命門火衰餘功同倭黃

按西儒高一志空際格致云硫黃有人造者

有天生者天生者外如灰色內如黃泥而後  
其軀濃肥其味苦鹹其氣臭毒其性燥熱故  
近火則易為養也



倭硫黃

出東洋琉球日本呂宋等國以日本者佳其  
色白似蜜氣不臭烈光潤而嫩高瀛四時修  
合方云船上硫黃倭夷海船上作灰塗縫者  
佳人不多見俱以市硫有油者用舶硫色如  
蜜者黃中有金紅處如七月石榴皮打開儼  
若水晶有光全非鬆脆性如石硬者真按硫  
出內地者取土與油煎熬而成氣腥觸鼻作



老黃色倭產者嫩白瀕湖集解但引庚辛玉  
冊所載石土二種於倭硫却無考據僅云倭  
船者佳不知倭硫黃與內地迥別其附方內  
所載本事方之陰證傷寒博濟方之陰陽二  
毒瑞草堂方之酒鼓赤鼻宣明方之鼻面紫  
皆用船上硫黃者斷不可以內地臺黃代用  
之故補著其功於左 百草鏡白硫黃出琉  
球國名倭硫黃洋船帶來質堅如石不臭光

潤滑澤形如滴乳者真 物理小識舶硫如  
蜜黃中有金紅處繫開如水晶有光今青硫  
不佳也蓋陽氣入地遇水則死為硫升雲則  
爆為雷乃生養萬物之源故以金紅者為第  
一種但須善製耳遇硫毒研金底煤泡湯飲  
以煤為火之宅硫本陽火見而服也 岳益  
臺秀峯先生曾語予云在京師見倭黃如梅  
花式成餅色亦不甚白握手中置耳畔聽之



索上作散如虫鸣云此種係倭舶來者特筆  
以此以候考 性大熱味微酸有小毒補下  
元助陽道益命門火衰於老人尤宜減班殺  
虫治瘡通血止瀉痢

煖肚封臍膏 周氏家寶夏天貼之秋後不  
生痢疾用韭菜子蛇床子火附子各一兩肉  
桂一兩川椒三兩倭硫黃一兩射香三分獨  
蒜一枚麻油三斤入粗葯浸半月熬至枯色

去渣熬至滴水成珠再加黃丹十二兩再熬  
俟冷加細藥聽用 孕婦忌貼

登仙膏 萬氏家抄云此藥存精不漏固本  
壯陽強形健力凡交不泄可採十女之精魚  
治腰疼下元虛損五勞七傷半身不遂膀胱  
疝氣下焦冷氣小腸偏墜又治二三十年脚  
腿疼麻陽事不舉婦人白帶血淋陰痛血崩  
皆宜貼之麻油一斤四兩入甘草二兩熬至



六分下諸藥 第一下芝麻四兩 第二下  
甘草二錢 第三下天門冬酒浸去心麥冬  
遠志俱酒浸去心生地酒洗熟地酒蒸牛膝  
去芦酒浸蛇床子酒洗虎骨酥炙兔絲子酒  
浸鹿茸酥炙肉蓯蓉酒洗去甲膜川續斷紫  
稍花末木鱉子去殼杏仁去皮尖谷精草官  
桂去皮各三錢文武火熬至枯黑色去渣下  
飛過黃丹半斤 第四下松香八兩槐柳枝

不住手攪滴水不散 第五下倭硫黃雄黃  
龍骨赤石脂各為末二錢再上火熬半時  
第六下乳香末藥木香母丁香各末五錢再  
熬離火放溫 第七下蟾酥射香陽起石各  
二錢滴水不散 第八下黃占一兩用礞確  
盛之以蠟封口入井中浸三日去火毒用紅  
絹攤貼臍上如行房欲泄以婦人唾津潤去  
膏葯即泄便有孕



寶珠膏 行篋檢秘此藥能助筋骨補血長  
肌固元未貼此膏之前先用擦久易丹擦腰  
眼三日後再貼此膏赤石脂天冬麥冬生地  
熟地紫稍花蛇床子鹿茸谷精草防風元參  
厚朴虎骨兔絲子木香各一兩母丁香肉桂  
川斷赤芍黃芪肉蓯蓉白龍骨杜仲各一錢  
五分附子一個生用范麻子一百粒去油川  
山甲一錢五分地龍去土二錢木別去殼不

去油切片倭硫黃沒藥各一錢血竭一錢乳  
香二錢粉香黃蠟各四錢射香少許麻油二  
斤將為入油浸三日後入鍋內熬至黑色去  
渣用槐柳枝撿次下黃蠟松香再下細葯滴  
水成珠不散為度礪器收之絹緞布推貼腰  
眼其効如神

擦久易丹 肉蓯蓉良姜蛇床子丁香馬藜  
花韶腦各一兩木鱉蟾酥少許為末煉蜜為



丸如彈子大每用一丸擦腰服千百遍軟絹  
紬護之一日不解三日後貼前寶珠膏

七寶丹 高瀛修合方治久患瀉痢療不瘥  
者服之即効老人及脾胃洩滑宜服用附子童  
便和黃泥炮五錢當歸一兩乾姜五錢吳茱  
萸厚朴姜製花椒各三錢舶硫黃八錢七味  
為末米醋和成兩團白麩和作外衣裹藥在  
內如燒餅包糖一般文武火煨熟去麩搗

為末密丸桐子大諸痢米湯下二十九空心  
日午服宿食氣痛不消姜盞湯下

神効乾丹 演揲兒集此藥堅陽益腎強筋

力和血脉種子如神天雄三錢去皮尖雄精

三錢鴉片三錢蟾酥三錢母丁香大者四粒

人參樟腦瓦上昇淨霜各三錢乳香末藥去

油各五分倭硫黃三錢共研細末用絹羅裹

外射香二錢研極細另包將白芨不拘多少



以敷用為度放碗內用滾水泡開將白芨裝入絹袋內擠汁去渣再用蘇合油三錢同白芨汁和葯調勻將射香末洒上做成錠於磁盒內陰乾或將口封固略晒俟乾研擦剪根丸 經驗廣集治胃氣一服除根冷痛尤效元胡索胡椒五靈脂白芨各五錢倭黃如無用石硫黃水浸早晚換水取出用磁器鎔數沸于土地候冷再用水泡過洗淨一

兩木香切片二錢五分研細末拌勻水貯臙壯服一分弱者八厘老人幼童五厘取溫火酒半小鐘調服入密室一切食物不可吃待次日吃稀米湯至五日後方可吃乾飯永不  
再發孕婦忌服



石腦油

出陝西延安榆州等處乃石中沉液土人取  
之格物須知云石腦油真者透金銀惟真琉  
璃可貯入水涓滴烈焰遽發餘力入水魚鱗  
皆死撲之以灰則滅常中丞宦遊筆記西陲  
赤金衛東南一百五十里有石油泉油生水  
面如肥脂色黑氣臭土人多取取以燃灯極  
明可抵松膏或云可治瘡癬



筆設廊延脂延安石油也生于水 沙石與  
泉水相襟憫上而出土人以雉尾彙之入缶  
中頗似漆燃之極明元和末志石油泉在玉  
門縣東一百八十里泉中有苔如肥肉燃之  
可代燭此油能于水中發火如燃此油沃以  
水其光愈熾以灰撲之則滅按此即古之石  
漆也漢書注延壽縣南有山石出泉漾上如  
不凝脂燃之極明不可食縣人謂之石漆張

華言延壽縣南山有溝脂始黃後黑謂之石  
漆方鎮編異錄謂之地脂時珍以為石腦油  
一曰硫黃油今云南緬甸廣之南雄皆有之  
聞見雜志蜀富順縣火井先以木火下引而  
上用大竹破半去節火由內行 引入灶下  
煎鹽其火色青綠不紅井中油用紙布燃燃  
入水沉底不滅搽瘡癬立愈此亦石腦油之  
類 北史屈茨川在龜茲國西北大山中水



如膏流出成川行數里入地狀如飴餠甚臭  
人齒髮服之再生癩人服之亦愈此亦地漚  
石腦之類 通志略龜溺亦名石腦油與此  
別

治白堊堆灰俗名狗屎蠟梨瘡剃頭以此油  
塗上立瘥又治頑癬風癩惡疥

無名惡毒 救生苦海緬甸出石油即石腦  
油在石縫流氣真惡不可聞色黑用塗惡毒

良 又治癩毒 東西洋考三佛齊在東南海中  
本南蠻別種後為爪哇所破更名舊港產猛  
火油樹津也 一名泥油大類樟腦第能腐  
人肌肉燃置水中光焰愈熾蠻夷以制火器  
其烽更烈魚鼈遇者無不焦燥敏按此即石  
油觀其一名泥油可知非樹脂也洋考誤以  
為樹津故取附石腦油下



# 神火

救生苦海有取神火法用礬砂一斤帶水研細以滾水沖之面上有浮起細沫一層用荊川紙拖水面其末即粘着紙上將紙晒乾掃下即神火也其砂澄清去水再研再沖見有浮起沫依前法拖晒如此六七次直至無浮沫方止每砂一斤約可取神火八九分用烏金紙包收貯



性能拔毒收口凡瘡疽毒瘡難收口者以神  
火少許搗翎蘸掃膏藥上貼毒水易乾瘡口  
易斂為外科聖藥

### 天龍骨

乃千年塔頂石灰也瀕湖石灰條下附古墓  
中石灰名地龍骨船舫油石灰名水龍骨而  
獨遺此特補之盛再華云塔上石灰受天陽  
風露之氣變悍烈之性而成溫和故能定痛  
生肌止血去濕為金又要藥內服亦良

外治止血生肌塗惡瘡腫毒寒濕癩瘡內治  
心腹痛烏痧脹婦人血崩漏帶男子久痢便



血及一切打撲損傷惡血凝聚腹痛欲死者  
俱可服

白虎丸 治一切青筋腹痛萬氏家抄天龍  
骨不拘多少去泥土水飛過丸似桐子大每  
服五十丸看輕重加減火酒下初覺頭痛惡  
心腹脹即進一服當時血散若過三五日青  
筋已老者多服取效

### 玉田砂

本經逢原云夏月發麻疹用之良亦河沙中  
之一種也綱目失載



瑶池砂

朱排山柑園雜識喇嗎嘗進瑶池水七香如  
蓮色白而重以玻璃器貯之數百年不涸不  
變人飲之能療百病康熙五十三年遣理藩  
院員外盛柱取之自京出西寧口望西北行  
凡七千里至星宿海即世所稱火敦腦兒也  
更西北行三千里達崑崙山山形如桃皆積  
雪人不能上測影高三百餘丈山前名孔雀



門後名馬門左名獅門右名象門山四隅各  
有一山皆低于崑崙孔雀門內有池名麻蓬  
達懶華言天河也四山之水合流于天河上  
水伏流至星宿海復流入中國去崑崙西  
北四五里即瑤池上匝百八十里岸傍皆雪  
水中有五色細砂滑膩可食取水一瓶并圖  
山川風土而歸往返凡二年零六月  
稀痘取砂與小兒常食之郡永不出痘

木心石

生古木中圓如雀卵中色正白著木處燦如  
黃金書影叢說有孝子某母嘗患心痛日久  
不瘳孝子日禱于神求治一夕夢神曰尔母  
疾必得木心石乃愈醒而徧訪名醫皆不知  
此藥一日入山忽有二民解木下鋸有散孝  
子乃悟急止告以故視鋸下有石持歸磨酒  
與母服痼疾頓除



治心痛

按造化之用無風不能生物無火不能結物故萬物之動者皆生於風萬物之靜者皆凝于火觀于火死而質不朽可知木性疎達得風以生之是以自萌而芽而苞上折而花而實皆得風以散之故春榮秋落如有知也其實與脂質之靜者均屬於火火為木子所以樹老則自焚火鬱必泄也木心有石乃風不

能散火鬱于內又不得泄致其脂液凝聚至精者久則變為石餘者皆朽如松脂成琥珀相脂成瑪瑙所謂物上有一太極也心為人身之太極主中宮而至靈以至變之物治之則合同而化故能愈此疾論事雖變而物理則常也

樟岩 沈氏秘檢樟樹內有石名樟岩  
治心痛能通五經煨研煎酒服



仙人骨

輿地志云南鎮南州山中出碎石如朴硝土人掘作粉貨之相傳仙人曾化于此因名焉南詔備考鎮南州城界二十里山中世傳仙人張明身遺蛻瘞此

治一切瘡神效取粉敷

杜昌丁藏行紀程楚雄府七十里至呂合有呂祖廟去村數里山脚出仙人骨如水晶能



療瘡癰相傳仙人為呂祖所度又三十五里  
為鎮南州  
鎮畧南詔時張王二生遇呂仙於呂合驛王  
得度上昇張不能從憤而死埋骨山中化為  
石瑩澈如水晶傳一切瘡瘍立愈

### 禹穴石

產四川龍安府石泉縣石紐鄉以紅如溪血  
者佳四川通志出石泉禹穴下石皮如血染  
氣腥以滾水沃飲之能催生  
治難產



莢花鹽

柑園小識莢花鹽產澤旺每春深紅如莢花  
至夏紅色漸減秋冬色白入春仍紅胃痛入  
灸鹽熨之立止  
治胃痛以鹽熨之立止



瘤卵石

池北偶談高陽民家子方十餘歲忽臂上生  
宿瘤痛痒不可忍鑿皆不辨何症一日忽潰  
中有圓卵石墜出尋化為石劉工部竊以一金  
售之用治膈症如神  
治痞結膈症



松化石

唐書僕骨東境有康干河斷松投之輒化為石其色佳謂之康干石 錄異記婺州永康縣山亭中有枯松因斷之誤墮水中化為石取未化者試於水隨亦化為其石化者枝幹及皮與松無異但堅勁博物志松本石氣石裂受沙即產松上至三千年更化為石 輿地紀宋建炎間遂寧府轉運使衙內後園有



松石外猶松樹而中化為石又重慶府永川  
縣有石松坪有松化石石質而松理或二三  
尺許大可合抱然不過相望數山有之俗呼  
雷燒松神仙傳三千年當化為石 張景漪  
塗說凡松化石有黃紫二色質理甚細皮上  
有水紋或松皮紋亦有節暈紋者天台山間  
有之西北亦產乃年久折松入澗水得地氣  
變石且有變不全尚帶松質者入葯宜用全

化者服之令人忘情絕想

治想思症凡男女有所思不遂者服之便絕  
意不復再念

敏按松化石乃有情化無情為陽極反陰之  
象男女愛慕結想成病致君相二火虛磨妄  
動鏽耗真陰魂狂魄越神不守舍非此反折  
之使入和平不可正取其貞凝之氣以釋妄  
緣也瀕湖石部不灰木後附松石云松久行

松化石

石部



化不入為用殆未深悉其奧妙耳

雲核

羅浮志雲核出羅浮亦雲母之類黃者出黃  
雲峯白者出白雲峯屑之調為搽服之久能  
吞吐五色雲

性平服食用之延年却疾功同雲母



瀚海石竅沙

朱排山柑園小識瀚海石出瀚海地近澤旺  
為方三百里無水草其石大者如瓜如拳小  
者如芋栗亦有如珠如豆者皆具五色如瑪  
瑙有竅而中空其竅中有沙可入葯石質堅  
其外可碾其中不可碾故每因形成器  
主明目



岩香

深山皆有之凡山石岩洞壁上有泉滴下年  
久其水流處則生水結乃至陰之精華憑石  
乳滋液乘風力而結者土人名岩香俗呼水  
城鑿取之色白如蜜及置手中冷入骨者真  
百草鏡云性寒敷湯火傷金瘡出血用水城  
火煨醋淬研末同白果肉水浸搗汁和服七  
七可治白濁亦入眼科用



龍窩石

名勝志出廬山溪中及有龍居之所此石夜  
覺涼冷者真王伯厚云深山有龍蟄處皆有  
之土人俟龍升去乃跡而獲之有五色以透  
明者煨用生用有毒敲碎投醋中片匕能動  
而相合者良

性大寒磨面能滅癩痕解熱瘡毒煨粉撲暑  
疖立消



按龍躰純陽凡陽之躰以陰為用故其蟄處  
石皆性冷入夜更涼者真陰為用也投醋中  
輒能相合者龍乃東方之神應木匕味作酸  
石感精氣行以遇醋而能合其功能解熱滅  
癩亦取其寒飲之性以奏効耳

### 石髓

福建續志石髓出泉州安溪長潭石罅間接  
骨如神療內傷科折骨酒研三分服能接斷  
骨不可多服多則骨大



紅毛石皮

出粵澳門來自紅毛國中國用作火石外皮  
白如粉甚鬆脫番人去其皮其中石質售為  
火石皮不甚貴重任搬取  
治金刃傷以石皮持粉功勝千年石灰云可  
以粘合皮膚裂痕



金精石

福建續志出永春州双髻山等處其石似鉄  
礦而鬆色如黃金 本草綱目金星石集解  
後引劉河間宣明方點眼葯中用金精石時  
珍疑以為即金星石盖未見續志也  
去翳明目入眼科用



雄膽

六研齋筆記王存思太僕貴陽人云其土多  
山出雄黃有大至數百斤者中又有浮沙成  
團如鵝卵曰雄胆破之有清水盪許急飲之  
沉疴俱消壽二百歲持以山民頑犷過之不  
謹即散漫不得飲耳有一人飲之至今猶在  
健如三十許人自言百五十餘歲矣  
殺三虫毒除癩疾駐容延年



雉窠黃 簪雲樓雜記雉窠底有雉黃七氣  
遠射能辟毒物鄉人三月中偏覓之為市  
其取黃法先以溺繞窩三市從而掘之所獲  
約二三四兩價倍于他產  
海外三珠有轉胎法五月五日午時取金針  
花葉俗名鵝卵花單葉名金針花陰乾聽用  
婦人孕滿月四十日之前將雉窠黃揀明透  
重一兩一塊者用葉包裹三四張再用布包

縫上孕婦腹前貼身上衣上候四十日分娩  
生男不生女

解一切毒蛇咬傷辟邪鬼山精

按雉窠有黃猶鶴窠有磬礬所以助陽氣能  
令子不段卵也千金方有轉女成男法用雉黃  
養胎取其陽精之全于地產則雉蓋不獨取  
以解毒也竊謂雉之精氣响伏既久人得佩  
之可解一切產厄于孕婦尤宜



石螺螄

百草鏡出廣東脩治與石燕同  
治瞽目眼疾

按石螺螄形似螺而軀質則石也亦石鱗石  
蛇之類故主治亦大畧相似



猫睛石

墨莊漫錄宣和間外夷貢方物有石圓如龍  
眼實色若綠葡萄號猫兒眼睛能息火燃炭  
方熾投之即滅按此即寶石中一種猫兒眼  
也今云南緬甸地寶井中有之

解蠱毒



辟驚石

一名避驚風石本草補云西巴尼亞國有一處土中產石色黑而光嫩取而琢之或大或小佩孩童胸前遇邪風而起慢驚急驚此石代受其患邪氣盡收於石內自然裂破孩童無恙必須常佩永遠方可無虞真可寶之物也

治急慢驚風一切天釣尸疰



呂宋菓

本草補呂宋島中產一果名加它弄外肉而  
內核味苦不堪食其初惟有一處深山峻嶺  
生此樹甚高大土人多不識旅人至島百年  
前始知其中果可用近三十年頗悉其療治  
各病極有奇驗遂携至中國若果之皮肉其  
效尤捷有呼為寶豆者豆言果之形狀寶言  
其貴重也



治中毒服毒將果或磨或刮以清水或清油  
調服毒即吐蛇蝎蜈蚣等傷磨清水服之并  
刮敷患處疫疾中風昏仆磨水服之腹痛瀉  
利磨水服瘧疾初作時磨水服  
刀斧傷血漏刮末敷患處即止血止痛  
蛔虫疳積磨水服虫即吐出  
難產磨水服 頭瘡痒爛臘梨切碎此果以  
油煎之乘熱徧擦向火取煖隨以布向火取

熱覆病人身上而睡又以被蓋不見生風即  
愈

潮熱磨水服漸減而愈



# 奇功石

出大西洋形状無可考本草補云此石能治  
婦人產難凡遇產難者用芝麻油一鐘放此  
石在油內浸一宿後用此油擦婦人肚面即  
無難產之患或用此石綁在婦人大腿上即  
產之後隨時除去凡遇發擺子中華名瘧

身熱或心中脹悶或胃氣疼痛或痰滯及錯  
食毒物等患將石或泡酒一碗水一碗浸一



宿取此酒石用手擠一擠令此石氣汁下酒  
水內空心飲此酒水即愈  
血熱瘡疥飲此酒水并塗抹患處即愈患眼  
將此酒水或飲或洗皆妙

### 保心石

本草補生鹿腹中鹿食各種鮮毒之草其精  
液久積結而為石亦名室石有二種一是鹿  
獸生成一是泰西名醫至小西洋采珍葉製  
成服之令毒舞不攻于心故曰保心石用法  
以刀刮如麥大者六粒為粉調服多用亦無  
害更增加精神常服此藥酒水隨入能令腹  
中不多生蛔虫体健神旺



治大熱燥渴小便不通泄瀉俱水調服胸傷  
憂悶無熱者或酒或水調服有熱者酒水各  
半調服病後軟弱酒水各半調服胸內傷心  
痛風寒舞痛吐衄咯血吐血皆水調服毒蛇  
毒虫傷不拘酒水服刀箭瘋犬毒物傷以粉  
敷瘡口外以布包即愈但見本草補



本草綱目拾遺卷三

錢塘趙學敏恕軒氏輯



草部上

參條

從新云遼參之橫生蘆頭上者其力甚薄止  
可用以調理常病生津止渴其性橫行手臂  
凡指臂無力者服之甚効 千金方行凡煮  
參湯須用沉水煎之佳若用止水則不驗



參鬚

百草鏡參鬚寧古塔來者色黃粗壯船廠貨  
次之鳳凰城貨色帶白為劣煎之亦無厚味  
從新云參鬚亦遼參之橫生蘆頭上而甚  
細者性與參條相同而力尤薄本經逢原云  
參鬚價廉貧乏者往往用之其治胃虛嘔逆  
欬咳失血等症亦能獲効以其性專下行也  
若治久痢消精崩中下血等症每至增劇以



其味若降泄也

脚痔濕爛 百草鏡云芽茶參鬚各等分為末搽之

固牙補腎方 祝氏効方生熟石羔各五錢甘松山奈各三錢細辛二錢寒水石二錢升麻錢半青鹽參鬚各三錢北五味五十粒華澄茄四十五粒共為末每晨擦牙嗽口嚥下亦可

### 參葉

遼參之葉也率多參客帶來以其氣味清香而微甘善于生津又不耗氣故販參者乾之帶以餉遺代茶葉入湯用不計入葯用也人亦無用之者近因遼參日貴醫輒以之代參凡症需參而無力用者輒市葉以代故今大行于時蘇州參行市參葉且價至三五換不等以色不黃瘁綠翠如生手按之有清甜香



氣者真

氣清味香苦微甘其性補中帶表大能生胃  
津祛暑氣降虛火利四肢頭目浸汁沐髮能  
令光黑而不落醉後食之解醒第一

按人參三極五葉乃稟三才五行之精氣寄  
形于草質為百草之王其根乾之色黃得坤  
土正色其子秋時紅如血是土之餘生火也  
故能峻補元氣返人魂魄其功尤能健脾胃蓋

脾主中宮為萬物之母人無土木生參得土  
德之精以生人非若茂木之膩滯世所以重  
之然百草木性大率補者多在根葉則枝節  
之餘氣不可以言補也參葉雖稟參之餘氣  
究其力止能行皮毛四肢性帶表散與參力  
遠甚惟可施于生津潤燥益肺和肝之用今  
一概用作培補元氣起廢救危何不察之甚

耶



清肺生津止渴 為性考

人參子

人參子如腰子式生青熟紅近日販參客從  
遼東帶來者皆青綠色如小黃豆大參葉上  
甚多寧古塔一帶七八月霜大難以入山故  
不能待其子熟生取而歸以售客每多綠色  
發痘行漿凡痘不能起發分標行漿者藥內  
加參子後日無痒塌之患



珠參

金沙江志產東川者味似參較苦 葯性考  
 珠兒參性辛味甘或云溫能托裏外症堪用  
 根與薺芫同 本草從新云出蜀中以大而  
 明透者佳須多去皮滾水沱過然後可用因  
 其苦劣之味皆在外邊近中心則味苦減而  
 稍甘 書影叢說雲南姚安府亦產人參其  
 形扁而圓謂之珠兒參

珠參

草部



苦寒微甘味厚體重 救生苦海云補肺降  
火下氣肺熱有火者宜之臟寒者服之即作  
腹痛鬱火服之火不透發反生寒熱血症用  
之可代三七

按珠參本非參類前未聞有此近年始行然  
南中用之絕少或云來自粵西是三七子又  
云草根大約以參名其性必補醫每患其苦  
寒友人朱秋亭客山左聞貨珠參者有製法

服之可代遼參每五錢索價五十金秋亭罄  
千金市其方秘不輕授予懇其弟退谷始得  
其術因錄之以濟貧珠參切片每半兩以附  
子三分研末拌勻將雞蛋一個去黃白每壳  
納參片五錢封口用雞哺待小雞出時取出  
將筆畫一圈于蛋上作記如是七次共成七  
圈其為即成矣每遇垂危大症并產尊無力  
吃參者煎服五錢力勝人參并能起死回生



較臘狐心功力尤捷不得少服約人以五錢  
為率每次酒多做數兩救人

濟陰保元湯 醫鈴此方理脾化邪生氣引  
氣生血為調經聖葯真珠參三錢以米仁四  
錢拌水蒸透咀片再入姜加米仁汁蒸晒乾  
用懷生地一兩砂仁酒姜三味拌蒸九晒收  
再以瓦焙為炭當歸四錢白芍三錢酒炒川  
芎二錢去淨油米泔水浸洗收乾再入酒浸

丹參四錢酒洗透充蔚子四錢酒蒸透香附  
三錢以姜土醋鹽童便甘草水乳汁逐次製  
過雲白朮半兩陳土炒女貞子三錢以白芥  
車前水浸乾用如氣血熱加丹皮生地氣血  
寒加肉桂數分不真確之寒熱而先後至者  
照本方如經閉無分婦女本方加牛膝

太子參 羅浮參附

從新云雖甚細小却緊而堅實力不下大參  
百草鏡云太子參即遼參之小者非別種也  
乃蘇州參行從參色中揀出短小者名此以  
售客

味甘苦功同遼參

羅浮參 羅浮山志羅浮所產人參殊與本  
草人參不類狀如山茅葉細莖圓有紫<sub>花</sub>三葉



一花者為仙芽一葉一花者為人參根如人  
字色如珂玉煮汁食之味與參無別但微有  
膠漿耳

味甘蒂苦生津養胃補虛羸潤肺

### 西洋參

藥性考洋參似遼參之白皮泡丁味類人參  
惟性寒宜糯米飯上蒸用甘苦補陰退熱姜  
製益元扶正氣 從新云出大 西洋佛蘭西  
形似遼東糙米參煎之不香其氣甚薄若對  
半辨開者名片參不佳反藜蘆入葯選皮細  
潔切開中心不黑緊實而大者良近日有嫌  
其性寒飯鍋上蒸數十次而用者或用桂圓

肉拌蒸而用者忌鉄刀切火炒  
苦寒微甘味厚氣薄補肺降火生津液陰煩  
倦虛而有火者相宜  
腸紅 類聚要方用西洋參蒸桂圓服之神  
効

### 東洋參

汪玉于言東洋參出日本東倭地其參外皮  
糙中油熟蒸之亦清香與遼參味同微帶羊  
羶氣入口後微辣為各別耳然性溫平與西  
洋佛蘭參性寒平者又別此參近日頗行無  
力之家以之代遼參用亦有效每枝皆重一  
錢許亦有二三錢者搃以枝根有印日本二  
字名價八換無字價五換蓋有印字者乃彼



土之官參最道地無印者皆彼土之私參也  
亦有通身皮糙肉白者不佳桂圓肉拌  
蒸晒用 癸丑三月予在李燮堂先生處見  
有東洋參二種一種大者粗如拇指儼似西  
洋參最堅多肉一種小者每枝不過二三分  
亦有分許者肉薄不甚堅實擬言二種皆日  
本洋客帶來新時俱色白皮皆有縐紋其大  
者切片口含過夜皆化而無滓小者含口中

三夜皆不化大者煎湯色淡少味小者反濃  
厚二種俱出日本倭地而小者何以色味獨  
厚豈生產之土又不同耶又一種亦出東洋  
近奉天旅順等處者皮上有紅紋云彼倭國  
中亦珍之言其力更十倍于此船商多以貴  
價售得轉販中土今蘇州有東洋參店為市  
此參者蓋因上年壬子冬江浙痧痘通染小  
兒成者月不下千百計有教服東洋參能助



漿解毒服之果驗遂大行于時入葯內須飯  
鍋上蒸之晒乾用磁瓶收存方免蛀壞  
又一種東洋參出高麗新羅一帶山島與閩  
東接壤其參與遼參真相似氣亦同但微薄  
耳皮黃紋粗中肉油紫屠舞夫携來予曾見  
之據云性溫平索價十換言產葯服之最效  
其力不讓遼產也

五雜俎人參出遼東上黨者最佳頭面手足

皆具清河次之高麗新羅又次之今生者不  
可得見入中國者皆繩縛蒸而夾之故上有  
夾痕及麻線痕也新羅參雖大皆用數片合  
而成之功力反不及小者擇參惟取透明如  
肉及近蘆有橫紋者則不患其偽矣



胎參

金沙江志即人參三七產胎通府肉厚而明  
潤頗勝粵產形如人參中油熟一種王子元  
官於滇曾以此遺外舅稼村先生予親見之  
狀如較參紅潤大小亦不等味微苦甜皮上  
間有帶竹節紋者劉仲旭少府云胎通出一  
種名蘇家三七儼如人參明潤紅熟壯少者  
服之作<sup>脹</sup>眼惟六十以外人服則不腹脹其功



大補血亦不行血彼土人患虛弱者以之蒸雞服取大母雞用蘇三七煎湯將雞煮少時又將三七渣搗爛入雞腹用線縫好隔湯蒸至雞爛去三七食雞可以醫勞弱諸虛百損之症據所言即胎參也 宦遊筆記三七生廣西南丹諸州峯峒中每莖上生七葉下生三根故名三七土人入山採根暴乾色微黃形似白髮長而有節者其味微甘而苦頗類

人參人參補氣第一三七補血第一味同而功亦等故人並稱曰人參三七為藥品中之最珍貴者此常中丞筆記所言人參三七以形圓而味甘如人參者為真其長形者乃胎參水三七之屬尚欠分晰也 識葯辨微云人參三七外皮青黃內肉青黑色名銅皮鉄骨此種堅重味甘中帶苦出江右土司最為上品大如拳者治打傷有起死回生之功價



與黃金等 沈學士云竹節三七即胎參鮮  
醒第一有中酒者嚼少許立時即解又近時  
人參三七中有名佛手山漆者形長儼如佛  
手上有指出廣西為客販至其價在圓山漆  
之上此名地力山漆所稱 壬戌有客自打箭  
爐來帶有藏三七名佛手參儼如乾麥冬而  
堅寔形小不大作三叉指形玲瓏如手故名  
王聖俞嘗其味淡而微辛涼云能治肺血

勞損此亦白芨三七之屬也 浙產台溫山  
中出一種竹節三七色白如蠶蚕每條上有  
凹痕如白云此種血症良葯庚申予于晉齋  
處見瓊州山漆圓如芋皮光色黃白色肉黃  
如金云瓊人珍之名野山漆勝右江所出者  
又一種出田州土司如佛手形名佛手三七  
云此種係野生入葯更勝 百草鏡云人參  
三七味微甘頗似人參入口生津切開內瀝



青色外皮細而綠一種廣西山洞來者形似  
白芨長者如老乾地黃有節味甘如人參亦  
名人參三七又名竹節三七此外又有旱三  
七名蘿蔔三七色白味苦有小三七色黑出  
湖南寶府亦名紅三七有羊腸三七即水三  
七之類形如羊腸細曲又一種出雲南北通  
者能亂人參色味無異且油熟明透但少蘆  
耳然回味太甜金御乘云近時市品三七之

外有水三七有白芷三七有竹節三七其形  
狀功效皆未見其有攷核者

味甘苦全人參去瘀損止吐血補而不峻以  
末搽諸血中血化為水者佳大能消癥瘕跌  
撲損傷積血不行以酒煎服之如神

按人參三七出右江土司邊形如地力尖圓  
不等色青黃有皮味甘苦絕類人參故名彼  
土人市入中國輒以顯之大小定價每顆重



一兩者最貴云百年之物價與遼參等餘則  
每顆以分計錢計者價不過一二換而已始  
參無皮形如手指絕無圓小者間有短扁形  
者亦頗類白芨樣金沙江志所載以為即人  
參三七恐未確故附存劉說以備考  
治吐血 種福堂方用雞蛋一個打開和入  
參三七末一錢藕汁一小杯陳酒半小杯隔  
湯燉熟食之不過二三枚自愈

七寶散 仇氏傳方刀傷收口俱好龍骨象  
皮血竭人參三七乳香沒葯降香末各等分  
為末溫酒下或搽上  
陳氏回生集載軍門止血方參三七白蠟乳  
香降香血竭五倍牡蠣各等分不經火為末  
敷之

菊花参

產雲南東川府巧家汎江邊葉似菊花  
功用同人参力較遜



紅毛參

百草鏡漳泉估舶從紅毛帶來絕不類參形  
長而粗長者有三四尺色紫黑粗者如拇折  
之指中有白點痕有起花紋與建參相似  
止瀉痢如神

煤参

出陝西西安等處形如参皮心俱青黑故名  
施柳南太守云此参出陝西華山食之多吐  
人其性亦劣

味微苦甘同人参功力則薄耳



土人參

各地皆產錢塘西湖南山尤多春二三月發  
苗如蒿艾而葉細小木長二三寸作石綠色  
映日有光土人俟夏月採其根以入葯俗名  
棘沙參紅黨即將此參去皮淨煮極熟陰乾  
而成味淡無用準繩劫瘴消毒散用之呼為  
百丈光

甘微寒須蒸之極透則寒去氣香味淡性善

下降能伸肺經治即使清肅下行補氣生津  
治咳救喘逆痰湧大升久瘧淋瀝難產經閉  
瀉痢由于肺熱反胃噎膈由于燥瀉凡有升  
無降之症每見奇効以其根一直下行入土  
最深故也

脾虛下陷滑精夢遺俱禁用以其下行滑竅  
孕婦亦忌

白帶初起 百草鏡土人參切片三兩用陳

紹酒飯上蒸熟分作三服吃完即愈

王安東葯方云土人參補陰虛對配茯苓熬  
膏治楊梅結毒酒煎服



建參 法落梅

葯性考福建出閩浙頗似人參而性味辛熱  
虛寒病宜之歌云又有福參辛苦甘齊性溫  
益氣虛冷人宜註福參多食則喉痛故知性  
熱 乙未予館刻川教郡馬也聞有市建參  
者往覓得之儼如臺參中油熟一種大者惟  
不能純透亦有蘆無竹節紋味亦苦甘以竹  
刀剖之心空不似遼參之堅寔劉贊之自闕

回言閩中近日大行亦清補凡有患風火牙  
疼煎湯嗽口立愈則性又帶寒主散或言其  
性熱者猶未確也 金御乘云建人參性熱  
獨不宜於產婦與遼參形色氣味真相似但  
遼參入口回味生津此則回味稍澆故功用  
亦殊河南出光山參高山參儼與遼產無別  
性爵之有渣不糯味亦淡

法落梅 金沙江志產雲南東川府法戛地

己酉友人王鼎條患心腹痛有客從滇帶此  
物來呼為法落梅用根其形儼如上黨參色  
赤黃白味甘若服之疾愈據云彼中人皆名  
法落梅而不知諸書何以作梅字耶蔡人曰  
言建參閩人呼法落梅治心痛如神



上黨參 防党附

本經逢原云產山西太行山者名上黨人參  
雖無甘溫峻補之功却有甘平清肺之力不  
似沙參之性寒專泄肺氣也 百草鏡云黨  
參一名黃參黃潤者良出山西潞安太原等  
處有白色者搃以淨軟壯寔味甜者佳嫩而  
小枝者名上黨參老而大者名防黨參  
味甘性平治肺虛能益肺氣

防風黨參 從新云古本草云參頭上黨者  
佳今真黨參久已難得肆中所<sup>賣</sup>市黨參種類  
甚多皆不堪用惟防黨性味和平足貴根有  
獅子盤頭者真硬紋者偽也白黨即將此參  
煮晒以成原汁已出不堪用 翁有良辨誤  
云黨參功用可代人參皮色黃而橫紋有類  
乎防風故名防黨江南徽州等處呼為獅頭  
參因蘆頭大而圓凸也古名上黨人參產于

山西太行山潞安州等處為勝陝西者次之  
味甚甜美勝如來肉近今有川黨蓋陝西毗  
連移種栽植皮白味淡類乎桔梗無獅頭較  
山西者迥別入亦殊劣不可用  
味甘平補中益氣和脾胃除煩惱解酒中氣  
微虛用以調補甚為平安



南沙參

葯性考南沙參形粗似黨參而硬味苦性涼  
清胃瀉火解毒止嗽寧肺 從新云南沙參  
色稍黃形稍瘦小而短近有一種味帶辣者  
不可用 張璐本經逢原云沙參有南北二  
種北者質堅性寒南者體虛力微  
功同北沙參而力稍遜

按參類不一有竊參名者如苦參沙參是也

有竊參形者如齋芘三七是也凡參皆隨地  
運為升降故各地皆產參而性亦各異功用  
搃不及遼參今擇可入葯為綱目未及載者  
悉附識于此以廣知焉 張觀齋云珠兒參  
者其形獨蒜似之去皮煮熟色如紅熟人參  
因圓大如珠故名其味苦而微帶辛不知  
何根子所造價每斤半兩治牙痛最有驗大  
畧苦者性寒而辛者必散是火鬱發之意未

必全在補功也至于紅黨參即紅蘿葡草造  
白黨參未考此皆蘇地好奇者所製好奇之  
醫因而用之走方者所以惑鄉人稱太子參  
者乃參中之全枝而小者是參容巧取之名  
也洋參清氣同參味苦必寒疑產陰山補功  
雖不及人參較之珠兒紅白黨等遠矣土人  
參俗名觀音山貨形與人參無二亦有糙熟  
之分出處不一中有白絲心而味淡親見台



溫處州及新昌嵎縣人有貨此參者價每兩  
上許未考其性亦未用過如南沙參誤用者  
甚多南沙參產于浙地者鮮時如蘿卜土人  
去皮煮熟如熟山藥晒乾如天花粉而無粉  
性本名粉沙參功高敗毒消腫排膿非南沙  
參也其南沙參形如桔梗而中空鬆味淡微  
甘桔梗帶辛而南沙參不辛產于毫門者最  
佳俗名雄桔梗為肆中即于桔梗色中揀出

水潤打扁切片確類銀柴胡片此則入肺而  
理嗽功如北沙參而兼理氣蓋中空之義也  
台州亦出桔梗而條幹帶硬亦有雄桔梗如  
南沙參但色不如毫產者白蓋參類本不一  
近日價日昂貴而各種偽品雜出入亦日搜  
奇于窮岩荒壑中覓相似草根以代混倘誤  
用之為禍非淺王繹堂云時下盛行一種福  
建長樂參廣西南陔參二物頗似嚴與臺參

油熟無別味亦苦中帶甜蒸湯亦極濃厚然  
皆性熱不似人參之平和滋益也即臺參中  
近日人頗有入白糖及淘水製透取其重也  
凡參八分可製重二分作一錢以圖利店中  
有此參者每日必蒸焙否則潮潤難售故市  
參者須加意焉

### 於朮

即野朮之產於潛者出縣治後鶴山者為第  
一今難得價論八換其形有鶴脰鶴頭羽翼  
足俱全皮細帶黃切開有硃砂點其次出北  
鄉皮色帶黑不黃茅翼云產徽州者皆種朮  
俗稱糞朮乃糞力澆灌大者肥而無鶴頭野  
生者名天生朮形小有鶴頭甚長內有硃砂  
點朮上有鬚者尤佳以得土氣厚也於朮亦



野生出於潛產縣治龍脉土上者其內點真似朱砂猩紅如洒血鶴頭肉蘆乾之清香產地處內或無點純白或有黃點搃不及龍脉上產者為上品冬月採取形味方全一種江西木其形甚小與野朮相似雖有鶴頭而甚短其軀堅寔其味苦劣不可用 萬歷杭州府志白朮以產於潛者佳稱於朮清異錄潛山產善朮以其盤結醜怪有獸之形因號為

獅子朮 西吳里語孝豐天日仙有山丈峰產吳朮名雞腿朮入葯最佳 百草鏡云白朮一莖直上高不過尺其葉長尖傍有針刺紋花如小薊冬採者名冬朮汁歸本根涼潤而不枯燥却易油不能止瀉春採夏採者藏久難不易油却枯燥不潤肉亦不能滿凡收朮須陰乾勿晒七則爛野朮形小蘆根細硬皮細若蘆軟而粗即種朮矣又有象朮係台

犬中揀出如野犬者但切開有暈紋台犬雖種而不用糞故不肥大服之不脹倘野犬難得此為穩安徽宣城歙縣亦有野生犬名狗頭犬亦佳又一種係取野犬種灌以糞形雖大皮却細緊出樟村較徽省種犬稍好今人論野犬云黑土者真不知土色各處不同不可執一而論又云小者真然老山貨年久亦有犬者又云有硃砂班者真不知於犬亦有

無朱砂班者據土人言產縣後山脈及黃塘至遼東橋一帶西流水四十里地之犬方有朱砂點他處則無但野犬入口甜味雖重氣極清香自不同也摠以白為佳以潤為妙葉天士云本草云浸刮飯鍋上蒸晒如棗黑黃土炒為中宮和氣補脾之藥本經逢原云雲朮肥大氣壅台朮條細力薄寧國狗頭朮皮赤稍大然皆栽灌而成故其氣濁不若



於潛野生者氣清無壅滯之患入風痺疫濕  
利水破血葯俱生用然非於潛產者不可生  
用也 張觀齋云今有一種野朮深山處必  
有形如於朮切開有朱砂斑香而不甜細考  
其味親見其苗乃天生之蒼朮也因久無人  
採故大而宛如於朮大凡朮以火焙乾者味  
必苦生晒者味必甜台朮以及各處種朮皆  
於朮所種而變者功雖不如於朮服亦有驗

今於朮絕少市中皆以仙居所產野朮充於  
朮功亦相等 辛亥五月有客自青田縣來  
帶有天生朮大小如一約重兩許俱生者未  
經日晒乾焙若乾之可三錢許其朮形儼如  
仙鶴翅足皆具亦有長頸上皆左頰一一相  
似無作磊塊形者詢之云此朮不生于土所  
生之地係青田邊境有一山山有石壁上上  
每年生此朮二三十斤不能多有 吾杭西



北山近留下小和山一帶地方及南高峯翁  
家山等處皆產野朮氣味香甜生啖一二枚  
終日不飢生津溢齒解渴醒脾功力最捷切  
開無硃砂點層理膩細而白如雪色名曰玉  
朮又呼雪朮亦不易得入葯功效與於朮等  
較他產野朮尤力倍也

甘補脾溫和中補氣生血無汗能發有汗能  
止開胃補脾則能進飲食去勞倦止肌熱化

瘕癖和中能已嘔吐定痛安胎燥濕利小便  
生津液止泄瀉化胃經瘦水理心下急滿利  
腰膈血結去周身濕痺凡下焦陰氣不脫上  
焦陽氣驟脫者無力用參重用野朮大能起  
死回生用糯米泔浸陳壁土炒或蜜水炒入  
乳拌用炒黃不宜焦上則無力矣熬膏更良  
禁忌同白朮

代參膏 楊春涯驗方於朮十斤白米泔水



浸三晝夜洗淨浮皮蒸晒十次有脂粘手為度切片熬膏一火收成滴紙不化用白茯苓十斤舂末水飛去浮只取沉者蒸晒十次粘手如膠與朮膏攪勻每服兩許米湯送下治弱虛枯瘦食而不化用於朮酒浸九蒸九晒一斤兔絲子酒煮吐絲晒乾一斤共為末蜜丸梧子大每服二三錢

四製仙朮散 治盜汗不止此葯如神於朮

四兩分四製一兩黃芪煎汁炒一兩牡蠣粉炒一兩麩皮湯炒一兩石斛湯炒只取朮為末服三錢粟米湯下各色痢疾 傳信方於朮一兩老姜一兩當歸半兩水二碗煎好露一宿服自愈

保胎丸 良方集要茯苓二兩條芩一兩於朮土炒一兩紅花一兩沒葯三錢製香附一兩元胡索醋炒一兩益母草去根一兩共研



末蜜丸桐子大早晚白滾水服七粒不宜增  
減戒惱怒勞傷生冷發氣等物凡遇腹痛腰  
酸作脹即宜服之成孕三月即服起直至足  
月不但保胎即臨產亦可保易生無恙方內  
元胡索二味分兩太重據  
予所論每味只可二錢方妥  
三日瘥 古今良方九製於朮一斤廣皮八  
兩熬膏用飴糖四兩收

又方 專治四日兩頭或一二年至三四年

不愈者或愈而復發者用於朮一兩老姜一  
兩煎五更溫服即永不發矣



北雲木

邊塞志產遼東口外五國城等處此木初生  
土中並無枝葉生於暗地者多城北最盛天  
氣晴和則掘地求之可得色如枯楊柳大小  
如筋蔓延數十步屈地而生此地病人無藥  
物凡有疾者煎此木湯服之自愈又可占病  
人之吉凶若煎沸數次為浮者病即愈半浮  
半沉者病久不愈土人以此驗之

治風寒傷食一切病

南連

仙姑連

天老連附

一名土連浙溫台金華山中俱有之出處州者名處連以形大毛輕者好性較川連尤寒北入市去為馬蔞百草鏡土黃連二月發苗根葉與羊蹄大黃無異但短小耳三月抽莖高有尺許花細成穗結實初青後紅子歲稜中夏至後枯出浙江者名慈連安徽寧國府宣城出者粗肥名宣黃連



性寒而不滯入膏丹用最良

吉氏家傳血痢用宣連為末以鷄子投作餅  
炭火煨令通赤蓋定勿泄氣候冷研細空心  
米飲下五分大人一錢以意加減按宣連即  
今江浙東西一路所產黃連皆當日宣州路  
也

仙姑連 出台州仙居縣邑人相傳吳魏時  
蔡經居此故以名邑王方平嘗偕麻姑降其

宅今遺址猶存其地產黃連粗如鷄距皆作  
連珠形皮色青黃光潔無毛味大苦寒折之  
有烟色如赤金者佳療火症更捷于川產者  
馬蔴非此不可

天姥連 出天台皮色鼠褐畧有毛刺味苦  
入口以含有清甘氣

大瀉心火性寒而帶散故治目症尤效

# 水黃連

川中一種黃連生於澤旁週身有黃毛如狗脊毛狀名水黃連頗細小醫家不知用市人以之偽充真川連出售惟祝氏効方用之百草鏡水黃連打箭爐出者形細長少硬較刺重於他連以皮肉帶青色者為佳出小西天者色黑有毛者佳無毛光黃者次之

治鼻疳用百部三錢切片晒乾炒取淨末二



錢地骨淨炒二錢五梧子炒黃柏炒甘草炒  
各二錢水黃連切片炒一錢共為末如鼻疳  
爛通孔者以此調香油搽立結痂愈

### 馬尾連

出雲南省葯肆皆有之乾者形如絲上有小  
根頭土人盤曲之以市

性寒而不峻味苦而稍減不似川連之厚性  
能去皮裡膜外及筋絡之邪熱小兒傷風及  
痘科用

夏草冬蟲

出四川江油縣化林坪夏為草冬為蟲長三寸許下跌六足脰以上絕類蚕羌俗採為上藥功與人參同從新云產雲貴冬在土中身活如老蚕有毛能動至夏則毛出土上連身俱化為草若不取至冬復化為虫四川通志云冬蟲夏草出裡塘撥浪工山性溫煖補精益髓黔囊夏草冬蟲出烏蒙塞外暑



虫土為草冬蟄土為蟲 青藜餘照四川產  
夏草冬蟲根如蚕形有毛能動夏月其頂生  
苗長數寸至冬苗槁但存其根嚴寒積雪中  
往上行于地上 文房肆考邇年蘓州皆有  
之其氣陽性溫孔裕堂述其弟患怯汗大泄  
難盛暑處密室帳中猶畏風甚病三年鑿藥  
不效症在不起適有戚自川歸遺以夏草冬  
虫三斤逐日和葷蔬作者燉食漸至愈因信

此物保肺氣寔腠理確有微驗用之皆効  
七椿園西域聞見錄夏草冬虫生雪山中夏  
則葉岐出類韭根如朽木凌冬葉乾則根蠕  
動化為虫入葯極熱 徐后山柳崖外編冬  
虫夏草一物也冬則為虫夏則為草虫形似  
蚕色微黃草形似韭葉較細入夏虫以頭入  
地尾自成草雜錯于蔓草間不知其為虫也  
交冬草漸萎黃乃出地蠕上而動其尾猶菽

上然帶草而行蓋隨氣化轉移理有然者和  
鴨肉頓食之大補紹興平菜仲先生言其尊  
人曾任雲南麗江府中甸司馬其地出冬虫  
夏草其草冬為虫一交春虫蛻而飛去土人  
知之其取也有期過期無用也 朱排山柑  
園小識春虫夏草生打箭爐春生土中如蚕  
夏則頭上生苗形長寸許色微黃較蚕差小  
如三眼状有口眼足十有二宛如蚕形苗不

過三四葉以酒浸數枚凌之治腰膝間痛楚  
有益腎之功以番紅花同藏則不蛀或云與  
雄鴨全煮食宜老人

潘友新云粵中鴉參丸用夏草冬虫令鴉片  
人參合成乃房中葯也此草性更能興陽則  
入腎可知耶

甘平保肺益腎補精髓止血化痰已勞嗽治  
渴症皆良

從新

味甘性溫秘精益氣專補命



門為性考

按物之變化必由陰陽相激而成陰靜陽動  
至理也然陽中有陰上中有陽所謂一陰一  
陽互為其根如無情化有情乃陰乘陽氣有  
情化無情乃陽乘陰氣故皆一變而不復返  
本形田鼠化鴛上化田鼠鳩化鷹上化鳩悉  
能復本形者陽乘陽氣也銻石化丹砂斷松  
化為石不復還本形者陰乘陰氣也夏草冬

虫乃感陰陽二氣而生夏至一陰生故靜而  
為草冬至一陽生故動而為虫輟轉循運非  
若腐草為螢陳麦化蝶感濕熱之氣者可比  
入葯故能諸虛百損以其得陰陽之氣全也  
然必冬取其虫而夏不取其草亦以其有一  
陽生發之氣可用 張子潤云夏草冬虫若  
取其夏草服之能絕孕無子猶黃精鉤吻之  
相反殆亦物理之奧云周蕪士云性溫治蠱

張近日種子丹用之

燉老鴨法 用夏草冬虫三五枚老雄鴨一隻去肚雜將鴨頭劈開納葯于中仍以線紮好醬油酒如常蒸爛食之其葯氣能從頭中直貫鴨全身無不透決凡病後虛損人每服一鴨可抵人參一兩

### 浙烏頭

此乃烏頭之產于浙地錢塘寬橋人種之市為風疾葯近日人家園圃亦有之名鸚哥菊又曰僧鞋菊追風活血取根入葯酒良



霍石斛

五色石斛附

出江南霍山形較釵斛細小色黃而形曲不  
直有成球者彼土人以代茶茗云極解暑醒  
脾止渴利水益人氣力或取熬膏餉客初未  
有行之者近年江南北盛行之有不給市買  
率以風蘭根偽充但風蘭形真不縮色青黯  
嚼之不粘齒味微辛霍石斛嚼之微有漿粘  
齒味甘微鹹形縮者真 百草鏡石斛近時

有一種形短祇寸許細如灯心色青黃咀之  
味微甘有滑涎係出六安州及潁州府霍山  
縣名霍山石斛最佳咀之無涎者係生木上  
不可用其功長於清胃熱惟胃腎有虛熱者  
宜之虛而無火者忌用

年希堯集驗良方長生丹用甜石斛即霍石  
斛也范瑤初云霍山屬六安州其地所產石  
斛名米心石斛以其形如累米多節類竹鞭

乾之成團他產者不能米心亦不能成團也  
甘平味鹹 陳廷慶云本草多言石斛甘淡  
入脾鹹平入腎今市中金釵及諸斛俱苦而  
不甘性亦寒且形不似金釵當以霍為真金  
釵斛 清胃除虛熱生津已勞損以之代茶  
開胃健脾功同參黃耆 疔驚癆風能鎮涎  
痰 解暑甘芳降氣

五色石斛

雲南志產祿勸州普渡河瀕江



石壁間色紺紅者佳  
療胃熱益虛羸

中華民國廿五年三月六日



本草綱目拾遺

清趙學敏撰

第

卷



# 銀柴胡

經疏云俗用柴胡有二種一種色白黃而大者名銀柴胡專用治勞熱骨蒸色微黑而細者用以解表發散本經並無二種之說功用亦無分別但云銀州者為最則知其優於發散而非治虛熱之葯明矣本草滙柴胡產銀夏者色微白而軟為銀柴胡用以治勞弱骨蒸以黃牯牛溺浸一宿晒乾治勞熱試驗



銀柴胡

草部



本經逢原云銀柴胡銀州者良今延安府五  
原城所產者長尺餘肥白而軟北地產者如  
前胡而軟今人謂之北柴胡勿令犯火犯火  
則不効 百草鏡云出陝西寧夏鎮二月採  
葉名芸蒿根長尺餘微白力弱於柴胡 藥  
辨云銀柴胡出寧夏鎮形如黃芪內有甘草  
串不可混用 翁有良云銀柴胡產銀州者  
佳有二種但辨形如鼠尾與前胡相等查前

胡與柴胡相類皆以西北出產者為勝形既  
相同當以湖廣古城柴胡為準今銀柴胡粗  
細不等大如拇指長數尺形不類鼠尾又不  
似前胡較本草不對治病難分兩用究非的  
確用者詳之 金御乘云銀州柴胡軟而白  
北產亦有白色者今人以充白頭翁此種亦  
可謂銀柴胡蓋銀指色言不指地言猶金銀  
花白色者曰銀花是也銀柴胡原有西產北



產之分不必定以銀夏者為銀柴胡也然入  
葯以西產者勝 按綱目註銀柴胡以銀夏  
出者為勝不知今人所用柴胡有北柴胡南  
柴胡之分北產如前胡而軟南產強硬不堪  
用又銀柴胡雖發表不似柴胡之峻烈綱目  
俱混而未析

甘微寒無毒行足陽明少陰其性與石斛不  
甚相遠不但清熱兼能涼血和劑局方治上

下諸血龍腦雞蘇丸中用之凡人虛勞方中  
惟銀州者為宜北柴胡升動虛陽發熱喘嗽  
愈無寧字可不辨而混用乎按柴胡條下本  
經逢原致新明目益精皆指銀夏者而言非  
北柴胡所能也

因一士云凡熱在骨髓者非銀柴胡莫療  
治虛勞肌熱骨蒸勞瘵熱從髓出小兒五疳  
羸熱

撫芎

產江西撫州中心有孔者是

辛溫無毒 逢原云性最升散專于開鬱寬

胸通行經絡鬱在中焦則胸膈痞滿作痛須

撫芎開提其氣以升之氣升則鬱自降故撫

芎總解諸鬱直達三焦為通陰陽氣血之使

然久服耗氣令人暴亡矣 按芎藭有數種

蜀產曰川芎秦產曰西芎江西為撫芎綱目



取川芎列名而西芎撫芎僅于註中一見亦  
不見分功用蓋芎窮以蜀產為上味辛而甘  
他產氣味辛烈遠不逮矣殊不知西芎與川  
芎性不甚遠俱為血中理氣之藥第西產不  
及川產者力厚而功大至撫芎則性專于開  
鬱上升迥然不同故石頑于川芎下另立撫  
芎一條以明不可混今從之

芎歸飲 不葯良方治失血湧出因飽食用

力或因持重努傷脈絡用當歸二兩或三兩  
酒浸洗撫芎一兩微炒水三碗酒一碗半煎  
至八分作二次服之取其引血歸經並治跌  
撲墮打而傷脈絡令人大吐者二症中如有  
瘀血或加大黃下之或加桃仁紅花破之或  
加鬱金黃酒行之審症酌加其效更速  
普濟一方一切熱癰時毒腫痛撫芎服研入

輕粉麻油調塗

土藜蘆

汪連仕云即千葉水仙花黃白者入葯紅者不可服取根罨毒晒燥研末合通關散搐鼻令人吐痰一切風症多可用之

綠升麻

從新云乃升麻之別一種繆仲醇廣筆記用治下痢每上有驗性最竄捷治痢疾下傷按升麻色綠者佳非另一種也



金鐘薄荷

金鐘薄荷

汪連仕草葯方云即細葉薄荷山產者根堅  
硬以米醋磨敷蜂刺虫叮蜈蚣咬  
葉 治跌打損傷虫牙痛煎湯咽  
王安采葯方金鐘薄荷即薄荷 止吐血黃  
疸跌打諸般風氣合濟陰丸

白毛夏枯草

產丹陽縣者佳葉梗同夏枯草惟葉上有白  
毛今杭城西湖鳳凰山甚多  
性寒味苦專清肺火

山牛膝

一名蘇木紅今人呼荔支紅又名透血紅產富陽竹園內善能理瘡并刀箭入肉活血化瘀寬筋理跌打損傷治破傷風七十一  
二般惡疾非此不除功勝川產 汪氏方

山牛膝

建神曲

范志曲

白酒為曲附

出福建泉州開元寺造者佳此曲採百草釀成故又名百草麴以黑青色煎之成塊不散作清香氣者真色帶黃淡者曰貢麴力和平不及青黑者力大此麴愈陳愈妙 葯性考  
泉州神麴微苦香甘搜風解表調胃行痰止嗽瘧痢吐瀉能安溫疫嵐瘴散疹清班感冒頭痛食滯心煩姜溫服煎二三錢造云百草

本草綱目卷之三

建神曲



法秘不傳得名范志塊造方端用之痛效隨  
遠人歎 蔡氏葯帖云治風寒暑濕頭眩發  
熱表汗立愈能消積開胸理膈調胃健脾及  
四時未定之氣兼能止瀉消腫及飲食不進  
等症又能止霍亂吐瀉咳嗽赤白痢疾小兒  
傷飢失飽一切症倘外出四方不服水土瘴  
氣壯痛皆取效如神范志齋蔡協德住泉州  
府城西街東塔前自造百草神麪即今建曲

每個重半斤或四兩乾隆辛卯五月蔡氏正  
造麪忽有一客至視百草而嘆曰當今男婦  
老幼秉氣衰薄百草恐傷元氣予有奇方共  
藥九十六味配合君臣使另加十二味佐青  
草紫蘇薄荷等物搗爛煎湯合共一百零八  
味製為小方塊每塊一兩按端午及六月六  
日諸神會聚皆可依法製造葯性平和氣味  
甘香遠行者宜備可以代茶常服大人每服

三錢水一盞煎七分小兒每服一錢五分水  
一茶鐘煎六分半飢飽時服忌生菜惟孕婦  
不可服此藥切片煎湯藥渣不散須認形色  
淡黃者為真 福建泉州府城內范志吳亦  
飛馳名萬應神麴氣味中和清香甘淡能搜  
風解表開胸快膈謂調胃健脾消積進食和  
中解酒止瀉利水治四時不正之氣感冒發  
熱頭眩咳嗽及傷食腹痛痞滿氣痛嘔吐泄

瀉痢疾飲食不進等症痘疹初發用托邪毒  
又治不服水土瘴氣瘧痢外出遠行尤宜常  
服大人每服三錢水一湯碗煎七分小兒每  
服一錢半或一錢水一大茶鐘煎七分每錢  
破作五六塊外感發熱頭眩咳嗽瘧疾嘔吐  
俱加生姜同煎泄瀉加烏梅同煎惟痢疾一  
症須加倍用大人每用五錢小兒二三錢加  
好蒲茶心同煎每斤價銀一兩六錢若用匣



裝每個五文店住學院考棚邊桂檀巷內觀  
音亭頂南畔第三間便是

白酒藥麩 松江得名良姜四兩草烏半斤  
吳萸白芷黃柏桂心乾姜香附辣蓼苦參秦  
椒九味各一兩等分薄荷二兩齊稱丁皮益  
智五錢杏仁共為細末滑石五斤米粉斗八  
河沙拌勻造丸乾用釀酒芳馨炒焦食滯移  
消靈 為性攷

土連翹 巴山虎附

乃鬧羊花子也鬧羊花即黃杜鵑一名石棠  
花牛食之即瘋顛富陽北泥山白洋溪一帶  
山中甚多彼土人呼為石棠花即黃色杜映  
山紅也 百草鏡云殼似連翹子類芝麻故  
一名山芝麻入葯每服三分不可多服方術

家麻葯中有之其根名巴山虎入葯去骨用

汪連任草葯方土連翹即鬧  
羊花子今呼為南天竺草

苦温治風寒濕痺瘰癧腫脹撲損疼痛疽毒  
疔瘡用之神效汪連仕單葯方治跌打損傷  
能治血疎風理七十二般風  
氣為外  
科聖葯

透骨丹 葯鑑治跌撲損傷深入骨髓或隱  
上疼痛或天陰則痛或年遠四肢無力此葯  
主之真神方也關羊花子一兩火酒浸炒三  
次童便浸二次焙乾乳香沒葯不去油血竭  
各三錢為末研勻再加射香一分同研磁瓶

收貯封固每服三分壯者五六分不必吃夜  
須睡好方服酒可盡量下服後避風有微汗  
出為要忌房事酸寒茶醋等物弱者間五日  
一服壯者間三日一服 按吉雲旒抄有治  
無名腫毒疔瘡發背一醉消奇方用山芝麻  
三分研極細末以好酒煎數沸帶渣服下蓋  
被出汗不可見風一服全消但不可用火酒  
則又與葯鑑製法異並附于此善用者擇之



將軍復戰丹 張雲野瑣記治跌打損傷以  
山芝麻二十兩童便浸四燒浸三次畧炒乾  
用乳香沒藥各炙去油三兩血竭煨二兩為  
極細末火酒送下四分隨白煮豬肉壓之如  
持齋者食白腐乾服藥後切記避風  
七厘散 吳興楊氏便易良方治金刃傷止  
痛如神用龍骨礪砂血竭酒洗皂茶天芝麻  
即土連翹各五分為細末每服七厘

十全丸 萊竹堂驗方治風痺跌撲瘰癧初  
起一方即能消散惟虛弱人須先補而後用  
此攻之射香三錢川山甲土炒脆廣木香生  
研血竭另研堆黃水飛山芝麻酒炒番木鱉  
黃土炒焦黃為度不可太枯篩取淨末自然  
銅火煨醋淬九次研細水飛僵蚕炒去絲去  
頭足以上各一兩川蜈蚣去足尾二十一條  
酒炙為末蜜丸桐子大以硃砂為衣金箔裹

之蠟丸封固每用一九至重者再進一九用  
羌活紫蘇酒煎化服取汗避風否則發戰傷  
人一方向去木鱉子加風茄花五錢山芝麻亦  
用五錢較穩

馬前散 救生苦海治瘡疽初起跌撲內傷  
風痺疼痛其效如神番木鱉忌見鐵器入砂  
鍋內黃土拌炒焦黃為度石臼中搗磨用細  
篩上去皮毛揀淨末山芝麻去壳酒炒各五

錢乳香末箬葉烘出油五錢川山甲黃土炒  
脆一兩每服一錢酒下不可多服上後避風  
否則令人發戰慄不止如人虛弱每服五分  
五虎丹 治風痺跌撲腫毒初起草烏去皮  
姜汁拌晒隔紙炒山芝麻火酒拌晒炒雄黃  
水飛血竭箬葉上烘烱川山甲砂炒各一兩  
為末丸如芥子大酒下二三分不可多此方  
見草寶真奴劑也



巴山虎 即關羊花根也 追風定痛

神妙草頭痧為 行蘆檢秘鵝不食草并子

一兩南星半夏黎蘆漏蘆牙皂關羊花子關

羊花根各一錢俱晒燥磨極細末此葯尚治

中暑中寒中風不語牙關緊閉急慢驚風小

兒筋抽將葯吸入鼻內噴嚏來立時甦醒亦

可用陰陽水調服二三分立愈

薰痔漏仙方不可刀針挂線及服葯丸散用

關羊花根俗名老虎花像杜鵑色黃其根如

鉄將此根搥碎煎湯放確內置桶中蓋上挖

一孔對痔坐定燻之湯冷復熱之再熏其管

觸葯氣自漸上積乱不堪熏半月自愈重者

一月收功永不再發切不可洗

治兩腮紅腫梁氏集驗百合一个山芝麻根

去皮貝母元明粉各一錢銀硃七分加白麵

調敷

土萬草

一名地蘇木過山龍風車草此南方所產積  
草也葉四五瓣成一叢攢莖節而生方梗柔  
蔓皮糙澀棘人指獨莖直上一二尺乃有分  
歧處葉如箭鏃風吹能環轉如車輪故名又  
名八仙草以其葉相對攢簇枝節間生也其  
根黃赤色不可染又名活血丹 百草鏡云  
此草秋時結實小如梧桐子實後枯立夏後



發苗

性平入肝脾心經治打傷跌壓活血性善行  
血無瘀者禁用 葛祖方治瘋痛通經下胎  
黃疸鬼箭打瘕痞蛇傷 葯鑑云功尚活血  
治跌撲瘡毒癰疽經閉便血崩中帶下痔漏  
風痺鬼箭風散脹黃疸蛇傷  
疥瘡 朱羅峰方過山龍仙橋草蒼耳草希  
蒼草紫花地丁野苧麻根六味等分酒煎服

取汗瀉多服蟾酥丸汗出鹹者可治若味淡  
不可治

又方 地蘓木陰乾為末重者八錢輕者五  
錢好酒煎服如散黃者沖酒服渣罨疥上



野苘草

採葯志天青地白草又名州綿葱即野苘麻也一名銀苘又名天名精生山土河塹旁立春後生苗長一二尺葉圓而尖面青背白有麻紋結子細碎根持之有滑涎入葯用根取鬆土者良肥白無筋按此與地菘別

性涼治諸毒活血止血功能發散止渴安胎塗小兒丹毒通壅脹崩淋哮喘白濁滑精牙



疼喉閉骨硬疝氣火丹癰毒胡蜂毒蛇咬發  
背疔瘡跌損傷救生苦海午日取野苧葉陰  
乾晒燥搥熟取白絨收藏夏月遇有金刃傷  
者敷之即止血且不作膿百草鏡跌撲野苧  
根一兩搗碎好酒煎服盡量飲醉 漆瘡紅  
腫合紫霞膏又為女科聖藥痘毒以野苧麻  
去皮搗敷 瘡疽發背對口一切無名腫毒  
野苧根湯汁用無灰酒沖下渣敷患處露頭

蓋被出汗即出膿水全愈

跌打閃挫 教師白字亮傳大鯽魚一尾獨  
核肥皂一個胡椒七粒黃梔子九個老姜一  
片葱頭三個野苧麻根一段乾麩一撮香糟  
一團紹酒隨敷用同煎藥合搗如泥炒熱敷  
患處立愈外用布色扎緊次日青出即愈  
救生苦海治神鬼箭用野苧麻川南星同搗  
敷 徐若寧云蛇虺咬看傷處有竅是雄蛇

無竅是雌蛇以針挑破傷處成竅然後取野  
苧麻嫩頭搗汁和酒服之三盞後刺渣敷傷  
口能令毒從竅中出傷立愈將渣棄水中永  
不復發

雞鴨脚艾

百草鏡葉細多歧間有濶者雜之姜蕤如雞  
鴨脚然故名搗之作艾香  
治脚氣疝氣



千里光

一名九里明一名黃花草綱目附見千里及  
下按千里光為外科聖藥俗諺云有人識得  
千里光全家一生不生瘡綱目不載入外科  
用 百草鏡云此草生山土立夏後生苗一  
莖直上高數尺葉類菊不對生

圖經云千里光生淺山及路旁葉似菊而長  
背有毛枝幹圓而青春生苗秋有黃花不結

實采莖葉入眼葯名黃花演

明日去星障煎湯浴瘡瘍合膏點赤眼貼楊  
梅瘡狗咬以千里膏搽粉霜貼之 治蛇傷

治四塊

鵝掌風 王三才醫使用千里光草一握蒼  
耳草一中握朝東墻頭草一小握共入瓶內  
水煎百沸以手少擦射香向瓶熏之仍用絹  
帛繫臂上勿令走氣三次即愈千里光即金

釵草是也

治時疫赤鼻聾耳火眼諸瘡癩毒破爛及鵝  
掌風合千里光膏點赤眼貼楊梅瘡如狗油  
熬粉霜尤妙 王安采葯方



小青草

五月生苗葉短小多莖不甚高開花成簇紅色兩瓣與大青同但細小耳一名蜻蜒草一名蒼蠅翅與網目小青條集解下引圖經生福州三月生花亦不載其形狀未免失考且主治亦別 圖事須知小青一名波竹花此則另有一種  
味苦大寒理小腸火治免疔積赤目腫痛療

傷寒熱症時行咽痛治疔積煮牛肉田雞  
肝食之 疔疔煮猪肝食 黃疸勞瘵發熱  
翳障初起 百草鏡小青草五錢煮豆腐  
食

雀目 百草鏡一名雞盲白晝見物將暮即  
昏雞肝或羊肝取一具不落水小青草五錢  
安碗內加酒漿蒸熟去草吃肝三服即愈加  
明雄黃五分尤妙

### 澤半支

百草鏡葉如鼠牙半支生山澗處葉皆對節  
夏開黃花如瓦松  
治蛇咬疔種



狐尾草

汪連仕采葯書狐尾草花如狐尾九節而生

長水澤旁名狐媚花

主治吐血金瘡取根敷

一切種毒根洗瘡用葉

金錢草

一名遍地香佛耳草俗訛白耳草乳香藤九  
里香半池蓮千年冷遍地金錢其葉對生圓  
如錢鉞兔草葉形元二瓣對生象鏡鉞生郊  
野濕地十月二月發苗蔓生滿地開淡紫花  
間一二寸則生二節上布地生根葉四圍有  
小缺痕縐面以葉大者力勝乾之清香者真  
三月採勿見火綱目有積雪草即此但所引



諸書主治亦小異故仍為補之至綱目所載  
言其治女子少腹痛有殊效其方已載綱目  
此不贅述

味微甘性微寒祛風治濕熱百草鏡跌打損  
傷瘡疾產後驚風壯癩便毒痔漏擦鵝掌風  
汁嗽牙疼 葛祖方去風散毒煎湯洗一切  
瘡疥神效採葯志發散頭風七邪治腦漏白  
濁熱淋玉莖腫痛搗汁沖生酒吃神效

按蔣儀葯鏡云佛耳下瘦作喘能祛肺脹止  
孝發救大救金寒以之列入熱部豈以其氣  
辛耶

白虎丹 祝氏効方鮮野甜菜即車前草洗  
淨加通地香搗爛用白酒和汁絞出鵝毛搽  
患處即消

疥瘡 救生苦海鉸兜草加鹽少許搥熟頻  
擦全化然後洗浴三次必愈若用煎洗反不

見効

疥瘡走黃毒歸心 慈航活人書銅錢草即  
過地香採葉搗爛童便煎服後再飲好菜  
油二三碗令吐如吐即不必服矣再加生豬  
腦一個全白粽子搗勻敷

張介賓本草正佛耳草味微酸性溫大溫肺  
氣止寒嗽散痰氣散風寒熱亦止泄瀉銷  
艾捲作筒用薰久救尤妙

雪裡青

荔枝草附

一名土犀角一名過冬青生田塍間葉如天  
名精而小布地生無枝梗葉有細白毛四時  
不凋雪天開小白花又荔枝草亦名雪裡青  
百草鏡云雪天開小白花者乃過冬青三月  
起莖花白成穗如夏枯草有毛者名雪裡青  
味苦大寒瀉熱治咽喉急閉搗汁灌之甚效  
王氏驗方云能行上焦治腫痛散風火結滯



咳血雪裡青根精猪肉切片層層隔開白酒  
淡煮至爛食之 肺痿雪裡青持汁加蜜和  
勻作二次服每日服五七次七日全愈 齒  
痛雪裡青持汁含痛處再用酒和服少許  
痔雪裡青湯洗之 喉薄荷一兩雪裡青五  
錢加水片三分為末吹喉或吹鼻孔亦可  
肺癰集效方雪裡青搗汁沖酒服之立効  
黃雨岩云危篤肺癰痿症第一用雪裡青搗

汁服如吐尤妙 治單双蛾木蓮蓬雪裡青  
根葉搗汁米醋滾過沖入前汁含少許咽之  
吐出即愈

荔枝草 一名皺皮慈丹術家入爐火用

百草鏡云荔枝草冬盡發苗經霜雪不枯三  
月抽莖高近尺許開花細紫成穗五月枯至  
方中空葉尖長面有麻縷邊有鋸齒三月採  
辛亥予寓臨安署中見荒圃中多此物葉深

青映日有光邊作鋸齒葉背淡白色絲筋紋  
輟綻露麻纒凹凸最分明凌冬不枯皆獨辦  
一叢數十葉點綴砌草間亦雅觀也性凉  
血葛祖遺方治咽喉十八症消瘰腫楊梅痔  
瘡

急驚集聽荔枝草汁半鐘水飛過硃砂半分  
和勻服之立愈 小兒疳積集聽荔枝草汁  
入茶盃內用不見水雞軟肝一個將銀針鑽

數孔浸在汁內汁浮于肝放飯鍋上蒸熟食  
之即愈 喉痛或生乳蛾救苦海用荔枝  
草搗爛加米醋絹包裹縛筋頭上點入喉中  
數次愈 双單蛾集效方雪裡青一握搗汁  
半茶鐘滾水冲服有痰吐出如無痰將雞毛  
探吐若口乾以鹽湯醋湯止渴切忌青菜  
菜油 痔瘡活人書雪裡青汁炒槐米為末  
柿餅搗丸如桐子大每服三錢雪裡青煎湯



下 白濁張景漪傳方雪裡青草生白酒煎  
服 無名種毒葉天士効方雪裡青一握鮮  
者佳加金剪刀同搗爛入酒糟半鐘共搗專  
不必留頭輕者自散重者雖出膿無妨 治  
鼠瘻經驗廣集用過冬青即荔枝草又名天  
名精五六枚同鯽魚入鍋煮熟去草及魚飲  
汁數次愈

汪連仕草葯方鳳眼草即荔枝草土人稱為

賴師草醫家名隔冬青涼血止崩漏散一切  
瘡毒最効

望江青

一名還精草玉星草銀脚鷺鷥血見愁穀雨  
後發苗生澤旁湖岸方莖中空葉狹長而尖  
有鋸齒對節小滿後抽莖開花成穗細紫層  
上而上寒露時枯根多鬚節間方而白極長  
亦空明根尤妙

涼苦百草鏡性寒而味微苦入肺經吐血服  
之生精還力除濕熱去星障療肺瘵勞力傷



脫力黃同金器煎服愈驚風

日中去星翳障 百草鏡望江青一兩羊肝  
一具同豆腐煮食

吐血 白蜜二兩隔湯頓熟望江青一兩煎  
湯冲蜜服不論遠年新起一切血症二服除  
根嘉慶三年予僕孫成患血症甚劇得此方  
而愈但服此葯後每服須吃桂圓五斤二服  
吃十斤方無後患此葯服後人如醉怪上然

睡一週時自愈再得燕窩粥培元更妙

乳瘰乳核 秋泉家秘祖傳天下第一奇方

治乳瘰乳核腫硬大者服之即內消用九  
龍川即龍見怕一兩細葉冬青即山黃楊五  
錢龍爪紫金鞭即馬鞭草又名龍爪草一兩  
金剪刀三錢九節金絲草即望江青五錢通  
地金龍草即地五爪三錢用無灰酒二碗加  
香圓葉或橘葉十餘片煎鍾半飢時隨量二

三次服之渣再煎服

絕瘡 望江青乾者五錢煎酒服

予表戚張石港生平常服望江青每日用乾者三錢北來六枚全煎食如是三年身輕脚健終年無疾云其功不下參也

王聖俞云銀脚鷺鷥葉似胡麻而小直莖可尺許長其葉對生根絕類水芹味甘而多津液採而以蜜拌蒸食治肺虛失音及久服最

益人西湖諸山皆有之據此則似另一種蓋望江青根白而不長若長者乃銀脚鷺鷥也並存以候考

李氏草秘望江青俗呼天芝麻以其葉似芝麻葉也方梗對節生葉至春節間開紅紫花生水溝澤邊形微似豬鬃草

治打傷撲損最治血搗汁沖酒服渣卷傷處一人閃足痛不能舉無苗尋根其搗汁入煎



劑三服而愈全牛膝芍藥當歸獨活玉叉草  
活血丹七葉草五爪龍放棒行金雀腦覆絲  
藤揸草等和勻搗汁和酒服之損傷垂死但  
得入咽可生並治諸爛痛瘡鮮吐血亦效

無骨苧麻

接骨草  
紫接骨附

麻衣接骨

即玉接骨名血見愁玉錢草麒麟草玉連環  
葉小圓根如水芹生陰濕處立夏時發苗逢  
節則粗葉尖長根蔓延色白多粗節類竹根  
搗之汁粘高者尺許鬆土種之極易繁衍入  
葯用根百草鏡云玉盤龍一名無骨苧麻葉  
類苧麻而薄小背不白莖如筋色明透至九  
月莖白明如水晶上有細紅點子十月萎採

宜九月一名玉梗半枝蓮搗之有白漿稠滑  
細目蒴藿條釋名云即接骨草蘇恭云葉似  
芹寇宗奭云花白子青十月子乃紅熟有一  
二百子時珍云每枝五葉按羣芳譜則花白  
而葉不類其根乃似水芹今人搗汁以續筋  
骨損折頗驗名玉接骨當是此種然綱目無  
一語治折傷且所引形狀率多含混故特詳  
晰補之

性涼味甘浚入肺經血分治吐血腸紅下血  
跌打損傷采葯志云接骨草又名玉梗金不  
換性溫能止血生肌行肺經之惡血引血歸  
經理氣開胃大有功效

接骨草 苗如竹節出廣西粵語此草叢生  
高二三尺葉大如柳而厚莖有節色綠而圓  
花白午開自三月至九月不絕羣芳譜四季  
花一名接骨草葉細花小色白自三月開至



九月午開子落枝葉搗汁可治跌打損傷九  
月內剖根分種肇慶志接骨草出封川陽江  
一名四季生園桂中莖綠而圓葉長如指而  
尖花白跌傷骨節搗爛敷之可以接骨而本  
草不載李氏草秘羊耳草又名接骨草生  
墻崖上葉如羊耳專治接骨  
性平治折傷續斷骨持卷即愈  
麻衣接骨 生背陰山脚下或澗旁穀雨後  
發苗葉類芋麻背不白對生節下則粗如鶴

藤作紫色敏接接骨草數種俱產深山澗濕  
旁近地罕得人家間有種之者然麻衣接骨  
每不易得玉接骨性涼味甘而補能和中調  
血生髓益津其功不僅治折損麻衣接骨  
性溫而行血惟治折損故人多不傳其種  
辛亥子館臨安遊西徑山寶珠寺見山門外  
通隙地皆麻衣接骨形狀儼如土牛膝而粗  
處作紫黯色甚脆折之從粗節處斷視之紫

透中心誠為佳草不易得而山僧土人悉皆  
莫識故特得潞育盈畦也  
治跌打損傷

紫接骨 生山土與麻衣接骨相似而葉莖  
俱紫治跌撲勞傷損瘀

汪連仕云金寶相一名金鉢孟菴金瘡之聖  
葯又能散風透膿一夜即透其葉如胡蝶花  
根如商陸即皺皮葱今呼麻葉接骨敏按汪

所論當又是一種亦非荔支草而又不是似  
牛膝之一種接骨也



鳳眼草 花上細粉附

此草苗如薄荷葉微圓長五六寸穀雨後生  
苗立夏後枝極間復生二小葉節上皆有至  
秋後二小葉中心白色儼如鳳眼故名八九  
月眼中開花其花如鬚長一二寸紫黃色亦  
可入藥 百草鏡鳳眼草芒種後其枝極間  
二小葉中心各起蕊一粒如人兩眼細碎如  
石胡荽子狀至小暑後色轉紅黃漸抽長如

鬚此草自苗至老葉皆有波紅暈

敏按經驗廣集治小便不通有皂角湯熏法  
方中用鳳眼草乃臭椿葉別名與此名同物  
異

治一切風痺活血去風酒煎服立効

室女乾血勞 用鳳眼草連根葉鮮者一兩  
加紅花三錢酒煎服通經自愈

四日兩頭瘡 用鳳眼草煮紅棗飲汁自愈

俱傳 婦女經閉不通發熱勞症 鳳眼草為  
信方

末一兩紅花炒二錢水三鍾煎一鍾入黑糖  
五錢空心服三五劑見血方止 醫學指南

遺精白濁 鳳眼草炒乾研末五錢沖熟黃  
酒服 醫學指南

花上細粉 入癬藥殺虫定痒



雀麦

汪氏采葯書即雀角花此花令人觸忿花象  
雀脚獵人采熬藥箭呼為破關草人以其能  
爛痔漏呼為破管草

風膏葯

桂海草木志葉如冬青 粵志肇慶七星岩  
產風葯叢生石罅其葉圓厚和酒嚼之治風  
疾一曰風草一曰風葉諺云風病須風葉即  
此

按福寧府志風藤草一名山膏葯治風愈瘡  
或即此欵  
治太陽頭疼目昏眩



竹葉細辛

即樟耳草香勝細辛

治脫力虛黃 汪方

竹葉細辛

竹葉細辛

草部

離情草

出雲南夷中多有鬻之者凡人為情慾銅閉  
往亡致或得此草一莖煎服之入口即豁如  
夢覺斷線絕愛亦不自知所以然也按段成  
式雜俎載左行草使人無情范陽以之入貢  
或即此類歟又有合情草與之相反可知造  
物之生物必有對待如此也  
已相思絕情愛如神



和合草

此即合情草也柳崖外編永昌府瀾滄江外  
有和合草根潔白結男女交媾狀土人見之  
用稻米周圍之掘方可得否則遁去有夫  
婦不諧者服之即歡好然載諸江船輒沉溺  
不得渡智者用長線繫置岸側持線登舟渡  
畢然後引過故滇省近邊一帶時有之聞  
服之者曰男視女雖嫫母西子王媪不若也

女視男雖醜亦潘安雖老亦健兒也治夫婦  
相憎疾煎酒服

鹽蓬 鹹蓬

為性考二種皆產北直鹹地土人割之燒灰  
淋湯煎熬得鹽其葉似蒿圓長至秋時莖葉  
俱紅燒灰煎鹽勝海水煮者  
味鹹性涼清熱消積



知風草

葯性考雷瓊蔓生無毒土人春日視其苗有  
一節則一次有風入葯以無節者浸酒用  
治一切風痺入骨能拔之出外

鳳頭連

出臺灣內山形如黃連色紫多細鬚茸然分  
歧如鳳頭故名  
性平治咽喉一切諸症



黎藜果

如肥皂出臺灣  
治疥瘡磨塗

蒲包草

活人書又名鬼臘燭新語云水臘燭草本生  
野塘間秋杪結實宛與臘燭相似有詠者云  
風搖無弄影煤具不燃烟以其開花結實儼  
似蠟燭故名蘆葦蕩中頗多土人採其寔以  
治金刃傷止血用

治瘰癧 蒲包草連根採來洗去泥切寸段  
砂鍋煎湯代茶飲不論男女皆愈但婦人服



此愈後終不受孕須服北京真益母丸四五  
丸兩可解之

汪連任采葯書蒲萼即蒲草南人呼莎草北  
人呼板枝花結實為鬼蠋燭其粉即蒲黃

### 鬼扇草

采藥錄鬼扇草生石壁上葉向青有直紋如  
白菜葉狀枚上生如扇骨人若打死在地搗  
此草汁灌入口即甦醒

鮎魚鬚

采葉錄鮎魚鬚草梗葉青色向起直紋葉上有鬚二條其根如竹鞭狀

治疥瘡一切諸瘡

汪連仕云鮎魚鬚沿藤如豆葉二了內二鬚根白而粗劣治外科一切疥瘡種毒



紫背稀奇

采藥錄紫背生陰山着地布苗葉有兩大兩  
小面灰色有直紋背微紫若起心有藤一二  
尺長葉尖對生

治痘毒用活草一斤作二服酒煎下已成速  
愈未成立消

臭草

本草補春西既產香草復產臭草雖薰不全  
猶效用則一其本高尺餘開小黃花摘花蕊  
陰乾待用與葉同功結子成實裂分四房每  
房子數粒春秋二仲皆可種之春將揀之亦  
活不畏霜雪亦不喜肥須澆以清水人以手  
捋之便臭氣拂之亦非穢朽腐可比也亦功  
用亦與香草等植樹下能殺樹上虫植園中



能辟蛇蝎蜈蚣等諸毒

泄瀉及小便不通取臭草葉或生或煮食之  
服毒并蛇蝎蜈蚣等毒急取臭草葉生食其  
毒自解腹內蛔虫以清油煎臭草葉搗爛敷  
臍上勝食使君子遠矣臭血取臭草葉搗爛  
塞鼻孔即止危急重病昏暈採葉醋烹槎熟  
塞鼻即醒耳痛以臭草葉搗爛取自然汁置  
石榴皮內煨過滴耳中目痛以葉置清水內

露二三日將葉蘸水點眼目力過勞以臭草  
葉自然汁加蜂蜜一滴并略加小茴香自然  
汁調和點眼久則光明楊梅瘡以自然汁略  
加好酒并清水粉同煎治之婦人心氣痛病  
由于子宮上冲用臭草葉嗅之以愈為度大  
庚曾上士曾用此方歎其靈驗小兒大便腸  
出以好酒煮臭草葉搗爛用布作膏貼之



本草綱目拾遺卷四

錢塘趙學敏恕軒氏輯



草部中

金豆子 夜闌門附

百草鏡一名金花豹子三月生苗十月枯雖  
豆類却不起蔓本高一二寸分枝成叢葉似  
槐而稍大處暑時開黃花五出磬口蠟梅似  
之結莢向上類降護而短長只二三寸實似

金豆子

金豆子

草部



綠豆而偏皮有紫斑較綠豆稍大味淡  
子  
治疔瘡如神

葉 治腫毒茅氏傳方以葉晒研醋和敷白  
頭即消或酒下二三錢

按傳澹菴花草訣金豆子開黃花子如綠豆  
入滾茶味清香即草決明寧憲王救荒本草  
有山扁豆即苙苙決明味甘草可作酒麴俗  
呼獨占缸苗葉花子皆可瀉茹及點茶食所

載形狀亦與金豆子同而瀕湖綱目決明後  
附苙苙云性平無毒火灸作飲極香除疲止  
渴令人不睡調中隋稠禪師採作五色飲以  
進煬帝者是也無治疔腫之說故並存以備  
考

夜闌門 葉如槐夜即合開黃花仁和窠橋  
人多種之俞曉園云有草木二種草本者良  
木本者乃合歡也能追風取皮治疔瘡不斂

熬膏貼毒生肌收口 按綱目馬蹄決明葉  
亦如槐晝開夜合其葉本小末麥秋開黃色  
花或即係決明但綱目于決明子下亦不言  
疝氣令並存之  
英 治疝氣

### 接骨仙莖

一名奪命丹活血丹蟠莖草生田野間似鱧  
腸草結子如莖熟則微紅小如菘豆大內有  
虫者佳百草鏡仙莖草近水處田塍多有之  
穀雨後生苗葉光長類旱蓮高尺許莖空摘  
斷不黑亦不香立夏後開細白花亦類旱蓮  
而成總結實如豆大如莖子中空內有小虫  
在內生翅穴孔而出採時須俟實將紅虫未



出生翅時收用葯力方全蓋此藥之用全在  
虫須晒焙令内虫死若挂懸風乾恐内虫生  
翅而出藥亦無用矣按此草須芒種後採若  
過夏至則虫穴孔而出化為小蚊芑空無用  
矣

性温味甘淡消癰腫跌打或搗汁或屑服俱  
效

治肝氣和胃 集聽云一名八卦仙菴此草

生田野葉如石榴葉實如菴子絕小内生小  
虫者真取實連虫用一方專治肝氣胃氣小  
腸疝瘕用仙菴草有虫者金橘核福橘核華  
澄茄各等分為末砂糖調丸菴豆大每晚服  
一錢許至重者二服斷根

治勞損虛怯 百草鏡云取有虫仙菴草用  
童便製透入補藥用

治吐血 百草鏡云用新鮮接骨仙菴草搗

汁加入乳和服按吐血諸方皆用涼血之劑  
惟此為性熱加入乳能引血歸經故妙  
跌撲損傷 救生苦海用地蘇木五錢八角  
金盤根一錢接骨仙苑草五錢臭梧桐花三  
錢煎酒服

七葉黃 山黃荊附

一名猪卧草地五爪珠子草烏食草烏蛇草  
七絃琴亦名七葉黃荊藤生土牆脚下陰地  
葉尖長相對三四行成一瓣莖上起稜一凹  
間紫色白露後抽心高三五尺開細白花成  
簇結子亦細碎霜後紅如珊瑚細珠根長而  
白入藥 百草鏡云此種有木本者名芊匕  
治治跌撲瘰癧



味甘治勞力傷跌打魚口添瘡煎湯洗 治  
便毒搗汁將肥皂一个煨存性調酒服渣專  
患處 治噤脹生服能令人吐 治跌打損  
傷閃腰挫氣痛集聽云此秘方也用烏蛇草  
晒乾為末砂糖酒調服最凶者加重便須端  
午日午時收者更効若急用不拘時日取鮮  
者搗爛服發汗愈此草有五名一曰烏蛇草  
一曰烏龍草一曰猪卧草一曰七葉黃金因

其葉七片一枝或五片大者九片其根名干  
秋葉九十月間頂上結紅子晒乾吞之可治  
疝氣 汪連仕草藥方七葉黃荆俗呼扞七  
活又名放棍行又名珊瑚配與烏蛇草別  
行血敗毒洗一切瘡疥鬼箭風

山黃荆 玉環志葉似楓而有杈結黑子如  
胡椒而尖可屑粉煮食又有水荆似蒸結黑  
子不可食剪其枝可以接梨入為用山荆

消食下氣 退管方黃荆條所結之子炙燥  
為末五錢一服黑糖拌空心陳酒送服尚治  
痔漏之管服至管自退出  
九竅出血 救生苦海黃荆有二種赤者為  
楷青者為荆其木心方其枝對出一枝五葉  
或七葉上如榆葉長而尖作鋸齒五月時開  
花紅紫色成穗子如胡荽子大有白膜皮色  
裹用其葉搗汁酒和服二合立止

骨蒸勞熱 養素園驗方六月雪黃荆子稀  
荻草何首烏當歸川芎熟地白茯苓水二鐘  
姜三片煎八分服有痰加半夏  
漆瘡 姚希周經驗方用烏蛇草不論鮮乾  
一握煎湯一洗即愈

傷寒發熱而呃逆者 回春用黃荆子不拘  
多少炒水煎服下立止

杖瘡起疔甲 黃荆子焙乾為末搽上即開



不用刀刮

肝胃痛 周山人方用黃荊子研末和粉作團食一二次斷根

脚炷 周氏方用黃荊嫩根葉搗爛卷上即愈

救命王 金不換附

一名死裡逃生

治小兒感冒風寒咳嗽大人傷力損傷吐血諸風疼痛無名腫毒

金不換 亦名救命王似羊蹄根而葉圓短本不甚高此草出於西極傳入中土人家種之治病故山澤中不產立春後生夏至後枯用根綱目三七亦名金不換與此別又木本

亦有金不換

性平破瘀生新治跌打消癰腫止血愈疥癬  
和糖醋搗擦 裁虫傷用葉搗塗 治肺癰  
葉能伸臂力開硬弓臂痛或力弱不能弓  
者取其葉揉軟覆膊上以帛束之過夜痛者  
即定疼且全力俱攝入臂上開弓更不費力  
營伍需為要緊藥

腫毒初起 百草鏡金不換草根葉不拘搗

碎五錢陳酒煎服

肺癰 百草鏡金不換草根一兩或葉七瓣  
搗汁酒煎服三次愈不論口臭吐穢物者皆  
効

風痛 楊氏驗方金不換錢半小活血枳壳  
蘇葉當歸各三錢烏藥川芎各二錢花粉半  
兩老酒一斤煎熱服

跌打疼痛風氣 慈航活人書救命王即金



不換葉如冬菜葉春夏用葉冬用根持汁冲酒服渣加毛脚蟹搗爛專如風氣只用塗專汪連仕草藥方金不換大葉者為金鉢孟大接骨草細葉者小接骨草吐血頗効因呼為吐血草軍中箭傷卷之效即呼箭頭草放行血破血合地蘇木落得打共酒服

### 黃麻葉

醫方集聽云此治諸血之聖為一名牛泥茨一名三珠草一名天紫蘇三月生苗如麻葉有微毛取葉嚼之味如苦蘿久嚼微辛大葉旁兩小葉如杏葉至八九月每葉生子三粒狀如粟米子內一粒如菜子嫩時青色老即黑色取子入藥治咳傷肺開花細紫紅色自五月起至十月止處上有之

治血症集驗取葉同虎杖龍茅用 血崩集  
驗用黃麻葉連根持爛酒煎露一宿次早服  
之  
氣症心疼肚痛痢疾痞結  
子 治咳傷肺  
汪連仕云大麻子即黃麻子性熱行血醫人  
合麻藥共風茄用

### 六月霜

丁未余館奉化邑人暑月俱以此代茶云消  
食運脾性寒解暑如神五月內村山人率刈  
乾束縛挑入城市售賣予以百錢買得一束  
如乾薄荷狀而長大倍之莖上綴白珠成穗  
土人云子能下氣消食更甚于枝葉偶得痞  
悶不快因取一枝沖湯代茶飲次日即健啖  
異常所言信不妄也 三才藻異一名六月



冷即曲節草也性寒故名花似薄荷葉似劉  
寄奴名蛇藍

氣症心疼肚小免暑月泡茶食之佳

性苦寒亦厚腸胃止痢開膈食之令人善咬  
凡傷寒時疫取一莖帶子者煎服之能起死  
回生屢試皆效又善解毒洗瘡疥皆愈

按綱目曲節草一名六月霜瀕湖所引圖經  
云甘平無毒治發背消癰拔毒同甘草作末

米汁調服而他治有殊功並未言及今仍補  
之

山海螺

生山溪澗濱地上葉五瓣附莖而生根如狼  
毒皮有縐旋紋與海螺相似而生于山故名  
雖生溪畔性却喜燥枝葉繁弱可以入盆玩  
百草鏡云生山土二月採絕似狼毒惟皮疙  
瘩搗破有白漿為異其葉四瓣梗枝蔓延秋  
後結子如笑盤珠旁有四葉承之  
治腫毒癰瘡取汁和酒服渣專患處



汪連仕云苗蔓生根如蘿蔔味多臭治楊梅  
惡瘡神效

王安采葯方山海螺一名白河車加紫河車  
紅白石膏名四聖散治腸瘡便毒臟毒乳瘡  
疽皆效

### 水楊柳

張琰種痘新書云水楊柳乃草本生溪澗水  
旁葉如柳其莖春時青至夏末秋初則赤矣  
條上直上不分枝極至秋略含赤花凡瘡焦  
紫乾枯者以此洗之立見光亮漿水即行其  
效如神已洗之後若往視之則已洗未洗之  
處其明潤焦暗形色判然取水行漿之效孰  
有速于此者但須用巾蘸其藥水頻上與拭

必水足而後已也若秋冬葉落取根用之  
瀕湖網目木部有水楊亦主痘毒引魏直博  
愛心鑑浴痘法但所載形狀與此全別惟于  
集解下註有赤楊與張琰所說不甚相遠而  
又無主治故為補之

性微寒味熱 涼血解毒痘瘡焦黑浴之立起  
治跌打損傷痲瘋疫解暑鬱惡毒

水楊柳湯 張琰治痘紅紫乾燥不起水有

水楊柳湯云古方所載是木細葉紅梗枝上  
有圓果上有白鬚散出此等俗呼水楊梅以  
其葉似楊梅也余未試用余常用者乃是草  
生水邊葉如柳葉其梗至秋則紅赤無葉結  
此草冬用枝梗及根春夏秋用枝葉凡痘紅  
紫乾枯不起水者內服活血解毒之劑外用  
此煎水拭頭面連拭數次立見光潤即其行  
漿之勢所未洗者其色不變



手足拘攣 費建中救徧瑣言用草本水楊柳酒煎服甚驗

痔漏洗方 傳信方水楊柳根煎湯洗後虫出愈勝脫落下 劉羽儀驗方此名茄病其色或紫者可治白者不可治黃連一錢狗脊水楊柳根五倍子魚腥草四味多少不拘凡錢許共為末煎湯先薰後洗乘熱時輕上托進睡卧一二日即愈再服調理藥

并并活 毛世洪經驗集并并活即水楊柳其根可治楊梅結毒

小將軍

一名研星草散血丹生陰濕地三春後有苗  
葉類狗卵草畧大莖微紅穀雨後開花細小  
結子二粒如荷色草子 百草鏡二月發苗  
葉如双珠草節間生子如鷺不食草子而畧  
大三月採五月枯

葛祖方治黃疸脚氣丹遊風吐血咳血

百草鏡治跌撲刀傷癰腫疫中帶血洗疥瘡



採藥志性溫散毒治杖傷跌打損傷持汁酒和服渣卷患處立刻腫消而愈

金居士選要方治跌撲用五靈脂三錢射香錢半小將軍草三兩鮮者取汁先持酒煎上二味待好去渣再入藥汁滾一二沸取服僧鑑平言此草治疔腫如神不論疔生何處及何種疔皆可用此持極爛身瘡口留頭次日即乾緊肉上洗去再專至重者專二次即

愈輕者一塗即好真救疔垂死之聖藥也親試神驗

九鼎連環草

一名九葉雲頭艾三月生苗條子出高二三  
尺葉似艾菊香亦近之霜後枯產口外五臺  
山二處近有人帶種各處可植八九月間起  
穗結莖類野菊莖但不開花結實其實如野  
菊花心百草鏡春月發苗葉類艾菊香亦  
近之八月時無花而實已先起疣瘡逐漸長  
大內色十餘子子細長小葉乾甚香黃梅時



須不時焙晒否則易黴上則無用性溫通行  
氣血治風痺有効  
風痺 百草鏡用九匙連環草乾者二兩核  
莢肉三兩搗爛當歸一兩五錢黃酒浸隔水  
煮用

### 牛筋草

一名千金草夏初發苗多生階砌道左葉似  
韭而柔六七月起莖高尺許開花三叉其莖  
弱韌拔之不易折最難芟除故有牛筋之名  
根入藥治脫力黃勞力傷治療取此草連根  
淨去泥烏骨雌雞腹內蒸熟去草食雞良  
百草鏡行血長力入肝經 按湖州志南天  
燭亦名牛筋草又名烏飯草與此名同物異

翠羽草

一名翠雲草孔雀花神錦花鸚翎草鳳尾草  
其草獨莖成瓣細葉攢簇葉上有翠斑  
花鏡翠雲草無直梗宜倒懸及平鋪在地因其  
葉青綠蒼翠重仁碎感儼若翠鈿雲翹故名  
但有色而無花香非芸也其根遇土即生見  
日則萎性最喜陰濕粵志孔雀花可以辟暑  
汪連仕采藥書翠雲草一名翠翎草即矮脚



鳳毛 治痔漏全胡莢葉煎洗

治吐血神效

百草鏡女子吐血翠雲草三

錢水煎服

嘉慶癸亥子寓西溪吳氏家次

子年十五忽腹背患起紅瘰蔓延及腰如帶  
或云蛇纏瘡或云卅毒乃風火所結血凝滯  
而成予疑其入山樵採染虫毒乃以蟾酥犀  
黃錠塗之不效兩三日瘰愈大作膿復與以  
如意金黃散專之亦不效次日瘡旁復起紅

暈更為濶大有老姬教以用開屏鳳毛即翠  
雲草也搗汁塗上一夕立消此草解火毒如  
此又不時治血神效也

半嬌紅

一名老鶴紅水雞冠立夏後生苗一莖直上  
莖紅葉尖長而狹八月結實六月五月採  
治風痺跌打煮羊肝食退目中紅障



普賢線

山川典產峨眉山乃樹上苔鬚蔓引而成長  
數尺或言溪谷有尋丈者湖湘故事載羅漢  
條即此唐駕湖曰普賢線產峨眉山乃普賢  
石上青苔也山僧採取晒乾以為上藥 益  
部方物記仙人縮生大山中與苔同種但岩  
陰石隈多鮮翠長二三尺叢垂若縮 敏按  
酉陽雜記仙人條出衡岳無根蒂生石上狀

如同心蒂三股色綠亦有不常有條即緇也  
此生石上者方入葯無疑  
治胃脘心氣疼痛煎服瀕死者皆効

藏紅花 土紅花附

出西藏形如菊乾之可治諸瘡試驗之法將  
一朵入滾水內色如血又入色亦然可沖四  
次者真細目有番紅花又大薊曰野紅花皆  
與此別

治各種瘡結每服一朵沖湯下忌食油葷蓋  
宜食淡粥 治吐血王士瑤云不論虛寔何  
經所吐之血只須用藏紅花將無灰酒一盞



花一朵入酒內隔湯煨出汁服之入口血即止屢試皆効

土紅花 福建續志土紅花大者高七八尺葉如枇杷而小無毛秋生白花如粟米粒生福州及南恩州山野中福州生者作細藤似芙蓉上青下白根如葛頭入藥薄切用來泔浸一宿更用清水浸一宿搗服味甘苦治勞瘵

### 阿勃參

程賦統會云產拂林國 華夷花木考阿勃參出佛林國長一丈餘皮色青白葉細兩上相對花似蔓青正黃子似胡椒赤色斫其枝汁如油其油極貴價重千金油塗疥癬即愈

茄連

延綏鎮志葉如藍草而肥厚種之畦塍根圓  
大類葵露出土外開黃花京師謂之椒藍  
能解煤毒



靈通草

楚產穉珠僧建公之徒叅悟惠聾達公謂得  
羅浮靈通草始瘳叅悟來博館入山於玉女  
峯得此草莖長三尺如箸而勁虛中兩頭皆  
實頂開七葉取葉煎水服截其虛者實兩耳  
中夜一散若雷聾遂開

治聾

羅裙帶

職方典出廣西南寧府葉滑嫩長二寸許似帶沿折傷損手足者取葉火煨微熱貼之即愈



金狗脊

職方考出粵南寧府即赤蕨根形如狗脊毛  
如狗毛有黃黑之別  
止諸瘡血出治頑痺黑色者殺虫更効

雪裡開 雪裡花附

雁山志性大寒深谷中有之能解砒毒冬時  
開花故名

治喉瘡熱毒萬氏家抄取根搗汁服

雪裡花 朱楚良在鎮海其土人有采雪裡  
花者冬月嚴寒此花始生在招寶山龍潭旁  
環堵而發苗甚短小如六月雪狀高不過二  
寸許每雪時開白花如豆大土人采得乾之



入藥

敷痔以雪裡花為末濕者乾搽乾者用麻油  
調搽一二度其痔即消縮

### 苦草

綱目水草類載苦草云生湖澤中長二三尺  
狀如茅蒲之類主治白帶又生好嗜乾茶面  
黃二種病其氣味藥性又失載今依張璐玉  
本經逢原補之苦溫無毒香竄入足厥陰肝  
經理氣中之血產後煎服能逐惡露但味苦  
伐胃氣竄傷腦膏梁柔脆者服之減食作瀉  
過服則晚年多患頭風者入畏多產育以苗

子三錢經行後趨淋酒服則不受妊傷血之  
性可知

### 山馬蘭

甌江志別名一枝香按綱目馬蘭下集解註  
云又有山馬蘭生山似劉寄奴葉無極不對  
生花心微黃赤大補血而不言其有治疫開  
塞之功 百草鏡山馬蘭治疔極效故又名  
疔見怕其蔓延到處節上生根故又名鬼仙  
橋皆俗見隨義而呼也 治風疫喉閉驚風  
身疔定痛持汁塗小兒蛇瘰煎湯洗痔腫疥



痒 百草鏡

風疫喉閉 永嘉縣志山馬蘭取根搗碎用  
人乳浸男病用哺女婦人乳女病用哺男婦  
人乳浸少頃令病人仰臥凳上將頭倒垂將  
乳汁男左女右滴入鼻中候喉中有痰涎壅  
塞即轉身垂頭開口任痰自痰完病愈但此  
藥入鼻後病人不許有聲一作痰即止  
小兒驚風牙關緊閉煎汁灌入喉中即愈

鎖喉風頭面頸項俱腫飲食不下 傳信方  
白馬蘭搗爛井花水取濃汁白酒漿均調下  
喉立効

小兒頸項腿肋縫中潰爛 養生經驗方以  
馬蘭汁調六一散搽之即愈 馬蘭搗為膏  
能治大人兩腿赤腫流火或濕熱伏於經絡  
皮面上不紅不腫其疼異常病人只叫腿熱  
他人按之極冷此謂伏氣之病用此膏搽之

立愈

沈注 頌錦州傳方來山馬蘭煮熟麻油醬  
油作蔬拌食半月自消

野馬蘭

百草鏡云馬蘭香可作蔬此種係野生者而  
其氣臭不可食三月發苗莖赤而粗秋開白  
花成簇細碎三月採因其功能涼血與馬蘭  
同故名莖葉根俱入藥  
性寒涼血治濕熱蛇咬小兒垂瘡



獨脚馬蘭

李氏草秘此草生河澤邊葉如柳對葉圓梗  
治發背諸腫毒熱癰搗汁一杯入酒二杯服  
之未成膿者即消有膿者即出重極者服半  
碗或一碗再劑渣卷

玉淨瓶

俗名猪屎草氣殺即中白山菴春月發苗葉  
尖長排生莖有白紋斑點高數尺葉對節生  
夏開細白花成簇如華蓋結實如菜菔子大  
青圓霜降後紅其根肥白十月採入葯  
味甘性平和血行血有效治勞傷跌撲

汪連仕草葉方氣殺即中草一名青背仙禽  
又名疔見怕山人呼疔頭草其性清涼降火



消瘴毒散腫拔疥根

紗帽翅

臺海采風圖此草一莖數十花色黃入藥用  
葉

治癬

石風丹

生石上能療瘡毒出雲南蒙化府

石風丹

石風丹

石風丹



象鼻草

職方考出雲南府  
治丹毒跌撲損傷

透骨草

珍異藥品云形如牛膝綱目有名未用下附  
透骨草亦未詳其形狀據其所引治病諸用  
乃鳳仙草也蓋鳳仙亦有透骨草之名與此  
迥別

療熱毒良 珍異藥品

治瘋氣疼痛不拘遠年近日 家寶方透骨  
草二兩川山甲二兩防風二兩當歸三兩白



茯苓四兩白芍三兩稀耬四兩去莖用葉九  
蒸九晒海風藤二兩生地四兩廣皮一兩甘  
草一兩已上為末用猪板油一斤煉蜜為丸  
梧子大早晚各半兩酒下  
腿疼難忍 醫學指南核莖肉四個酸葡萄  
七個班毛一個鉄線透骨草三錢水煎熱服  
出汗愈不問風濕皆效

治瘡 醫學指南透骨草一味貼患處一炷

香或半炷香時即搗去皮上起泡即愈

洗癰瘻秘方 醫學指南蛤蚧一個麻黃川

椒透骨草防風大鹽各四兩白花蛇二錢艾

一把槐枝一條川烏草烏各二錢兩紫花地

丁一斤用水二桶煎大缸半埋在地入水溫

時坐上洗再用水二桶煎渣候冷時再入熱

水或一日或一夜臨出時用水洗頂心數次

再用芥末稀貼患處紙絹裹熱坑上睡汗出

盡為度忌早起飲食就卧內妙  
汪連任采為書透骨草彷彿馬鞭之形大能  
軟堅取汁浸皂板能化為水合金瘡入骨補  
髓兼治難產專主煉膏丹按鳳仙白花者亦  
名透骨白追風散氣紅花者名透骨紅破血  
墮胎亦有透骨之名非一物也

### 不死草

珍異藥品出柳州高一二尺狀如茅  
食之延年暑時置盤中食物不腐并可辟蠅



奉黃鷄子

珍異藥品一名水蘿蔔

治霍亂吐瀉瘧疾每用一錢嚼碎水飲下

鷄脚草

汪連仕采藥書即鷄爪花其子名勝光子  
去星翳明目清肝  
根 行血治風治大麻風鷄膝風鷄爪風



刀鎗草

粵西叢載此草細葉黃花  
止金瘡血

苦地膽

出粵西

葉可貼熱毒瘡

中華民國廿五年叁月六日

苦地膽

苦地膽

草部



箭頭風

粵西叢載花似箭頭 職方典產廣西南寧

府山中花如箭鏃

治風四肢骨節痛煎水薰洗之愈

消疫治氣急定喘妙方 王登南方取箭風

草放鮮肉內煨熟要沒忌用鹽醬取出去草

食肉





紅果草

叢載云有二種果大者葉畧尖不入葯用又有果如小指頭頂者葉圓邊花梗有軟刺入藥用

治牙痛酒刺

龍柏葉性考紅果草出廣西葉圓刺弱味辛煎湯漱牙疼



勾金皮

珍異藥品云形未詳

治無名腫毒惡毒醋塗磨上即消牙疼以皮  
塞牙縫中即定咽喉乳蛾每用三五厘細嚼  
嚥下

琉璃草

出始興玲瓏岩莖如芹梗與筆慶風葉相類  
食之  
治風



仙人凍

一名涼粉草出廣中莖葉秀麗香猶藿檀以  
汁和米粉食之止飢山人種之連畝當暑售  
之

職方典仙人草莖葉秀麗香似檀藿夏取其  
汁和羹其堅成冰出惠州府  
療飢澤顏

金絲草

出陝西慶陽

性涼味苦能去瘴解諸藥之毒



紅珠大鋸草

治腹脹黃疸

王安卿採藥志大鋸草敗毒

消腫清火

金剛草

治肺癆痔漏疔種

本草綱目卷之八

金剛草

草部



飛鸞草

秋景盦碟記飛鸞草生錢塘葛嶺後山金鼓  
洞口在道士庖福之右涉泉入洞暗處有仰  
見一線天光光中見有此草形如飛鸞有頭  
有翅有三尾雪中開五色花中抽一莖直上  
着花葉狀如金絲荷葉草面綠而背銀紅色  
光者可治病有黑毛而不開花者乃斷腸草  
能殺人不可誤采也故須雪中見花者為真

根如老姜入藥用葉 性上升味苦寒治咽  
喉及口內諸病取葉七片滾水沖服立愈  
但此草味雖苦寒而性反不下降而獨上升  
見物即沾氣烈可知以此草沖于水中用指  
蘸之則苦寒全在指上其水即淡若沾唇則  
味在唇上水雖咽下而味不入喉也故治咽  
喉者須以小管灌于喉中或令病人張大口  
用匙灌入直達喉所則

味在患處矣金鼓洞左近  
背陰地亦多有之

### 臺七星

臺灣志即七里香出臺地者能辟烟瘴所種  
之地蚊蚋不生  
辟瘴焚其烟化蚊蚋為水



番意茹

采風圓一名番苦苓一名心痛草種出荷蘭  
葉秀嫩似雲板晒乾則香結子青紅色  
治一切心氣痛

馬尾絲

臺志略此草葉細而長花紅而小根如荔子  
核黃色多細絲如髮不拘鮮乾皆可用  
治蛇蜂諸毒



方正草

福建續志出永春州葉狹而長藍色平分四  
方攢莖而上其實六瓣  
治金蚕蠶

七仙草

三才藜異葉尖細長  
治杖瘡

本草綱目

七仙草

草部



青烟白鶴草

汪連仕云草生海島其性最行氣味甚猛烈  
色綠如翠能入氣分血分消積氣散鬱血續  
筋骨土人以煎膏療病治內外一切症其汁  
即阿魏近日方士于後管打枝蒼葉家園取  
樹脂偽充射利又有以秦皮代充者真者亦  
稀見矣

大母葯

四川通志出雪山石塊上有雌雄二種出必  
双出補元氣益髓脉功同人葯



藍布裙

四川通志草本出松潘衛  
治脚氣壯筋骨

本草綱目卷之六

藍布裙

草部

靈筋草

藤異生施州高三尺春苗即花子碧色不彫  
治蜘蛛傷瘡



百里奚草

藜異名葶羊齒產陰地如秋海棠  
味酸治牙疼

黃德祖

蒸異德祖即石公號此草生圯上故名葉如  
尖刀獨梗芋花紅白頭如何首烏  
治瘡癬



班節相思

諸羅志枝葉類薄荷而大味似艾  
性能解毒

野丈人

藜異葉似芍藥花類木槿白毛寸餘披下如

白頭翁

去腸垢消積滯



戴文玉

藻異戴文玉草名如金釵草黃色  
療血疾

金果欖

出廣中百草鏡云出廣西性寒皮有疙瘩味  
苦色黃陳廷慶云內肉白者良但有二種一  
種味甚苦一種味微苦入藥以味苦者良  
性涼解毒百草鏡云凡種毒初起好醋磨專  
露出患頭初起者消已成者潰咽喉一切症  
煎服一二錢即效如喉中痛爛用三錢為末  
加水片一分吹之



藥性考金柑欖產廣西生於藤根堅實而重大者良藤亦可用味苦性大寒解毒咽喉急痺口爛目痛耳脹熱嗽嵐瘴吐衄俱可磨服疽瘡發背焮赤疔瘕蛇螫虫傷俱可磨塗柑園小識金果欖種出交趾近產于廣西蒼梧藤邑蔓生土中結寔如橄欖皮似白木刮之色微黃味苦土人每鑿山穿石或溪丈許取之先君嘗覓得二十枚愈數百人而疔喉

等症有起死回生之功當廣傳之以補本草之缺

性寒味苦能祛內外結熱遍身惡毒消瘴癘  
双单驚及齒痛切薄片含之極神效磨塗疔  
瘡腫毒立消 柑園小識

雁來紅

一名老少年無有用入藥者惟急救方有治  
腦漏法用老少年煎湯熟薰鼻內然後將湯  
服二三口大妙冬間用根

瀕湖綱目青箱下附雁來紅亦無主治土宿  
真君本草雁來紅制汞

膏于眼藥去遠年星障 眼科要覽老少年  
銀杏部壳為君官渣根大葉者佳千里光雅



楊樹根皮為臣煎成濃膏量加製甘石冰片  
又方加茶樹根皮

花鏡老少年其苗初出似莧莖葉穗子與鷄  
冠無異至深秋本高六七尺則脚葉深紫而  
頂葉大紅鮮麗可愛愈久愈妍如花秋色之  
最佳者又有一種少年老則頂黃紅而脚葉  
綠為別一種枝頭亂葉叢生紅紫黃綠相兼  
雜出者名十樣錦一種根下葉綠頂上葉純  
黃者名雁來紅

### 天燈籠草

一名山瑚柳形似辣茄而葉大本高尺許開  
花白色結子如荔枝外空內有綠子經霜乃  
紅京師呼為紅姑娘 按此草主治雞夥惟  
咽喉是其常治用之功最捷綱目主治下失  
載故補之

性寒治咽喉腫痛如神

汪連仕采藥書金燈籠園人稱為天燈籠種

益為景更稱為珊瑚架

性能清火消鬱結治疔神効專一切瘡腫專  
治鎖鑿喉風治金瘡腫毒止血崩酒煎服又  
以反手取根七株去梗葉洗淨連鬚切碎酒  
二碗煮鴨蛋二枚同酒吃治瘰如神  
子入藥保毒不大 王安采藥方

見腫消

一名土三七乳香草越人曰奶草初生苗葉  
面青背紫葉似羊角葉多歧秋開小黃花如  
菊垂絲可愛根似芋魁人家多種之 按綱  
目有見腫消云其葉似桑治瘰種狗咬當別  
是一種 採藥錄見腫消生溪澗中葉有三  
角枝梗皆青根亦青色形如菖蒲根性涼諸  
治瘡毒行周身活血追風散氣此又一種名



同物異

草寶云治跌打損傷消腫散瘀要藥  
百草鏡治乳癰腫毒金瘡止血杖丹棒瘡喉癰双蛾咳嗽

急慢驚風

延綠堂方土三七春夏用葉秋

冬用根搗汁一鐘用水酒漿和勻灌入自效  
揚痢毛入肉作痛 秘方集驗土三七亦名  
金不換用其葉持爛立塗即止

千年老鼠屎

紫背天葵根也百草鏡云二月發苗葉如三角酸向陰者紫背為佳其根如鼠屎外黑內白三月開花細白結角亦角四月枯按東壁網目菟葵下註云即紫背天葵子主治只言其苗不及其根之用今為補之出金華諸暨深山石罅間根大者盛佳春生夏枯秋冬罕有

性涼清熱治癰疽腫毒疔瘡癰痺跌撲風火  
傷七種疔氣痔瘡勞傷 百草鏡癰痺專藥  
醫宗彙編用紫背天葵子每歲一粒同鯽  
魚鱗 救生苦海用千年老鼠屎搗碎同好  
酒入瓶煮一炷香隔三日隨意飲醉蓋被取  
汗數次自效 黃賓江傳天葵丸專治癰瘰  
紫背天葵一兩半海藻海帶昆布貝母桔梗  
各一兩海螵蛸半兩共為細末酒糊丸如梧

桐子大每服七十九食後溫酒下此方用桔  
梗開提諸氣貝母消毒化痰海藻昆布以軟  
堅核治療癰之聖藥也  
諸疔初起 經驗集凡疔初起必發寒熱疼  
痛欲成囊瘻者用荔枝核十四枚小茴香二  
錢紫背天葵四兩蒸白酒二坛頻服即愈



辟瘟草

魚鱉金星

鳳尾金星

一名獨脚金雞又名鴨脚金星佩帶之可辟疫氣近見市者有小葉而短狹大葉而長狹者皆非辟瘟草也小者名七星俗呼骨牌草惟無五六蓋五六乃天地之中不易結寄生石樹間大者名劍脊金星長一二尺生山溪澗旁老則葉背皆起星此二種東壁綱目已收載辟瘟草葉似鴨脚有三歧一茎一葉氣

味清香老則有星香氣亦減 百草鏡云鴨  
脚金星即辟瘟草葉如鴨脚大而薄<sup>背</sup>生星點  
至八九月間星老乃黃乾之其氣香冽不變  
若葉太老及經水者便不香端午採嫩者陰  
乾用勿見火  
性平味苦氣香治傷寒瘧痢風氣腫毒時氣  
惡氣散邪風乳癰熱瘡小兒痘眼疔喉閉生  
蛾同金鎖匙汁醋漱痧脹香竅疎絡治疔

百草鏡治痧脹用鴨脚金星草晒乾為末取  
少許嚙鼻中或煎服亦可 小泉驗方疔腫  
用鴨脚金星煎酒服即消

魚鼈金星 生背陰山石上立夏後發苗根  
細如織線蔓延石上葉對節一長一圓長者  
為魚圓者為鼈魚葉經霜則老背起金星惟  
鼈葉無亦生西湖飛來峯絕頂 永師方治  
烟筒戕傷喉用魚鼈金星草煎濃湯咽喉中



傷立止疼而愈

治腹脹癰瘰火毒症 採藥志云性涼治痰  
火毒行上部 采葯方消痞塊痰核疔腮

鳳尾金星 根類竹根黃色有鬚葉類建蕙  
而短長不滿尺春月發苗背有點子兩行相  
對有數十粒極密秋霜後乃黃生石土山下  
其根蔓生 百草鏡金星鳳尾其葉細碎形  
似鳳尾三月發苗葉背有星作細白點子秋

後乃黃生古墻石塹中背日者佳惟寔熱症  
可用

性涼治血吐咽喉火毒諸丹毒發背癰瘰

百草鏡癰疽非陽毒及非金石藥毒者戒用

謝雲溪云性太涼男女忌服雖取效一時但

精血受寒不能生育為虞耳 寧德縣志白

脚者治痢 家寶方治喉癰金星鳳尾草搗

汁加米醋數匙和勻用竹筋裹新棉花蘸汁

點患處稠疫隨筋而出  
亦治喉風

水茸角

華佗中藏經狀如鬼櫻帶竹小窠子生三四  
月間黃花葉如百合六七月採兩浙呼為合  
萌

治吹妳水茸角不拘多少新瓦上焙乾為末  
臨卧酒調服二錢次日即愈已破者畧出黃  
水亦効



老鴉蒜

一名銀鎖匙一名石蒜一枝箭百草鏡云石  
蒜春初發苗葉似蒜又與山茨菰葉相似背  
有劍脊四散布地七月苗枯中心抽莖如箭  
幹高尺許莖端開花四五成簇六出紅如山  
丹根如蒜色紫赤肉白有小毒理喉科綱目  
主治失載 金士彩云此吐藥也且令人瀉  
治喉風痰核白火丹疔瘡煎酒服

對口初起 家寶方用老鴉蒜搗爛隔紙貼之乾則頻換其毒自消

双单蛾 神醫十全鏡老鴉蒜搗汁生白酒調服嘔吐而愈

洗痔漏 沈惠如傳方老鴉蒜鬼蓮蓬搗碎不拘多少好酒煎置瓶內先熏待半日湯溫傾出洗之三次全愈

疫火氣急 王都官方樟榔花根即老鴉蒜

洗焙乾為末糖調酒下一錢



玉如意 四方如意草附

一名箭頭草剪刀草大風草百草鏡云生山  
間或田塍有紫白二種紫花者名金剪刀白  
花者名銀剪刀入藥白花者良葉與人家盆  
栽者無異但花小葉狹長而尖微有別耳

敏按山野間如意草葉上尖下圓深青色與  
人家所種無異惟葉色稍深綠耳其花亦有  
紫白二種至狹長之葉者乃地丁草所謂銀

剪刀白花者是也金剪刀紫花者是也與如意草一類二種其性情功效亦不甚遠葛祖方治痞塊瘡毒追風理氣逐疫肺癰

乳癰初起 百草鏡用玉如意草一兩白酒煎食飽時服初起者二服即消成膿者兩劑必潰已潰者三服易斂疼痛者服之能止乳癰疔瘡 救生苦海白花如意草一名銀剪刀生田野山間較人家種者葉狹花小搗

汁服之渣專患處

兒背生泡 集驗小兒背上起白泡纍如綴珠一二日即破膿血外流痒甚一處方好一處又起用如意草搗爛專之長巾縛定一夜而愈

脚上生瘡 集驗治脚上生瘡亂孔如蜂窩者用如意草搗爛專之或用乾如意草為末雞子清調專亦可



按此種又與地丁草不同地丁小而此種大  
地丁葉深綠此葉淺綠有云家種如意草亦  
有白花者乃真玉如意野生者仍是銀剪刀  
耳性劣不若家種者良  
痘免氣急 劉氏驗方白花地丁不拘多少  
煎湯服之立止

炎天火痘 劉氏驗方暑月出痘有一種火  
痘遍身皆紅者是也用白花地丁搗汁白酒

沖服立解

四方如意草 汪連任草藥方其藥四處分  
開一名地靈芝乃瑞草四方開花莖多葉繁  
如如意  
治神鬼二箭活血追風

水楊梅

一名金勾葉家母利藤勾子此草結紅子如  
楊梅小兒採食之綱目有水楊梅云其實類  
椒乃地椒是別一種

葉點牙疼取葉搗汁點眼角飲香茶一鐘閉  
目少頃牙疼即止



野靛青

一名鴨青處上有之如莧菜葉尖中心有青  
暈治結熱黃疸定瘡毒疼痛生肌長肉

困来草

劉羽儀經驗方此草又名水灌頭子如桑子  
但桑子長而此子圓又如茶紙子但茶紙子  
紅而此子綠又不可不辨

治黃疸 用困来草石茺萋即鷺兒不食草  
三味洗淨搗汁冲陳酒一大鐘服之四五次  
自愈



走馬胎

出粵東龍門縣南困山中屬廟子角巡司所轄山大數百里多紙槽深峻岩穴皆藏虎豹為產虎穴形如柴根乾者內白嗅之清香研之膩細如粉噴座幽香頗甜淨襲人研粉專瘡疽長肌肉化毒收口如神

蒼耳子油

物理小識出山東  
治瘋



本草綱目拾遺卷五

錢塘趙學敏恕軒氏輯



草部下

浙貝

土貝附

今名象貝去心炒 百草鏡云浙貝出象山  
俗呼象貝母皮糙味苦獨顆無瓣頂圓心斜  
入藥選圓白而小者佳 葉闇齋云寧波象  
山所出貝母亦分兩瓣味苦而不甜其頂平



而不尖不能如川貝之象荷花蕊也土人於象貝中揀出一二與川貝形似者以水浸去苦味晒乾充川貝賣但川貝與象貝性各不同象貝苦寒解毒利痰開宣肺氣凡肺氣家扶風火有痰者宜此川貝味甘而補肺矣不若用象貝治風火痰嗽為佳若虛寒咳嗽以川貝為宜

張景岳云味大苦性寒陰也降也乃手太陰

少陽足陽明厥陰之藥大治肺癆肺痿欬喘吐血衄血最降痰氣善開鬱結止疼痛消脹滿清肝火明目除時氣煩熱黃疸淋閉便血溺血解熱毒殺諸虫及療喉痺癰瘰乳癰發背一切瘡瘍種毒濕熱惡瘡痔漏金瘡出血火瘡疼痛為末可專煎湯可服性味俱厚較之川貝母清降之功不啻數倍反烏頭又解上焦肺胃之火



張石頑本經逢原云貝母浙產者治疝瘕喉痺乳癰金瘡風瘰一切瘡瘍同苦參當歸治妊娠小便難同青黛治人面惡瘡同連翹治項上結核皆取其開鬱散結化疫解毒之功也

吹喉散 經驗廣集治咽喉十八症俱效大黑棗每个去核裝入五梧子一个去虫研象貝一个去心研用泥裹煨存性共研極細末

加薄荷葉末少許冰片少許貯磁瓶內臨用吹患處任其嘔出痰涎數次即愈

對口 楊春涯驗方象貝母研末專之神效土貝母 一名大貝母百草鏡云土貝形大

如錢獨瓣不分與川產迥別各處皆產有出安徽六安之安山者有出江南宜興之章法者有出寧國府之孫家埠者浙江惟寧波鄞縣之樟村及象山有之入藥選白大而燥皮

細者良

百草鏡云味苦性平微寒無毒能散瘰毒化膿行滯解廣瘡結毒除風濕利痰傳惡瘡飲瘡口

茅昆來筆記土貝母大如錢味大苦而消瘰疽毒疫楊梅結毒非此不除

乳癰初起 白芷土貝母各等分為細末每服三錢陳酒熱服護暖取汗即消重者再一

服如壯寔者每服五錢

治鼠瘡 彙集關紹聖方大鯽魚一尾皂角

內獨子每歲一個川貝母三錢土貝母二錢將皂子貝母入魚肚內黃泥包裹陰陽瓦炭火焙乾存性研為細末每服三錢食後黃酒調服忌葷百日

手癢背 慈惠編生甘草炙甘草各五錢角刺二錢半土炒土貝五錢半夏一錢五分甲



片二錢五分炒黑知母二錢五分加葱姜水  
酒煎二劑即愈刀割斧砍夾剪鎗箭傷損  
集驗云土貝母末專之止血收口

毒蛇咬 祝氏效方急飲麻油一碗免毒攻  
心再用土貝母四五錢為末熱酒沖服再飲  
酒盡醉安臥少時藥力到處酒化為水從傷  
口噴出候水盡將碗內貝母渣專傷口垂死  
者皆活

消癰瘰 傳信方川山甲和沙炒牛皮膠切  
碎麦壳炒各二兩土貝連翹各一兩共為末  
大人三錢小兒二錢

治汗斑 集驗土貝母一兩南硼砂一兩米  
片一分共研末搽之即愈  
家寶方研砂只用  
五錢以暑月出汗  
時頻搽  
乃效

治乳岩 葉氏驗方陽和湯加土貝母五錢  
煎服數日可消 姚希周濟世經驗方治乳

岩已破用大貝母核桃橘金銀花連翹各三錢酒水煎服

乳癰 外科全生紫河車草浙貝各三錢用黃糖拌勻好酒和服盡醉蓋被取汗趙貞哉云浙貝乃寧波土貝母也

種毒初起 百草鏡云此方傳自異人應驗如響重者不過三服輕者一二服初起即散已成者自潰且易收口甲片灸搗六錢全當

歸五錢花粉八錢白芷五錢廣皮三錢土貝母研二錢銀花一兩角刺三錢赤芍六錢防風五錢甘草節六錢乳香炙另研一錢沒藥炙另研一錢蘇木二錢川牛膝一錢川斷五錢酒水各半煎汁去渣將沒藥乳香末調服取汗忌鷄犬孝服男女僧尼觸犯須避靜室服藥趙貞哉云此方尚於攻散藥力太重惟可施於壯寔之人虛弱者勿服



瘰癧 不論已破未破皆治瑞安生驗方土  
貝半斤牛皮膠四兩敲碎牡蠣粉炒成珠去  
粉為細末水發丸菜豆大每日早晚用紫背  
天葵根三錢或用海藻昆布各錢五分煎湯  
吞丸三錢 又瘰癧膏藥用牛皮膠水熬化  
一兩入土貝母末五錢推油紙土貼之  
乳瘰初起 楊春涯驗方天花粉乳香去油  
沒藥白芷歸尾土貝母赤芍獨活川芎各一

錢甘草節陳皮各八分川山甲三片皂角刺  
一錢五分金銀花二錢五分防風一錢二分  
好酒煎服 又方白芷稍土貝母天花粉各  
三錢乳香去油一錢五分共炒研末白酒漿  
調搽再用酒漿調服三錢

瘰癧初起 土貝研細陳米醋和搽數日暗  
消 又方土貝母大力子金虫洗各五錢紫  
背天葵根昆布洗海藻洗各一兩青皮蟬退

各三錢甲片炒四錢蜈蚣酒炙七條當歸二  
兩為末蜜丸砂仁湯下三錢虛加入參種  
福堂專疾核癩瘰方用生南星生半夏生大  
黃各一兩大貝母昆布海藻海浮石銅錄明  
礬各五錢用商陸根汁葱汁姜汁蜜四味調  
敷又疫核癩瘰膏中用大貝母  
瘰瘵 吉雲旒抄紫背天葵一兩五錢土貝  
母昆布海藻各一兩西牛黃三分海螵蛸五

錢陳胆星三錢桔梗一兩共為細末酒發為  
丸如棗巨大每日服六七十丸好酒送下  
千金不易方 治男婦小兒生瘰瘵內消用  
土貝母研末陳米醋調搽數日即消

仙姑玉環散 治疾核瘰瘵未潰用此方生  
南星生半夏土貝各等分研末醋蜜調勻專  
疫核方 人參甘草各六分川芎桔梗陳皮  
木香烏梅各八分當歸白芷防風茯苓各一



錢半夏五分生姜三片黑棗二個水二鍾煎服如患處有冰不乾加知母一錢土貝母一錢

按貝母有甜苦之分有川象之別百草鏡云出川者曰川貝出象山者名象貝絕大者名土貝川產者味甘間有微苦摠不似他產之一味苦而不甘者也入藥能補氣利痰而不寒虛人宜之象貝一味苦寒能化堅痰性利

可知者土貝功專化膿解瘡毒性燥而不潤以象貝皆小土貝獨大於川產者亦異綱目不分著功用或其時尚未有此種耳又用藥識微云川貝中一種出巴東者獨大番人名紫草貝母大不道地出陝西者名西貝又鏡大貝張石頌云貝母川產味甘最佳兩產味薄次之象山者微苦又次之一種大而苦者僅能解毒並去心用今川中亦產一種大如

錢者土人以之持粉作漿刷川紬用不知入藥然則土貝川中亦產不特浙江也憶庚子春有友自川中歸貽予貝母大如錢皮細白而帶黃斑味甘云此種出龍安乃川貝中第一不可多得信是則川中之甜貝母亦有大者不特金川子獨甜也並附以俟考 小兒景安自蜀歸云川中土貝有大於錢者彼土人取其粉以漿衣并漿川紬為平番貝頂而

小如桃子樣者名瓦絲貝即地名也



草棉

藥性考云草棉甘溫禦寒却冷燒灰止血凍  
瘰癧子熱補虛煖腰治損油毒昏目塗癬  
疥等

綱目木棉下注云棉有二種似木者名古貝  
今訛為吉貝似草者名古終今俗呼棉花乃  
草棉也按代醉編棉花種為番使黃始所傳  
宋末始入江南沈黃門炤曰番中有青黃白

三種今特傳其白者耳不知江浙草棉多種  
藝而木棉罕見即草棉中亦有黃色者不盡  
是白者入藥以白為勝綱目有棉花油不言  
花及子功用悉為補之

百草鏡云花可止血殼可治隔 隔食隔氣  
用棉花殼八九月採不拘多少煎當茶飲之  
三日即愈忌食鵝

子 性熱味辛治腸風救生苦海棉子丸取

棉花子炒黃黑色去壳為末用陳米濃汁加  
黑砂糖為桐子丸每日空心時滾水下三錢  
服至三斤可斷根 腸紅秘方集驗棉子炒  
為末用白糖拌米湯和服 血淋不止許氏  
方炒燥為細末三白酒送下二錢立止 白  
帶沙淋救生苦海調經門香附散中用棉子  
仁 赤白帶下百草鏡棉花子炒黑去殼為  
末米糊丸每服三錢赤帶用砂糖湯下白帶



用白糖湯下 種子最妙方用棉花子砂糖  
各三錢沖酒服 薰洗痔傳信方鬼饅頭棉  
花子烏菱壳鳳尾草等分煎湯先薰後洗如  
疼加乳香痒加楊柳鬚或木稜藤 又方用  
棉花子同槐樹梗葉煎湯洗熏自愈 下血  
血崩不止百草鏡棉花子燒灰存性酒下立  
止 便毒濟世方用棉花子瓦煨存性為末  
每日空腹酒下二錢連服三次全消兼治血

崩 陽痿不起祝氏効方棉花子水浸晒乾  
火酒拌炒去壳用仁半斤破故紙鹽水炒韭  
菜子炒各二兩為末葱汁為丸梧子大每服  
二錢空心酒下 痢疾救生苦海棉花子仁  
新瓦炒去油焦研細每服二錢紅用灯心湯  
下白用好陳酒下 瘰癧棉花瘡集驗用棉  
花子一斗火酒拌和炒燥去灰再拌再炒以  
黑為度去壳再炒掬為末用砂糖調和每服

三錢服過一升許即愈

蘇易堂驗方硫黃末拌棉花子燒烟薰二三  
次即絕 中風口眼喎斜便易良方用棉花  
子炒黑為末乳香末三錢紅糖二兩飯後黃  
酒送下即愈 腸風下血不藥良方生柿子  
二個竹刀切去蒂核以棉花子塞入柿內仍  
蓋好瓦上煨存性研細末米飲熱調服重者  
三服全愈

穀道生瘡俗呼偷糞老鼠不藥良方用棉花  
子炒去壳磨粉每早中晚三次打糊服一碗  
半月全愈 治腎子大小偏墜回生集棉子  
煮湯入甕將腎囊坐入甕口俟湯冷止一二  
三次散其冷氣自愈 癱疾諸風醫學指南  
乳香沒藥各三錢棉花子六錢白糖六錢為  
末黃酒化服出汗愈 風虫牙疼家寶方用  
韭菜子黑核桃肉棉花子各一兩分為末醋



糊丸火酒浸咬在疼處即止 痔漏家寶方  
用棉花子仁六兩高梅六兩共搗爛為丸桐  
子大早晚每服三錢開水送下服完即愈  
經水過多不止慈航活人書棉花子丸器炒  
盡烟為末每服二錢空心黃酒下 小便血  
劉羽儀經驗方用棉花子炒枯存性為末熱  
火酒調服七後在左脚大指節上有毛處以  
豆大艾丸將火灸之即止 盜汗不止劉氏

驗方棉子仁三四錢每日煎湯一碗空心服  
三四日即止腸風 腸紅下血垂危德勝堂  
方淮棉花核一升槐米七錢用天目芽茶四  
兩泡汁將二味炒燥入茶汁內復泡又炒如  
此數次汁乾為度磨末每服三錢空心酒調  
下三日立愈 治牙宣蘭臺軌範用棉花按  
煨灰擦 治吹乳即興祖方棉花子一兩打  
碎酒水同煎服 治陰囊瘡子腫大方集驗

棉花子仁煎湯洗之自愈 血崩糞雲林萬  
病回春用棉花子仁炒黃色甘草黃芩等分  
為末每服二錢空心黃酒下 又集驗良方  
用陳棕棉花子二味燒灰存性黃酒送下即  
止 虛怯勞瘵久嗽吐血不止集效方棉花  
子不拘多少童便浸一宿為末每服一錢側  
柏葉湯下諸藥不效此方甚驗酒調服治血  
崩 集聽云棉花子仁止血不寒凡血症及婦

人經病帶下崩淋醋炒七次用 心疼腹痛  
集聽用側柏葉米泔水浸三日匕易水一次  
晒乾炒黑棉花子仁末一斤配柏末八兩如熱  
甚者對配 種子方集聽棉花子仁淨肉四兩  
火酒拌晒三次熟地二兩枸杞一兩兔絲子  
破故布茯苓山藥陳皮五味子連翹何首烏  
各一兩蜜丸鹽湯空心服四錢 痔漏管周  
氏家寶方棉花子仁炒急性子炒昇麻子仁



炒各等分為末每服三錢空心好酒下輕者  
半月重者一月骨自退 出血不止家寶方  
棉花子燒灰存性為末專之即止 崩帶家  
寶方陳蓮燒灰存性五錢棉花子肉燒灰存  
性三錢共一服無灰酒調下  
打老兒丸 良羽彙集方久服延年却疾棉  
花子一斤炒去壳核飛肉四兩打爛用小米  
麩打糊為丸重三錢滾湯服

仙傳蟠桃丸 卧雲山人傳大有補益治諸  
虛百損棉花子取淨仁乾火酒拌透下用黃  
酒水平對蒸一炷香紅枣用黃酒煮熟取淨  
肉各一斤歸身牛膝枸杞俱用酒浸肉茯苓  
酒洗去泥甲山茱萸酒潤去核兔絲子酒蒸  
成餅白魚膠麩炒成泡白茯苓人乳拌蒸破  
故帑鹽水炒熟地酒煮如飴以上藥各四兩  
淨已戟酒洗去心五兩共為細末煉蜜為丸

三錢早晚酒水任意送下

棉花子丸

年希老集驗良方云烏鬚煖腎

種子陽虛人宜此藥用棉花子十數斤用滾水泡過盛入蒲包悶一炷香取出晒裂壳口取仁并去外皮用淨仁三斤壓去油淨用火酒三斤泡一夜取起蒸三炷香晒乾故帛一斤鹽水泡一夜炒乾川杜仲一斤去外粗皮黃酒泡一夜晒乾姜汁炒去絲枸杞子一斤

黃酒浸蒸晒乾兔絲子一斤酒煮吐絲為度共為末蜜丸桐子大每服二三錢

長春丸 治腎虛精冷之症集驗良方魚鱉

一斤蛤粉炒成珠極焦棉花子取淨仁一斤

去油淨酒蒸白蓮鬚八兩金櫻子去子毛淨

一斤金釵石斛八兩沙蒺藜四兩枸杞子四

兩五味子四兩炒鹿角五斤鋸薄片河水煮

三晝夜去角取汁熬膏和藥末為丸桐子大



每服三錢

健步仙方 凌雲集棉花子仁一斤淨肉用  
火酒三斤炒乾枸杞子四兩酒浸杜仲四兩  
鹽酒煮炒免絲子四兩酒炒歸身二兩破故  
布四兩酒洗炒胡爽仁四兩共為末煉蜜為  
丸桐子大每服三錢空心滾湯下  
治痰火後半身不遂筋骨疼痛 核爽仁棉  
花子仁杜仲炒巴戟砂仁骨碎補枸杞子續

斷牛膝各二兩大蝦米四兩免絲餅四兩用  
火酒二十斤煮服如年高者加附子肉蓯蓉  
桂各一兩酒服完將渣晒乾為細末煉蜜為  
丸每服二錢酒送下

紫草茸

葉大椿痘學真傳云紫草茸古本不見近刻  
但在紫草項下註明紫草茸染手者為佳竟  
不知別有一種予幼時見世叔華泓卿家有  
紫草茸為發痘神丹乃其高祖學士鴻山公  
使外國帶歸者予取而藏之每遇血熱毒壅  
失血煩悶頂陷不起痘疔腫脹於清解藥中  
研加四五分無不神効惜乎方書不載不敢



檀增本草近見神應心書獨標紫草茸色澹  
紅出烏思藏着大樹枝上如白蠟其價如千  
金不特發痘如神用酒調服一二錢能治腫  
毒惡瘡又云順手搗一錢酒下力能催生此  
水譚應楚屢獲其效併請正西番貢僧之  
語至近時亦知茸非紫草之嫩苗復誤認桐  
脂渣即是紫草茸此說更謬 按紫草本草  
諸方皆用根韋宙獨行方治豌豆瘡不發煮

紫草湯飲後人相承用之則以之治痘涼血  
解毒自此始也曾世榮活幼新書云紫草性  
寒小兒脾氣實者猶可用脾氣虛者反能作  
瀉古惟用茸取其初得陽氣以類觸類行以  
用發痘瘡則用茸亦見于此而亦未聞有烏  
思藏所出一種據葉所云又似紫鉚亦無的  
解以其親試歷效故存其說以俟後之博訪  
治痘及諸種毒惡瘡催生

己亥冬遇劉挹清少府于餘杭言其祖曾任  
蜀藩家有西藏紫草茸皆成塊如指頭大色  
紅而明透如琥珀知葉所載為不謬  
程良痘科釋意云痘科用紫草古方惟用其  
茸取氣輕味薄而有清涼發散之功凡下紫  
草必用糯米五十粒以制其冷性庶不損胃  
氣而致泄瀉惟大熱便秘者不必加

獨脚蓮

獨脚一枝蓮 八角蓮

粵西偶記生廣西草如黃蓮根極大持入藥  
肆則諸藥香氣盡消為真三脚五脚者次之  
百草鏡此藥產廣東根大如拳春日發苗經  
霜雪則死者善藏迺冬則來年宿根復發苗  
高尺許葉大如杯宛似荷葉色綠柔厚莖有  
細毛六七月起莖上有白毛開花微垂似山  
蘭而小其色微紅



稗史鄱陽山間生一種草始萌芽時便似蓮蓬俗呼為獨腳蓮移植于居宅隙地及園圃中虵虺不敢過其下王季光宅後榛莽叢中有蛇穴常出為人害乃種此草數本于穴外自是其患不作至暑月間穴內臭甚使園丁掘土訪求得死虵十數蓋為草氣所薰潰也又一小虵來到草傍立化為水矣 采藥錄獨腳黃連葉苗如土大黃面青背赤根直色

黃此草根下有赤練蛇數條者方是

按綱目鬼血亦名獨腳蓮無治疔之說至集解下註形狀又小有異同故仍為補之庚戌予在臨安有醫士盛天然言其地古城與餘杭接界產獨葉花生山坑不見天日其形一葉中含紅花一朶儼如蓮花狀其花從葉心透出下有根作獨蒜狀其花葉聞人聲輒縮入根內不可見遇之者記其處掘之亦止有

根其葉與花雖同剖根覓之亦無形迹倘得之者不論何等毒蛇咬以根擦摩蛇毒即盡如有誤服蛇變鱉者以少許煎湯服之即瘥併能解一切毒虫咬螫一切蠱毒草木毒咽喉一十八症皆驗如神凡人鼻發紅色生癩癧掀痒異常名曰痧虫食鼻以此根磨塗立愈此乃天生神物有山行遇之者不論持何物先擲之以鎮住然後再掘即不能遁形凡

生獨葉花地四圍約尺許無草其土不可手取亦勿以鐵刀取須用竹刀掘取則不傷根蓋此物蛇最喜蟠其旁凡蛇咬人亦中人毒必退殼若覓此草臥其旁一宿則人毒解可免退殼之患大毒蛇都喜蟠其根旁故土最毒近人手則手爛然得其根反能解百種大惡蛇毒丐者覓此以為得寶云

治疔腫瘡疽以根或醋酒磨塗葉貼瘡腫能



消

祝氏效方 治蛇咬用獨葉一枝花花生溪灘  
浮土上根如鼠糞用根口嚼搽瘡上

退疔奪命丹 萬病回春云此丹專治疔瘡  
防風八分青皮七分羌活獨活黃連各一錢  
赤芍六分細辛八分僵蚕一錢蟬退四分澤  
蘭葉五分金銀花七分甘草即一錢獨腳蓮  
七分紫河車即金線重樓七分右列五錢先

服倍金銀花一兩澤蘭一兩少用葉生姜十  
片全搗爛好酒釀熱泡之去渣熱服不飲酒  
者水煎亦可然後用酒水各一半煎生姜十  
片熱服出汗病退減後再加大黃五錢同煎  
熱服以利二三次去餘毒如有膿加何首烏  
白芷稍在脚加檳榔木瓜要通利加青皮木  
香大黃梔子牽牛

獨脚一枝蓮 百草鏡山間有之二三月苗

發生管茅俗名乾苛叢中獨莖無葉高人許  
莖細強青白色莖端有一疙瘩至晚秋時疙  
瘩生花類蓮其根與黃麻根相似  
治一切疥腫瘡毒沉注

八角蓮 湧幢小品綏寧產之可以伏蛇諺  
云識得八角蓮可與蛇共眠  
治一切毒蛇傷

按瀕湖綱目有鬼白亦治毒蛇傷 鄭樵通

志云八角盤即鬼白今人所謂獨脚蓮是也  
或粵語類舉其名呼為八角蓮未可知附存  
俟考

汪連仕草藥方八角盤起金星名金星八角  
嬰兒取為獨脚蓮俗呼獨葉一枝花根如赤  
木多眼如馬目今人呼馬目毒公消一切毒  
力能軟堅透膿



露花粉

粵志露花生番禺麥涌狀如菖蒲其葉節邊  
有刺葉落根以火焰之成枝幹而多花上生  
叢葉中其瓣大小亦如葉而色瑩白柔滑無  
芫刺花抱蕊心如穗朝夕有零露在芫中可  
以解渴又有粉可入藥其生於他土者蕊落  
結子大如瓜白路頭花多不香惟露花盛夏  
時露花始熟以花覆盆盪晒之香落茶子油

中其氣馥烈是曰露花油蓼浦及增城人善  
為之逢開者曰寒花香益清徹不可為油其  
生東安山中者叢卑葉小自春至秋皆花近  
水者尤香亦不可為油  
塗兒女肌膚止汗

### 通血香

出西洋色如乾醬 百草鏡云出陝西羊城  
客帶至杭貨賣

治血症及肝血氣入藥最良臍脹救生苦海  
通血香一錢取亞腰葫蘆一個不去子膜入  
香于內再入酒煮仍以所開之蓋合縫封固  
以陳酒安鍋內懸葫蘆于酒中挨定勿令傾  
例將鍋蓋密煮三炷線香為度煮時其香透



屋牆之外煮完取出葫蘆內子膜并藥烘乾  
為末每服一錢空心時酒下間五日再服一  
錢服盡葫蘆內藥服五六錢即愈此方出廣  
筆記云治脾虛有濕者

癩瘰 良朋彙集有治癩瘰內消方紫背天  
葵一兩五錢海帶昆布海藻各一兩海螵蛸  
五錢貝母桔梗各一兩通血香三錢石藥為  
細末酒糊為丸桐子大每服七十九食後溫

黃酒送下

痔漏通腸 海藥秘錄胡連追毒方治痔  
漏不拘遠年近日有漏或通腸及汚涎孔出  
者先用此方追盡膿血後服黃連閉管丸取  
效最穩用胡黃連八錢切片姜汁拌炒刺蝟  
皮一個切碎炒黃為末通血香八分酒用真  
者研末射香二分共和勻軟飯為丸麻子大  
每服一錢食前酒下服藥後膿水反多乃藥

之功勿悞可也

黃連閉管丸 胡黃連淨末八錢 甲片麻油  
內煤黃五錢 石決明過五錢 真通血香六分  
不可少 槐花五錢 共為細末 蜜丸 麻子大 每  
服一錢 空心清米湯下 早晚二服 重者廿一  
日收功 此方不用刀針 挂線之苦 試起癢之  
良方也 如漏邊有硬肉突起者 加蚕繭二十  
一個炒末 和入此方 及遍身諸漏 並治屢試

屢効

臟連丸 治痔漏無論新久 但舉發便下血  
作痛肛門墜重者 膿血不止 腫痛難坐者 並  
治胡黃連淨末八兩 通血香錢半 用雄猪大  
腸盡頭一段長一尺二寸 溫湯洗淨 將連末  
及通血香灌入腸內 兩頭以白絲線扎緊 煮  
酒二斤半 新砂鍋煮酒將乾為度 取起腸藥  
共搗如泥 如藥爛細 一時復搗為丸 桐子大



每服七十九空心温酒送下以服除根又名  
白銀定子治漏有孔者只須半月見功神效  
三品一條鎗 白砒淨末一兩白丸淨末二  
兩明雄黃二錢四分通血香八分乳香一錢  
二分先將砒丸研極細末鉄内鎔成餅入炭  
火煨爛淨取出去火毒為末和入雄黃血香  
乳香細末作錠子成條挿入漏内直透裡痛  
處為止每日上三次至七日為止半月瘡結

而愈如痛未痊用生肌散收口可也 生肌  
散方治痔諸瘡種毒等疾收口神速大妙  
乳香沒藥海螵蛸用三黃煮過寒水石煨過  
輕粉龍骨煨赤石脂煨水片各等分共研細  
末搽患處外貼膏藥

野馬豆

出西藏乃番僧燃草末合成如豆形故名王  
怡堂云藏中出一種草彼土人呼為野馬草  
番僧擇日採之研為細末置淨器中供佛前  
更擇日合和為藥其合藥之日率彼土男婦  
皆于佛前誦咒以行和草末燃為丸男丸者  
為雄婦丸者為雌藥亦分雌雄形雄者丸上  
有圓小凸雌者作長凹色有紅有黑皆如藥



豆大丸畢仍置淨器中必須雌雄合在一處  
一二日能生出小豆如麻子屑飼以藏紅花  
間日視之紅花漸少則新生之豆漸大久則  
又生小豆以此生上不息亦一異也如攜帶  
遠方無藏紅花豆亦不死惟不能化生小豆  
耳 西寧人曾玉瀛言野馬豆又呼麻呢子  
如半粒菘豆大藏中人得此豆每日輒誦唵  
麻呢以唵吽六字數百遍九豆時亦口念此

六字故名能治胃氣心痛疔瘡瘰疾忌服  
以其善于長化顛倒陰陽也 馬少雲衛藏  
國識藏中有子母藥大哉可菘豆以哈達潔  
裘之經時小粒漸增有子母相生之義傳達  
賴喇麻默持佛咒以糝粃搗成者故以奇異  
者按此即野馬豆也 朱排山柑園小識刺  
嗎嘗聚會以來麥數粒置瓶中四人守之誦  
唵麻呢以唵吽六字咒飲食則代無間晝夜

四十九日有紅子滿瓶中大如芥子色似硃砂謂之嘛嚙子佩之能辟邪致祥小兒食之稀痘 壬子予從戚友處覓得嘛嚙子數十粒以玻璃瓶貯之形勻圓儼似急性子而色紅據云初得特色不甚紅苦無藏紅花即市本地河南所產紅花研屑拌之久則色紅如硃砂平瑤海先生偶得西藏嘛嚙子數十粒一時無玻璃器乃即置紙裘中供佛前日誦

文殊六字真言數百遍其子能忽多忽少又能透出帟裏外變幻不常異之以告客曰此物性成本得西僧咒力其造子之法今都中喇嘛亦能為之每四月八日大小喇嘛輒群聚佛前選高行持誦者數十人鏡鈴法鼓宣揚六字真言七晝夜其丸即用乾麩手搓如粟米大口念手丸以金盃貯之丸時得咒力粒能皆飛或在窓櫺或在案格堆結



團聚俟七晝夜滿後其不能飛者去之其飛者用箒掃下以送諸王大臣名麻嗟子可以治諸疾瘦幼多寡蓋自其成性已然無足異也入藥以西藏合者佳癸丑冬在上虞署陪平司馬少君葉仲言曾隨任中甸其地係西藏西路有喇嗎等彼地呼野馬豆為舍利子有草木佛三種彼土富人死必納一粒口中云入冥生光土人有病亦輒服之 金御乘

書慈谿有患耳聾者其家有藏中帶來麻嗟子取服三粒忽聞兩耳中大聲一震轟然如掣去數百斤物者嗣後耳更聰甚其人一日忽抵食妓家次日復聾如故再服亦無効矣味微辛性平治百病彼土無藥有病即服此豆

綿絮頭草

一名金沸草一名地連俗呼黃花子草生郊  
野立春後發苗葉多白毛似綿絮至立夏開  
黃花一莖直上花成簇處上山坂有之鄉人  
初春採其葉揉粉作餅食清香堅韌最適口  
此草形小布地生葉似慎火而薄摘之有白  
絲色青白本小如剪刀草按綱目有鼠麴俗  
名毛耳朶葉有白茸又名茸母宋徽宗詩茸



母初生認禁烟即此蟻食此草即醉故又名  
蚍蜉酒草然其功用亦止載其能治寒熱咳  
嗽去肺寒火并肺氣而已今別補其功用  
味酸性熱多食損目治囊風濕痺煎湯洗愈  
見疔梅瘡下疳同甘草煎湯洗

### 鴉胆子

一名苦參子一名鴉胆子出閩廣藥肆中皆  
有之形如梧子其仁多油生食令人吐作霜  
搃去油入藥佳

治痢 何夢瑤醫礪鴉胆丸用鴉胆子去壳  
搃去油一錢文蛤醋炒枯礮川連炒各三分  
糊丸朱砂為衣或鴉胆霜黃丹各一錢加木  
香二分亦可烏梅肉丸朱砂為衣二方俱丸

菜豆大粥皮或鹽梅皮或圓眼肉或芭蕉子  
肉包吞十一二丸立止

裡急後重 吉雲旅抄用鴉胆即苦榛子去  
壳留肉色龍眼肉內每歲一粒白滾水下

治痔 金御乘云近日閩中板客皆帶鴉胆  
子來治痔如神有患者以子七粒色圓眼肉  
吞下立愈

至聖丹 治冷痢久瀉百方無驗者一服即

愈凡痢之初起實熱寔積易知而易治惟虛  
人冷積致病醫多不以為意蓋實熱之症外  
候有身熱煩躁唇焦口渴肚疼窘迫裏急後  
重舌上黃胎六脉洪數証候既急治者亦急  
輕則疎利之重則寒下之積去而和其陰陽  
無不愈者至於虛人冷積致痢外無煩熱躁  
擾內無肚腹急痛有赤白相兼無裏急後重  
大便沉痢小便清長此由陰性遲緩所以外



証不急過此不可姑息但以集成三仙丹下之以去其積倘不急下必致養虎貽患其積日久漸次下墜竟至大腸下口直腸上口交界之處有小曲摺隱匿于此為腸穢最深之處藥所不到之地証則乍輕乍重或愈或發便則乍紅乍白或硬或澹總無一定任是神丹分毫無濟蓋積不在腹內而在大腸之下諸藥至此性力已過盡成糝糠安能去此況

匿之積所以冷痢有至三五年十數年不愈者由此故也古方用巴豆為丸下之者第恐久病人虛未敢輕用今以至捷至穩鴉胆子一味治之此物出閩省雲貴雖諸家本草未收而藥肆皆有其形似益智子而小外殼蒼褐色內肉白有油其味至苦用小鉄錘輕敲其殼已破肉出其大如米敲碎者不用尚取全仁用之三五歲兒二十餘粒十餘歲者三

十多粒大人則四十九粒取天圓肉色之小兒一包三粒大人一包七粒繫包空腹吞下以飯食壓之使其下行更藉此天圓包裹可以直至大腸之下也此藥並不峻厲復不壯痛俟大便行時有白凍如魚腦者即冷積也如白凍未見過一二日再進一服或微加數粒此後不須再服七時忌葷酒三日戒鴨肉一月從此除根永不再發矣倘次日腹中虛

痛用白芍一枝甘草一枝各重三錢紙包水濕火內煨熟取起槌爛煎湯服之立止此方不忍隱秘筆之于書以公世用

痢疾神方 醫宗彙編用白石榴燒灰一錢真鴉片切片二錢鴉胆子去壳蒂包壓去油三兩人參三分枯礬二分海南沉香三分共為末稠粥為丸重五六厘晒乾磁瓶收貯紅痢用蜜一匙滾水調下紅白相兼陰陽水送



下肚脹滾湯下水瀉來湯開水送下忌油膩  
腥酸一月

### 元寶草

生江浙田塍間一莖直上葉對節生如元寶  
向上或三四層或五六層此草有兩種一種  
兩葉包莖亦對節生一種獨葉莖穿葉心入  
葉以獨葉者為勝 百草鏡元寶草生陰土  
近水處多有之穀雨後生苗其葉中濶兩頭  
尖如梭子形穿莖直上或五六或六七層小  
滿後開花黃色氣性涼

辛寒百草鏡性涼補陰治吐血衄血跌撲閃  
腰挫疼瘧毒

雀梅

一名爵梅葉如薔薇結實如梅而小 百草  
鏡云有一種山雀梅枝不蔓曲是樹不實亦  
有高大者按爵梅綱目主治蝕惡瘡外皆不  
載今復補其功用 綱目郁李下引詩疏云  
一名雀梅與此名同物異亦不言治瘧毒  
葉酸寒治乳瘧便毒有奇効瀉熱解毒



鐵馬鈴

采藥書又名鐵鈴草其本色黑葉梗根堅寔  
如鐵其汁黑可烏鬢

主治楊梅惡瘡風氣癱瘓損折筋骨俱煎酒  
服 汪連任方

妳酣草

俗名奶孩兒處上人家種之葉尖大如指甲  
有枝梗夏月開細紫花成簇結子亦細今人  
種於盆內婦人暑月採之插髮可辟膩膻  
芳香辟惡去臭氣辛溫和中止霍亂吐瀉行  
氣活血發瘡者塞鼻能令寒熱漸輕



土當歸

荷包牡丹之根今人呼活血草即土當歸也  
汪連仕云用其根搗汁酒冲服之令人沉醉  
金瘡之聖藥也

開金鎖

從新云產江浙葉如萹薺高三四尺根如首  
烏而無稜肉白色而無紋略似菘蕪而無刺  
苦平祛風濕同蒼朮當歸治手足不遂筋骨  
疼痛



鐵指甲

李氏草秘其草葉似指甲生墻脚塔岸石砌  
間王安采藥方此草沿松樹上一名佛指甲  
一名寄生治諸癬毒火丹頭面腫脹將危者  
少入皮硝搗卷之立愈 李氏草秘牙疼煨末  
擦之立効 王安

落得打

李氏草秘七葉草一名落得打一名活血丹  
雖名草實樹其樹高一二尺九七尺不等搗  
汁和酒服治打傷撲損疥瘡腫毒煎洗疫核  
療瘰癧久久自消敏按此言木本當又是一種  
一名土木香山雄黃五香草從新云近處有  
之苗高尺許葉如薄荷根如玉竹而無節搗  
爛則粘



按從新所說似今人所名為紫接骨者落得打予養素園中曾種之苗長二三尺葉細碎如蒿艾秋開小白花結子白色成穗累々如水紅花但白色耳故又名珍珠倒捲簾治跌打損傷神效曾記辛巳年小婢失足從樓梯墜下疼血積滯因採此搗汁沖酒服以渣罨傷處一飯頃疼塊即散內疼亦瀉出葉有清香者是此藥以家種隔二三年者入藥用良

野產者入藥有草氣胃弱者服之多吐  
百草鏡云此草立春後始發苗十月枯八月  
開花苗葉如菊艾有歧尖而薄五月採嫩枝  
入藥

甘平治跌打損傷及金瘡出血並用根煎服  
或搗敷之不作膿 葛祖方治跌打損傷無  
名腫毒去瘡瘀血死肉不痛 百草鏡云性  
甘香溫入脾經祛風調氣活血

花 擦牙疼治頭風及風氣

苦花子

一名毛蓮子又名小葉金雞舌又名苦花椒  
入藥梗葉並用

治疥瘡瘴毒蛇傷熱腹痛熱喉風並效搗汁  
搗水夏冷服冬溫服



佛手草

朱娘齋任城日鈔杭州秦亭山聖帝殿厨房  
後石臺基上有草狀如百合名合草一名佛  
手草寺僧藉以貨售香客以入藥

治瘡不論何種惡瘡以此草煎湯洗之即愈  
敏按王安采藥方射干一名佛手草不治瘡  
與此別

草石蠶

餘杭山中多有之葉似大葉金星根黑色如  
蚕 按甘露子一名草石蚕與此別 前溪  
逸志銅官山生石蚕藤也以石為土形則蚕  
也採食之可已風痺 本草石蚕乃石似蚕  
者非真蚕也藤之蚕根于石石之蚕伏于土  
非格物君子焉能辨其名號識其性情哉  
治虎傷收口用之虎咬成瘡口不斂者為末



搽上即愈 風痺羊毛痧  
敏按王安采藥方金星鳳尾即寶劍草其根  
名石蚕能解硫黃毒蛇毒治發背瘡疽結核  
等症竹木魚刺黃疸熱淋洗眼疾陰濕瘡似  
此則非藤蚕甘露子明矣

毛葉仙橋

猫舌仙橋

一名翠梅草百草鏡云春月發苗葉狹尖糙  
澁微有毛三月開花碧色至五月間其莖蔓  
延粘土生根兩頭如橋故名三月採去根  
性寒 葛祖方治失力黃能退諸瘡熱血風  
火氣毒 百草鏡云散風火利濕熱治白火  
丹疥瘡澁精如神 白濁用毛葉仙橋三錢  
酒煎服

李氏草秘仙橋草形似橋倒地生根葉似柳  
厚背紫色者多秋開紫花一條治疥瘡諸毒  
瘡腫用此草搗汁加酒服雖發狂垂死入口  
即生 汪連仕云細葉者紫背仙橋背必須  
紫色延蔓倒地如橋土人名為疥瘡草能消  
疥腫拔根合蒼耳草酒煎服

猫舌仙橋 汪氏草藥方猫舌仙橋葉面生  
刺草本搦地生花青紫多產水澤旁

治疥瘡理黃疸一切濕火



荷包草

一名肉餽餽草一名金鎖匙生古寺園砌石  
間似地連錢而葉有絲文形如腰包青翠可  
愛 百草鏡云二月十月發苗生亂石縫中  
莖細葉如芡實大中缺形似桂色餽餽故名  
蔓延貼地逐節生根極易繁衍山家階砌亂  
石間多有之四月十月採過時無

性微寒治黃白火丹去濕火煎神仙對坐草

用清五臟點熱眼止吐血洗痔瘡調婦人經  
忌益

水腫初起 百草鏡活鯽魚大者一尾用磁  
片割開去鱗及腸血以帛拭淨勿見水以荷  
包草填腹令滿甜白酒蒸熟去草食魚  
利濕熱治黃白疸腹脹白濁經閉搗汁點熱  
眼煎湯洗痔瘡腫痛 百草鏡

疝氣 周氏家寶用荷包草研爛汁酒送服

此草形似荷包上面有二子初生時有葉無  
子須至六七月方生

黃疸 家寶方荷包草螺蛳三合全搗汁澄  
清煨熱服

眼中生疔 眼科要覽用肉餛飩草連根葉  
和酒漿板搗汁飲二三次即愈

酒漿板即酒  
釀糟也

蛇咬 家寶方鶴頂紅即天蘿肉餛飩野甜  
菜三味共搗專之



鼠牙半支



生高山石壁上立夏後發苗葉細如米粒蔓  
延絡石其根嵌石罅內白如鼠牙百草鏡載  
各種半支有七十二此為第一 百草鏡鼠  
牙半支二月發苗莖白其葉三瓣一聚層積  
蔓生花後即枯四月開花黃色如瓦松

性寒消癰腫治濕癬水腫

治諸毒及湯烙傷疥癩等症虫蛇螫咬

蔣

鼠牙半支

蔣



儀乘鏡拾遺賦半枝蓮解蛇傷之仙草  
半枝蓮飲 百草鏡云治一切大毒如發背  
對口冬瓜騎馬等瘡初起者消已成者潰出  
膿亦少鼠牙半支一兩搗汁陳酒和服渣專  
呂頭取汗而愈章南圃試效

狗牙半支

虎牙半支

生陰湿地立夏前發苗葉尖細作品字式層  
覆而生夏至時開花黃色類瓦松花後即死  
其年雨水多其草必茂葉大者曰虎牙

治瘡疥便毒黃疸喉癰 救生苦海用狗牙  
半支搗汁加陳京墨磨汁和勻漱喉日咽四  
五次甚者半月愈 天蛇頭疼不可忍醫宗  
彙編用半支連同香糟搗爛少加食鹽包住



患處疼即止

虎牙半支 功同

汪連仕采藥書虎牙半支性寒涼無毒葉片大者羊角半支葉扁大者馬牙半支俱生陰山谷中

治疔種火毒痔漏神効

### 馬牙半支

一名醬瓣半支鉄梗半支又名山半支生石壁上葉大叢生圓如醬中豆瓣故名 百草鏡云醬瓣半支又名旱半支葉如醬中豆瓣生石上或燥土平濕皆有之蔓生二月發苗莖微方作水紅色有細紅點子經霜不凋四月開花黃色如瓦松山左人以為菜茹 江獻祥云此有二種有紅梗青梗之別治婦人

赤白帶第一妙藥赤帶用赤梗白帶用白梗  
採得搗汁半酒盞酸迷上草亦有赤白二種  
赤帶用赤白帶用白者搗汁半酒盞和勻加  
紹酒半盞煮熟一服即止永不再發

性寒消癰腫治濕熱利水和血腸瘡痔漏  
治蛇咬疔疽便毒風痺跌撲黃疸擦汗班尤  
妙 百草鏡跌撲用醬餅半支一握搗汁陳  
酒和服

絕癰 家寶方醬枝豆草六月六日鷄鳴時  
採畧洗蒸熟一日晒乾不乾焙之每一斤配  
老姜一斤磨細收貯一日者一錢二日者二  
錢三日者三錢酒調服日後飲酒至醉為妙  
合時忌鷄犬婦人見之神効

狗咬 以酒洗淨瘡口血搗醬板半支卷上  
一二日即愈而愈 王小靜試驗

療癰 金養淳云馬牙半支作菜常服多年



療癰皆消屢試屢驗

治急痧

用醬瓣草陰乾每服三錢水煎服

治淋疾

奇藥類編用芝麻一把核桃一個

石上馬牙半支共搗滾生酒沖服

治水噤

汪連仕云取醬板草搗合射香貼

瘖眼如人行五里其水即下

### 狗尾半支

百草鏡云生類垣牆側人家荒圃中尤多俗呼狗尾草葉如茅六月開花形如狗尾採取花莖下截陰乾用細目狗尾草下止截穿疣目去赤眼惡血而不言別功用故為補之治疔癰癰面上生癰取草數莖揉軟不時搗之即愈 風栗癰疹 狗尾草莖刮出瘀血避風數次自效見杭集三方 羊毛癩

家寶方一名羊毛痧以狗尾草煎湯內服外用銀針挑破紅瘰用麻線擠出瘰中白絲如羊毛狀者即愈否則脹死

金鷄獨立草

散喉風 採藥志云散喉瘡之聖藥  
敏按此即翠羽草宜併一名翠雲草



紫羅攔

白花者良產溪澗者尤佳其根入藥不可多服令人吐瀉傷胃氣

治腹脹腫滿清利水道土產者治跌打損傷取根搗酒服少許汪連仕採藥書

神仙對坐草

一名蜈蚣草山中道旁皆有之蔓生兩葉相對青圓似佛耳草夏開小黃花每節間有二葉故名按外科全生云此草梗葉長青經冬不凋殊不知春生秋死不凋之說謬矣

百草鏡云此草清明時發苗高尺許生山隄陰處葉似鷺腸草對節立夏時開小花三月採過時無



黃疸初起又治脫力虛黃 百草鏡用神仙  
對坐草三葉白荷包草平地木茵陳各三錢  
水煎分三服早中晚下一服全愈脫力虛黃  
五劑  
祝氏效方洞天仙草膏用之又毒蛇咬搗此  
草汁飲以渣罨傷口立愈  
一切疝氣 劉羽儀驗方仙人對坐青木香  
二味搗汁沖酒服之立效

龍鬚草

野席草 烏龍鬚

一名又雞草綠袍草鉄線草鉄線筒人字草  
似扁蓄而小細圓與網目石龍芻別 百草  
鏡云生山澤穀雨後發苗與野席草相類但  
席草之葉直上此草橫生布地小滿時抽莖  
開花青細  
治口咽諸毒火症牙痛

野席草 生山澤水旁較席草稍短細亦名

龍鬚草清明後生苗小滿時開花細小根類竹根黑色入藥取根用

止血崩風氣疼痛鶴膝風夢遺酒煎服湯煎

洗出汗草藥利濕熱治瘰淋精濁崩中濕瘰

鼻衄赤腮明目疔痛口咽諸毒火症鶴膝風

百草瘰癧疫核王用鼻中不時出血野蓆草

根煎服一盤珠

齒牙疼痛動搖欲落者 仁惠方用野蓆草

根煎湯代茶服一二日牙疼自止永不再發

齒牙動搖者亦堅固如石

烏龍鬚 徐一士云有鄉人行野田中見老

烏白樹上桂生細長草一叢如灯心狀下垂

一道士指謂曰此名烏龍鬚乃五福星所照

在樹而生此取晒藏之可治痼疾一切血症

鄉人如其教後用頗驗

治瘰腫一切血症勞瘵



# 真珠草

臨症指南云珍珠草一名陰陽草假油柑此  
草葉背有小珠晝開夜閉高三四寸生人家  
墻脚下處有之癸亥子寓西溪看地見山  
野間道旁有小草葉如槐而狹小葉背生小  
珠如鳳仙子大纒有直綴經霜輒紅詢土人  
皆不識偶歸閱指南始悟此即真珠草也薄  
暮取視其葉果閉則知前誤以六安之真珠

葉為此草因急改正而附識于此  
治小兒百病及諸疳瘦弱服飲盲皆効為末  
白湯下或蒸煮魚肉食 指南

### 九龍草

百草鏡云生石上蔓延丈餘節處生根苗頭  
極多葉絨細青色又名九頭獅子草又名金  
釵草按綱目九龍草僅于雜草內附見而行  
引楊清叟外科方一條述其苗葉尚是此草  
至云生紅子如楊梅則誤矣

性溢行血歛治風痺跌撲損傷及車蛾痛風  
奶癩 家寶方九龍草搗全醬板卷



蛇咬 周氏家實用九龍草搗汁半碗雄黃  
二錢酒沖服痛止 此草生紅子如楊梅樣  
搗汁亦可

治喉痛 按此則與楊清叟外科所載形狀  
同或名同物異與獅子草迥殊並存以俟考  
除臭蟲 經驗廣集取九頭獅子草放床四  
角每角用二三顆置草薦下任其自乾去臭  
蟲神妙

紅白蛇纏 王氏秘方九龍草焙存性麻油  
調搽

石打穿 鉄筭帚

葛祖方一名龍茅草石見穿地洞蜂地蜈蚣  
百草鏡地蜈蚣與神仙對坐相似惟葉上有  
紫斑為別且神仙對坐草之花每節兩朵此  
則攢聚莖端或三四或五六相聚為別疑即  
石見穿 龍茅草生山土立夏時發苗布地  
葉有微毛起莖高一二尺寒露時開花成穗  
色黃而細小根有白茅尖圓似龍茅頂開黃



花故名金頂龍芽一名鐵胡蜂以其老根黑色形似之又一種紫頂龍芽莖有白毛葉有微毛寒露時抽莖開紫花成穗俱二月發苗葉對生貼地九月枯七月採 癸丑余親植此草于家園見其小暑後抽莖屆大暑即着花吐莖抽條成穗儼如馬鞭草之穗其花黃而小攢簇條上始悟馬鞭草花紫故有紫頂龍芽之名此則花黃名金頂龍芽與地蜈蚣

絕不相類因此草亦有地蜈蚣之名故百草鏡疑為石見穿也 按石打穿綱目於有名未用下列之只言止骨痛大風瘰癧不言他用而葛祖遺方載其功用甚廣並有諸名考之百草鏡龍芽二種與地蜈蚣俱非一物論其功用石打穿治黃疸地蜈蚣治跌撲黃疸故百草鏡因其用相同于地蜈蚣下註疑即石打穿于龍芽草下註亦名石見穿治下氣

活血理百病散痞滿跌撲吐血崩痢腸風下  
血明二種功用各異不知葛祖方何以混  
為一此書傳自明末或有舛訛或有的識未  
敢妄議附識於此以俟再考 敏按蔣儀藥  
鏡拾遺賦云滾咽膈之痰平翻噦之胃石打  
穿識得者誰註噎膈翻胃從來醫者病者群  
相畏懼以為不治之症余得此劑十投九效  
不啻如飢荒之粟隆冬之裘也乃作歌以誌

之歌曰誰人識得石打穿綠葉深紋鋸齒邊  
濶不盈寸長更倍圓莖枝抱起相連秋發黃  
花細辨五結實扁小針刺攢宿根生本三尺  
許子發春苗隨弟肩大葉中間夾小葉層層  
對比相新鮮味苦辛平入肺臟穿腸穿胃能  
攻堅採掇莖葉搗汁用蔗漿白酒佐使全噎  
膈飲之痰立化津燕平復功最先世服憑蒙  
知者少歧黃不識名浪傳丹砂白濁葛仙事



余愛養生著教言撻歌中所言形狀則又似  
鉄筊帚故並存其說而附録之

葛祖方消宿食散中滿下氣療吐血各病翻  
胃噎膈瘧疾喉痺閃挫腸風下血崩痢食積  
黃白疸疥腫瘰疽肺瘰乳瘰痔腫

乳瘰初起 百草鏡龍茅草一兩白酒半壺  
煎至半碗飽後服初起者消成膿者潰且能  
令膿出不多

鉄筊帚 山間多有之綠莖而方上有紫線  
紋葉似紫項龍茅微有白毛七月開小黃花  
結寔似筊帚形能刺人手故又名千條針  
百草鏡三種時開花成簇 種福堂方鉄筊  
帚即石見穿網目馬蘭子亦名鉄筊帚其葉  
似薤根如劍帚與此全別草寶云鉄筊帚葉  
似紫頂龍牙而無毛為別七月開小黃花結  
寔類筊帚能刺人手故名黃疸用此草乾者

一兩白酒煎服四五劑即愈

治風痺血崩黃疸吐血跌撲鬼箭風如神搗  
專肩瘡鶴膝風鮮者連根葉如秋冬根老取  
葉汁加飛麩調勻包茶煎湯浴瘡疥立愈  
治風痺鶴膝等風茅崑來效方鉄筌帚三兩  
龍眼肉半斤酒煮飲 又方鉄筌帚白毛藤  
地蘓木龍牙草蒼耳草各一兩酒煎服五劑  
風痺藥酒救生苦海云并治跌打瘋腫鉄筌

帚八角金盤根白毛藤蘓木絡石藤各一兩  
酒浸十日用

跌打傷 金居士選要方用鉄筌帚三兩酒  
煎服

隔症 蔣雲山傳方石打穿草按月取草頭  
一个如三月三个四月四个以月分為多寡  
之數搗汁全人乳羊乳汁攪勻服立效  
面上斑靨 朱子和方取鉄筌帚地上自落



下葉并子煎湯澄清洗面三四次其斑自消  
鶴膝風 種福堂方石見穿草用根梗俱紅  
色者佳連枝俱用如秋冬根梗俱老止用葉  
半分俱要當日取新鮮者隔宿勿用同鉄筯  
帚草一分加飛麩少許同打紫藤眼內

### 狗卵草

一名双珠草生人家類垣古砌間葉類小將  
軍草而小穀雨後開細碎花梗間結細子似  
腎又類椒形青色微毛立夏時採 百草鏡  
云蔓延而生喜生土墻頭上三四月採五月  
無二月發苗乃小草也三四月間節梗中結  
子形如外腎內有兩細核  
性温治疝氣行下部發大汗為妙治腰痛

疝氣澹寮方 用狗卵子草鮮者二兩搗取  
汁白酒和服飢時服藥盡醉蒙被煖睡待發  
大汗自愈 此草性溫能達下部如無鮮者  
須三四月預採晒乾存貯倘用乾者止宜一  
兩煎白酒加紫背天葵五錢同煎更妙  
庚戌子館臨安署後荒圃多生此草驚蟄後  
發苗似小將軍而葉較小色亦淡綠春分後  
即開花細碎藕合色節極輒有花結子如狗

卵頗壯滿可觀其草蔓地千百穗併一根立  
夏後多槁子全舍許氏子髫年患疝發輒作  
厥以此草煎酒服後永不再發



一粒金丹

一名洞裡神仙又名野延胡江南人呼飛來  
牡丹處有之葉似牡丹而小根長二三寸  
春開小紫花成穗似柳穿魚結子在枝節間  
生青老黃落地復生小枝子如豆大其根下  
有結粒年深者大如指小者如豆一種黃花  
者乃蒿屬根上亦無子採取不可誤用  
治跌打損傷風氣消癩腫便毒瘰癧天蛇毒

鴉翅毒搗身火丹痔腫風痺閃胸腰痛  
煙毒初起 百草鏡取一粒金丹根上子一  
兩搗汁陳酒和服并治療瘰癧初起

兔耳一枝箭

獨葉枝鎗 金邊兔耳

生陰山脚下立夏時發苗葉布地生類兔耳  
形葉厚邊有黃毛軟刺莖背俱有黃毛寒露  
時抽心高五寸許上有倒刺而軟即花也每  
枝只一花故名一枝箭入藥用綿裹煎恐有  
毛戟射肺令人咳

百草鏡兔耳一枝箭葉如橄欖形邊有針刺  
只七八葉貼地生八月抽莖高近尺許花如



栝穗而有萌刺莖葉有毛七月採有小鹿啣  
銀茶匙忍冬草月下紅守名

性寒味苦行血涼血入肺經清肺火治吐血  
勞傷調血最效為怯弱要藥肺癰肺痿黃疸  
心疼跌打風氣傷力咳嗽咯血腫毒

腸癰肺癰縮脚癰 慈航活人書用白石楠  
葉嫩搗十二個兔耳草二兩好酒煎服肺癰  
二服腸癰縮脚癰一服即愈

骨蒸勞怯 吳普仁方用兔耳一枝箭蒸鷄  
服

獨葉一枝鎗 生深山四五月間土人採得  
入市貨之長二三寸一莖二梗一梗有葉上  
如兔耳又似箭頭一梗細尖如新抽竹萌故  
名 百草鏡獨葉一枝鎗生山原清明時發  
苗穀雨後死長二三寸一葉一花葉如橄欖  
花似鑽錐

味甘淡功用與一枝箭同  
金邊兔耳 形如兔耳草貼地生葉上面淡  
綠下面微白有筋脉緣邊黃毛茸上作金色  
初生時葉稍捲如兔耳形沙土山上最多  
味甘淡治虛勞吐血

### 金線釣蝦蟆

蔓生田野山石間葉似三角風光潤帶青黃  
色根名金線釣蝦蟆又名獨脚蟾蜍亦名金  
線重樓準繩痘毒方中用之非細目草河車  
及蚤休也 丹房本草金鈴草一名挂金藤  
亦曰金線釣蝦蟆其子狀如鈴折斷豈液如  
乳汁取自然汁伏雄制硫其霜可煉雌煮豕  
百草鏡金線吊蛤蟆生山土莖蔓紅細根大



葉類金鎖匙芒種時開花如穀精花採根入藥按防已亦與此相似但根形不似蛤蟆莖不甚紫葉不甚圓有尖歧葉中蛛網紋不明不多為別 草實云金線重樓生陰山腳下根有疙瘩形類蟾蜍入土不深剗土易取其性涼乃吐藥也小滿時發苗蔓延紫色葉不相對類黃龍藤而柔軟葉上有蛛網紋甚明若葉不圓而微尖紋不明莖不甚紫形不類

蟾蜍者乃防已非重樓也 王聖愈云重樓根儼如三足蟾其根旁又生根結蟾蜍年久者掘得一本之下根有數十蟾蜍繫上橫掛其力最大 趙貢裁云金線釣蛤蟆生者力大乾者稍次凡大毒服之必吐人多惧畏勿用然吐後其病如失毒即內消凡發背毒氣攻心非此不治若小毒斷不可用因藥力性大病不能相當也不能相當則有偏勝之害

性平味苦消瘰祛風敗毒 百草鏡根性涼  
托瘰疽追散種毒治瘰癧為外科聖藥 採  
桑志治腸瘰追風敗毒 葛祖方吐痰涎可  
代瓜蒂 扁鵲心書金線重樓俗名金線釣  
蝦蟇采得去外黑皮用石槌打碎勿犯鐵器  
晒乾為末小磁瓶收貯凡遇一切要吐痰涎  
之症用代瓜蒂最妙風痰結胸用一錢陰陽  
水和服傷寒成瘰用一錢臨發空心水和服

禁口痢用一錢凉水服忌鐵器  
跌撲傷 張氏傳方取根搗汁酒和服渣專  
葉名天膏藥 貼腫毒破爛能拔毒收口拍  
熟貼毒能拔毒水外出酒煎服治心疼磨水  
搽痔煎膏貼百病



鷄蟲草

此草深秋有開紫花子如椒核處上原濕皆有葉如苧麻葉而氣臭故名雞蟲必效方云海寧沈青芝患風毒穿流五六處疼痛異常覓此草服之一劑即愈

治風毒流火取一握煎酒吃或入酒煮一炷香去渣服俱效

玉叉草

李氏草秘此草對葉圓梗生近田水溝中  
治打傷跌腫損折搗汁服之愈諸種毒  
汪連任采藥書草裡金釵開黃花細莖獨苗  
直上如醒頭草治金瘡活血白濁遺精如開  
白花者草裡銀釵名玉叉草治婦女白帶白  
淫合生白酒煎服



老君鬚

百草鏡云此草立夏後發苗葉似何首烏微  
狹對生莖與葉俱微有白毛不似首烏莖葉  
之光澤根類白微色白極多故名入藥用根  
王安採藥錄老君鬚生溪澗邊起藤二三尺  
梗青根鬚白黃色有數十條能消痞 按王  
三才醫便云老軍需春夏秋冬常有青出衆  
草為尊至藤青葉似檟葉而尖小根如鬚白

似芋頭根牽藤而去俗名社公口鬚亦治腫毒採根搗生酒服渣身患處

味辛性熱破瘀毛氏瘰串方用之治療瘰治痞結醫便痞結年久成龜鼈者累用極效用老軍需一味春夏用莖葉秋冬用根不拘多少用好生酒一罐外用鯽魚一雙和藥同入罐內日落時煮以魚熟為度令患人先食魚次飲酒再以藥渣撲痞結所至次早去之

大小便見物下即效如不應連服三五次追其物無跡而神效難言

余曉園云治風痺消血瘕而黃痞塊



葛公草

傳信方云葉似蛇卵草又似吉慶子面青有  
蒙背白色三葉分枝梗似薔薇有刺四月間  
結子取根用子亦可入藥

治血症傳信方云將葛公根一兩忌鉄器用  
木擊碎以水二大碗煎作一碗加好酒一碗  
再煎至茶杯八分卧時服之後蓋暖周身以  
手摩胸膈臍腹數遍明晚如前再服一兩後

日亦如前服一兩連服三日愈  
葛祖方為公草一名家母藤治脚氣腫疼杉  
木腿搗汁熬膏鵝翎掃患處乾即潤之

### 芸香草

職方考出雲南府能治毒瘡入夷方者據以  
自隨如嚼此草無味即知中蠱急服其汁吐  
之可解

按雲南志出昆明有二種五葉者名五葉芸  
香非葉者名菲葉芸香治瘴瘧 藥性考云  
生成五葉產昆明治瘡毒等疾專能解蠱搗  
汁服之菲葉芸香能截瘴瘧夷人多和蠱搗



此草嚼之無味即知中毒

雲南志解蠱治毒瘡一切瘡毒瘴瘧並搗汁服

藥性考味辛治症同

### 鏡面草

滇南志出滇中能通血脉 按此草今處

有之多生階砌石畔葉如指而大而圓其邊

微作碎齒葉面光如鏡深綠色土人呼為嬉

兒草又名地連錢不見開花止見葉而已亦

呼鏡面草不知滇中所產即此類否

性涼治肺火結成膿血瘡疽採藥月閉和散

羹煎酒服 滇南志

石將軍

一名紫羅球秋時開花有紫色圓暈生高山  
石上立夏後生苗葉類龍牙草畧小對節高  
不過尺根本勁細似六月雪 謝雲溪云西  
湖鳳凰山有之生石岸旁者入藥地土上生  
者太肥治症不能即驗葉如椐木對生方梗  
紫色高尺餘開細紫花成球能活血疎風消  
痰散腫



味淡性平治一切跌打損傷血瘀不散搗汁服之或以水酒同煎如風寒閉塞或瘡疽初起服之俱効

### 五葉草

此即燒人場上草也程雲來即得方名五葉草亦不載形狀

能移痘後眼翳用此草搗如豆大一小餅如左眼有翳貼右眼角內上其翳即移至右眼再用此餅貼左眼角內上其翳移至鼻梁內即去此餅翳膜便除

蛇草

諸羅志形似波稜開小白花 按綱目有蛇  
眼草生古井及年深陰濕地形如波竹葉上  
背有紅圈如蛇眼狀搗敷治蛇傷未知即一  
物否附以俟考治蛇傷連根搗置傷口仍煎  
泡酒服立愈

汪連仕采藥書蛇眼草產鄉間盧叢水澤旁  
甚多治一切蛇傷疥痔俗呼蛇口半支蓮又



名落得咬

千年健

朱排山柑園小識千年健出交趾近產于廣  
西諸王郡形如藤長數尺氣極香烈可入藥  
酒風氣痛老人最宜食此藥忌菜菔  
壯筋骨浸酒全錯地風虎骨牛膝甘止胃痛  
酒磨服

蜈蚣萍

生溪澗田港止水中若流水則不生形如蕨  
其中一莖兩旁細葉攢對似蜈蚣狀故名葉  
頗糙澁不似浮萍之光澤細目水藻集解下  
有馬藻葉亦對生形亦微似而實非一物蓋  
馬藻可食此則不可食故主治亦別也俗呼  
邊箕萍 羣芳譜麻藻萍之異種長可指許  
葉相對聯綴不似萍之點日清輕也按麻藻



即今蜈蚣萍

治蟲 同壽錄蜈蚣萍晒乾燒烟熏之則一  
切跳蚤壁蟲皆除

### 老鶴草

龍柏藥性補遺出山東

味苦微辛去風疎經活血健筋骨通絡林損  
傷痺症麻木皮風浸酒常飲大有效或加桂  
枝當歸紅花芍藥等味入藥用莖嘴

肥兒草

產廣西平樂縣

治小兒一切疾及痧脹需為要藥



鬼香油

汪連任草藥方鬼香油細葉者名天香油連

根葉搗汁其味如香油故名 李氏草秘鬼

香油苗葉如香薷 一人犬腿腫痛二三月有膿內潰  
不得出毒危者上即破膿出數服而愈

以此草汁調  
粵藥尤更妙

治諸癰毒冬瓜瘰附骨疽 李氏  
草秘 冬瓜瘰附骨

疽用此草加甘草一錢醬板藍花搗罨有效

潤肌膚滋顏色敗瘡毒土人止蛇咬蜂螫哉

毛傷取葉擦之 汪連仕草藥方

### 石蛤蚧

百草鏡生山土根皮色紅入藥用根 周維  
新云石蛤蚧乃映山紅之根 花鏡云山躑  
躑俗名映山紅類杜鵑花而稍大單瓣色淡  
若生滿山頭其年必豐稔有紅紫二色紅者  
取汁可染物

煎洗梅瘡能消風塊

風氣痛 祝穆效方地蜈蚣草石蛤蚧草各



等分紹酒煎服

腸瘻 景岳新方腸瘻生于小肚角微種而小腹隱痛不止者是若毒氣不散漸大內攻而潰則成大患急宜以此藥治之先用紅藤一兩許以好酒二碗午前一服醉臥之午後服紫花地丁一兩許亦如前煎服七後痛必漸止為效然後再服末藥除根 末藥方用當歸五錢蟬退僵蚕各二錢天龍大黃各一

錢石蛤蚧五錢老蜘蛛二個新瓦上以酒杯

蓋住外用火煨乾存性全諸藥為末空心用

酒調服一錢許日逐漸服自消 經驗廣集石

禿瘡 不棄良方云即肥瘡日久 蛤蚧用葉 延蔓成片

髮焦脫落又名癩頭瘡先以艾葉鷓鴣糞煎湯

洗淨瘡痂再用猪肉湯洗之隨用躑躅油以

躑躅花根四兩搗爛用菜油一碗煎枯去渣

加黃蠟少許布濾候冷以青布蘸搽日三次

禮帽戴之勿令見風散毒能令痒止髮生久  
搽自效

李氏草秘石蛤蚧苗長二三尺莖方葉似竹  
葉根形如蛤蚧

治疔種諸毒以酒磨服少得入口垂死可生  
有此則不愁疔瘡之患諸腫毒醋磨專之  
敏按汪連仕方映山紅根名翻山虎土人呼  
搜山虎治瘰癧能拔根匡風合巴山虎蒸酒

服名二虎丹核其功用雖不甚懸殊而究其  
形狀的非一種當以李氏草秘所載為是



香蕉

皇華紀聞粵地濕熱人多染麻瘋所居室人  
不敢處必種香蕉木本結寔者於院中一二  
年後其毒盡入樹中乃敢居 兩廣雜志蕉  
種甚多子皆甘美以香牙蕉為第一名龍奶  
奶者乳也言若龍之乳不可多得然食之寒  
氣沁心頗有邪甜之目其葉有珠砂斑點植  
必以木夾之否則結寔時風必吹折故又名

折腰娘凡蕉葉必三三開則三落不至地  
但懸挂莖間乾之可以作書花出於心每一  
心輒抽一莖作花開雷而折者如倒垂莖  
莖層上作卷瓣上中無蕊悉是瓣漸大則花  
出瓣中每一花開必三四月乃闔一花闔成  
十餘子十花闔成百餘子小大各為房隨花  
而長上至五六寸許先後相次兩上相抱其  
子不俱生花不俱落終年花寔相代謝雖歷

歲寒不凋子經三四月始熟粵人嬰免乳少  
輒熟蕉子飼之又以浸酒味甚美其蕉心嫩  
白可為葅細目芭蕉条下所載各類於香蕉  
獨未明晰今依粵志補之

收麻風毒

五雜俎鳳尾蕉其本麗巨葉長四五尺密比  
如魚刺然高者亦丈餘又有番蕉似鳳尾而  
小相傳從沈求來者云種之能辟火患是水



精也枯時以鉄屑糞之或以鉄釘上其根上則復活蓋金能生水也植盆中不甚長一年終落下一葉許長不能以寸亦不甚作花予種之三十年僅見兩度花其花亦似芭蕉而色黃不實

鐵樹葉 出東洋舶上帶來葉如篋箕生兩旁作細尖瓣嗅之有清氣似梅花香 按羣芳譜鉄樹出海南閩廣多有之其花狀如鉄

絲灯笼廣張千瓣，各一花程扶柱花鏡鉄樹葉類石楠質理細厚幹葉皆紫黑色花紫白如瑞香四瓣較少圓一開累月不凋嗅之乃有草氣海南人言此樹黎州極多有一二尺長者葉密而花紅樹儼類鉄其枝極穿結甚有畫意入盆玩最佳但人罕見故稱奇耳橫州馴象衛啟指揮貴家有鉄樹每遇丁卯年開花而出五臺山者定以六月十九日開

花楊萬里詩注鉄樹葉似蕩而紫翰如密節  
焉蒲似此諸說全一鉄樹而開花與枝葉又  
不同如此今洋中帶來及世俗所用入藥之  
鉄樹葉形邊箕據云其樹須壅以鉄屑乃盛  
則香蕉葉也以其食鉄故亦名鉄樹其性亦  
平肝取其相制為用亦頗驗謝肇浙五雜俎  
香蕉能辟火患將枯時以鉄屑糞之或以鉄  
釘其根則復活蓋金能生水也種盆中不

甚長一年終落下一葉計長不能以寸亦不  
甚作花三十年僅見兩度花耳花亦似芭蕉  
而色黃不實 羣芳譜鳳尾蕉一名香蕉產  
于鉄山如少萎以鉄燒紅穿之即活平常以  
鉄屑和泥壅之則茂而生子分種易活江西  
塗州有之花鏡鳳尾蕉一名香蕉產鉄山江  
西福建皆有葉長二三尺每葉出細尖瓣如  
鳳尾之狀色深青冬亦不凋如少萎黃以鉄



燒紅釘其木上則依然生活平常不澆壅以  
生鉄屑和泥壅之自茂且能生子分種易活  
極能辟火患人多盆種庭中以為奇玩友人  
唐振聲在東甌見鳳尾蕉土人皆呼為鉄樹  
則知今人所用及洋舶帶來之葉皆番蕉葉  
而非真正鉄樹葉也瀕湖于温草部祇列甘  
蕉菱荷而于虎頭鳳尾等蕉概不及焉或當  
時未有知其性者今錄之以補其缺平肝統

治一切肝氣痛

難產 鉄樹葉三片煎水一碗服之即下指南

鉄樹 家寶真傳云亦名鉄連草生于鉄山  
銅壁之上又鉄石之上亦生並非草木形如  
屏風狀如孔雀尾分張黑色細枝刀砍不斷  
斧之乃折

治一切心胃及氣痛煎湯服立愈

藥性考鉄樹黑色葉類石楠建丁卯年開花

四瓣紫白色形如瑞香圓小不蔭樹高數尺  
止血下痰其花入採以治痰火  
留青日扎鉄樹花海南出樹高一二尺葉密  
而紅枝皆鉄色生于海底諺云鉄樹開花喻  
難得也

### 虎頭蕉

出福建臺灣五虎山者佳一莖獨上葉抱莖  
生不相對形類蕉而小苗高五六寸秋時起  
莖開花似蘭色紅結寔有刺類蓖麻子外面  
莖狀若高三四尺者名美人蕉係一類二種  
也今閩沙縣亦出草寶虎頭蕉性温力猛有毒能  
治風痺凡服者不得過二錢服後須避風倘  
不謹慎必發風疹



治風痺性熱去風

治血淋白帶一切吐血 舟車經驗方用芭蕉一大片入鍋內炒乾存性為末黃酒調服立效此方亦治一切吐血若用美人蕉更妙

### 蕞草

宦遊筆記南人呼為蕞麻北人呼為蝎子草黔境遍地有之葉類麻多毛刺觸之螫人種痛不可忍此其毒於蜂蠆蝎蝮墨莊漫錄川陝間有一種惡草羅生於野其枝葉拂人肌肉即成瘡疱浸淫潰爛久不能愈即蕞麻也白香山詩颶風千里黑蕞草四時青此草有花點寒雪下猶青故也人海記塞山有毒草

中人肌膚毒甚蜂蠆自唐山營踰汗鉄木嶺  
外遍地有之俗名蝎子草蘆高四五尺葉如  
麻嫩時可供馬秣經霜則辛澀不可觸網目  
尋麻條止載其塗蛇毒點風癢他皆未及悉  
補之治風 采取煮汁洗 亦可祀豕

### 解暈草

今人呼為廣東萬年青葉如建蘭而深原厚  
入冬不凋初茁芽背作紫色長則色青夏開  
紫花成穗亦如麥冬狀其根有子分苗種極  
易繁茂以其出自粵中故名綱目有名未用  
吉祥草下瀕湖所引吉祥草即此也亦呼吉  
祥草時俗婦臨蓐以此草連盆移至產室云  
能解產厄及血暈此草色澤翠潤葉上勁直



如箭入產室則葉皆軟垂色亦稿瘁必經數  
月乃復鮮艷亦一奇也其根下子入藥用  
同姓友云此草根下子大冷子宮凡婦  
欲斷產取子百粒搗汁服永不再生矣  
性涼味甘理血清肺解火毒為咽喉七十二  
症要藥

治急驚 治人書用洋吉祥草根搗汁加水  
片少許茶匙灌下三匙立甦

### 萬年青

一名千年益潤葉叢生每枝獨辦無歧梗葉  
頗青夏則生蕊如玉黍狀開小花葉綴蕊  
上入冬則結子紅色性善山土人家多植之  
浙婚禮多用之伴禮函取其四季常青有長  
春之義 百草鏡四月八日浴佛日杭俗人  
家植萬年青者多剪其葉棄擲街衢云令人  
踏之則易長且發新葉茂密入藥米葉陰乾

煎洗生板痔瘡極効勝於他日采者土宿本  
草雁來紅萬年青皆可制汞

甘苦寒治咽喉急閉搗汁入末醋少許灌之

吐痰而愈

藥鏡云其根多作草  
薰氣入腹令人嘔吐

子可催生

從

乳香湯吞一粒男  
左女右手中帶出

藥性考云味苦微甘解毒

清胃降火能止吐血全紅棗七枚劈開煎飲

用嫩葉陰乾根療喉痺以養心葉短尾圓者

真

白火升 祝氏效方萬年青搗汁服 痔漏

家寶方萬年青葉取汁如無汁加無根水少

許全搗取汁搽 老幼脫肛慈航活人書萬

年青連根煎湯洗川五倍子末男上立收

一切跌打損傷活人書山芝麻橡果樹花萬

年青花胎骨歲靈仙汁為丸黃豆大每服一

丸陳酒下 頭風嵩崖雜記霹靂丹治頭風

如神用萬年青根削去蘘殊砂塞鼻孔內左



塞右止塞左兩邊痛者齊塞神效取清水鼻  
涕下須一週時妙 蛇毒德勝堂傳方用萬  
年青磨塗渣登皆妙 陰囊大方用萬年青  
根搗汁熱陳酒沖服三次即愈 痔瘡腫痛  
難行活人書猪腿骨去兩頭全萬年青入砂  
鍋內水煮一炷香乘熱薰溫洗日三次數日  
愈永不發 纏喉風經驗單方用萬年青根  
頭切碎打爛絞汁灌下吐出痰涎即好倘口

閉用牙刷刷挖開灌下不吐再用髮稍進喉間  
探之

汪連任云萬年青俗呼冬不凋草治瘡毒水  
溫熱洗脚氣湯泡火傷天泡瘡白蛇纏搗汁  
搽 王安采藥方治中滿蠱脹黃疸心疼哮  
喘咳嗽跌打傷

李氏草秘萬年青今酒肆多種之能解服蠱  
治白火丹為末酒服一二錢即愈又治噎膈

仙半夏 各種曲

近日諸醫皆用之藥肆亦多製焙相傳製法  
係仙人所傳故名仙半夏能化痰如神若不  
信將半夏七八粒研入痰碗內即化為清水  
其法用大半夏一斤石灰一斤滾水七八碗  
入盆內攪涼澄清去渣將半夏入盆內手攪  
之日晒夜露七日足撈出控乾用井花水洗  
淨三四次泡三日每日換水三次撈起控乾



用白礬八兩皮硝一斤滾水七八碗將礬硝  
共入盆內撓涼溫將半夏入內浸七日日晒  
夜露足取出清水洗三四次泡三日每日換  
水三次取出控乾入後藥甘草南薄荷各四  
兩丁香五錢白豆蔻三錢沉香一錢枳實木  
香川芎肉桂各三錢陳皮枳壳五味子青皮  
砂仁各五錢右共十四味切片滾水十五碗  
煎溫將半夏同藥入盆內泡二七日足日晒

夜露撓之將藥取出與半夏同白布包注放  
在熱坑用器皿扣住三炷香時藥與半夏分  
胎半夏乾收用有痰火者服之一日大便出  
似魚膠一宿盡除痰根永不生也綱目半夏  
條附方載法製半夏其製法與此不同今為  
肆所售仙半夏惟半夏浸泡盡去其質味然  
後以甘草浸晒入口沒而微甘全失本姓名  
曰仙半夏並非照方製法醫家亦視虛人有

疫者用之以為性平和而不傷於燥烈是無異食半夏渣滓何益之有

清疫開鬱行氣理脾疫疾中風不語研七八粒同井花水送下以手摩運腹上一炷香時即醒能語敏按龔雲林云仙方製半夏化疫成水皆治壯人疫火有餘之症服之有效虛人疫火忌服

各種半夏麴 綱目半夏修治條引韓飛霞

醫通造半夏麴云能專治各病又不載其製法特為補之

生姜麴 姜汁浸造治淺近諸疫

礬麴 礬水煮透煎姜和造最能却水治清水疫也

皂角麴 煮皂角汁煉膏和半夏末為麴或加南星稍加射香治風疫開經絡

竹瀝曲 用白芥子等分或三分之一竹瀝



和成畧加曲和治皮裡膜外結核隱顯之疫  
麻油麩 麻油浸半夏三五日炒乾為末麩  
和造成油以潤燥治虛 內熱之疫

牛膽麩 鴉月黃牛膽汁略加熟蜜和造治  
癩癩風疫

開鬱麩 香附蒼朮撫芎等分熬膏和半夏  
末造成治鬱疫

硝黃麩 用芒硝十分之三全麩煮透為末

煎大黃膏和成治中風卒厥傷寒宜下由於  
疫者

海粉麩 海粉雄黃居半夏之半煉蜜和造  
治積疫沉痼

霞天麩 用黃牛肉煎汁煉膏名霞天膏將  
膏和半夏末為麩治沉疴痼疫以上諸麩並  
照造麩法草盒七日待生黃衣懸掛風處愈  
久愈佳

帕拉聘

七椿園西域聞見錄帕拉聘草根也全似三七但色藍或黑出温都斯坦回地人多往采取重價貨于回城云可治疾中土人弗達不敢嘗也

治一切陰冷痼疾服之立除



一枝蒿

紹郡府佐李秉文久客西陲言巴里坤出一  
種藥名一枝蒿生深山中無枝葉一枝茁土  
氣味如蒿四月間牧馬卒驅馬入山衣草携  
歸煎膏以售遠客有販至蘭州貸賣者  
活血解毒去一切積滯沉痼陰寒等疾驅風

理怯

香草

石振鐸本草補西國產香草山野偏生樹高  
尺許枝幹糾曲經冬不凋華小而色紫白成  
實時中有小黑粒春時揀之即活惡肥而喜  
潔遇夏即生小虫因蠅卵所致見小白點與  
絲網宜去心衣袖觸動芬芳襲人可紉以為  
佩采其華藏衣箱中能辟諸虫然其枝葉能  
辟除瘟疫嵐瘴房屋溽穢氣自除 主治解



鬱凡心懷憂悶以布包置左脇下之傍能令  
胸膈舒暢 除蚤蟲壁蟲取枝葉暴乾為粉  
以布包貼肌膚上須多收風寒體受風寒不  
快以枝葉煎湯浴之浴後睡片時即食不知  
味以葉煎酒空腹飲之同麪食使舌本津口  
饜飲白有黑癥取葉或水或酒濃煎每晨塗  
面能滅癩滋顏蓋痛動搖醋煎葉乘熱擦之  
救之 又治胃火盛口臭頭多風痲并髮穢

觸人與記舍

腦也

不堅固取葉煎水服時加

醋不特除頭外之病并禪頭之內司蓋人之

記舍

在腦故也

敏按以上所記皆出秦西石氏本

草核其形狀功全則似今人所名奶孩見草

近是但奶孩草正名妳酣草見霜即萎並非

經冬不凋入春子種其宿根亦不發亦罕有

尺許此曲之枝幹或春西地煖土肥如粵中

之茹可以經冬成樹或又別有一種木本者

姑存其說以俟考

中華民國廿五年叁月六日



本草綱目拾遺

清趙學敏撰  
舊抄本

第函至



本草綱目拾遺卷六

錢塘趙學敏恕軒氏輯



木部

響豆

池北偶譚樂安有孫公者年九十強健如四  
五十歲人自言生平惟服響豆每歲槐子將  
熟時輒令人守之不令鳥雀啄落既成即收  
作二枕夜聽其有穀者即響豆也因棄其餘

響豆

木部



如是數月而得響豆所在每樹不過一枝每  
歲不過服一粒如是者數十年無他術也

顏氏家訓庾肩吾常服槐寔年七十餘日看  
細字鬚髮猶黑天元生物簿老槐生丹抱朴  
子云槐子服之令人補腦髮不白而長生殆  
即此欵

明目悅顏色開心志強筋骨補血髓

紀曉嵐先生姑妄聽之云響豆者槐寔之夜

中爆響者也一樹祇一顆不可辨識其法槐  
始花時即以絲網胸樹上防烏鵲啄食結子  
熟後多縫布囊貯之夜以為枕聽無殼者即  
棄去如是透枕必有一囊作爆殼者取此一  
囊又多分小囊貯之枕聽如初得一響者則  
又分二枕如是漸分至僅存二顆丹分枕之  
則響豆得矣



木蛇

百草鏡云木蛇似蛇有鱗甲內紋黃色如菊  
花辦亦奇物也  
治狗咬



通香木

邊志木長數尺出塞外以沸湯沃之取其汁  
洗衣服及灌一切花卉洒屋宇壁經年香氣  
不滅燒之能降天神香氣達數百里契丹珍  
之

治奇疾人不知名者服之即愈熱之辟瘟疫  
穢氣邪祟

閏月樓皮

徽州者色紫為上救生苦海樓欄皮每歲只  
生十二瓣逢閏月多生一瓣惟此瓣中間有  
界紋若其於應七小瓣云樓每月生一片歲  
生必十二片唯當閏月之年值所閏之月則  
此一片僅有其大半亦不成片家有樓園每  
歲臘盡剝之歷驗此無中氣之徵也較此則  
閏月樓皮無全瓣者 石室奇方樓欄遇閏



年則生半斤歲長十二節閏月增半節  
治血症郭大林云煨存性研陳年者尤佳服  
二三錢試過效驗王巽初云用一瓣燒存性  
作二服亦可

### 南天竹

即楊桐今人多植庭除云可辟火災綱目木  
部南燭條載其枝葉功用云苦平無毒止泄  
除睡強筋益氣久服長生不飢變白却老并  
引上元寶經言服草木之王氣與神通食青  
燭之精命不復殞皆謂指此而於其尋常日  
用功用概不著錄至其所引附方亦僅取聖  
惠方中之治風痲及候吞銅鉄而已餘亦未

之及烏故悉補之 王聖俞云烏飯草乃南  
燭今山人寒食挑入市賣與人家染烏飯者  
是也南天竹乃楊桐今人植之庭除冬結紅  
子以為玩者非南燭也古方用烏飯草與南  
燭乃山中乃是 一種不可以南天竹牽混此  
說理確可從之

明目烏鬚解飢熱清肝火活血散滯 食物  
宜忌 云南燭葉味苦性平從新云苦酸瀟平

子名紅把子治八角虫同水銀搗爛擦之即除亦

可浸酒去風痺從新云南燭子酸甘平強筋

骨益氣力固精駐顏 子白色者名玉珊瑚

小兒天疔三奇方 用絳霜天燭子鴉梅花

各三錢水蜒蚰一條俱預收臨用水煎服一

劑即愈 下疳久而潰爛名臘燭疔 不藥

良方紅把子燒灰存性一錢梅花冰片五厘

麻油調搽即愈



陰莖泄 慈航活人書紅把子燒灰存性一錢加水片五厘麻油和搽

三陰瘡 文堂集驗南天竹隔年陳子取來蒸熟每歲一粒每早晨白湯下

解砒毒 劉霞棠云凡人食砒垂死者用南天竹子四兩搗水服之立活此方劉在松江府署親試驗者如無鮮者即用乾子一二兩煎湯服亦可

葉 洗眼去風火熱腫眵淚赤瘡小兒疳病取其葉煎湯代茶服 却瘦仙方行篋檢秘凡人稍覺頭疼身體酸困便即感冒寒邪急宜服此藥於散母使傳經變成時疫此方經驗多人神效異常用烏梅紅棗各三枚灯心三十根南天竹葉三十片羌萎梗三段無羌以葱白三節代之亦可甘草麥冬各三錢小柴胡二錢水二鐘煎一鐘不拘時溫服微汗即愈

瘰癧初起 百草鏡南竹葉威靈仙夏枯草  
金銀花各四兩陳酒四壺隔水煮透一日三  
服半月除根每服藥酒須吞丸藥 丸藥方  
錢 疆蚕一斤炒研砂糖和丸桐子大每次吞一  
梗今人函眉籠中可去烏風作筋可治隔食隔氣

### 查克木

宦遊筆記塞外有查克木叢生樹高五尺許  
無皮枚幹清翠可愛葉似三春之柳然質甚  
堅且無異於松須耐霜雪若伐以為薪著  
火即燃形似炭有紅焰而無烟置徑寸於爐  
中歷一二日乃燼惟生於瀚海沙磧之地遇  
大風根株即拔因入土未深是以天札無經  
久者 西北域記查克木產推河似絲柳而



不垂無皮耐霜雪色青時入爐即燃數日乃  
燼然大者拱高者尋風斯拔之何者地沙且  
鹹根難據而易朽也

治產難臨尋之時握其木易產心痛燒灰服  
之

### 綠蓋子

遺志出遼東樹高丈餘其葉兩兩相對開花  
如盞大黃色花謝結寔亦兩兩相對大如木  
瓜瓜皮色赤如熟人不可食悞食之入口即  
齒落如屑舌黑如漆滿口烈碎血出如水終  
日不能食經旬方口又能碎骨如泥彼處橐  
駝初生取以潤其蹄則于里可行否則不能  
行其性剗利如錐舉而刺之利如刀鋸凡作

角器必用此

性烈有大毒能腐骨碎齒入外科方術家用

### 丁香油

百草鏡丁香油出南番乃用母丁香榨取其  
油色紫芳香辛烈番人貯以琉璃器蓋偶不  
密即香氣外尋闕多有之 藥性考丁香  
油出西番 氣味甘辛性大熱透關竅驅寒  
力更速于丁香治胃寒痛或滴少許入煎葯  
或以油塗臍上痛處 藥性考云壯陽煖腎  
亦痛陰寒 暖丹田除水瀉塗臍膏貼解



蟹毒以一滴全姜湯服指牙治口臭按齊民  
要術鷄舌香即母丁香時珍所謂雄為丁香  
雌為鷄舌香也丁香中雌者獨大而可取油  
雄者細小不中榨取子內兄朱放鵬曾宦于  
粵北云丁香油初出時始有其性熱而淫凡  
衣飾器物經染其氣數日不滅近日豪貴家  
多珍之為房帷用以色紫同玫瑰滴水中攪  
之散而復聚者為真偽者曰樟木油色稍淡

紫中帶黃黑色氣辛烈觸鼻作樟腦氣滴沐  
器洗衣或入香佩可以辟汗不入葯用細目  
于丁香下附丁皮及根枝不及油或其時尚  
未不日不之六六行入中土也

塗臍散臍痞受寒胃痛好酒和服 金御乘  
云胃寒呃逆嘔吐甚者用丁香油擦透中脘  
痛痺擦痛處皆立效試過極驗 祝穆試效  
方治癰瘰化核膏用之取其香烈直透經絡

辛熱以散結滯耳

檀香油

藥性考出粵中船上帶來  
味苦除惡開胃止吐逆



地蠟香

黃夢珠翰絕句云有石火平分地蠟香 註云

地蠟香出哈密可辟蚤虱

辟蚤虱

水安息

出廣中洋舶帶來波斯交趾皆有之形如荔枝而大外有壳包裹皮色亦如鮮荔枝開之中不香如木瓜噴鼻色氣甚馥郁此物如開用不盡者須連外壳置碗中方不走溢否則遇五月黃梅時其汁自滿溢出壳外雖壳內所存不過少許亦會溢出亦一異也綱目安息香本條所言皆乾者云是樹脂集解下引



葉廷珪香錄云有如錫者謂之安息油即是  
此種瀟湖又未詳其功用今時頗行故采補  
以備用其壳有絲毫裂縫油即走溢洎以瀝  
青熬化滴之 百草鏡云安息香有水旱二  
種水安息雖洋其香旁置水盂試之其香  
烟投水中還結為香惟分兩稍減耳 五雜  
俎云安息香能聚氣其烟白色如縷直上不  
散

辛平無毒通心神除邪魅辟蠱毒止心痛下  
鬼胎入心經通腎氣尤益房室故皂靈劑用  
之以興陽返魂丹用之以救急然大耗真氣  
凡氣虛杖火不可服忌見火 藥性考水  
安息香辛苦性溫除風寒霍亂煖腎興陽治  
心腹蠱氣血淋遺精鬼交鬼孕薰勞瘵  
辟瘟丹 陳杰回生集用紅棗二斤茵陳切  
碎入兩大黃切片八兩水安息五錢合為錠

每晨煎之種子二方 周氏家寶潮腦飛升  
白霜一兩射香二錢枯礬三錢龍骨三錢良  
姜三錢五倍子二錢明雄二錢水安息母丁  
香酥合油各五錢官桂三錢輕粉二錢紫稍  
花二錢大山次氣三錢共為細末煉密為丸  
桐子大蠟丸封固月信後約一九次日再約  
一九種子如神并治血淋白帶陰瘡陰蝕楊  
梅瘡毒等症

又方 真川附子一個重一兩二三錢者山  
茨菰四錢此二味要童便浸透焙乾研末川  
烏八錢五倍子三錢此二味同研末水安息  
五錢生蛤酥八錢此二味同研不磨草烏五  
錢明雄五錢此二味同研末官桂五錢母丁  
香八錢同研末酥合油五錢真搗片三錢同  
研末紫稍花三錢蛇床子一兩倭硫黃五錢  
輕粉五錢右藥為末用白芨五錢煎水合前



為打成錠每行時用津磨少許搽莖首能治  
精滑并久不生子且能解毒遇瘡不染若早  
午晚各搽一次久不斷更有神效與前方男  
婦同用更佳或再加入參五錢尤妙  
穿時疔毒年久不愈 許氏方用水安息搽  
之管化毒愈

### 夜蘭

嶺南雜記產粵道旁小樹也狀如木蘭亦類  
紫薇高一二尺葉大如指頭頗帶藍色葉老  
則不白蒙之如蝎涎者鬼畫符葉下有小花  
如粟米至晚香聞數十步恍若芝蘭又名蚊  
鷲樹暑月有蚊折此樹逐之即驚散 粵語  
夜蘭木本高尺許葉如槐花粟米至夜則芳  
香如蘭折之可以辟蚊棟門上蚊不敢入一

名蚊驚樹有病取其葉生咬或煎水即吐痰  
數日而愈葉上有篆文如符又名神符樹關  
嶺南隨筆夜蘭生羅浮幽谷中有香無形與  
肉芝同為神物與此名同物異

敏按粵志步驚木以嫩葉和米數粒微炒煎  
湯飲之可愈嘔瀉寒疫花有幽香步行遇之  
往、驚為蕙蘭故亦曰步驚永安人以嫩葉  
乾之持入京師作人事核其功用形狀或即

### 夜蘭欬

治一切風寒諸病取葉煎湯服少頃大吐痰  
涎或行路侵寒暑吐瀉危篤採數葉嚼或吐  
或不吐病即愈



黎椒

白胡椒 山胡椒  
馬思答吉

邊州聞見錄川椒故有名產自黎大所域隅者尤香冽大小必及肉裡細密罅裂而子不墮俗呼抱娃子椒 四川志各州縣多出椒惟茂州出者最佳其壳一開一合者尤妙性同川椒入為尤效

按黎椒近日亦罕有真者外方所得俱屬彼土人以他產偽充其功效亦僅與川椒相埒

據劉少府挹清云真者含一二粒口中可辟瘴毒鮮魚蝦食毒更可為導滯其彼土中有一種生惡瘡妓女人不敢近惟吞黎椒三粒與之接則無害次日便出椒內盡包其毒不入人臟腑也故真者彼土亦珍貴之罕有出售于外者

白胡椒 通雅云廣舶胡椒有一種玉椒色白味獨辛於他椒今寧波洋貨店頗多其色

如雪以內外通白者為上皮白內黃者劣鮮魚蝦毒入房術用 蓬萊李金什言洋船帶來白胡椒據彼中人云即用胡椒之嫩者生去其皮晒乾即如白玉色非別有他種物理小識胡椒出番國亦是蔓生有白色者或曰即華澄茄

胃痛 百草鏡用大紅枣去核七個每個內入白胡椒七粒線紮好飯鍋上蒸七次共持



為丸如綠豆大每服七丸溫滾水下如壯寔者用十九服後痛止而胃中作熱作飢以粥飯壓之即安此寒食瘦飲皆治 葉天士方  
治九種心疼丁香去頂蓋廣木香雄黃巴豆去淨油白胡椒各三錢枳壳紅花五靈脂各一兩共為細末好酒發丸如菜子大候乾收貯餅內每服八厘唾津送下忌生冷油膩半月除根 白痧為種福堂方白胡椒一兩牙

皂一錢火硝檀香末明瓦丁香蟾酥各三錢北細辛二錢水香射香各五分金箔量加山胡椒 百草鏡雲南木邦土司出一種山胡椒色黑顆大主止痛破瘡  
馬思答吉 五雜姐出西域似椒而香酷烈彼土以當椒用主開胃消食破積除邪

金剛纂

滇志金剛纂花黃而細土人植以為籬又一  
種形類鷄冠 湧幢小品金剛纂生天目其  
樹長不滿三四尺多屈曲雖春夏亦無葉每  
觸其枝曳裾不前夷緬國有是種相傳剉其  
末清水必毒飲者立死曰人瘴又能借之  
為誘淫之法 張洪使緬錄緬地有木曰金  
剛纂狀如棕櫚枝幹屈曲無葉剉以清水暴



牛馬令渴極而飲之食其肉必灰

劉魁若程賦統會雲南大侯州出金剛纂青色如刺桐最毒 滇記云金剛纂碧蘄而蝟芒孔雀食之其漿殺人以為草者誤今曲江建水石屏處有之

性有大毒入丹術家用丹房本草金剛纂純陽草也伏硫與柳葉藤同用其功最神

### 黃葛樹 川槿皮

益部談資黃葛樹葉似桂稍大團藥蔭數畝冬春不凋幹則擁腫根皆蟠露土上至於石石崖之側則全欲不藉土生者變之梁万最多惜無材用

邊州聞見錄蜀多黃葛樹宜賓學宮前騎牆而生根未至地已合抱此樹以 月種每歲必某月始芽入藥用根皮藥肆中多取其皮

以代川槿

我眉山志嘉樹在羅目縣東南三十里陽山江溉兩樹對植圍各二三尺上引橫紋枝巨二丈相援連理陰庇百夫其名曰黃葛號嘉樹蘇子由詩予生雖江陽未省到嘉樹即此治疥癬取其根皮煎湯浴之

川槿皮 生川中色紅皮厚而氣猛烈產孟獲城者只一株傳為武侯遺植殺虫如神生

剝其皮置蟻其上即死今亦罕有他省產者名曰槿皮薄而氣劣不得混施今川人多用黃葛皮代之以售他處 通雅真川槿皮切斷中有絲白茸如杜仲 群芳譜川槿色紅氣厚力優

楊起簡便方癬瘡不愈以川槿皮煎湯用肥皂去核及內膜浸湯時、擦之或以汁磨雄黃搽尤妙按王阮亭居易錄雲南多黃果似



海棠稍大者香如佛手甘脆如梨多津液蜀  
產者樹而不結實其皮類川槿亦能愈癬今  
曰黃葛或音之譌耳

頑癬多年不愈 活人書川槿皮二錢輕粉  
五分斑毛七個大楓子七粒河井水共一鐘  
煎半露一夜筆蘸塗之 又方川槿皮四兩  
輕粉雄黃各四錢百藥煎四餅斑毛一錢已  
霜錢半大黃二兩海桐皮二兩研如粉陰陽

水和抓損身之必待自落愈 荷葉癬活人

書川槿皮切片海桐皮檳榔各二錢輕粉錢  
半紅娘子五分陰陽水浸一二日用鵝翎掃  
上如痒以竹片刮破搽此藥夜霜三宿更妙

遍身頑癬大楓子四十九枚川槿皮二兩  
班毛去翅及五個川椒一錢輕粉二錢杏仁  
三錢海桐皮二錢共末河井水各一碗浸一  
夜鵝翎蘸汁搽之 癬瘡不愈不藥良方川

槿皮煎湯取肥皂去核及膜內浸湯內時、  
搽之 牛皮癬癩毛世洪經驗集川槿皮一  
斤勿見火晒焙磨末以好燒酒十斤加榆麵  
四兩浸七日為度不時蘸酒搽搽二三十年  
者搽一年斷根如無川槿土槿亦可代之治  
頑癬種福堂方川槿皮海桐皮吳樞柳樟冰  
苔參黃柏白芨各二錢雷丸一錢五分大楓  
子杏仁各二粒木鼈四個用火酒浸七日將

川山甲刮癬少碎以酒搽之即愈 五仙散

經驗廣集治久年頑癬牛皮癬神效紅粉霜  
五分明凡川槿皮杏仁各一錢密陀僧三錢  
為末津調抹一日三次三日全愈 粉刺孫  
白石方川槿皮一兩硫黃二兩杏仁二兩去  
皮尖輕粉二錢樟腦五錢射香少許為末鷄  
子清調早晚搽

秘傳雄鼠骨散 治牙落重生用雄鼠骨一



具生打活炭一個剝去皮雜用鹽水浸一時  
炭火上炙煨肉自脫落取骨炙煨入衆藥內  
全研為末香附白芷川芎桑葉晒乾地骨皮  
川椒蒲公英青鹽川槿皮旱連草共為末擦  
牙百日復出固齒無不效

### 土漆

玉環志皮如桃樹皮粘着人手即發腫若刀  
瘡見血持此皮敷之即止  
止金瘡出血

水團花

李氏草秘生溪澗近水處葉如臘梅樹皮似  
大葉楊五六月開白花圓如楊梅葉皮皆可  
用

治金刃傷年久爛脚瘡

搗皮葉罨上一宿即癒



麻櫪果

治胎疝毛世洪經驗集凡小兒初生發疝止  
見啼哭不見病形延至一周二歲始知是疝  
諸醫不效用麻櫪樹上之鴛鴦果一對其果  
連樹枝取下可辯真假一對果可治三人荔  
枝核七枚杵碎平地木三錢同煎飲即瘥亦  
不復發

千張紙 木翅蝶

木實也出雲南廣南府形似扁豆其中片片如蟬翼焚灰用

治心氣痛

按千張紙滇志以為木實據程豹文言千張紙乃仙人掌草晒乾其中心層任羅紋捲心折之如通草狀故名此物用七張燒灰酒服可治胃腕痛湯桐崗云徽州有之狀如通



草約手掌大曾用入丸中可治浸淫惡瘡今  
並存其說以俟考本草綱目雜草內有宜男  
草即此形狀亦同云主邪小兒女以緋絹袋  
盛佩臂上辟惡心驚而不知其可服食也  
木蝴蝶 出廣中乃樹寔也片上輕如盧中  
夜膜色白似蝴蝶形故名四邊薄而明中心  
微厚不甚明透似  
有子壁錢  
白模狀

治肝氣痛用二三十張銅鈔上焙燉研細好

酒調服 貼瘡疽項秋子云木蝴蝶出廣西  
儼如蝴蝶中心如竹節色更白凡瘡毒不收  
口以此貼之即斂 下部濕熱

風葉

耕史柳之桂陽縣產風葉充茗飲能愈頭風  
故名亦可浸酒性微熱前人志記不載  
性微熱追風活血可浸酒服



拔爾撒摩

坤輿圖說木名出白露國此樹生脂膏極香  
烈可入藥

傳金及傷一晝夜肌肉復合如故塗痘不癩  
塗屍千年不腐

楓果

即楓寔一名攝又乃楓樹所結子也外有刺  
球如栗殼內有核多孔穴俗名路通以金  
箔貼之村姬替於髮云可明目宜老出浙臨  
安縣署後安樂山者名錢墳楓果最佳蒸之  
香郁可燻衣辟瘴疫綱目楓脂香載其木皮  
不及其寔之用今補之宜於焚燒未有入湯  
液之用其果冬月即孕楓蚕子於中交春內



生蚕每 中有一個立夏後乃化蛾飛去入  
為取無虫陳久者用 槐西雜志楓香果出  
雲南者焚之殺鬼去邪辟瘴

辟瘴却瘟明目除濕舒經絡拘攣周身痺痛  
手脚及腰痛熱之嗅其烟氣皆愈熏衣被可  
除蚤

敏按楓果去外刺皮肉圓如蜂窠即路 通  
其性大能通十二經穴故救生苦海治水腫

張用之以其能搜逐伏水也

治癬 德勝堂傳方楓木上練十個燒灰存  
性白砒五厘共末香油搽上即愈

穢毒 古今良方路 通一個煨存性研末  
酒煎服

咬人狗 刺暈

臺灣府志咬人狗其木甚鬆手拗之便長條  
送起可為火具本高丈餘葉長大似烟葉有  
毛刺上入入毛孔甚痒搔之發紅腫痛一晝  
夜乃止

治療瘰臺海使槎錄

刺暈 李氏草秘其樹形似烏柿有刺上入  
即暈故名之



治瘰癧腫定疼取樹腦葉入醬板藍花卷發背  
瘰癧腫毒痛甚者卷上即止痛不問已潰未  
潰卷至愈

桂子

桂丁 桂耳 桂根

學圃餘蔬有一種四季開花而結寔者此真  
桂也閩中最多常以春中盛開凡桂四季者  
有子此真桂也江南桂八九月盛開無子此  
木樨也 臨海志唐垂拱四年三月下桂子  
降臨海芳香有桂氣味食之和暢宋紹定間  
舒某于天台山得月桂子二升大如樟子無  
皮色似白玉紋如雀卵中有仁嚼之作芝蔴

氣以之雜菊入囊為枕有散佚石縫中者旬  
輒出樹子葉柔長經冬猶在從入盆中以之  
亦失所在

性溫味辛平肝煖胃止腕寒痛甚宜 藥性  
考甘辛溫中煖胃平肝益腎散寒止咳  
桂丁 百草鏡云形如吳茱萸出廣西交趾  
乃肉桂子也

治心痛辟寒邪胃痛百草鏡桂丁研細酒下

### 三錢

桂耳 出開化山中乃多年老樹蒸出葷也  
面紅色土人採得以治血疾

治一切血症及吐血

按綱目分桂為五種曰桂即今所謂交桂曰  
牡桂今廣桂曰菌桂俗呼木犀曰天竹桂浙  
中山桂也有子如蓮曰月桂四季有花者此  
桂子乃天竺桂子也綱目失載主治若月桂



則固載其子矣曰桂丁乃廣桂之子綱目亦不言其主治至於桂耳則各桂皆有之性亦畧同綱目皆不載悉為補之

和霽園夜設隨錄呂司馬季弟琪從司馬官嶺南署東有小院頗幽靜舊有古井在軒右井畔有二老桂大合抱值夏夜月光甚皎琪約涼軒下聞井中有聲不絕凭欄窺之見井水白如銀中有紅丸大如彈子約數十百點

光明如火向上競相跳躍漸躍漸高去欄僅尺餘琪驚白司馬次日命夫縋下探之無他異得桂子數十枚鮮赤如新琪即戲以井水服之日七枚七日而盡蓋適取得四十九枚也後琪壽至九十九歲無疾而遊平原董太史曲江與琪善親見而誌之敏按今月桂子如蓮蒨鮮者色青乾之沒黑色呂琪所見大如彈丸鮮赤如新當別是一種考天地運

度經云太山北有桂樹七十株天神青要玉女三千守之其寔赤如橘人食之一年可以上昇或是此種惜琪公所服正四十九耳故得壽

桂根 陳年入土最深者入药用

貼牙痛可斷根即取桂樹根上皮用

學齋吟畔花中惟岩桂四出予謂土之生物其數皆五故草木花皆五惟桂乃月中之木

居西方地四乃西方金之成數故花四出而金色且關於秋云



肉桂油

百草鏡粵 洋舶帶來色紫香烈如肉桂氣  
或云肉桂脂也或云桂子所榨未知孰是  
性熱氣猛入心脾功同肉桂

治各種瘡 傳信方用灯草一莖約長三四  
寸以水稍潤再以肉桂油塗之貼背脊風府  
穴下至肺俞止外以棉紙條封之須臨發前  
一二時為之或一日更紗貼後次日發瘡更

重嗣後漸減蓋風寒暑濕盡為提挈而出也

稷木

似檜亦名水松抱木生者性韌皮同秉鮮剝  
削造履俗稱抱香履潮州頗多  
能除濕脚氣辟邪風



樟皮 樟梨

此香樟樹皮也網目有樟材樟腦樟節而皮與子皆不及焉今山人率以皮子治病有効因急補之

樹皮 以年久老樟者為佳 治天行溫疫濕毒流注浴疥癬洗

脚氣 心疼玉局方香樟樹皮取時去面上黑色者用內第二層皮搗碎煎湯服即止永不復發 刑杖傷神錦方樟樹皮用老酒燉

樟皮

木部

出味調老公鷄冠血食心痛散血立效  
霍亂上吐下瀉傳信方樟樹皮一把水煎溫服  
立止脚上生瘡家寶方此瘡個日如小筆  
管大者用樟樹葉牙咬熟畧摻拔毒丹外貼  
樟樹葉連換即愈

敏按樟木綱目言辛溫香氣性能除濕故山  
居人患病多宜之象山縣志萬曆中邑大疫  
有一道人教取千年老樟樹皮煎飲可愈并

言樹老久飲霜雪其性轉清涼可消疫氣此  
即藏器所云樟木能治惡氣中惡鬼疰之意  
樟梨即樟樹子也出處州府遂昌縣福羅  
塢仙人壩周公園大者為貴小者次之予友  
黃慶春與一遂昌人相善其人饋以樟梨云  
可治心胃院疼服之立效即香樟子也較他  
產者畧大蓋千年樟樹所結故效如神葉南  
郊自處州而詢以樟梨據云此非予乃千年



樟樹所結于枝極間者如瘤然土人以形似梨故名之然此乃樟瘤也然與予所見又不類姑並存其說以俟丹考焉  
磨望腫毒治中酒心胃疼皆效

### 榕鬚

藥性考榕葉似大麻子如冬青枝韜屈曲木本稜凹不成材罷而結奇香其脂與漆相似可以貼金膠物勝於楮脂 嶺南雜記榕樹閩廣最多他省則無故紅梅驛以北無榕大者蔭十餘畝離奇古怪備木之異然體曲不中梁柱理斜不中村用質虛不中薪爨莊子所謂以不材而壽者也漳浦黃石齋先生有

榕頌其木年久者常結伽南香焚之致鶴植於水際其子可以貼金接肥魚細枝曝乾束為炬風雨不滅其脂乳可以貼金接物與漆同其鬚可入葯用 說文以臯為古松字六書故以古松字為松而榕為南方之榕通雅云榕當別出狀木始於稽含分字始於戴侗柳宗元詩榕葉滿庭鶯亂啼後山叢談言蔡州壺公觀有大木四垂傍出人莫能知張弼

閩人嘗至蔡為余言乃榕木木此木無用惟枝上垂根曝之可作火繩以發炮又可染黑贊寧志所云倒生木不死樹橫枝生根下地如柱即榕無疑粵志榕之怪在根自上生下語曰榕木倒生根 粵志榕葉甚茂或柯條節、如藤垂其榦及三人圍抱則枝上生根連綿拂地得土石之力根又生枝如此數四枝榦互相聯屬無上下皆成連理其樹可以



倒挿以枝為根復以根為枝故一名倒生樹  
榦多中空不堅無所用離之木也其象如離  
之大腹其中空處常產香木尖精所結往往  
有伽楠焉粵人以其香可來鷓子可肥魚多  
植於水際其指乳可以貼金接物與漆相似  
性畏寒踰梅嶺則不生故紅梅嶺有數榕為  
尖塞之界有紅白大葉小葉數種

按泉州府志榕有二種一種矮而盤桓其鬚

着地復生為樹一種名赤榕上聳廣大二種  
蔭最寬廣入葯用有鬚者

固莖義復方止牙痛 取榕根鬚摘斷入竹  
管內將蓋塞滿以泥封固火煨存性為末擦  
牙搖動者亦堅竹管不用

飛沉香

查浦輯聞海南人採皆夜宿香林下望某樹有光即以斧斫之記其處曉乃伐取必得美香又見光從某樹飛交某樹乃雌雄相感亦斧痕記取之得飛沉香功用更大

此香能和陰陽二氣可升可降外達皮毛內入骨髓益血明目活絡舒筋

方輿志生黎居五指山山在瓊州山中所產



有沉香青桂香鷄骨香馬蹄棧香全是一本  
其本頗類椿及檉柳葉似橘花白子若檉柳  
大如桑椹交州人謂之密香欲取者先斷其  
積年老根經歲皮韌朽爛而木心與枝節不  
壞者即香也堅黑沉水者為沉香細枝堅實  
不爛者為青桂半沉半浮者為鷄骨形如馬  
蹄者為馬蹄粗者為校香

松球 松皮膏

此即山松所結卵球初青久則裂作鱗甲形  
片片四開而墜兒童入之盈筐携入市貨與  
茶爐代炭能益茶味入藥取青嫩者綱目松  
下列松實云見果部不知果部乃海松子出  
關東與山松異山松球內老亦有子細如粟  
米不中食品

白點風 家寶方先以蔥花椒甘草三味煎

湯洗再以青嫩松球蘸鷄子白硫黃同磨如粉搽上八九次除根

松皮膏 色如琥珀出西域伊犁等處西域聞見錄烏魯木齊乾隆四十年改為迪化州其土人取松皮為膏謂之松樹膏藥

性溫治血一切虛怯勞瘵婦女血枯血閉諸症服之有效

陳海曙家有此膏自西域帶來黑如漆上蓋

松皮一塊云其松皮厚者二三尺即此皮所熬曾以治勞嗽十日病減又十日而病痊又十日而生肌漸復如舊每服三錢空心白水調下服一月即愈

槐西雜誌田耕野官涼州鎮時携回萬年松一片性溫而活血煎之色如琥珀婦女血枯血閉諸症服之多驗親串家遙相乞取久而遂盡後予至西域乃見其樹直古松之皮非



別一種也土人煮以代茶亦微有香氣其最大者根在千仞深澗底枝幹直出山脊尚高二三十丈皮厚者二尺有餘奴子吳玉保嘗取其一片為狀意直盤古時物萬年之名殆不虛矣

### 櫛七樹

治腹中疝痛拔生苦海用櫛七樹柴內取之燒灰研細酒下或滾水下三錢且能除根破傷風 百草鏡櫛七樹刮去外面粗皮取內白皮搗爛酒煎服渣和白麵搗專患處自愈

柏癭

百草鏡老樹生此其狀如瘤柏性西指乃稟  
西方兌金之氣故能平胃土而治胃痛亦取  
其氣相攝服耳

治胃痛



柏子壳

綱目有柏實無子殼近時奇功散用之  
解砒霜如神 集驗良方奇功散用柏子殼  
三錢炒紅土三錢同研為末用鷄子清調服  
後作一寒顛即愈重者不過兩服

羅漢松實

物理小識羅漢松澗澗厚葉樹老結實長四五分底平上銳色紫黑乾之可入為本草綱目所未載也 永寧僧云羅漢松葉長者名長青能結實葉短者名短青不結實其結實儼如佛大者如鷄子小者如豆味甘可食味甘補腎其香益肺治心胃痛大補元氣汪連仕采藥書羅漢松一名金錢松又名徑



松其皮治一切血殺虫瘴癘合蘆薈香油調  
擦

金松

物理小識出台州垂條結子如碧珠三年子  
乃一熟每歲生者相續璀璨其間  
子治腸風

清明揀檐柳

清明日揀在屋檐下枯柳枝朝南者入藥

物類相感志清明楊柳能止醬醋之潮溢

甜瘡 濟世良方以清明揀過柳枝燒存性

一錢銀硃七分共研再入飛礬一分傳之

小兒胎火不承濟急方凡初生小兒小便不

通乃是胎中熱毒未化不可用寒涼金石之

劑只須取清明揀簷柳枝朝南者一握煎湯



服之即尿大人小便閉服之亦效 治尿梗  
周子象方用清明揀屋簷下枯柳一大把折  
碎煎湯傾坐桶內被圍住熏片時即通再內  
服

盧復芷園憶草清明行揀柳條煎之治白濁  
蓋勢為肝之苗柳為卯木同類也渾濁之色  
清明之氣相待也用藥恰好有如此  
下痢後成醃魚水此陰症也慈惠小編用清

明人家揀簷柳取葉來煎湯下如口可球起  
病不多日下醃魚水年少者方可治老者難  
治少者勞傷之症內而化成血水平和調理  
可以挽回十分之二三者血氣久成衰弱  
故成此症神仙難治

柳榘

柳屑

柳葦

此乃柳花未放時其枝垂下如榘形所謂柳  
葦也淡黃色若候花出則無用矣綱目有柳  
華無柳榘別錄乃有柳實或即此欵治明目  
驅風壯筋骨堅牙齒痿神書有柳榘牢牙法  
以柳榘揩牙去其宣露諸風不生明日駐顏  
黑髮聰耳壯筋力益壽身輕  
急救方用柳榘陰乾為末日用擦牙去風明



目烏鬚固齒久用不徹可咀金石

柳屑 即空心柳樹中屑也

治濕氣腿腫

慈幼幾鞋陰卑濕民多粗腿偶得一法治之甚效用空心柳樹中屑取出篩細入鍋內炒熱以臭泔水洒濕又炒加麴少許拌勻趁熱取起專腿上候水出再炒專數次自愈

柳葦 陳氏筆記云即柳樹上之葦也

治心痛煎服效

檉柳

俗名西河柳性最透發網目檉柳下云其枝葉消痞解酒毒利小便不及治疹瘡之用

宏治紹興府志檉俗呼西河柳其葉甚細似桐而香天將雨水則生花試之多馳本草  
滙檉柳甘得土氣鹹得水氣故能解血分之毒消痞利便是其本功近世往往以治痧疹熱毒不出用為發散不知本自何氏



本草乘雅之檉柳繆仲淳本草經疏廣之以  
治痧疹此不獨取其能通又取其象形疹亦  
三顯三隱三而三之合為九烹以應九歲也  
正園憶草檉一歲三開花一日三眠起自成  
一家不與四時之生長收藏相流行超五行  
而純二氣無殺机而唯生机者也且雨以陰  
陽氣和而作先知之應從可知矣第氣既妙  
小未可以大道載靈樞陰陽二十五人之外

有陰陽五人此當 陰陽和平之人又當啟  
陰陽自和之汗也

逢原云檉柳獨入陽明故其功專發麻疹魚  
鮮酒毒去風煎湯洗浴風症身痒效

性平疎散驅風解表治斑疹麻瘡不出經驗  
方或因風而閉者俱用西河柳葉同櫻桃核  
煎湯洗之即透出 救生苦海草痧藥方用  
之又肝天青蓮散用之 急救方治小兒痧

疹不出喘嗽煩悶躁亂用西河柳葉風乾為末水調四錢頓服立定  
淺新治疹後痢用西河柳葉為末砂糖調服

疹發不透喘嗽悶亂 西河柳煎湯去渣半溫用芫荽蘸水擦之但勿洗頭面並忌夜間洗之蓋痧疹晝發而夜斂也乳母及兒仍以西河柳煎服 酒積成病 良方集要西河柳晒乾為末每服一錢溫酒送下



伽楠香

今俗作奇楠乘雅作奇南棧香棧本速香名  
 而廣人亦呼奇南為棧名同而香異也粵海  
 香語伽楠雜出海上諸山凡香木之枝柯寢  
 露者木立死而本存者氣性皆溫故為大螳  
 所穴大螳所食石蜜遺漬其中歲久漸浸木  
 受石蜜氣多凝而堅潤則伽楠或其香木未  
 死蜜氣未老者謂之生結上也木死本存蜜



伽楠香

木部



氣膏於枯根潤若飴片者謂之糖結次也歲  
月既淺木蜜之氣未融木性多而香味少謂  
之虎班金絲結又次也其色如鴨頭綠者名  
綠結指之痕生釋之痕合按之可圓於之仍  
方鋸則細屑成團又名油結上之上也伽楠  
本與沉香同類而分陰陽或謂沉牝也味苦  
而性利其香含藏燒乃芳烈陰體陽用也伽  
楠壯也味辛而氣甜其香勃發而性能閉二

便陽體陰用也然以洋伽楠為上產占城者  
刮之香甚輕微然久而不減產瓊者名土伽  
楠狀如油速刮之香特酷烈然手汗沾濡數  
月即減必須濯以清泉膏以蘓合油或以甘  
蔗心藏之以白茅葉置之瘞土數月日中稍  
暴之而後香魂乃復也占城者靜而常存瓊  
者動而易散靜者香以神行動者香以氣使  
也藏者以錫為匣中為一榻而多寢蜜其下



伽楠其上使薰灸以為滋潤又以伽楠末養之他香末則串香以其本香返其魂雖微塵許而其元可復其精多而氣厚故也尋常時勿使見水勿使見燥風微濕土則藏之否則香氣耗散 本草乘雅云奇南與沉同類因樹分牝牡則陰陽質形臭味情性各異別其成沉之本為牝為陰故味苦厚性通利臭含藏燃之臭轉勝陰體而陽用藏精而起亟

也成南之本為牡為陽故味辛辣臭顯發性禁心能閉二便陽體而陰用衛外而為固也至若等分黃棧品成四結狀肖四十有二則一矣沉香有四十二品第牝多而牡少獨奇南世稱

至貴即黃棧二等亦得因之以淪高下沉本黃熟固坎端棕透淺而材白臭亦易散奇本黃熟不唯棕透而黃質遠理猶加熟色遠勝生香熟灸經旬尚襲之難過也棧即奇南渡

重者曰金絲其熟結生結虫漏脫落四品雖  
統稱奇南結而四品之中又有分別油結糖  
結蜜結綠結金絲結為生為熟為漏為落并  
然成秩耳大都沉香所重在質故通體作香  
入水便沉奇南雖結同四品不唯味極辛辣  
着舌便木頤四結之中每必抱木曰油曰糖  
曰蜜曰綠曰金綠色相生成跡迥別也奇南  
一味品本草失載後人僅施房術及佩圓繫

握之供取氣臭尚尔希奇用其形味想更特  
異沉以力行行心為用奇以力行心行為躰  
上中設用上中具體牝牡陰陽互呈先後可  
默會矣 宦遊筆記加楠一作琪楠出粵東  
海上諸山即沉香木之佳者黃蠟沉也香木  
枝柯竅露大螻穴其竅螻食石蜜歸而遺香  
中歲久漸漬木受蜜氣結而堅潤則香成矣  
香成則木漸壞其旁草樹漸枯有生結者紅



而堅糖結者黑而軟瓊草亦有土伽楠白質  
黑點今海南人取沉速伽楠於深山中見有  
蟻封高二三尺隨挖之則其下必有異香南  
中香品不下數百種然諸香賦性多燥烈薰  
燒日久能令人髮白血枯惟伽楠香氣溫細  
性甚益人而范石湖桂海香志獨不載及詎  
不使寶鴨金狔之間少一韵事乎但佳者近  
亦難得 陳讓海外逸說伽楠與沉香並生

沉香質堅凋別之如刀刮竹伽楠質軟指刻  
之如錐畫沙味辣有脂嚼之粘牙其氣上昇  
故老人佩之少便溺焉上者曰鶯哥綠色如  
鶯毛最為難得次曰蘭花結色微綠而黑又  
次曰金絲結色微黃再次曰糖結黃色者是  
也下曰鉄結色黑而微堅皆各有膏膩匠人  
以鷄刺木鷄骨香及速香雲頭香之類澤以  
伽楠之液屑偽充之 物理小識云奇南與

沉同類自分陰陽沉牝也味苦性利其香含  
藏燒更芳烈陰體陽用也奇南牡也味辣沾  
舌麻木其香忽發而性能閉二便陽體陰用  
也其品有綠結油糖蜜結金絲虎班等鋸之  
其屑成團來者佳東西洋考文此產奇  
南以手爪刺之能入爪既出香痕復合又有  
奇楠香油真者難得今人以奇楠香碎片漬  
油中蠟熬之而成微有香氣此偽品也黎

媿曾仁恕堂筆記東埔寨日本支國也夜中  
不睹奎宿國人多騎象產奇楠其取奇楠之  
法國人先期割牲密禱卜有無走密林中聽  
樹頭有如小兒語者便急數斧而返遲則有  
鬼搏人隔年始一往取先上王及三僕讀如馬坡  
國專政之將軍也重如洗剔視上留之厚酬其值次  
者下及聽別售也  
味辛性欬佩之縮二便固脾保腎入湯濟能



閉精固氣故房術多用之不知氣脫必陷之  
症可以留魂駐魄也溯溯網目香木類三十  
五種質汗返魂尚搜奇必備而獨遺此何歎  
藥性考伽楠味辛下氣辟惡風疫閉塞精鬼  
蠱著通竅醒神邪風追却十香返魂丹中配  
藥以香中帶辛辣紅堅者佳其次黑軟至虎  
班金絲皆雜木性下品也 藏奇南香以錫  
匣貯蜜蒸合鑿窠為榻則潤若枯者用白萼

葉直之瘞土數月即復日中少暴尤香  
查浦輯聞榕樹千年者其上產伽楠香  
忍溺法 物理小識伽楠糖結末作膏貼會  
陰穴則溺不出

特迦香

五雜俎出弱水西形如雀卵色頗淡白焚之  
辟邪去穢鬼魅避之博物志載漢武帝焚西  
使香宮中病者盡起徐審得鷹嘴香焚之一  
家獨不疫疾即此類歟  
辟邪去疫安魂魄定驚悸

金立夫言盛侯為粵海監督時頂上號伽楠  
入貢命十三洋行于外洋各處購求歲餘竟



無佳者據云惟舊器物中還有所謂油結色  
綠指之痕生釋之漸合者今海外諸山皆難  
得矣即占城所產香氣輕微以而不減冬寒  
香藏春暖香發靜而常存者是蜜結臭之香  
甜其味辛辣入手柔嫩而體輕為上上品今  
時亦罕有其熟結生結虫漏脫落四結之中  
每必抱木曰油曰糖曰蜜曰綠曰金絲其生  
結者紅而堅糖結者黑而軟或黃或黑或黃  
黑相兼或黑質白點花色相生成跡迥別也  
現在粵中所產者與東莞縣產之女兒香相  
似色淡黃木嫩而無滋膩質粗鬆者氣味薄  
久藏不香非香液屑養不可不足寶貴其入  
為功力亦薄識者辨之

氣結

出交趾真蠟占城瓊海等處單斗南云此乃  
伽楠香樹中空腹內所結藉伽楠芬烈之氣  
得日月雨露之精凝結而成故名氣結形亦  
全香塊而酥潤鬆膩不甚堅大約伽楠得其  
質此得其魂亦如天生磺出溫泉為硫氣熏  
結而成者然頗難得世不多見

治壺隔用一二厘酒磨服下嚙即開



桑癭

鐵扇子

桑梢杜

桑葉滋

桑油

百草鏡桑老則樹生癭其狀如瘤用刀斫下  
陰乾入藥

去風痺諸濕浸酒用治胃 百草鏡

鐵扇子 百草鏡桑葉採過二桑者勿用止  
採過頭葉其二葉力全至大雪後猶青於枝  
上或黃枯於枝上皆可用須經大雪壓過次  
日雪晴採下線穿懸戶陰乾故名鐵扇子其

色多青黑色風吹作鉄器聲故名冬至後採者良

治腸風目疾咳漱盜汗百草鏡洗一切天行時眼風熱腫痛目眩赤取鉄扇子二片用無油茶碗一隻要有蓋者置鉄扇子于中以滾水冲半盞蓋好候湯温其色黃綠如濃茶樣為出味然後洗眼拭乾隔一二時再以葯汁碗隔水頓熱再洗每日洗三五次即愈此水

一盞可洗三四十人養素園驗方中年眼目昏花

眼科要覽漫明散用經霜雪葉上須臾月在樹不落者全甘菊側柏葉荆芥穗桑白皮如有眵淚加艾葉蒼朮發痒加赤芍川椒為粗末等分和勻煎湯熏洗惟紅腫不可洗風眼下淚不葯良方鵝月不落桑葉煎湯日日温洗之或加入芒硝少許

桑楸 乃多年老桑數被剪伐嫩條其枝



頭長成如拳者是也

治隔症 梁候瀛集驗方用老桑梢杜燒紅  
存性為末好酒送下即愈

桑葉滋 鮮桑葉摘開其葉筋有白汁名桑  
葉滋又名桑脂綱目桑葉載其用最廣獨未  
及此

性微寒味苦有天絲入眼以此點之 治乳  
癰集聽用桑葉不拘頭二葉摘去半段取後

半段脂三分黃柏八錢水煎乾心用三分飯  
鍋蒸一次夜露一宿塗患處雖爛見骨者亦  
能收口平復 小石癩今人呼為紫馬疔錢  
峻經驗單方云小石癩採二蚕桑葉摘下滋  
水點上愈 消癭瘤秋泉秘方用蜊蚌一錢  
人脫泥球包煨為末三分鬼饅頭滋乾一錢  
桑滋乾一錢乳香末為各三分射香一分共  
為細末飯和搗為錠臨用時再取鬼饅頭滋

化開以鷄翎搽患處過宿即消  
桑油 萬氏家抄有取桑油法鮮桑木槌碎  
裝入瓶內用一瓶蓋口倒埋土中糠火煨之  
油自滴下貯確聽用  
治小兒身面爛瘡輕粉雄黃各五錢猪胆一  
個滑石一兩硫黃五錢川山甲十五片炙鳳  
凰退燒存性五錢為末用桑油猪胆汁調絹  
包搽之

### 金鷄勒

查慎行人海記西洋有一種樹皮名金鷄勒  
以治瘡一服即愈嘉慶五年予宗人晉齋自  
粵東歸帶得此物出以相示細枝中空儼如  
去骨遠志味微辛云能走達營衛大約性熱  
尚捷行氣血也

治瘡 溥番相傳不論何瘡用金鷄勒一錢  
肉桂五分全煎服壯寔人金鷄勒可用二錢



一服即愈解酒煎湯下咽即醒亦博香傳

臭梧桐

臭牡丹

汪連仕采葯書秋葉俗呼八角梧桐味臭又名臭梧桐取根皮搗汁如膠為土阿魏能寬筋活血化痞消癥瘕

生人家墻砌下甚多一名芙蓉根葉深綠色大暑後開花紅而淡似芙蓉外苞內蕊花白五出瓣尖蒂紅霜降後苞紅中有寔作紫翠色百草鏡云一名臭芙蓉其葉圓尖不甚

大槎之氣臭葉上有紅筋夏開花外有紅苞  
成簇色白五瓣結實青圓如豆十一月熟藍  
色花葉皮俱入藥 周廷園云臭梧桐一年  
三月十月兩次作花若葉無紅筋槎之不臭  
者非 學圃餘疏臭梧桐者吳地野生花色  
淡無植之者淮楊間成大树花微紅者縉紳  
家植之中庭或云後庭花也獨園中此花鮮  
紅異常能開百日名百日紅花作長鬚亦與

吳地不同園林中植之灼灼出矮牆上至生  
深澗中與清泉白石相映永嘉人謂之丁香  
花

治獨脚楊梅瘡洗鵝掌風一切疥疥煎湯洗  
汗斑濕火腿腫久不愈者同蒼朮子浸酒服  
并能治一切風濕止痔腫煎酒服貼廉瘡搗  
爛作餅加桐油貼神效 半支風百草鏡取  
葉連根掛于風頭扇下吹乾將葉燒灰入瓶



內每早服三錢酒吞 又邢虎臣驗方用臭  
梧桐葉并根晒燥磨末共二斤用白蜜一斤  
為丸早滾水下晚酒下每服三錢驗過神效  
一切內外痔急救方用臭梧桐葉七片瓦松  
七枝皮硝三錢煎湯熏洗神效 治半邊頭  
痛用川椒五錢臭梧桐葉二兩先將桐葉炒  
黃次入椒再炒以火酒洒在鍋內拌和取起  
捲在紬內紮在痛處吃熱酒一碗取被蓋頸

而睡出汗即愈花 治風氣頭風集聽用臭  
梧桐花陰乾燒灰存性為末凡頭風每服二  
錢臨卧酒下三服無不愈止痛必效方用隔  
年臭梧桐花煎湯服即愈

葉 消腫脹亦救生苦海臭梧桐葉一百片  
煎湯服三四次 柱心疝華玉先試効之方  
用臭梧桐葉每歲一片共歲若干葉若干清  
水洗葉用無灰白酒煎服 外痔黃氏醫抄

用臭梧桐葉煎湯洗數次愈 梧桐酒經驗  
廣集治內外一切乳毒用臭梧桐春夏取頭  
三個秋冬取根搗爛絞汁對陳酒熱服取汁  
為度神效 豨桐丸濟世養生集此丸治男  
婦感受風濕或嗜飲冒風內濕外邪傳於四  
肢麻絡壅塞不舒以致兩足軟疲疼痛不能  
步履或兩手牽絆不能仰舉凡辛勞之人常  
患此症狀似風癱服此丸立能全愈用地梧

桐俗謂臭梧桐不論花葉梗子晒乾切碎為  
末一斤豨蒼草炒磨末八兩二味和丸用蜜  
如桐子大早晚以白滾湯送下四錢忌食猪  
肝羊血蕃茹等物或單用臭梧桐二兩煎湯  
飲以酒過之連服十劑其痛即瘥或煎湯洗  
手足亦可

莖中蟲 治風毒沉注

群芳譜臭梧桐生南海及雷州近海州郡亦



有之葉大如手作之花尖長青不凋皮若梓  
白而堅韌可作繩入水不爛花細白如丁香  
而臭味不甚美遠觀可也人家園內多植之  
皮堪入葯采取無時敏按臭桐與臭梧桐有  
家野之別家生者成樹而高大野生者本小  
不成樹不過三四尺花色粉紅亦無大紅純  
白者二種俱可入葯功用亦相近

臭牡丹 葉形與臭梧桐相同但薄而糙氣

亦臭五月開花成朵一蒂百花色粉紅名臭  
牡丹

洗痔瘡治疔赤水元珠蒼耳臭牡丹各一大  
握搗爛新汲水調服瀉下黑水即愈 一切  
瘡疽淳安陳老醫云用臭牡丹枝葉搗爛菴  
之立消 脫肛秘方集驗先將臭梧桐葉煎  
湯洗後將浮萍草末摻上不脫矣



木八角 草八角

本高二三尺葉如木芙蓉八角有芒其葉近  
蒂處有紅色者佳秋開白花細簇取近根皮  
用 唐王周金盤草詩注金盤草生寧江巫  
山南陵林木中其根一年生一節人採而服  
可解毒也其詩云今春從南陵得草名金盤  
金盤有仁性生在林木端根節歲一節食之  
甘而酸風俗競採掇俾人仿急難巴中地也



毒解之如走丸巨葉展六出軟絲分長竿搖  
上綠玉活裏上香荷寒世云酷暑月藜有神  
物看天之產于此意欲生民安云云味詩意  
則似今之草八角其性又能解蛇毒也

苦辛溫有毒治麻痺風毒打撲瘀血停積其  
氣猛悍能開通壅塞痛麻立止虛人慎用  
草八角 葯鑑出於潛昌化深山中葉角仰  
上色獨黃莖一葉五六月開花双朶成對粉

紅色下垂根圓而不長俗名孩兒撐傘 百  
草鏡云草八角高尺許根生疙瘩獨莖一葉  
入秋開花只有兩朶相對粉紅色又名紅孩  
兒結子紅色成對如孩兒也其根可以消毒  
入葯得草本者良而根治瘧毒餘功同木八  
角

按八角金盤有草木二種木本者其葉尖角  
仰起如盤之狀葉背色黃故曰金盤草本者

葉尖角不仰葉背不黃微有分別此藥性熱力猛有毒咀之味麻雖壯寔人亦宜少用服為後忌魚腥猪羊牛馬等肉犯之令人癩狂惟白菜菘可解入為用近根皮酒煎服取汗即愈力弱者發戰作吐病亦愈咸孔昭云木八角之鬚乃麻黃末知確否

### 烏不宿

俗名老虎草又名昏樹晚娘棒梗赤長三四尺本有刺開黃花成穗其根下出治風毒流注神效

綱目有楸木名鵲不踏與此別性熱追風定痛有透骨之妙治風毒沉注風痺跌打勞怯合保生丸治虛勞如神下胎催生



濟世良方婦人將產時以烏不宿莖葉剉碎  
一大把加甘草一錢酒水各半煎一大鐘服  
之易產且產後無病其葉如杏葉而枝梗有  
刺烏不可宿故名又名石米刺

跌撲百草鏡烏不宿根皮鮮者一錢乾者七  
分加入葯中煎服取汗極妙

難產家寶方烏不宿葉一两甘草五錢好酒  
二碗煎一碗或一次二次服即產

敏按救生苦海云茨梧桐又名晚娘棒多生  
山塢最高者四尺許皮色如桑細者大如大  
指老者大如甘蔗若根曲而皮色紫者非也  
取根去泥剝其白皮搗汁用二鐘加米醋一  
鐘清水半鐘加勻口中嚙咽可治双單蛾若  
喉閉用鵝毛攪之即開嚙咽如前吐出痰涎  
三四碗即能飲食如常此乃以色紫者為非  
晚娘棒或同名而物異耶存以備考汪連任

采葯書烏不惰又名烏不踏又名刺根白皮  
性溫行血追風治紫雲風大麻風筋骨疼痛

### 破布葉

廣東通志從肇慶新橋而上人烟寥落山路  
多歧乃三縣交界之巨舟人及此險地即燃  
焚香容皆酣卧昏迷遂被啟鐫易資財以磔  
塊封識宛然若枕間置水一盂則迷葯皆泮  
散矣又有葯名破布葉可解行者歌曰身無  
破布葉莫上焚香船按廣志注焚香船中以  
胡蔓草合香焚之人即迷悶 解焚香毒能



醒迷

肇慶志破布葉出陽江陽春恩平狀如掌而  
綠嶺南舟人多用香烟及毒水迷悶過客以  
此草煎湯服之立解

天成沙

生蘓木中劈破取之但難得須喎染坊陸續  
收存不拘多少入葯用

治卒心痛救生苦海以天成沙溫酒和服治  
心痛神效

沒竹殼

此乃沒竹嫩時所苞籜解下者是網目竹條  
止載慈竹籜而沒竹畧焉不知其性能去目  
翳功同熊胆故為補之

此君丹治醫一草亭眼科方用沒竹殼不拘  
多少以布拭去毛燒灰存性每為一錢加射  
香三五厘同搗細末點在醫上最妙



桃絲竹二黃

李氏早秘諸瘡瘡瘡疥爛久不愈用桃絲竹  
刮取二黃為末專之消疫火煎服功勝沒竹  
茹

王安采為方治發背不長肉取桃竹茹作餅  
貼之血崩取竹青炒末水調服

桃竹笋 治六畜瘡瘡內疽煎湯洗之即絕

白濁煎服即愈

桃絲竹二黃

木印

金匱要略卷之三  
卷之三  
去竹筍殼

治楊梅瘡焮灰酒調服

### 竹衣

此乃金竹內衣膜劈竹取鮮者入葯

治喉啞勞嗽 張景岳古方因陣治一切勞

瘵瘦嗽殼啞不出難治者服之神效

用鮮竹衣一錢竹茹彈子大一丸即金竹青皮也刮

取之竹瀝即取金竹燒取麥冬二錢甘草橘

紅各五分白茯苓桔梗各一錢杏仁七粒去

皮尖研水一鐘半加竹葉十四片煎七分入

竹衣

未卸



竹瀝一杯和勻服

枸橘

今之臭橘山野甚多寔小壳薄枝多刺而寔  
臭人多棄之綱目枸橘條下葉刺核樹皮俱  
收而其寔獨略葉天士家抄本草有主治特  
錄出補之入葯陳者佳 橘錄枸橘色青香  
氣烈小者似枳寔大者似枳壳近時難得枳  
寔人多植枸橘於籬落間收其寔剖乾之以  
和葯味與高州之枳幾逼真矣療子瘡及疔

氣俱取整個枸橘煨存性研末陳酒送服  
解酒毒逢原胃脘結痛取枸橘寔煨存性酒  
服方寸匕內傷諸痛以寔醋浸熬膏貼涌灸  
貼方不復發以其力能破氣散熱也

### 葉底紅

乃小木也生山土長不過一二尺葉如石楠  
四月生蕊五六朵成簇垂如芝蔴鈴樣花作  
青白色六七月結小子如天竺子霜後色紅  
儼如天竺子而大俗呼矮脚樟以其似樟葉  
而本短也山人每掘之入市售作盆玩又名  
葉下紅

治吐血 楊春涯經驗方葉底紅即矮脚樟



用二兩洗淨木槌搗爛豬肺一個洗血淨將  
葉入肺管內河井水各三碗煮爛至五更去  
葉連湯食之一二次愈多食絕後患

李氏草秘葉下紅一名平地木長五六寸莖  
圓葉下生紅子生山隘等處搗汁沖酒服半  
碗治偏墜屢效

陶殿元語予云某撫軍得宮傳秘方治吐血  
勞傷怯症乘危久嗽成勞無不立愈曾經試

驗多人用平地木葉乾者三錢豬肺連心一  
具水洗淨用白湯焯過以瓦片挑開肺管將  
葉包裹麻線縛好再入水煮熟先吃肺湯然  
後去葯食肺若嫌味淡以清漿蘸食上一肺  
後病勢自減食三肺無不愈者但所用之平  
地木與月下紅有別或一類相同其性本通  
耶

山西柏油

松油

其色黑若紫者係此油脚也其氣若松香竹  
箸挑之懸絲不斷者真

殺壁蟲凡人家牀几板壁患處者以油滴縫  
內其蟲盡死又搽禿瘡

治癬 集驗良方真柏油四兩黃蠟一兩雄  
猪胆一個斑毛三錢川椒去目並閉口者三  
錢先將斑毛川椒二味研末聽用次將生柏



油入砂鍋內熬極熟似有生烟之狀然後將蠟入油內融化再將猪胆汁傾入即離火將班毛川椒二味末拌入用竹筋急攪勻將藥放在滾水盆上浸三日去火毒然後入磁罐內封固聽用 又方經驗廣集真柏油真香油各二兩全熬成膏搽上如神此方活人書治頭面耳上黃水瘡之方 治諸般癬多年近日瘡毒生柏油一瓶塗患處後用年老

枯桑柴火薰烤內有毒虫即死待好即止如一次倘不瘳再熏即愈 又癬方經驗廣集真柏油調輕粉塗上起泡消即愈 治狗癬疹同壽錄用柏油不拘多少鉄杓內熬次下鶉鴿糞鷄糞同和加香油少許搽之 赤遊丹醫林集秘涎蚰十條土蛛窠五六個出草屋老壁內柏油舊漆器上刮下漆少許共搗以柏油調搽患處立愈

松油 其取油法以有油老松柴截二三寸長劈如灯心粗用麻線紮把如茶杯口大再用水盆一個內盛水半盆以碗一隻坐于水盆內用席一塊蓋于碗上中挖一孔如錢大再以紮好松把直豎放于席孔中間以火點着少時再以爐灰週圍上下蓋緊勿令走烟如走烟其油則無候溫養一二時其油盡滴碗內去灰席取出听用一名瀝油

治疥瘡久遠不愈百藥不効以此油新浴後擦之或加白礬末少許和擦更妙



茶油

枯餅

杉木油

乃椈樹子油也豫省閩粵皆食茶油而不知為椈樹子油俗呼茶油寔非茶子之油也煎熬不熟食之令人瀉

味甘性涼氣腥色綠潤腸清胃殺虫解毒不宜生食燃灯益目抹髮解腫

枯餅 為性考云能浣衣除垢最潔燒灰敷瘡亦可下積洗風癢痒可用皮

茶油 枯餅 杉木油

木部

杉木油 經驗廣集有取杉木油法用帚糊碗面以杉木屑堆碗上取炭火放屑頂燒着少時火將近帚即用鉄筋抹去燒數次開碗看即有油汁在碗內  
治一切頑癬先用川山甲刮破用羊毛軟筆蘸油塗上甚加疼痛停半日再塗癬自結痂而愈如已破者不必刮癬藥極多都不及此真神方也

茶樹根

爛茶葉

經霜老茶葉

綱目茶子茶油俱載惟茶根及爛茶經霜老茶葉未收用故補之

口爛救生苦海茶樹根煎湯代茶不時飲味最苦食之立効

爛茶葉 此乃泡過殘茶積存磁罐內如若乾燥以殘茶汁添入愈久愈妙

治無名腫毒犬咬及火烧成瘡俱効如神搗



爛似泥敷之乾則以茶汁潤濕抹去再換敷  
五六次全愈 救求苦海 痘毒家寶方用泡過

茶葉晒乾為末五桔子各等分鷄子清調敷

諸毒努肉不退保和堂秘方硫黃研細末

敷上即退再用後收口為以爛茶葉五錢高

梅三個燒灰共為末敷上即收

經霜老茶葉 治羊癩瘋家寶方用一兩為

末同生明礬五錢為細末水法丸硃砂作衣

每服三錢白滾湯送下三服全愈

好吃茶葉家寶方即以茶葉入肉汁湯內飯

鍋上蒸吃二三次即不喜吃

雨前茶

產杭之龍井者佳蓮心第一旂鎗次之土人於穀雨前採撮成茗故名三年外陳者入葯新者有火氣

清咽喉明目補元氣益心神通七竅性寒而不烈以其味甘益土消而不峻以其得先春之氣消宿食下氣去噫氣清六經火

下疳外科全書雨前茶麻黃各一錢五分用



連四紙方七寸許用鉛粉錢半擦紙上鋪前  
二為捲用筒子火灼存性研細加水片一分  
研勻用之

偏正頭風醫方集聽升麻六錢生地五錢兩  
前茶四錢黃芩一錢黃連一錢水煎服 又  
治頭風百發百中赤白首烏各一兩真川芎  
一兩藁本二錢細辛一錢蘼葉一錢此散邪  
方也風寒甚者可加川羌活川烏服此以散

邪不愈便進後方真兩前茶四錢赤白首烏  
各二錢北細辛四分米仁一錢五分炒牛膝  
八分大川芎一錢五分甘草五分煎為時令  
病者以鼻引葯氣服後宜密室避風至重者  
四帖全愈加金銀花二錢更効若生過楊梅  
瘡者加上茯苓四兩煎湯煎葯 壯脹集聽  
凡人壯脹不思飲食用五虎湯治之核桃川  
芎紫蘇兩前茶以上葯先煎之好時加老姜

砂糖在湯內服 三陰瘡集聽真兩前茶三錢胡桃五錢敲碎川芎五分寒多加胡椒三分未發前入茶壺內以滾水沖泡乘熱頻服之吃別藥發時不可住 不諸新久諸瘡葱朮活人書芥茶子一兩炒為末兩前茶和服一撮瘡以者二次即愈 遠年痢鳳聯堂驗方臭椿皮一兩五錢兩前茶錢半扁柏葉二錢五分烏梅末頭各二枚酒水各一碗煎

好緩服忌泛 五色痢葱惠編陳年年糕陳兩前茶水糖茉莉花共煎湯一盞服之立愈 消痰止咳膏米白糖一斤猪板油四兩兩前茶二兩水四碗先將茶葉煎至二碗半再將板油去膜切碎連苦茶米糖同下熬化听用白滾湯沖數匙服之 治瘡蜈蚣一條

用頂好細茶葉煎服以身痒為度

出醫學指南

又家寶方治瘡陳年兩前茶一兩枳壳三錢



水煎渣再煎次日服 傷寒無汗彙集用白  
糖兩前茶入水熬數沸服下汗出即愈加生  
姜又治紅白痢疾 陳氏筆記療猪癩羊兒  
瘋用晋九一斤為末茶汁米飲為丸每服四  
十九丸發日前二服茶送下 風疫癘病生  
白九一兩細茶五錢為末蜜丸桐子大一歲  
十九茶湯下大人五十九丸久服瘦自大便中  
出斷病根 指南風治爛皮眼科要覽甘石童便

淬七次黃連汁淬七次兩前茶淬七次出火  
氣入水射研勻點 頭風滿頭作痛家寶方  
川芎七錢明天麻三錢兩前茶一錢酒一碗  
煎六分渣再用酒一碗煎四五分晚服過夜  
即愈 楊梅瘡雄黃四兩兩前茶四兩生芝  
麻四兩共為細末黃米磨粉糊為丸桐子大  
每早白湯下三錢 出家寶 上清丸蘓薄荷二兩  
兩前茶白礪砂七錢烏梅肉貝母訶子各三

錢水片三分煉蜜為丸 風寒無汗發熱頭  
痛者用核桃肉葱白兩前茶生姜等分水一  
鍾煎七分熱服覆衣取汗 氣虛頭痛不為  
良方用上春茶末調成膏置瓦盞內覆轉以  
巴豆四十粒作二次燒烟薰之晒乾搗細每  
服一字別入好茶末食後絞白湯服之立愈  
肩背筋骨痛醫學指南槐子核桃肉細茶葉  
脂麻各五錢入磁罐內水二碗熬一半熱服

神効 五虎湯治外邪在表無汗而喘者麻  
黃三錢杏仁去皮尖三錢石羔五錢甘草一  
錢細茶一撮有痰加二陳湯生姜葱水煎熱  
服加桑白皮一錢尤効 醫學指南



普洱茶

出雲南普洱府城圍有大中小三等 雲南  
志普洱山在車里軍民宣慰司北其上產茶  
性溫味香名普洱茶 南詔備考普洱府出  
茶產攸樂革登倚邦莽枝蠻岳慢撒六茶山  
而以倚邦蠻岳者味較勝  
味苦性剌解油膩牛羊毒虛人禁用 又云  
苦澆逐痰下氣刮腸通泄

按普洱茶大者一團五斤如人頭式名人頭  
茶每年入貢民間不易得也有偽作者名川  
茶乃川省與滇南交界處土人所造其餅不  
堅色亦黃不如普洱清香獨絕也普洱茶膏  
黑如漆醒酒第一綠色者更佳消食化痰清  
胃生津功力尤大也物理小識普洱茶蒸之  
成團狗西番帝之最能化物與六安同  
按普  
雨即  
普洱  
也

普洱茶膏能治百病如肚脹受寒用姜湯發  
散出汗即愈口破喉 受熱疼痛用五分噙  
口過夜即愈受暑擦破皮血者研敷立愈  
悶瘡百草鏡云此症有三一風閉二食閉三  
火閉惟風閉最險凡不拘何閉用茄梗伏月  
採風乾房中焚之內用普洱茶二錢煎服少  
頃盡出費容齋子惠此已黑黧不治得此方  
試効



研茶

粵志東莞人以芝蔴諸油雜茶葉煮煎而成  
去風濕解除食積瘵飢

龍脊茶

出廣西亦造成磚  
除瘴解毒治赤白痢



安化茶

出湖南粗梗大葉須以水煎或滾湯沖入壺  
內再以火溫之始出味其色濃黑味苦中帶  
甘食之清神和胃

性溫味苦微甘下隔氣消滯去寒濕

湘潭縣志茶譜有潭州鐵色茶即安化縣茶  
也今京師皆稱潭茶

雪茶

出滇南色白久則色微黃以盞烹滄清香迥  
勝形似蓮心但作玉芽色耳 平萊仲云雪  
茶出麗江府屬山中雪地所產色白味甘性  
大溫祛寒疾如神

甘苦性溫治胃氣積痛療痢如神

敏按雪茶出雲南永善縣其地山高積雪入  
夏不消雪中生此本非茶類乃天生一種草



芽土人采得炒焙以其似茶故名其色白故  
曰雪茶已亥臘過餘杭往訪劉挹清少府啜  
雪茶云帶自雲南茶片皆作筒子如蜜筒菊  
蕊辨樣詢所主治因言此茶大能煖胃凡嚴  
寒冰沍時啜一盞滿腹如火若患癆損及失  
血過多之人腹胃必寒最忌食茶惟此茶不  
忌乃相與烹滷食之果入腹溫煖味亦苦冽  
香美較他茶更厚

大觀茶論白茶自為一種與常茶不同其條  
數闡其葉瑩薄崖林之間偶然生出非人力  
所可致有者不過四五家生者不過一二株  
所造止於二三銖而已芽英不多尤難蒸焙  
湯火一失則已變而為常品須製造精微運  
度得宜則表裏昭徹如玉之在璞它無與論  
也 東溪試茶錄白葉茶民間大重出於近  
歲園焙時有之地不以山川遠近發不以社

之先芽葉如帚民間以為茶瑞

武夷茶

出福建崇安其茶色黑而味酸最消食下氣  
醒脾解酒 單杜可云諸茶皆性寒胃弱者  
食之多停飲惟武夷茶性溫不傷胃凡茶癖  
停飲者宜之  
治休息痢 救生苦海烏梅肉武夷茶乾姜  
為丸服



松蘿茶

產徽州本經逢原云徽州松蘿專於化食  
秋登叢話北賈某貿易江南善食猪首魚數  
人之量有精於岐黃者見之問其僕曰每餐  
如是已十有餘年矣醫者曰病將作凡藥不  
能治也俟其歸尾之北上將以為奇貨久之  
無恙復細詢前僕曰主人食後必滿飲松蘿  
數甌醫爽然曰此毒惟松蘿可解悵然而返

姚希周經驗方云凡患眼醫服羊肝者忌服  
松蘿茶以沙苑蒺藜煎湯代茶 病後大便  
不通吳興錢守和慈惠小編用松蘿茶葉三  
錢水白糖半鍾先煎滾入水碗半同茶葉煎  
至一碗服之即通神效

消積滯油膩清火下氣除痰

治頑瘡不收口或觸穢不收口梁氏集驗上  
好松蘿茶一撮先水漱口將茶葉嚼爛專瘡

上一夜次日搗下再用人參細末拌油胭脂  
塗在瘡上二三日即愈 羊兒瘋集效方好  
松蘿茶末八兩生礬末四兩米粥搗為丸臨  
發日清晨及常日各服三錢米湯下 水噉  
氣噉彙集服此為不忘鹽醬一服立消活魚  
一尾重七八兩去鱗甲將肚剖開去腸淨入  
好黑礬五分松蘿茶三錢男子用蒜八片女  
片共入魚腹內放在磁器中令病人吃魚連



茶蒜皆食更妙從魚頭吃起就從頭上消起  
如從魚尾吃起即從脚上消起立效 綉辣  
風活人書五梧子炒松蘿茶各五錢研末茶  
和敷 黃病劉羽儀驗方生芝蔴八合好松  
蘿五合砂仁二合以上三味先將芝蔴研細  
再另將茶葉烘脆研再將砂仁研各為細末  
和勻每日常服如年久病深者服到黃退乃  
止如因好食茶葉者成黃此方不可用 一

切頭風魚熟者王站柱不為良方華菱為細  
末用猪胆汁拌過嚙鼻中作嚏立愈如魚濕  
者以瓜蒂松蘿茶為末嚙鼻中出黃水立愈  
治五癰醫學指南破結散用海蛤通草昆布  
海藻洗胆草枯元松蘿茶各三分半夏貝母  
各二分麥麩四分為末酒調服日三次忌鯽  
魚猪肉 治痢疾神方核桃五個帶壳敲碎  
松蘿茶生姜糖各三錢用水三盞煎如紅痢

用紅糖如白痢用白糖如紅白相兼用紅白糖各錢半煎服重者連渣服 五臟驗方松蘿茶研末鷄毛管炒研各等分每服二錢白湯下二十服全愈忌葷百日 半身不遂秘方集驗白糖槐豆子化皮紅谷子松蘿茶各五錢水三鍾煎一鍾服出汗即愈十日後方可出門 小兒牙疳同壽錄松蘿茶花椒去目烏龍尾食鹽各一錢童便一鍾水一鍾煎

湯漱口口內含之不可嚥下 白濁古今良方車前草五六科陳松蘿茶一二錢灯心一二十根三味煎服止後宜服水陸二仙丸以固之 除瘟救苦丹治一切瘟疫時症傷寒感冒不論已傳未傳百發百中有力者宜修合以濟人陰德最大李炳文經驗廣集天麻七黃松蘿茶綠豆粉各一兩二錢雄黃硃砂甘草各八錢生大黃二兩共為細末煉蜜



為丸彈子大收磁器內勿令洩氣遇症大人  
每服一丸小兒半丸凉水調服出汗即愈重  
者連進二服未汗之時切不可飲熱湯食熱  
物汗出之後不忌 治爛眼皮方種福堂用  
挂金灯淨壳每壳一個摻入研細透明綠胆  
丸二厘或用壳十個或二十個裝套好外用  
淨黃泥包裹好勿洩氣炭火煨至中間壳將  
成黑灰存性放地上用碗蓋熄火將中間灰

研細包好放土地上一夜出火毒每用灰少  
許放在茶杯內以冷松蘿茶浸之用薄棉紙  
蓋在茶面上將此水洗眼皮每日五六次二  
三日即愈 烏鬚方吉雲旅抄王守副家傳  
烏鬚為甚驗用五梧子二錢皂丸四分八厘  
青藍六分紫銅末一分五厘榆香末六分松  
蘿茶三錢共為末蒸透用

普陀茶

定海縣志定海之茶多山谷野產又不善製  
故香味不及園茶之美五月時重抽者曰二  
烏菩提不堪產普陀山者入葯不可多得  
治疔血痢肺



江西峽片

羅介

宦遊筆記出贛州府寧都縣製法與江南之  
峽片異茶既峽茶不炒甌蒸熟然後烘焙此  
指江南者言耳出江西者大葉多梗但生晒  
不經火氣槍葉舒暢清鮮可愛其性最消真  
貯飯一甌以茶泡之經半月飯不加漲而消  
少許故飽食者宜飲此茶別有一種極細炒  
峽乃採之他山炒焙以欺好奇者及非真然

則茶亦不可以貌取也。花鏡峽片產吳興，似茶而寔非茶種。

味苦性刻，利消宿食，降火利痰，虛人禁用，以其能峻伐生氣。

羅峽茶，既長興羅峽，疑即古人頽渚紫筍也。介於山中，謂之峽。羅氏隱焉，故名羅西吳。枝乘湖人於茗不數，頽渚而數，羅峽頽渚之佳者，其風味已遜龍井。峽稍清雋，然葉粗而

作草氣。嘉靖長興志：羅峽在互通山西土地廟後，產茶最佳。吳人珍重之，凡茶以初生雨前者佳。惟羅峽立夏開園，梗粗葉厚，微有蕭箬之氣，還是夏前六七日如雀舌者最不易得。然廟後山西向，故稱佳。總不如洞山南向，獨受陽氣，專稱仙品，只數十畝而已。凡茶產平地，多受土氣，故其質濁。羅茗產高山，岩石純是風露清虛之氣，故可尚。



味甘氣香性平滌痰清肺除煩消脹  
長物志云浙之長興者佳價亦甚高今所最  
重荆溪稍下採茶不必太細、則芽初萌而  
味欠足不必太青、則茶已老而味欠嫩惟  
成帶葉綠色而團厚者為上不宜以日晒炭  
火焙過扇冷以箬葉襯貯高處蓋茶最喜  
溫煖而忌冷濕也

治咳嗽秘方 醫學指南用川貝母茶葉各

一錢米糖三錢共為細末滾水湯送下

水沙連茶

產臺灣在深山中衆木蔽虧霧露濛密晨曦  
晚始總不能及色綠如松蘿每年通事於各  
番議明入山焙製

性極寒療熱症最效能發痘



## 六安茶

張處士逢原云此茶能清骨髓中熱陳久者  
良 年希統經驗方有異傳終身不出天花  
法用金銀花揀淨七兩六安茶真正多年陳  
者三兩共為粗末沖湯代茶每日飲數次終  
身不出天花雖出亦稀極驗 千金不易方  
稀痘丹用新拋羊屎一粒六安茶一錢甘草  
節二分灯心廿七寸赤黑棗豆各二十一粒

珍珠一分銀簪一枝洗淨油氣水二碗煎八  
分溫服 太上五神茶經驗廣集治傷風咳  
嗽發熱頭痛傷食吐瀉陳細六安茶一斤山  
查蒸熟麥芽紫蘇陳皮厚朴乾姜俱炒各四  
兩磨末磁器收貯高煖處大人每服三錢小  
兒一錢感冒風傷葱姜湯下內傷姜湯下水  
瀉痢疾加姜水煎露一宿次早空心溫服  
消疽膏廣集治一切疽仙方松香官粉細六

安茶各三錢單麻仁去皮四十九粒為末先  
將單麻搗爛然後入葯末搗成膏如乾少加  
麻油搗勻攤青布上貼患處再以棉紙大些  
蓋好熬住七日全愈



紅毛茶

臺灣志草屬也黃花五瓣葉如瓜子亦五瓣  
根如藤剖取晒乾或遇時氣不快蒸茶飲之  
即愈

治時氣腹脹或悶鬱不舒

角刺茶

出徽州土人二三月採茶時兼採十大功勞  
葉俗名老鼠刺葉曰苦丁和勻同炒焙成茶  
貨與尼菴轉售富家婦女云婦人服之終身  
不孕為斷產第一妙藥也每斤銀八錢  
味甘苦極香蕪能逐風活血絕孕如神



藥茶

范石湖集脩江出藥茶蓋石楠樹葉也毛文  
錫茶譜云湘人四月採楊桐汁作飯則必採  
石楠芽作茶乃能去風

治頭風

雲芝茶

宦遊筆記山東蒙山在蒙陰縣城南三十里  
高二十里許周圍約三百餘里產茶曰雲芝  
茶土人售于市曰蒙山茶然絕非茶類乃山  
石中所生石衣如苔蘚之屬土人掬而沃之  
冒登茗薜五雜俎蒙山在蜀雅州其中峯  
頂尤極險穢蛇虺虎狼所居得採其茶可蠲  
百疾今山東人以蒙陰山下石衣為茶當之



非矣然蒙陰茶性亦冷可治胃熱之病  
性寒能消積滯綱目有石蕊云性溫亦能消  
積滯

紅花茶

出粵西似紅花嫩苗為之土人製以贈客宋  
鄒道鄉有詩  
消滯滯宿食辟烟氣瘴氣

烏藥茶

出東莞以芝麻諸油雜茶為汁煮之  
去風濕破食積瘵飢



瀘茶

四川通志瀘州出通呼為瀘茶  
味辛 熱飲之可以療風

痘茶

閩志出福寧府  
治痘

樂山茶

茶譜鄂州樂山出茶黑色如韭

又云出鄂州東山名東山茶色黑如韭性與

韭相反

食之已頭痛



鍛樹皮

本草補泰西有鍛樹皮呂宋亦有之其色紅  
狀如杜仲初因人取樹皮包切肉敷膏抵家  
合成一片始知其皮能合肉接骨也因名曰  
鍛樹本草人參条下所載槲木音賈而此鍛  
音斬不全或係二種當與有識者辨之敏按  
槲葉與烏血柶相似而大如團扇有鉅齒初  
生時可覆餅餌蒸食霜後鮮赤若丹楓照耀

岩谷其皮柔韌如麻皮高喇之人采以治絕  
作魚網入水不濡又可為烏鎗火繩中團所  
無也

治折傷胎疝一切損傷內破骨斷取皮搗碎  
煎酒服又以渣敷患處完好如初初見患由  
于胎中得者此因皮開裂物入腎囊疼痛難  
忍亦能戕命此葉久貼皮膜裂處自然復合  
永無患矣但非幼童之年則不可治方用鍛

樹皮或搗爛或削片以油潤濕專布上貼患  
處外以布牢繫腰間或半年三個月方愈



本草綱目拾遺卷七

錢塘趙學敏恕軒氏輯

藤部

鷄血藤膠

產猛緬去雲南昆明計程一月有餘乃藤汁也土人取其汁如割漆然瀝之殷紅似鷄血作膠最良近日雲南省亦產其藤長亘蔓地上或山崖一莖長數十里土人得之以刀斫



鷄血藤膠

藤部



斷則汁出如血每得一莖可得汁數升彼處  
有店市之價亦不貴乾者極似山羊血取為  
少許投入滾湯中有一線如鷄血走散者真  
雲南志順寧府出鷄血藤熬膏可治血症  
滇遊雜記雲南順寧府阿度里地方有一  
山綿亘數十里產藤甚異粗類穆梁細似蘆  
葦中空如竹剖斷流汁色赤若血故土人名  
之謂鷄血藤每歲端陽日携帶金甌入山砍

取熬煉成膏泡酒飲之大補氣血與老人婦  
女更為得益或不飲酒者早晚用開水化服  
亦能奏效

壯筋骨已酸痛和酒服于老人最宜 治老  
人氣血虛弱手足麻木癱瘓等症 男子虛  
損不能生育及遺精白濁 男婦胃寒痛  
婦女經水不調赤白帶下 婦女乾血勞及  
子宮虛冷不受胎

陸象咸云曾見婦人合葯服之多年不育者  
後皆有子 吾杭龔太守官滇帶有雞血藤  
回里予親見之其藤皮細潔作淡黃色切開  
中心起六角棱如菊花樣色紅四圍仍白色  
乾之其紅處輒突出二三分許竟成紅菊花  
一朵亦奇物也聞其藤最活血暖腰膝已風  
痲戎申長見景炎在四川叙州府與滇之北  
通接界因囑其往覓此藤所寄來者外形不

殊而中心惟作小紅點乾之亦不突起搥來  
書云實金沙江土司山中所得然與龔太守  
所帶來者絕不相類豈此藤亦有二種即附  
記于此以俟考 滇志鷄血藤膠治風痛濕  
痺性活血舒筋患在上部飽食後服在下部  
空心酒服不飲酒者滾水調服其色帶微綠  
有清香氣酒服亦能興陽事

辛亥予在臨安患臂痛胡春熙明府長君名

什曾宦滇南歸里蒙贈鷄血藤膠皆方塊每塊一二兩不等外塗以蠟灰作白色剖視其內皆黑色如膏葯膠狀云風癱痺痛有效其外灰見水即脫去據言其藤產騰越州銅壁關外新街所屬地遍山谷皆是新街守弁每歲輟命卡兵斫取熬膏除餽遺各上司及僚友外餘剩者轉市客商販入中土藉沾微利以為守資渠所有即售自彼處也外必以蠟

灰飾之庶以藏不壞因帶歸以示見子景炎則又全非其所見景炎曾館船通六關司馬白公家見其所藏鷄血藤膠腥紅成塊儼如赤玉光潤可愛今胡公所贈內作黑色或係年久色黯抑係新街所產與大關有別惜不能親歷其地為之細核附筆于此以俟後之君子考訂焉

尤明府

佩連

云此膠治跌打如神其太夫人



一日偶閃跌傷臂痛不可忍用山羊血參三七治之多不驗有客教服此膠冲酒一服其疾如失其性捷走血分可治

順寧土人加葯料煎熬鷄血膏其煎膏之時忌孕婦看見決熬不成亦神物也統治百病能生血和血補血破血又能通七孔走五臟宣筋絡治婦人經水不調勞傷氣血筋骨酸痛轉筋虛弱隨症加引或加入湯濟用之無

不應効但服此膠忌食酸冷

七金藤

性溫無毒治中風痰迷半身不遂左癱右瘓  
不省人事痰涎上壅攻心作咽用一錢白湯  
磨下小兒急慢驚風大者五分小者一二  
分白湯磨下立效如神

鹿角藤

一名白毛刺汪連仕方云木本藤也刺長傷人皮肉立腫疼不休又名不薪木山人不斫性大熱氣臭打瘡積治風氣如神皆用根搗共香糟罨之

葉 蒸酒服能鑽筋透骨  
子 食之大能醉人



買麻藤

職方典出肇慶綠樹而生有子味苦可食山  
行斷取其汁飲之可以止渴 粵志買麻藤  
其莖多水渴者斷而飲之滿腹已餘水尚淋  
漓半日性柔易治以刺履堅韌如麻故名言  
買麻藤得麻也

治蛇咬 鮮者乾者俱効

紅木香 紅皮藤

一名廣福藤又名紫金皮立夏後生苗枝莖  
蔓延葉類桂畧尖而軟葉蒂紅色咀之微香  
有滑涎根入土入葯用須以水洗淨去皮粗  
皮取內皮色紅者用之入口氣味辛香而涼

心如龍腦

治風氣痛傷力跌損傷胃氣疼痛食積痧脹  
等症俱酒煎服紫金錠中必不可少

雷頭風腫痛貼痛法紫金皮獨活赤芍白芷  
菖蒲葱頭煎濃如膏調服敷藥到立止如神  
汪連仕云金谷香今人呼紫骨香即木香一  
名木臘正名紫金皮土產者功淺入膏用行  
血散氣

紅皮藤 朱娘帝任城日鈔錢塘門外道姑  
橋下有紅皮藤凡患半肢風及大麻風者取  
藤四兩浸無灰酒一大壺入鍋內隔湯煮三

炷香取起飲酒量好者以醉為度每酒一碗  
入葯酒三四匙陸續飲至藥酒完則風氣自  
愈其風從指甲縫中出對指尖以竹紙鋪几  
上驗之紙能吹動即是指尖風出也



雷公藤

生陰山脚下立夏時發苗獨莖蔓生莖穿葉  
心莖上又發葉上下面上尖如犁耙又類三  
角風枝梗有刺 物理小識犁頭刺藤其葉  
三角如犁頭多在籬邊生可治瘰癧亦可截  
瘻 一名霹歷木方勝板倒金鉤烙鉄草倒  
挂紫金鉤河白草黎尖草括耙草龍爪草魚  
尾花三木棉出江西者力大土人採之毒魚

凡蚌螺之屬亦死其性最烈以其草烟熏蚕  
子則不生養蚕家忌之山人採熏壁蝨  
治腹脹水腫痞積黃白疸瘡疾久不愈魚口  
便毒瘰癧跌打除壁蝨並燒床下一切毒蛇  
傷萬病回春云凡被蛇傷用板扛歸不拘多  
少此草四五月生至九月見霜即罕有葉尖  
青如犁頭尖樣藤有小刺子圓如珠生青熟  
黑味酸用葉搗汁酒調隨量服之渣罨傷處

立愈

白火丹救生苦海用雷公藤五錢平地木三  
錢車前四錢天青地白葉三白草各三錢煎  
服又洗方雷公藤河白草煎浴

水腫脹救生苦海平地木三錢雷公藤五錢  
車前草四錢天青地白葉三錢路七通五  
個打碎煎服重者十服愈

坐板瘡秋泉家秘烏賊骨五錢雷公藤三錢

共為細末擦之乾則以菜油調敷

汪連仕方蒸龍草即震龍根山人呼為雷公藤蒸酒服治風氣合巴山虎為龍虎丹入水藥魚人多服即昏

治番胃噎隔瘧疾吐血便血喉痺食積心疼虛飽腹脹陰囊腫大跌打閃胸發背疔瘡乳癰產後遍身浮腫 王安藥采方

### 藤黃

綱目生治條下祇言點蛀牙自落無他治也張石頑云藤黃性毒而能攻毒故治牙虫蛀齒點之即落毒能損骨傷腎可知葉氏得宜本草云服藤黃藥忌吃烟按三黃寶蠟丸黎尚九俱用藤黃以其善解毒也有中藤黃毒者食海蜇即解 百草鏡藤黃出外洋及粵中乃藤脂也以形如筆管者良大塊者名牛



采藤黃不佳入葯取色嫩純明者用水蒸化  
濾去渣盛磁器內隔水煮之水少時再添煮  
乾以三炷香為度以帛紮磁器口埋土中七  
日取出如此七次晒乾用 粵志廣中產黃  
藤熟汁即藤黃也性最寒以青魚胆和之治  
眼疾間有白者葉如土茯苓身小而長外有  
箨包以莖浸水洗目並除腫痛

性酸瀉有毒治瘰癧止血化毒飲金瘡亦能

殺虫治刀斧木石傷及湯火傷竹木刺入肉  
一切諸傷神效膏用真麻油一斤藤黃八兩  
白蠟八兩先將油入銅鍋次將藤黃搥碎熬  
透以麻布濾去渣加入白蠟至滴水成珠為  
度貯磁罐其膏夏老冬嫩為宜敷之即能止  
疼止血收口助効如神 治一切無名腫毒  
風氣膏王站柱不藥良方藤黃四兩白蠟八  
兩小磨麻油十二兩先將油煎熟將成珠

入水不散再加黃白攪勻磁瓶收面上仍以  
麻油養之臨用攤貼 祝氏効方一筆消用  
大黃二兩藤黃一兩明礬蟾酥各半兩射香  
乳香沒藥各二錢用蝎牛搗爛作錠遇小癩  
毒未出癩頭以此醋磨新筆蘸藥圈外愈圈  
愈小圈毒消盡而止 消毒散治瘡疽癰毒  
及初生多骨疽良方彙選大黃一兩芙蓉葉  
晒乾為末五倍子各一兩射香水片各三分

藤黃三錢生礬三錢共為末米醋調成如厚  
糊塗於多骨疽之四週中留一頭如豆大以  
醋用鵝翎不時掃之若不掃任圍則無益一  
日夜即內消其餘瘡癰亦以此敷之神効  
又方良方彙選雄黃二兩射香三錢藤黃一  
兩人中白五錢硃砂白芨生白斂各二錢蟾  
酥一兩共研末用廣膠三錢烱化和為末為  
錠遇毒將此藥磨醋水塗之 移毒方救生



苦海云如毒生在肢節穴道險要處不成漏  
症即為癩人須用此藥只塗半圈即移過一  
邊用白芨白斂三七五倍子大皂角山茨菰  
藤黃各等分俱剉薄片除藤黃餘皆入砂鍋  
內水浸一日煎汁傾出入水再煎如此數次  
濾淨熬膏以藤黃將水蒸烱加入攪勻再熬  
入碗晒乾用時以鷄蛋清磨出濃汁新筆蘸  
塗 又方藤黃銀硃等分醋和敷趕毒至他

處出膿如用穀樹汁調可搽癬一二次即消  
坐板瘡仙遺拾珠藤黃搗碎用雄豬網油青  
布一長條將藤黃摻在網油之上青布捲成  
條子線紮緊浸菜油內一夜火燃取滴下油  
杯積埋土中一夜出火毒塗瘡即効 大提  
藥方圍毒初起凡對口發背惡疽四五日即  
消良方彙選雄黃藤黃射香各一錢硃砂三  
分草麻肉三錢紅昇丹一錢五分先將草麻

研如泥後和各葯研爛用象牙匣封臧外以  
虎皮包之方不泄氣 種福堂提藥治諸毒  
不起敷之立起藤黃雄黃各三錢蟾酥紅藥  
各二錢水片射香各二錢草麻肉一兩先將  
草麻肉去皮打碎如魚凍水入諸藥打成膏  
磁罐收貯勿令洩氣或云宜紅藥三錢水蟾  
酥勿用止加射三分辰砂一錢又黃提藥方  
薛金雄黃藤黃各二錢牛黃蟾酥硃砂水射

各五分巴豆肉八錢草麻肉一兩共搗爛研  
瓶貯遇症放膏葯上少許貼之治一切惡毒  
未成可消已成用之化腐疔毒更妙 五黃  
散治一切頑癬鷄脚大黃硫黃雄黃藤黃各  
等分為細末菜油調塗患處七日勿洗淨全  
愈 諸毒圍藥祝氏効方南星炒四兩五倍  
子炒黑白芩炒各二兩藤黃姜黃炒各一兩  
共為細末醋調塗重者加牛黃一錢鹿茸五

錢 金氏離洞膏治腫瘡如神萬應油五兩  
藤黃一兩五錢淨黃蠟二兩共熬黑棕色攤  
則貼熬萬應油法香油六十兩以十六兩官  
秤作準浸桃枝一兩柳枝一兩槐枝一兩桑  
枝一兩葱一兩男髮四兩花椒五錢草麻二  
兩馬前四兩必撥五錢桂枝一兩白芷二兩  
夏浸三日冬七日春秋五日然後熬至渣枯  
去渣每斤生油熬熟汁得八折此油凡一切

膏藥可作地子 消毒方治一切無名腫毒  
及對口發背救生苦海用滴花火酒磨藤黃  
敷不住手敷之不至半日即消 無回丹治  
一切疔瘡疔疽衆妙方用碱 藤黃雄黃大  
黃各一兩蟾酥射香各二錢血竭甲片炒各  
五錢醋磨塗立効 金不換治跌打刀傷藕  
州周慎庵傳藤黃一兩研細末麻油四兩白  
蠟五錢黃蠟一兩將二兩臘入麻油內銅杓



熬化取起放地上一人徐下藤黃末一人  
不住手攪勻以盡為度即成膏敷于患處用  
油紙攤貼油帕縛好一二日即愈 瘡毒活  
人書五倍子畧焙一兩藤黃四兩銅青少許  
小粉炒八兩作錠用時醋磨塗 疥瘡吳興  
楊氏便易良方銀硃蜒蚰白甘菊人中白等  
根內白心雄黃藤黃大黃共搗敷上即退  
諸毒圍藥種福堂方無膿即消有膿即潰五

梧子一兩白芷六錢藤黃百草霜各三錢生  
半夏生南星白芨陳小粉飛麩各四錢共為  
末紅醋調敷 一筆消方治一切瘡腫雄黃  
胆丸礪砂藤黃銅綠皮硝草烏各一兩射香  
二錢為細末和蟾酥為條如筆管大金箔為  
衣用時以醋磨濃新筆蘸藥塗毒四圍數次  
即愈 一切無名腫毒藤黃五錢五倍子二  
兩白蜜葱頭各一兩用來醋調圍患處由頂

勿敷五色蟾酥墨能立消腫毒雄黃銀朱胆  
凡韶粉藤黃銅汞硃砂各一兩射香一錢共  
為末蟾酥為條如筆管大水磨塗

### 金鎖銀開

李氏草秘天蕎麥亦多金鎖銀開形若蕎麥  
治乳癰風毒入諸般毒藥內取根二分生薑  
一分水煎服愈治敗血病久不瘥又洗痔血  
皆佳

李氏草秘小青草藤上蔓有倒刺細如稻  
芒開粉紅花生藍子葉似蕎麥又名野蕎麥  
煎洗痔漏之聖藥 洗痔漏治蛇傷木蛇毒

搗汁和酒服 百草鏡云俗名鉄邊箕處  
山野有之葉似天門冬葉又似土茯苓葉但  
差狹小耳藤生或綠石砌樹上竹林內亦有  
之非海金沙也其根黑色兩旁有細刺如邊  
箕樣故名入葯用根 敏按今俗所用治一  
切喉症金鎖銀關乃天蕎麥之根形如繫凡  
粘結成塊產山土者皮黃汗泥中者皮黑與  
百草鏡所言各別或名同而物異耶

治白濁用根搗汁冲酒服 喉中風火孫玉  
庭云其根專治喉閉故得此名 喉風喉毒  
用醋磨喉涎痰去而喉閉自開矣 痰核  
癰瘰不拘何等癰痺結核初起者梁湖陳府  
秘方用金鎖銀關須鮮者將來搗汁冲酒服  
其莖葉用白水煮爛和米粉作餅餅食之不  
過二三服立消若破爛者以梁上烏龍尾揉  
去粗屑納瘡中外貼膏葯占服根汁吃餅餌



五六次自結痂而愈

汪連任采葯書金鬚斜俗呼金鎖銀開其留  
苗柔而堅惟不斷今名象毛力能軟堅化瘡  
合米醋搗汁盪口能開鎖纏喉風雖枯根亦  
可透鎖喉

### 乳藤

粵志乳藤蔓如懸鈞倒挂葉尖而長斷之有  
白汁如乳婦人產後以藤搗汁和米作粥食  
之乳漣自通 初生嫩條可食其大實曰冬  
榮子大如栲子中有瓢辨匕相疊白如猪脂  
炙食皆甘美貝懷數日香不減秋末冬初開  
采以相餉矜為服食之珍行血通乳粵志  
李氏草秘乳汁藤生山麓林中高二三尺葉

似葡萄子藍色一叢根皮搗之出汁如乳為  
諸乳毒瘡瘡中之聖藥

排膿散毒生肌止痛消腫益血病不可忍者  
罨之即止已成未成已潰未潰始終皆不可  
少

汪連仕草葯方乳門草即乳汁草又名土妳  
匕性寒涼行乳汁通氣而能入血分根止痢  
疾

細藤者即遍地金又名鷄盲草合鷄肝蒸服  
專治一切疔眼

蝙蝠藤

此藤附生虫壁喬木及人牆茨側葉類葡萄而小多歧勁厚青滑絕似蝙蝠形故名  
治腰疼癩瘰

腰疼澹寮試効方用蝙蝠藤二兩老人用三兩酒煎服二劑即痛止不可再服若多服一劑腰反傾倒不支



皆治藤

蔓延牆壁間長丈餘葉似泥藤中暑者以根  
葉作粉食之虛損者雜猪胃煮服

無根草

麦藁藤

李氏草秘纏豆藤一名豆馬黃無葉有花子  
即兔絲子最治血解豆瘡毒難產酒兼服  
采為錄此草無根無葉生在柴草上纏結而  
生名無根金綠草色有紫有黃 百草鏡無  
根金綠草一名大焰草即兔絲苗也生毛豆  
莖上者佳此草與女蘿相似以色黃如金而  
細如線者真若色紅紫粗類灯心者名女蘿

又紫背浮萍亦名無根草與此別 藥鑑無  
根金絲草莖細而赤無葉無根惟有青色細  
葉附於莖際蔓延極長多纏草木上其性涼  
味微甘利水治濕熱三四月採 藥性考金  
絲草無根葉用苗此藥功在涼血散血故治  
瘡疽腫毒諸症味苦性寒吐衄崩便咳咯諸  
血症之能止解諸藥毒瘴癘疔瘡惡瘡 臺  
志利水通淋葛祖方治狐臭騷氣辟汗愈瘡

百草鏡治瘡淋濁痢帶下黃疸預解痘毒敷  
紅絲疔

消毒保嬰丹 王之才醫便凡小兒未出痘  
瘡者每遇春分秋分白服一丸其痘毒即漸  
消化若只服一二次者出痘稀少若服三年  
六次者永不出痘此方屢驗萬勿輕視 纏  
豆藤一兩五錢其藤八月收取毛豆莢上纏  
繞細紅絲採取陰乾以此為君妙在此藥上



黑豆三十粒赤豆七十粒山查肉一两新升  
麻七錢五分生地黃荆芥防風川獨活甘草  
當歸各五錢連翹七錢五分黃連赤芍藥桔  
梗各五錢牛蒡子一两硃砂另研甘草同煮  
過去甘草一两五錢苦絲瓜二個各長五寸  
隔年經霜者妙燒灰存性右藥為極細末砂  
糖拌勻共持十餘下丸如李核大每服一九  
濃煎甘草湯化下其前項藥預備精料遇春

分秋分或正月十五日或七月十五日脩合  
務要虔誠忌婦人雞犬猫孝服見之合藥須  
淨室焚香向太陽祝藥云神仙真藥能合自  
然嬰兒吞服天地齊年吾奉太上老君急  
如律令勅一氣七遍

慈惠小編治小便不通諸藥無效 金絲草  
一握全韭菜根頭煎湯洗小肚即通金絲草  
多附黃豆莽上無根無葉細絲如棕色近水

雄諸樹上皆有之

麦叢藤 各麥地皆有臨安縣鄉間尤多四月採之莖纒麥上葉類神仙對坐草而畧尖微有毛葉對節生莖細節微紫葉小者佳葉大者無力

跌撲 張氏傳方以乾者一錢酒煎服

### 白毛藤

亦名天灯笼又名和尚頭草白毛藤生人家牆壁上莖葉皆有白毛八九月開花藕合色結子生青熟紅烏雀喜食之 百草鏡白毛藤多生人家園圃中牆壁上春生冬槁結子小如豆而軟紅如珊瑚霜後葉枯推赤子疊上綴懸牆壁間俗呼毛藤果採其藤乾之浸酒云可除骨節風濕痛

止血淋瘡疝氣汁滴耳中止膿不乾入藥內  
保腫毒不大治瘰癧用煮牛肉精者食之  
清濕熱治黃疸水腫小兒蛔結腹痛 採藥  
志云性熱活血追風生血治鬼箭有效  
風痛 楊氏驗方桑黃二兩白毛藤二兩切  
碎用紹興原坛酒六斤煎三炷香每日服一  
飯碗

黃疸初起 百草鏡白毛藤神仙對坐草大

茵陳三白草車前草各等分白酒煎服  
大氣浮 不藥良方用白毛藤無灰酒服



天棘草

一名盒子草俗呼盒兒藤好生水岸道旁苗  
 高三四尺葉如波斯花有小絨五月結寔為  
 球上内生黑子二片生時青老則黑每片渾  
 如龜背又名龜兒草丹術家取其汁伏硫汞  
 根伏雌雄 百草鏡鴛央木斃一名水荔枝  
 盒兒藤葉長尖有鋸齒生水涯蔓生秋時結  
 實狀如荔枝色青有刺殼上中有新紋兩截

天棘草

藤部

相合減子二粒色黑如木鼈而小孫氏丹方  
盒子草子及葉有小毒蔓生岸旁葉尖花白  
子中有兩片如盒子 綱目附於槎藤後花  
實根形俱不甚詳

性有小毒主蠱毒及蛇咬搗敷瘡上即愈  
疔積初起百草鏡云鴛央木鼈三錢煎服即  
愈

敏按此草似預知子近時人罕用而吳氏遵

程著從新以預知子為近日所無直不知即  
天球草也世不用而草醫又易以他名

松蘿 松上寄生

山川志出武當山生高峯古木上長者丈餘  
治蛇傷虎傷湯火烙傷及頑瘡等症 藥性  
考松蘿甘平能平肝氣慎怒疫熱溫瘧吐痢  
頭風頭瘡癭瘤結聚亦能探吐隔痰去熱  
松上寄生 利水導痰除胸中

楓上寄生 汪連仕云吊殺猢猻一名上樹  
猢猻又名鉄角猢猻免乃楓樹上風木藤至年



本草綱目卷之七  
遠結成連珠傀儡能追風不換時刻酒蒸服  
加金雀根土當歸石床花根石蚕治癰瘻  
急之要藥

蛇蒲藤

職方典產福寧莖細葉如猴耳  
治喉齒百病

李頭藤

職方考產福寧其藤腐朽者可代香用  
止嘔血活經絡

龍鬚藤

粵東小錄藤產東莞微細如髮直起數丈無  
一節常飛越數樹如千百游絲牽綴紅者名  
紅龍鬚紫者名紫龍鬚有五色然生無根蒂  
以織物投之即消釋不知所去土人以其夜  
和細土石灰塗蒙糖釜其堅如鉄雖猛火不  
烈其花與子皆入藥

浸酒服補筋骨祛風解毒能循肌絡無微不至



列

藥性考五色龍鬚藤細如髮生無根蒂挂樹  
長發

### 臭藤根

草寶云此草二月發苗蔓延地上不在樹間  
係草藤也葉對生與臭梧桐葉相似六七月  
開花粉紅色絕類牽牛花但口不甚敞開搓  
其葉嗅之有臭氣未知正名何物人因其臭  
故名為臭藤其根入藥本年者細小二三年  
者大如葉根可用

治療瘰 用根煎酒數服自愈未破者消已

潰者斂

李氏草秘云臭藤一名却節對葉延蔓極臭煎洗腿足諸風寒濕痛拘挛不能轉舒如神汪氏藥錄臭葡萄蔓延而生子如葡萄而臭治風又云野葡萄氣味重臭功能敗腸胃之瘧

治風痛腸瘧跌打損傷泥注風火中毒鬱氣洗亦合紫蘇煎湯汪連任方

### 黃練芽

今呼黃連芽春初采嫩芽小兒生食之取其清香可口味帶苦澁如黃連故名亦可以鹽湯焯食漉出晒乾為葢菜暑月食之 百草鏡此物藤生引蔓大樹上葉如桑寄生尖長柔滑頗光潤肥厚二三月枯枝生芽淡紅色如椿芽生食苦中帶甘入口生津安徽人家多醃以為菜與芹芽椿芽蘆芽並重 藥性

考云葉似槐而尖嫩時揉乾代茶勝茗木甚  
細膩苦中帶甘味如橄欖益食酸甜解喉痛  
咽哽消熱醒酒舌爛口糜嚼汁可解

味苦瀉性寒解暑止瀉利便 食物宜忌 生津

明目清積熱解毒 葉檢

敏按方以智物理小識黃連頭一名回味俗  
呼黃連頭樹分葉如椿大者合抱春采其葉  
味苦而甘皮可合香入藥治痢及霍亂綱目

遺此未收如方氏所云則木也與百草鏡所  
云互異或地土有不同耶抑其物本有二種  
耶並存俟考



木龍藤

周益生家寶方藤出錢塘橫山喜沿人家墻  
壁及石崖上土人多識之

治疔瘡肚疔腸疔脇疔四症持汁老酒冲服  
冬月以酒搗取汁二碗服立消

姜油 按姜即扶留藤

姜即藟也嶺南人取其葉合檳榔食今人名  
檳葉用其葉封固晒半載收貯待用可留數  
十年非獨疏積滯消瘴癘治病亦夥惟西洋  
人有之

治手足紅腫或疼以姜葉油揉擦用布包裹  
滴耳治耳痛刀傷刺傷以棉花浸姜油貼畏  
傷處又治背瘡及癩毒貼之初起者即解散

已成即速潰膿亦可敷貼楊梅毒瘡漏痔以  
上俱泰西應振鐸本草補

花部

梅花 梅梗

綱目載梅花無治方止言點湯煮粥助雅致  
而已食物宜忌云梅花味酸溫性平並無主  
治殆亦不知梅花之用入藥最廣而功效亦  
最大 百草鏡梅花冬落春開其花不畏霜  
雪花後發葉得先天氣最足故能解先天胎  
毒有紅白綠萼千葉單葉之分惟單葉綠萼



入藥尤良採能不犯人手更佳含苞者力勝  
性寒或曰平味酸瀉清香開胃散鬱煮粥食  
助清陽之氣上升蒸露點茶止渴生津解暑  
滌煩 設撰卉木皆感春氣而生獨梅開以  
冬蓋東方動以風風生木故曲直作酸則酸  
者木之性惟梅之味最酸乃得氣之正北方  
水為之母以生之則易感故梅先衆木而華  
癸辛雜識梅花無仰開者蓋亦自能巧避風

雪耳驗之信然 粵志惟嶺南梅花最早冬  
至雷動地中則梅開地上蓋其時火之氣不  
足於地而發其最初之精華故梅開水之氣  
上足於天而施其最初之滋潤故雪落雪洩  
也從肅殺之中洩其一陽之精以為來春之  
生生者也雪深則水氣足梅早則火氣足火  
氣足而為天地陽生之始陰殺之終使萬物  
皆復其元梅之德所以為大天地一陽之復

不可見見之於梅又其得氣之先也韶州梅  
長至已花臘月復開尤盛有於舊蒂而作新  
花者其地屬嶺北放梅以臘以正月開氣盛  
則開而又開瓊州梅有六出者予謂梅五出  
者也五陽數也冬至一陽始復梅吐花得陽  
之先者今六出乃得陰數矣蓋以地氣而變  
苦於嚴寒故不用五而用六同於雪花也以  
梅為躰以雪花為用人見其六而不見其五

藏五在於六之中猶河圖之五在十中也河  
圖之一生水梅得水氣之先故花於冬至與  
雪同時雪者水氣所凝梅者水形所結卦皆  
屬坎水在天而凝雪水在地而發梅水之數  
六寒極則雪花與梅皆六出應其數也

花微酸澆無毒清頭目利肺氣去痰壅滯上

原本草安神定魂解先天痘毒凡中一切毒

治療瘰癧雞蛋開一孔入綠萼梅花將開者七

桑封口飯上蒸熟去梅花食蛋每日一枚七  
日全愈

唇上生瘡赤水玄珠白梅餅貼之神效如開  
裂出血者即止

紫金錠 宜端午日製合飛硃砂紅芽大戟  
處州山茨菇千金霜川文蛤淨粉草河車以  
上六味各二兩珍珠琥珀明雄黃冰片陳金  
墨各五錢梅花蕊犀牛黃各一兩川射香四

錢右各藥為末乳篩極細以糯米粉糊杵為  
丸研用

稀痘神方 白梅花蕊三錢採飽綻者須預  
備晒乾生地黄三錢當歸三錢生甘草一錢  
臍帶小兒自己落下時去灰或礬用新瓦灸  
存性研末極細同煎濃汁濾清熬膏作一日  
吃完小兒永不出痘

萬病回春戴尹蓬頭泥元丹治小兒諸虛百



損用梅花合混元衣注梅花解毒痘先天之毒

九仙奪命丹 集聽云又名十聖丹治七十二般無名腫毒惡瘡流注火痺等症硃砂三錢雄黃乳香沒藥各二錢石胆礬銅青各一錢五分冰片二錢枯礬熊胆各飛過黃丹各一錢五分蜈蚣蚯蚓各二條殭蚕二個微炒黃色去嘴梅花一升寒水石一錢射香一錢

五分血竭二錢蟾酥一錢白官礬一錢礬砂一錢全蝎九個蝸牛七條牛黃一錢以上二十三味為末研極細以硃砂一錢五分為衣其脩合之法先將蟾酥用乳汁化開共為丸如丸不起略加麩糊如桐子大每服一九令病人口嚼生葱一根咽下又嚼一根極爛吐在手心上裹藥用滾熱老酒吞下量冷煖時候蓋被出汗如病人不能嚼入代嚼之亦可

如無汗再服一九自愈凡諸毒醫遲毒疔攻  
心必不可救若汁來遲以熱酒催之不可以  
手按摩患處如痒以舊木梳日之自止  
疥痘 集驗用綠萼梅花七朵預養于花  
瓶內春分日摘花半開者只用淨辦搗爛白  
糖三匙滾水服之毒即全消免出痘矣小兒  
滿月後即可服

梅花點舌丹

集驗治一切疔毒及惡瘡初

起天行瘟毒回喉腫痛等症輕者二粒重者  
四粒先用無根水送下次取一粒含于舌下  
化之乳香去油二兩珍珠豆腐煮過六分沒  
葯去油京牛黃苦亭歷硃砂各二錢熊胆六  
分硼砂二錢片腦一錢蟾酥二錢人乳泡血  
竭二錢另研沉香一錢射香六分雄黃二錢  
水飛白梅花陰乾一錢二分共為細末用人  
乳汁化蟾酥丸黍米大金箔為衣

預稀痘疹 不葯良方每年臘清晨摘帶露  
綠萼梅蕊一百加上白糖搗成小餅令食之  
三花丹 赤水元珠將出痘之時用此能稀  
痘梅桃梨三花取已開未開盛開者陰乾為  
末守兔腦為丸雄黃為衣用赤小豆豉豆黑  
大豆湯送下

梅桃丹 赤水元珠治痘已出未出不起不  
發隱在皮膚並治麻症班症用梅花一兩桃

仁辰砂甘草各二錢丝瓜五錢為末每服五  
分參蘇湯下 痘不問前後凡黑陷咬牙寒  
戰用梅花六錢川山甲一兩仙靈脾五分射  
香一錢為末每服三五分咬牙寒戰加入牙  
二三厘內托散送下

青梅散 錫山衣德堂稀痘良方用生青果  
核七個打碎去仁晒乾研細末不宜火焙又  
不宜沾生水再用玉蝶梅花二十一朵去蒂



共白蜜兩茶匙搗濃恰交春分時與小兒服  
永不出痘即出亦不過三粒此方傳自江寧  
王培德家已九世無痘殤之兒真異方也  
二氣丸 新安汪偉公先生傳其家親友凡  
小兒服此丸永不出痘其方即前稀痘神方  
臍帶曰坎氣梅花先天之氣故名二氣丸  
七仙丹 張疫種痘新書治痘氣血兩虛灰  
白水泡痒塌等症黃芪二兩人參一兩甘草

五錢紫河車一兩梅花一兩五錢鹿茸一兩  
天靈蓋一個共為末每服八九分用內托散  
煎湯送下氣實者加山查陳皮各五錢  
二花散 種痘新書云能起五陷黃蠟梅花  
素心者尤良陰乾不拘多少射去毛壳確盛  
听用桃花陰乾山查去核炒為末小絲瓜陰  
乾為末陳皮去白人參黃芪炙甘草炙硃砂  
紫河車酒洗去筋蒸焙乾鹿茸酒酥炙川山

甲取首尾四足者炒仙靈脾去四弦刺酒焙  
入牙火煨韭汁焯七次天靈蓋洗淨去酥各  
為末用 按綱目梅花條下並無主治而于  
蠟梅花下亦僅言解暑生津而已不知腦梅  
亦並非梅種其主治亦廣不僅乎治痘也  
龍腦膏 種痘新書云治痘出未透心狂見  
鬼陷伏等症用梅花不拘多少晒乾為末加  
冰片少許共研為末以猪心血和勻為丸狂

謬者灯心湯引紫陷者以紫草煎湯調之加  
酒數匙化下

絕痘 楊春涯驗方用南方綠萼梅蕊未放  
採藏風乾逢四時八節上前一日用鷄蛋一  
個打孔入蕊蒂糊好飯上蒸熟吃數次永不  
出痘即出亦不過數粒

解痘毒 劉氏得效方立春前後三日採紅  
梅蕊半含半開者一鍾去蒂仍安鍾內磁櫛

蓋住一週時足氣汁升上用新搗盞未經五  
辛者持研如泥等成餅樣加明珠砂水飛一  
錢勻摻於上緩上研勻再加白蜜少許丸如  
彈子晒半乾金箔為衣過四絕日每服一九  
甘草湯下忌鉄器葷腥服過一九後當日晚  
間微上發熱次日遍身發出細瘰是其驗也  
種福堂方梅花丸治痘疹有起死回生之功  
又換痘丹中梅花蕊犀角麻黃膏並用

朱禹功仙傳稀痘方赤豆黑豆綠豆各一兩  
研末入新竹筒中削皮留節鑿孔入藥杉木  
塞緊用蠟封固臘月浸廁中一月取出風乾  
每葯配梅花片三錢每服一錢以經霜丝瓜  
藤筋煎湯下神效

千里梅花丸途中倍用醫學指南用枇杷葉  
乾者葛末百葯煎高梅肉蠟梅花甘草各等  
分為末用蠟化開投蜜每蠟一兩加白蜜二



錢和葯末搗二三百下丸如鷄頭寔大夏月  
長途含化一九津液損生寒香滿腹妙不可  
言

梅梗 諸梅樹皆可用以綠萼者佳凡梅有  
氣條青翠色此條無葉止光梗出枝鐫薛微  
君生白曾言用以通上下隔氣有效此氣條  
而非梗也用梗以帶葉枝者入葯綱目梅部  
載梅寔及枝仁根葉

獨不及梗 保產神效方道聽集云凡婦人  
三月以慣小產百葯不效者以梅梗三五條  
煎濃湯飲之復飲龍眼湯無有不保者

雪荷花 雪芝

產伊犁西北及金川等處大寒之地積雪春  
夏不散雪中有草類荷花獨莖亭上雪間可  
愛戊戌春予於史太守處親見之較荷花畧  
細其瓣薄而狹長可三四寸絕似筆頭云浸  
酒則色微紅彼處土人服之為助陽要藥  
憶舊遊詩話雪蓮花千年不元化雪深處有  
之形似蓮化高可丈許取以釀酒倍增春色

蓋陰極而陽生之意耳亦產巴里坤等處  
西北域記雪蓮產積雪中一莖並蒂浸酒色  
碧性熱人稱其功同仙茅枸杞而不知其禍  
乃同砒鴆也蝦蟇比蓮尤甚 予甥屠潤南  
自哈密回帶有雪荷花因訪其功效據言其  
地有天山冬夏積雪之中有蓮以產天山峯  
頂者為第一然不可得山腰次之其生也有  
雌雄土人採乾之成對以市性大熱能補陰

益陽老人陽絕者浸酒服能令八十者皆有  
子

性大熱治一切寒症 此物產子極冷之地  
乃陰極陽生故也 朱排山柑園小識雪蓮  
生西藏山中積雪不消暮春初夏生于雪中  
狀如鷄冠花葉遍肖花高尺許雌雄相並而  
生雌者花圓雄者花尖色深紅性大熱能除  
冷疾助陽道豪家爭致之以治房中之藥



藥陽銷夏錄塞外有雪蓮生崇山積雪中狀  
如今之洋菊名以蓮耳其生必双雄者差大  
雌者小然不並生亦不同根相去必一兩丈  
見其一再覓其一無不得者蓋如兔絲茯苓  
一氣所化氣相為也凡望見此花默往採之  
則獲如指以相告則縮入雪中香無痕迹即  
勸雪求之亦不獲草木有知理不可解土人  
曰山神惜之其或然欤此生寒極之地而性

熱二氣有偏勝無偏絕積陰外凝而純陽內  
結坎卦以一陽陷二陰之中剝復二卦以一  
陽居五陰之上下是其象也然浸酒為補劑  
多血熱妄行或用合媚藥其禍尤烈蓋天地  
陰陽均調萬物乃生人身之陰陽均調百脉  
乃和故素問曰亢則害承乃制自丹溪立陽  
常有餘陰常不足之說醫家失其本旨往往  
以苦寒伐生氣張介賓輩矯枉過直遂偏於

補陽而參者桂附沉藥亦至於殺人是未知  
易道扶陽而乾之上九亦戒以亢陽有悔也  
嗜慾日盛羸弱者多溫補之劑易見小效堅  
信者遂衆故余謂偏伐陽者韓非形名之學  
偏補陽者高鞅富強之術初用皆有功積重  
不返其損傷根本則一也雪蓮之功不補患  
亦此理矣

治痘不起發及悶瘡悶痘止用一瓣入煎藥

中止效屢試皆驗 陳海曙云

雪芝 南中紀聞衡岳間有之乃冰霰所結  
歲久蒸積而成產陰崖絕壁間晶瑩如玉懸  
挂峻坂非攀蘿捫級不可擷取

療肺疾降火清心

雪裡花 朱楚良在鎮海土人有采雪裡花  
者冬月嚴寒此花始生在招寶山龍潭旁環  
渚而發苗甚短小如六月雪狀高不過二寸

許每雪時開白花如豆大土人采得乾之入  
藥  
敷痔瘡 以雪裡花為末濕者乾搽乾者麻  
油調搽一二度其痔即消縮

### 催生蘭

閩涵嶺南隨華報喜遇吉事始開種法以空  
為根以露為命與風蘭同 粵志一名報喜  
蘭之族並非風蘭也花如蠟梅而色紅紫香  
味亦同每莖作七八枚懸樹間勿侵北氣遇  
有吉事則開悟生者以花懸戶上即生  
主催生



水仙花

能去風澤肌膚潤毛髮治五心煩熱嘈雜不  
寧同荷葉為藥為末服

珠蘭

藥性考珍珠蘭味辛嘗茶香郁其根有毒可  
磨敷瘡癩 今名鷄爪蘭花經云真珠蘭一  
名魚子蘭枝葉似茉莉花發長條細蕊與建  
蘭同時香亦相似而濃郁過之好清者取其  
蕊焙茶尤妙但性毒止可取其香氣故不入  
藥張萱壬云中條山有老道士教人治狐魅  
有一女子為雄狐所祟教以用珠蘭根搗爛

置床頭俟狐來交時塗其莖物上狐大嗥竄去次日野外得一死狐道士云此根狐肉沾之即死性能毒狐尤捷效也

### 玫瑰花

有紫白二種紫者入血分白者入氣分莖有刺葉如月季而多鋸齒高者三四尺其花色紫入葯用花瓣勿見火

氣香性溫味甘微苦入脾胃經和血行血理氣治風痺 葯性考云性溫行血破積損傷瘕痛浸酒飲益 救生苦海治吐血玫瑰膏用玫瑰花一百朵初開者去心蒂河水二碗



煎半再用河水一碗煎半去渣和勻共有碗  
半復煎至一碗白糖一斤收成膏不時服之  
噤口痢用玫瑰花陰乾煎服治乳瘡玫瑰  
花七朶母丁香七粒無灰酒煎服自愈 百  
草鏡云玫瑰花立夏前採含葩未放者陰乾  
用忌見火 腫毒初起百草鏡玫瑰花去心  
蒂焙為末一錢好酒和服 乳瘡初起鬱症  
宜此百草鏡玫瑰花初開者陰乾燥者三十

朶去心蒂陳酒煎食後服 肝胃氣痛用玫  
瑰花陰乾沖湯代茶服 新久風痺百草鏡  
玫瑰花去淨蕊蒂陰乾三錢紅花全當歸各  
一錢水煎去渣好酒和服七劑除根永不再  
發 吐紅集聽用玫瑰花不拘多少去蒂搗  
汁熬膏貯瓶內每早空心茶匙挑四五匙白  
滾水沖服一二日即愈 少林拳經玫瑰花  
能治跌打 風痺藥酒救生苦海用白槿花

大紅月季花玫瑰花去蒂各一兩鬧羊花五  
錢風茄花五朵龍眼肉北棗肉各一兩紹酒  
五壺浸封七日隔水煮之罈上置白米一撮  
米熟成飯為度取出每服二三杯蓋暖卧避  
風即愈

保真丸 朱排山柑園小識保真丸能通經  
絡和百脉壯腰腎健脾胃加飲食健步履除  
一切痼疾能固真元用玫瑰花去蒂榜辦以

竹帚糊袋裝之薄攤晒乾取淨末一斤不宜  
見火此花色能益血香能補氣妙難盡述補  
骨脂一斤淘淨泥土用甘朮羌苓各五錢煎  
汁一碗拌晒以汁盡晒燥炒兔絲子一斤用  
芎歸芍生地各五錢煎汁去渣以汁煮兔絲  
子候吐絲為度晒乾炒胡菔仁六兩連皮搗  
如泥杜仲四兩鹽水炒去絲韭子四兩淘淨  
微火炒各為細末煉蜜為丸如桐子大每晨

空心白湯服四錢忌羊肉芸臺並諸血一方  
加魚膘四兩男婦共服皆可以種子極效有  
加鹿角膠枸杞子

### 金雀花

一名黃雀花似六月雪而本高正二月開花  
黃色梗有刺根入藥 花鏡金雀花枝柯似  
迎春葉如槐而有小刺仲春開黃花其形尖  
旁開兩瓣勢如飛雀可愛其花益湯焯過控  
乾入茶供 百草鏡金雀花生山土中雨水  
時開花色黃而香形酷似雀白花者名銀雀  
最難得其莖有白點花後發葉碎小葉下有



軟刺取根入藥去外黑皮及內骨用別有霞  
雀花更不可得 嘉興府志金雀一名飛來  
鳳蓋浸可以點茶 成化四明志金雀見花  
產奉化 丁未余館奉化劉明府署時明府  
幼孫患痘不起發醫用金雀花詢其故云此  
藥大能透發痘瘡以其得先春之氣故解毒  
攻用邪花  
性平和血祛風入肝脾二經亦入乳竇用

百草鏡跌撲傷損以金雀花乾者研一錢酒  
調  
根 治跌打損傷又治咳嗽煖筋骨療痛風  
性能追風活血藥通血脉消結毒  
濟世良方金雀根持汁和酒服渣給傷處治  
跌打損傷

建蘭花

葉根

草蘭

建蘭有長葉短葉潤葉諸種其花備五色色黑者名墨蘭不易得乾之可治瞽目能生瞳神治青盲最效紅花者名紅蘭氣臭濁不入藥黃花者名密蘭可以止瀉青色者惟堪點茶或蜜浸取其甘芳通氣分素心者名素心蘭入藥最佳蓋建蘭一莖數花寔蕙而非蘭也綱目以熏草為蕙即今零陵香於蘭草下

正誤除申言蘭草可佩乃孩兒菊古名都梁香是也且斥寇氏丹溪二家所解蘭草混入世俗之蘭花為非而以蘭花為幽蘭與蘭草迥別然何以不立幽蘭一條不能無缺畧之感因急補之

素心建蘭花乾之可催生除宿氣解鬱蜜漬青蘭花點茶飲調和氣血寬中醒酒閩小記家以蜜漬蘭花冬月點茶芳香如初滴

葉 丹溪云建蘭葉稟金水之氣而似有火不知其能散久積陳鬱之氣甚有力今時醫用以通舒經絡宣洩風邪亦佳 本草涯云蘭葉稟金水清芬之氣似有火獨走氣道入西方以清辛金不獨開胃清肺消痰善能散積久陳鬱之結氣今人但賞花香不知用葉亦缺典耳况為味載內經甚少蘭獨擅名所謂治之以蘭除陳氣也故東垣方中每常用



之與藿香枇杷葉石斛竹茹橘紅開胃氣之神品入沉香鬱金白菴蘇子蘆根汁下氣開鬱治噎膈之將成者產園中者力勝江浙諸種力薄辛平甘寒陰中之陽入手太陰足陽明經亦入足太陰厥陰經生津止渴開胃解鬱潤肌肉調月經養營氣本經主利水道因其走氣道故能利水消渴除胸中痰癖殺蠱毒不祥之氣者蓋肺主氣肺氣鬱結則上竅

閉而下竅不通胃主納水穀胃氣凝滯則水穀不以時化而為痰癖蠱毒不祥之氣辛平能散結帶芩芳能除穢惡則止症自除本草按綱目蘭草條不指幽蘭而本草滙草部有蘭草所言皆指建蘭即瀕湖所云幽蘭是也今從其說補之

根 名土續斷治跌打和血 物理小識幽蘭建蘭根甘宜入葯其花可茹葉以浸油黑

髮 五雜姐蘭根食之能殺人忌內服物理  
小識都梁蘭根名土續斷當是此也  
治疫嗽後吐血劉羽儀經驗方云先疫嗽而  
後吐血氣急者用天冬麥冬生地白芍紫苑  
山梔桑皮地骨皮等葯如氣急去天冬加真  
蘓子取蘭花根搗汁沖服尤妙 江夏程雲  
鵬著慈幼筏痘門載清地散花飲凡痘見標  
三日此方主之有夾疹者加蘭花根額上灰

滯色加菊花蘭花梅花或蘭花根亦可又玉  
液春膏飲中治背漿不足加酒炒土蘭花  
草蘭 葉短而狹小春花者名春蘭秋花者  
名秋蘭皆一幹一花有一幹數花者名九節  
蘭其莖中無紅斑點色純者名草素尤香入  
葯以一幹一花者良  
根 治瘋狗咬行篋檢秘取根四兩水淨入  
黃酒二碗煎成一碗服完其毒即從大小便

化血而出

中華民國五年三月六日



金蓮花

羣芳譜出山西五臺山塞外尤多花色金黃  
 七瓣兩層花心亦黃色碎蕊平正有尖小長  
 狹黃瓣環繞其心一莖數朵若蓮而小六月  
 盛開一望徧地金色爛然至秋花乾不落結  
 子如粟米而黑其葉綠色瘦尖而長五尖或  
 七尖 五臺山志有早金蓮如真金挺生陸  
 地相傳是文殊聖蹟 張壽莊云五臺山出



金蓮花

花部



金蓮花寺僧採摘乾之作禮物餉客或入寺  
獻茶盞中輒浮一二朵如南人之茶菊然云  
食之益人 查慎行人海記早金蓮花五臺  
山出瓣如池蓮較小色如真金晒乾可致遠  
有分餉者以點茶一甌置一朶花開沸湯中  
鮮新可愛後扈從出古北口外塞山多有之  
開花在五六月間一入秋莖株俱萎矣 金  
蓮花出五臺山又名旱地蓮一名金芙蓉色

深黃味滑苦無毒性寒治口瘡喉腫浮熱牙  
宣耳疼目痛煎此代茗  
明日解嵐瘴 疔瘡大毒諸風 山海草函

佛桑花

粵語佛桑枝葉類桑花丹色名朱槿一名福  
桑又名扶桑重臺者 曰爰老多以為蔬細  
日木槿後有扶桑條止載外治故補之 吳  
震方嶺南雜記扶桑粵中處 有之葉似桑  
而畧小有大紅淺紅黃三色大者開花如芍  
葯朝開暮落 上後已復開自三月至十月不  
絕佛桑與扶桑正相似而中心起樓多一層



花辦今人以扶桑佛桑混一非也紗緞黑退

變黃搗扶桑花汁塗之復黑如新

潤容補血 粵語 美顏潤血 陳述齋瑣語 朱槿

此美女多以敏按兩粵瑣語載朱槿與佛桑皮

微有異云朱槿一名曰及亦曰舜英葉如桑

光潤而厚高止四五尺而枝婆婆自仲春花

至仲冬一叢之上日開數百朵朝開暮落色

深紅五出大如蜀葵瓣捲起勢者飛颺層出

如樓子有蕊一條比瓣稍長上綴金屑日光

所燥疑有火焰粵女多種之挿枝即生蘓子

瞻詩焰上燒空紅佛桑謂朱槿也然佛桑又

有殷紅水紅黃紫各色比朱槿差小稱小牡

丹四時有花白者以為蔬菜甜美可口女子

食之尤宜擬陳述齋所云則佛桑與朱槿一

類而二物要其功用亦不甚遠故粵語以為

即朱槿今並附錄其功用以補李氏所未備

鉢囊花

出五臺及九華花淡紅色萼似黃葵花開葉  
上

寶珠山茶

雲溪方以落地花仰者為貴山茶多種以干  
葉大紅者為勝入藥 百草鏡山茶多種惟  
寶珠入葯其花大紅四瓣大瓣之中又生碎  
瓣極多味濇二三月採陰乾用之若俱是大  
瓣千葉者名洋茶不入葯單瓣者亦不入葯  
羣芳譜寶珠山茶可代爵金研末麻油調塗  
湯火傷灼



味微辛甘性寒破血消瘕跌打吐血症用之  
又治腸風瀉血湯火傷鼻衄灸瘡均焙研七  
朶空心酒服 百草鏡云涼血破血止血瀉  
劑也消瘕腫跌撲斷久痢腸風下血崩帶血  
淋鼻衄吐血外專灸瘡 赤痢救生苦海用  
大紅寶珠山茶花陰乾為末加白糖拌勻飯  
鍋上蒸三四次服 鼻中出血何明遠方干  
葉大紅山茶花二三月采陰乾用時取五六

朶煎服即止 又張氏必效方鼻衄用寶珠  
山茶大紅者焙研三五錢砂糖湯和服 吐  
血咳嗽不葯良方寶珠山茶丸焙黑色調紅  
砂糖日服不拘多少 又方寶珠山茶十朶  
紅花五錢白芩一兩紅棗四兩水煎一碗服  
之渣再服紅棗不拘時亦取食之 蔣儀藥  
鏡拾遺賦山茶花吐血衄血腸風下血之良  
將 宋春暉云曾見有人患乳頭開花欲墜

疼痛異常有教以用寶珠山茶焙研為末用  
麻油調搽立愈 痔瘡出血汪子明方用寶  
珠山茶研末冲服

粉團花 根

有大小二種其花千瓣成簇大者曰玉粉團  
初青後白小者曰洋粉團青色轉白白後轉  
紅藍色入藥用大者

性寒熏臭虫同水龍骨雷公藤和燒熏之立  
除百鏡洗腎囊風姚伯玉方用粉團花七朶  
水煎洗

方用蛇床子牆上野苧瑤球花煎湯洗之

良方

根 治喉爛傳效方取入上內者好醋磨以  
翎毛煎掃患處涎出愈

### 玉簪花

綱目玉簪條載根葉之用獨不言其花今人  
取其含蕊實鉛粉其中飯鍋上蒸過云能去  
鉛氣且香透粉內婦女以勻面無黧痣之患  
其葉乾之熏  
壁蟲絕跡  
花性微毒治小便不通彙集方玉龍散中用  
之

治癬第一靈丹 寶誌遺方鮮玉簪花三百



桑為泥母丁香六兩沉香四兩冰片三錢射  
三錢山西城磚十二兩共為末用真麻油三  
斤半熬熱陳年石灰半斤滴水成珠為度候  
冷收礮礮內黃蠟封固埋土內二十一日取  
出專患處自愈此藥可久貯勿使泄氣 治  
杖破玉簪花手搥熟貼傷處愈 清涼膏張  
卿子秘方貼耳瘋毒大黃白柏黃連黃芩鬱  
金皮硝白芨獨腳連天花粉玉簪花共研細

末鷄子清調敷白頂 又二香追毒飲治肚

心瘧羌活連翹紫蘊甘草白芷防風銀花天  
花粉肉桂黃芪乳香木香沉香芍藥生地  
殼黃芩柴胡前胡茯苓玉簪花水煎食後服  
山海草函玉簪花入韶  
粉內敷疔瘡疔梗

玉龍散 治小便不通用玉簪花蛇蛻各二  
錢丁香一錢共為末每服一錢酒調送下醫  
學指南

紫茉莉

此草二三月發苗莖逢節則粗如骨節狀葉長尖光綠前銳後大小暑後開花有紫白黃三色又有一本五色者花朝開暮合結實外有苞內含青子成簇大如豌豆久則黑子內有白粉宿根三年不取大如牛蒡味微甘類山藥 陳扶採花鏡紫茉莉一名狀元紅本不甚高但婆婆而蔓衍易生葉似蔓青 按

紫茉莉入夏開花至深秋未已白花者香猶  
醋烈其花見日即斂日入後復開亦不徑久  
一日即萎西人有食之者去其外皮益漬以  
佐饌云能去風活血無濁淋等症然其性秉  
純陰柔中帶利久食恐骨軟陽虛人尤忌之  
性惡鐵凡取用忌鐵器

根治乳癰白濁 花可浸酒 子名土山柰  
取其粉可去面上癍痣粉刺 性寒 為性考

### 野薔薇

百草鏡山野與家種無異但形不大花皆粉  
紅色單瓣無千葉者春月山人採其花售與  
粉店蒸粉貨信為婦女白藥云其香可辟汗  
去黥黑 花鏡野薔薇一名雪容葉細而花  
小其本多刺蔓生籬落間花有純紅粉紅二  
色皆單瓣不甚可觀但香最甜似玫瑰人多  
取蒸作露採含蕊拌茶亦佳患瘡者烹飲即



愈 六研齋筆記通元子服餌法春時服薔  
薇嫩頭一月即可每日服信三厘漸增至一  
分即可入水坐卧不病如是經年即可蠟塗  
身體扶利必潛遊江湖劫睡龍之珠得珠而  
行空自如觸石無碍三界入窠可縱浪矣此  
飛仙之業也而始於啣薔薇頭設此於容未  
有不盧胡而笑

花治瘰 伍涌芬讀書志白野薔薇花拌茶

煎服可驅瘧鬼 婦人齲結吐血 劉克中  
云香烈大耗真氣虛人忌服 根治肺瘧吐  
膿瘦酒煎服口瘡煎湯漱口 子名石珊瑚  
治產後軟癰 婦人禿髮用薔薇嫩枝全猴  
姜煎汁刷之

秋海棠

嶺南隨筆海棠本無香惟清遠歸猿洞秋海棠  
崇筆慶於羊峽春海棠其香特盛 羣芳譜  
一名八月春草本花色粉紅甚嬌艷葉綠如  
翠羽此花有二種葉下紅筋者為常品綠筋  
者開花更有雅趣 大觀錄秋海棠六名斷  
腸草其根葉有毒犬馬食之即死浸花水飲  
之害人 漳州府志秋海棠歲每生苗其莖

甚脆葉背作紅亂紋云是相思血也相傳昔  
人有以思而噴血階下遂生此故亦名相思  
草其花一朶謝則旁生二朶二生四四生八  
具太極象雅艷異常

花鏡秋海棠一名八月春為秋色中第一本  
矮而葉大皆多紅絲如胭脂作界紋花四出  
以漸而開至末朶結鈴子生極枝花嬌冶柔  
媚其異種有黃白二色一名斷腸花

周開郢云秋海棠俗傳其花中黃心有火毒  
人食多死予一日悞食此驚惶一夜倉卒旅  
邸無葯可解但委命聽之而已次日亦無恙  
丁憲榮云秋海棠葉初生山左小兒爭采食  
之味微酸生津能益唇色如塗朱然則其無  
毒可知 藥性考海棠喜背陰而生故性寒  
凡大熱症可用

味酸性寒無毒和蜜搽面澤肌潤肉其幹搗



汁治咽喉痛 藥性考 百草鏡云擦癬殺蟲用  
葉 花浸蜜入婦人面藥用 物理小識白  
銀以烏梅三葉酸秋海棠葉皆可

海棠蜜 救生苦海紅秋海棠採花去心白  
蜜拌勻蒸晒十次令化為度冬月早晨洗面  
後敷之能令色豔并治吹花癬疥癩 慈航  
活人書有製海棠蜜法上白蜜一大杯紅秋  
海棠現取花片用拌入蜜內將花畧搗爛日

日晒或蒸數次自爛如泥其蜜色如海棠或  
加入好芙蓉粉少許先絕可愛且免面皮凍  
裂

茶菊

茶菊較家菊朵小多心有黃白二色杭州錢塘所屬良渚檜葵地方鄉人多種菊為業秋十月采取花挑入城市以售黃色者有高脚黃等名色紫蒂者名紫蒂盤桓白色千葉名千葉玉玲瓏徽人茶舖多買焙乾作點茶用常中丞安宦遊筆記鳳凰山產菊花不甚大蒂紫味甘取以點茶絕佳又浙省城頭一帶

產菊名城頭菊皆生城上石縫中至秋開花  
上小於茶菊香氣池腹點茶更佳此則茶菊  
之野生者性味不同臨安山中所產一種野  
菊名金鈴菊花小如豆與城頭菊彷彿山人  
多采入葯鋪作野菊花用寔與野菊又不同  
野菊食之瀉人而鈴菊又不作瀉野菊瓣踈  
此則旁辨密為別也瀕湖綱目菊分家野而  
此數種獨未言及今杭俗以茶菊作餉遺客

為用最廣予故不惜覩縷言之兼補瀕湖所  
未備焉 百草鏡云甘菊即茶菊出浙江江  
西者佳形細小而香產於亳州者不可用白  
而微臭近日杭州笕橋安徽池州紹興新昌  
唐公市湖北杭州皆產入藥用陰乾者去蒂  
以由木枸杞子地骨皮為使反河鮑及無鱗  
魚園菊花大不入藥止可裝枕去風其根治  
疔腫却效 羣芳譜一名真菊一名家菊一



名茶菊花正黃小如指頂外尖瓣內細萼柄  
細而長味甘而辛氣香而烈葉似小金鈴而  
尖更多亞淺氣味似薄荷枝幹嫩則青老則  
紫實如葶藶而細種之亦生苗人家種以供  
蔬茹凡菊葉皆深綠而厚味極苦或有毛惟  
此葉淡綠柔荑味微甘咀嚼香味俱勝擷以  
作羹及泛茶極有風致 萬歷嘉善縣志花  
黃梗紫為甘菊最良野菊叢生花小性涼家

菊花大氣弗聚矣 黃茶菊以紫蒂為佳明  
目去風搜肝氣治頭暈目眩益血潤容入血  
分 食物宜忌黃菊花即甘菊味苦微甘性  
平益肺腎去風除熱補血養目清眩運頭風  
白茶菊千葉者佳通肺氣止咳逆清三焦  
鬱火療肌熱入氣分其根治疔腫喉疔喉癰  
海寧出茶菊名金井玉欄杆其花心黃邊  
白點茶絕佳 聖惠方云黃甘菊雖能燥濕

祛風亦能助火泄氣

性平專入陽分治諸風頭眩解酒毒疔腫

王阮亭居易錄云四川提督吳英說昔得撲打損傷秘方雖重傷瀕死但一絲未絕灌下立醒其方以十一月采野菊花連枝葉陰乾用時取一兩加童便無灰酒各一碗同煎熱服

紅絲疔 立效驗方以白菊花葉無白者別

菊亦可冬月無葉取根加椎黃錢許延蚰二條共搗極爛從頭身至絲盡處為止用絹條裹緊隔夜即清真神方也

城頭菊 朱排山柑園小識杭城石鐔生菊

枝葉極瘦小九月開花如豆香而旦甘雍正初禁人采取以充貢品宮闈以作枕城上之菊既為野生而味甘亦一異也蘇頌圖經云有一種開小小花瓣下如珠子謂之珠子菊

本草綱目卷之六

豈即此欤  
明目去頭風喉痺癩毒涼血其枝葉鮮者生  
搗菴疔瘡并服其汁兼治蛇咬瘰癧梅瘡眼  
癰煎洗天泡瘡亦效

金鈴菊 百草鏡云采花乾之作枕除頭風  
目疾內熱洗風火眼止熱瀉痔菴一切腫毒  
諸虫咬螫有效胃虛便滑無寔熱者忌用以  
其苦寒傷胃能作瀉也

羣芳譜載金鈴菊花小如鈴其幹長與人等  
凡菊葉皆五出此葉獨尖長七出花與葉層  
上相間不獨生子枝頭此乃家種金鈴菊非  
野生金鈴菊也然功用要亦彷彿

金箭頭 馬伯州菊譜花長而未銳銳枝葉  
可茹名金箭頭又名風藥菊尚治頭風較他  
菊十倍

菊米 處州出一種山中野菊土人采其莖



乾之如半粒菘豆大甚香而輕圓黃亮云敗  
毒散疔去風清火明目為第一產遂昌縣石  
練山

菊根 張介賓本草正云白菊根善利水搗  
汁和酒服之大治癰閉

癰瘡未破 醫學指南採野菊根搗爛煎酒  
服渣壅上自消不消自破

### 睡蓮

廣志睡蓮布葉數重葉如荇而大花有五色  
當夏晝開夜縮入水底晝復出與夢草晝入  
地夜即復出相反廣州有之諺曰母佩睡蓮  
使人好眠綱目疏部載睡菜而睡蓮獨遺故  
補之 張敞大觀錄綽菜夏月生於池沼之  
間葉類茨菰根如藕條食之令人思睡又名  
膜草 嶺南雜記睡蓮菜一名瑞蓮花瓣外

睡蓮

光部

紫內白幹如釵股心似雞頭以水淺深為短  
長日沉夜浮必鷄鳴采之始得出高州人佩  
之多好眠廣志清香爽脆消暑解醒嶺南雜記

### 瑞香花

粵語乳源多白瑞香冬月盛開如雪名雪花  
刈以為薪雜山蘭芍藥之屬燒之比屋皆香  
其種以孳枝為上有紫色者香尤烈雜衆花  
中衆花往亡無香皆為所奪一名奪香花乾  
者入藥用綱目芳草內瑞香條止載其根治  
急候風用白花者研水灌之亦不言其花之  
功用故補之

稀痘治乳岩初起

藥性考瑞香花馥糖餞芳甘清利頭目齒痛  
宜含

子午蓮

綱目水草部入蘋以為此即大葉之蘋也古  
人以食品祭用蘋蘩即此今浙人呼為子午  
蓮生水澤陂蕩中葉較荷而小缺口不圓入  
夏開白花午開子歛子開午歛故名采花入  
葯

治小兒急慢驚風煎風湯服用七朶或十四  
朶杭城張子元扇店施此救人多年矣



十姊妹

一名佛見笑汪連任云取其根葉陰乾為末  
蜜糖湯調服治傷寒危篤立効乃元升觀之  
秘方

桃金娘

粵志草花之以娘名者有桃金娘叢生野間似梅而未微銳似莢而色倍赭中莖純紫絲綴深黃如金粟名莢金娘八九月實熟青紺若牛乳狀產桂林今廣州亦多有之粵歌云攜手南山陽采花香滿筐妾愛留求子郎愛莢金娘花鏡金絲莢一名莢金娘出桂林郡花似莢而大其色更赭中莖純紫心吐黃

鬚鋪散花外儼若金絲八九月實熟青紺若  
牛乳狀味甘可入藥用如分種當從根下劈  
開仍以土覆之至來年移植便活

花行血

子味甘入脾養血明目

假素馨

出廣中青藤仔花也 粵語青藤仔葉長三  
四寸多芒刺莖大如指而堅韌人家日用之  
猶此地之用柳條

煎湯洗瘡疥良



雨韭

汪連仕草為方云雨韭生水澤旁即青茨菇  
花去濕之功全茵陳  
散一切疥腫清痔漏明目

玉蘭花

瀕湖綱目集解下惟云有花白者人呼為玉  
蘭並不另立主治即辛夷亦用苞蕊不及其  
花之用也今采龍柏藥性考補之  
性溫香滑消痰益肺和氣蜜漬尤良  
痛經不孕 良方集要玉蘭花將開未足每  
歲一朶每日清晨空心水煎湯

金鳳毛

汪連仕云今人呼翠翎草翠透如翎葉細塌地而生與翠雲草鳳尾不同敏按此種即蕩蘿今人編竹為亭臺植之盆中秋開大紅小花者是也

治耳疔痔漏



丁香花

未詳形状藥性考

味辛微溫審茶吊露清利頭目

梧桐花

山海草 亟治杖丹癩頭湯火傷

千金花

此即千金草花千金草即本經蘭草今所呼  
孩見菊省頭草是也二月宿根再發紫莖素  
枝赤節綠葉對節生光澤有歧嫩時可按可  
佩八九月漸老枝頭成穗作花紅白狀似鷄  
蘓久之花瓣轉白絨裂如毬上中有子一粒  
絨着子上色黑味若臭香氣烈即千金花也  
瀟湖綱目僅載其葉之用本草乘雅云以千



金花煮酒臭類木香苦甚黃連用治滯痢獲  
頰頰捷子故采其說入花部以補所未備花  
氣香味苦浸酒治滯下以其能闡辟不祥利  
水道宣氣四達之功耳 家雜

罌粟子油 佛前舊供花

物理小識

固精

佛前舊供花 雲谷醫抄治癩瘡爛腿用佛  
前多年陳以供花取來用香油浸貼即愈

果部上

延壽果

乃鹿銜草之子又松潘衛志有延壽果云果生于土味甜似山藥並無樹果此或名同而物異也

按鹿銜千金方名鹿藥草其葉大而面綠背青者為真蘓恭言有大小二種保昇言葉似羌蔚叢生有毛者吳風草也此草惟生于秦

地者有子土人名曰延壽果

仁恕堂筆記張掖河西地有草根一種形如

黃連盤根屈曲有若狀然邊人取之實蓮豆

用之供饌遺名曰延壽果俗又稱鹿蹄草其

味甚甜 理血中邪溫溫補下元去風痺歷

節痛小兒食之定驚悸

三邊紀畧

本草逢原云味

微瀉而甘不特有益老人而嬰兒先天不足

者尤為上藥惜乎南方罕得也

### 櫻額

果屬也產關東烏喇口外其樹叢生果形如

野黑葡萄而稍小鮮實甚美晒乾為末可以

致遠 盛京志一名稠梨子實黑而濕土人

珍之間以作麪暑月調水服之可止瀉 按

宦遊筆記郁李即棠棣結子如櫻苑南產者

酸澀不堪食盛京出者又名櫻額味甘鮮晒

乾為末更佳



味甘澀性溫煖補脾止泄瀉

倒吊果

御製幾暇格物編俗名吊搭果形似山梨而小  
體微長味酢肉多沙長蒂諸果始生時皆向  
上此果花實皆下垂故名生時堅澁熟乃沙  
樹枝葉俱如梨為秦中物產今遵化沿邊有  
之而考之書籍草木諸譜皆不載倒吊之名  
惟上林賦云荅還離支荅還音近打 張揖  
注云荅還果名按梅堯臣牡丹詩用打拉二

字北人方言以欹垂為打拉是荅還名果或因其下垂也說文海篇俱作搭榧果今名吊搭或是荅還音之轉耳  
性煖利胸膈健脾胃消食

### 飛松子

雲南土司志邊境各土司深山中產一種飛松子結實熟時人欲取之子輒飛去夜則仍歸根下土人記其處俟夜過子掘其根而取之饋遺以為珍品味絕香美 徐霞客遊記  
飛松一名狐實亦作梧實正如梧桐子而大倍之色味亦如梧桐子而殼薄易剥坐密樹中一見輒伐樹乃可得遲則樹即存而子俱

飛去成空株矣故曰飛松惟嶺堂關外野人  
境有之其葉如柳味絕類土豆 滇畧梧實  
大如豆殼脆易剝不與他處類俗謂之山松  
子亦曰飛松 朱排山柑園小識飛松出滇  
南似梧桐稍大而微長內外色味俱肖而香  
美過之蔓生松樹上土人甚珍之  
下氣消痰通和血脉能返魂凡有人魂神不  
安及驚越失魂神不守舍一切等症此為要

為故靈壁趙氏天王補心丹治怔忡用之張  
萊衍言十香返魂丹加飛松子殼更妙



茶朮子

邊輿考其樹出遼東塞外高有三尺許葉如南方棟樹背有白黃點花四出形如手碧色或有人出者結子大如拳熟便可食其甘如飴其樹浸水可為油燃灯入藥用子治一切病遼塞無藥土人有病者取茶朮子咬之即愈

榨油

臺灣使槎錄云可佐膏火或云用火炆椰其油自出凡揀椰子以手搖之聽水聲清亮則心大而甜其肉厚水散濁濁則否 澆水燕設錄椰子生安南及海外諸國木如椶櫚大者高百餘尺花白如千葉芙蓉一本花不過三五顆其大如斗至差小外有黃毛軟皮中有壳正類椶櫚殼上有二火牙出穴中壳內

類蘿菔皮味苦肉極甘脆蜜人甚珍之刈間  
崩表錄異柳亮中有液數合如乳亦可飲之  
冷而動氣 廣果錄椰樹高六七丈真疎無  
枝至木末乃有葉如束蒲長二三尺花如千  
葉芙蓉白色終歲不絕葉間生實如瓠繫房  
上連累一房二十七八寔或三十寔大者如  
斗有皮厚苞之曰椰衣皮中有核甚堅與膚  
肉皆緊着皮厚可半寸白如雪味脆而甘膚

中空虛又有清漿升許味美于蜜微有酒氣  
曰椰酒蘓軾詩美酒生林不待儀言椰中有  
自然之酒不待儀狄而作也 廣東名勝志  
文昌縣王陽山椰子最多大三四圍高二三  
丈通身無枝至百餘年終有葉三月花連着  
實房上三十或二十七八子至六月熟七月  
收

瘵齒疾凍瘡 粵志 祛暑氣 草夷花 治消渴塗髭髮



本草綱目卷之九  
立黑 温水 燕 設 錄

椰中酒 食物考緬甸有樹頭酒即椰子中  
漿汁也能華夷花木考載林邑王與南越王  
有怨遣刺客弒其首梟之樹上化為椰子樹  
當刺時王方大醉故椰漿如酒飲之醉人  
祛風消水腫止吐血塗頭黑髮然多食昏人  
動氣增渴性温故也以服可烏鬚

椰膏 粵載椰子壳土人取以熬膏色黑如

漆塗癬良

椰皮 煮汁止血療吐逆

椰肉 益氣生風 温水 設 錄

楊梅下疳筋骨疼痛 不藥良方椰子壳燒  
存性臨燒以滾酒泡服二三錢暖卧取汗其  
痛即止

宜母果

嶺南雜記似橘而酸又名宜濛子 元吳棻  
有宜濛熟水歌

粵語宜母子似橙而小二三月熟黃色味極  
酸孕婦肝虛嗜之故曰宜母元時於廣州荔  
支灣作御果園栽種里木樹大小八百株以  
作渴水里木即宜母子也一名黎檬子吳棻  
詩廣州園官進渴水大風夏熱宜檬子百花

醞作甘露漿南園烹成赤龍髓蓋以里木子  
榨水煎糖也蒙古以為舍里別即渴水也一  
名藥果當熟時人家競買以多藏而徑歲久  
為尚汁可伏醋染大紅以其汁調乃上藥  
性考黎檬子大如梅形似橘孕婦宜食能辟  
暑即宜濛子孕婦食之能安胎故又名宜母  
醃食下氣和胃懷妊不安食之良製為漿辟  
酷暑又能解渴

宜母子以鹽醃歲久色黑可治傷寒疫火  
諸



天師栗

一名婆羅子治胃痛最驗綱目於主治下失  
載通雅婆羅外國之交讓木也葉似柘皮如  
玉蘭色葱白最潔鳥不棲蟲不生子能下氣  
益志卻方物記生峨眉山中類枇杷數葩合  
房春開葉在表花在中或言根不可從 吳  
船錄木葉如海梧桐又似楊梅花紅白色春  
夏間開長安客話卧佛寺內婆羅樹二株子

如椽栗可療心疾 宸垣識畧娑羅花苞大  
如拳葉似枇杷凡二十餘葉相杳捧苞類桐  
花一簇三十餘朵經月方謝 留青日札娑  
羅樹出西蕃海中予在潯州時官圃一株甚  
巨每枝生葉七片有花穗甚長而黃如栗花  
秋後結實如栗可食正所謂七葉樹也  
藥性考娑羅子一枝七葉九葉苞如人面花  
似牡丹香白

肉味苦微涼寬中下氣治胃脘肝膈膨脹疝  
積瘡痢吐血勞傷平胃通絡用陰陽瓦灸灰  
或酒煨食俱效單用不入他葯或稱天師栗  
非也

葛祖遺方味甘溫無毒治心胃寒痛虫痛性  
溫殺虫

胃痛 百草鏡用莎婆子即娑羅子也以一  
枚去壳持碎煎服能令虫從大便出三服除

根

九種心痛

楊春涯驗方娑羅子即武吉燒

灰沖酒服

### 化州橘紅

嶺南雜記化州仙橘相傳仙人羅辨種橘於石龍之腹至今猶存惟此一株在蘓澤堂者為最清風樓次之紅樹又次之其寔非橘皮厚肉酸不中食其皮釐為五片七片不可成双每片真者可值一金每年所結循例具文報明上臺屆期督撫差親隨跟同採摘批製官斯土者亦不多得彼土人云凡近州始聞



譙樓更鼓者其皮亦佳故化皮膚者多真者甚難得 閩涵嶺南隨筆化州署橘樹一月生一子以其皮入葯疫立解後為風折即其地補種氣味便殊今稱化州橘紅者皆以增城香柚皮偽代之能化物而不能自化 粵語化州有橘一株在署中月生一子以其皮為橘紅滄湯飲之痰立消曩亦進御今為大風所拔新種一株味不及化州故多橘紅

售干嶺內而產署中者獨異 本草乘雅云橘抽專精者實上復專精者皮上布細窠宛如人膚即脈絡肉理筋膜子核各有屬焉故力能轉入為升轉升為出即轉合為開也種上形證悉從入按合故胸中痰熱水穀失宣神明不通氣逆及氣臭耳下氣者出已而降玉衡机轉之妙用也 識藥辨微云化橘紅近日廣中來者皆單片或束作象眼塊或三

十五十片兩頭以紅繩繫之或一杷外皮淡  
紅色內腹皮白色周身亦有猪鬃皮此種皆  
柚皮亦能消痰又有一種為世所重每個五  
片如瓜中用化州印名五爪橘紅亦柚皮所  
製較掌片為佳究之真者遠甚也真化州橘  
紅煎之作甜香取其汁一點入痰盂內痰皆  
變為水此為上品 梁氏家藏蘓澤堂化州  
橘紅每一個七破反摺作七歧晒乾氣甚香

烈有橘紅歌云石龍靈異不可測首向青霄  
尾潛澤有時般吼洪如鵝有時噴沙白似雪  
鳴或宰相應期生鳴或科甲蟬聯翼由來州  
牧履其常惟恐怪奇駭愚俗亭碑鼓吹鎮其  
頭重鑄累古填其穴天生靈異無可憑離奇  
屈曲化為橘上之為性溫且平能愈傷寒兼  
積食消痰止咳功更奇誰先辨此真龍脉價  
值黃金不易求寄語人間休浪擲

治疫症如神消油膩穀食積醒酒寬中氣虛者忌服解蟹毒慈惠編食蟹中毒橘紅煎湯服

辰砂五香丸 治番胃噎膈嘔吐張氏秘效

方用血竭乳香沒葯辰砂各一錢五分元胡

一錢化州橘紅一錢共為末每三分酒服

羊癩瘋 方良集要雄黃天竺黃川貝母各

五錢真琥珀一錢射香一錢陳胆星一兩以

上各另研全蝎十四個去足酒洗遠志肉甘

草汁製釣藤防風化州橘紅姜衣羌活茯苓

天麻石菖蒲各五錢以上不可見火晒乾蟬

退三十個白附子六錢共為末煉蜜為丸如

龍眼大每服一九開水下

按百草鏡廣東高州府化州出陳皮去白者

名橘紅今亦罕傳土人以柚皮代之出售外

方價亦不貴辨之法須先看皮色筋味如皮

皺粗色黃而厚肉多白膜味反甜帶辛者乃



乳柑皮也。只堪點茶，不堪入藥。皮極厚而泡，鬆紋極粗而色黃，內多膜無筋，味甜多辛。少者乃柚子皮也。性忌冷服，紋細色紅潤而皮薄，多有筋，味苦辛，入口芳香者乃真化州橘紅也。入藥以此種為貴。然其性峻削，能伐生氣，消痰，難捷，破氣，損人，不宜輕用。近日有一種產仁和塘棲鎮，蜜橘皮所製曰甜橘紅，清香入肺，醒脾消痰之功，不下化產，而性不

峻削，名為香金板。南人體弱者宜之。本草乘雅：武林棲水出蜜橘，凡數十品，名金錢穿心者，雖秀色可觀，又不如佛肚，瘳形小皮，癩甘美可口。霜降採取，氣足味足，蜜藏至春，剖皮抽脉，破囊吮汁，亦可振醒精神，為得句破疑之助。

橘瓢上熟。金御乘云：橘絲專能宣通經絡，滯氣，予屢用以治衛氣逆於脉之脉脹，甚有

效綱目橘瓠上筋膜只引大明治口渴吐酒  
而沒其專功何耶因仍其說以補之  
通經絡滯氣脉張驅皮裏膜外積痰活血  
糖橘紅 仁和塘棲鎮者佳以皮去白切小  
塊用糖霜製

味甘辛性溫理氣快膈治嗽消痰 食物宜忌

橘餅 閩中漳泉者佳名麦芽橘餅圓徑四  
五寸乃選大福橘蜜糖釀製而成乾之面上

有白霜故名肉厚味重為天下第一浙製者  
乃衢橘所作圓經不及三寸且皮色黯黑而  
肉薄味亦苦劣出塘棲者為蜜橘餅味差勝  
然亦不及閩中者又興化出金錢橘餅乃取  
金橘製成小如錢明如琥珀消食下氣開膈  
捷於砂仁豆蔻又可醒酒醉後點茶尤為妙  
供

味甘性溫下氣寬中消痰運食 食物宜忌 黃疸瘰

脹除腸止消 經驗廣集

治諸色痢 行篋秘方橘餅一兩圓眼肉五錢冰糖五錢水二碗煎一碗露一宿溫服不露亦可至重者不過二三服無不神驗

治瀉梁氏集驗夏月吃瓜果太多以致泄瀉不体用漳州好橘餅二枚細切薄片作二次放茶鍾內冲服 橘餅湯經驗廣集治傷食生冷瓜果泄瀉不休橘餅一個切薄片放碗

內以沸湯潑蓋住泡汁出即飲湯連餅食一餅可作數次服 百菓酒香椽佛手各二個核莢肉圓眼肉蓮肉橘餅各半斤柏子仁四兩松子三兩紅棗二十兩黑糖三斤乾火酒五十斤浸此酒補虛益腎乃河中李太守秘方

為製柑橘餅 北硯食規用元明粉半夏青藍百葯草天花粉白茯苓各五錢訶子甘草



烏梅去核各二錢礪砂桔梗各三錢以上俱  
用雪水煎半乾去渣澄清取湯煮柑橘炭塹  
微火烘日翻二次每次輕上細捻使葯味盡  
入皮內如捻破則不妙  
能清火化痰寬中降氣

青葙陳皮 百草鏡製青葙陳皮即蘓州宗  
公祠遺法也陳皮二斤河水浸一日竹刀輕  
刮去浮白貯竹筐內沸湯淋三四次用冷河

水洗淨不苦為度晒至半乾可得淨皮一斤  
初次用甘草烏梅肉各四兩煎濃汁拌晒夜  
露俟酥捻碎如豆大再用川貝母去心四兩  
青葙三兩研為細末拌勻晒露乾收貯  
消痰降氣生津開鬱連脾調胃解毒安神  
橘苓 橘樹上生如本草東皮紅色  
治乳癰煎酒服

荳寇檳榔

此即綱目檳榔註內所云藥子是也形如鷄心一頭尖一頭圓僅如小指大外有殼包之殼白色如荳寇形尖如橄欖長不及半寸為肆每于荳寇中檢出每荳寇一斤不過數粒價亦倍廣南檳榔亦無有專售之者或云此種始為鷄心檳榔廣所市者皆山檳榔及大腹子而已時珍循竺氏說以山檳榔為藥子

恐悞

治反胃壹榻餘功與廣棋柳圓

按百草鏡棋柳今為肆所市者形扁而圓大乃大腹子俗名雌棋柳廣東文昌縣出者名文昌子尖小者名主賜棋柳又名吃子其形長尖狀如雞心內有錦紋又名鷄心棋柳即雌棋柳也另有一種雞心棋柳來自洋船裝白荳寇內揀出極罕有形亦長尖極小外有

殼儼如核棗故又呼棗核棋柳入為最勝

耳聾灸法 經驗廣集用鷄心棋柳一個將臍內控控一窩如錢眼大實以射香生于患耳內以艾炷灸之不過三四次即効

小兒疳積 胡開甫方史君子五個生五個熟荳寇內棋柳用姜湯磨汁空心蘸史君子肉食一二次即愈

耳內出膿

荳寇棋柳為末吹入立愈

救生  
普海



口瘡 苴寇內栝柳煨存性加輕粉敷之東廣  
錄

瑣上葡萄

出土魯番北京貨之形如胡椒係葡萄之別  
種也回疆志葡萄一根數木藤蔓牽長花極  
細而黃白色其實有紫白青黑數種形有圓  
長大小味有酸甜不同一種色綠而無核較  
黃豆微大味甘美一種色紫而小如胡椒即  
瑣上葡萄一種色黑形長寸許一種色白而  
大皆七八月熟晾乾可致遠

本經蓬原云瑣上葡萄似葡萄而瑣細故名  
生於漢北南方樹亦有之其幹類木而係藤  
本其子生青熟赤乾則紫黑能攝精氣歸宿  
腎藏與五味子功用不甚相遠凡藤蔓之類  
皆屬於筋草木之實皆達于藏不獨此味為  
然此物向供食品不入湯葯故本草不載近  
時北人以之強腎南人以之稀痘各有攸宜  
黎魏曾仁恕堂筆記瑣上葡萄于文定引西

京羽獵賦謂瑣上當為娑馭固屬附會而以  
為別有一種亦非河西葡萄雖引根牽蔓不  
異中土而結寔大長如馬乳色深紫味甘殊  
甘一枝千百顆大者在上細者下垂取而乾  
之大者為白葡萄細者名瑣上非兩種也故  
俗呼為公領孫惟綠葡萄則來自西域非中  
土所有

強骨瑣上葡萄人參各一錢大酒浸一宿侵

晨塗手心摩擦腰脊能助腎力強壯若卧時  
磨擦腰脊力助陽事堅強尤為得力 稀痘  
瑣上葡萄一歲一錢神黃豆一歲一粒杵為  
細末一陽夜蜜水調服并擦心窩腰眼能助  
腎祛邪以北地方物專助東南坐氣之不足  
也然惟稟質素弱者用之有益若氣壯偏陽  
者勿服恐其助長淫火之毒也

味甘核細微鹹 痘學真傳云味甘酸性平

温 百草鏡云性熱入脾胃二經作酒殊佳  
治筋骨温痛利水甚捷除過身浮腫痘瘡不  
出酒研和飲神効

按紫桃軒雜綴瑣上葡萄神農九草之一中  
土久有不俟博望從西域帶來也吾里東塔  
朱買臣墓有之戊子余曾歷平湖幕署有一  
枝蔓延滿架夏開瑣上花結實如棗豆望不  
可見吾杭螺蛳山汪姓家亦有此然食之味



薄不若甘肅者味厚也入藥自宜以西北者為優 五雜俎西域白蒲朮生者不可見其乾者味殊奇甘有兔眼蒲朮無核又有瑣瑤蒲朮形如茱萸小兒食之能解豆毒于文定筆塵云瑣瑤即馭婆之訛

### 南棗

出金華東陽縣茶場以透明如血七枚長一尺者佳陳入為 宦遊筆記金華東陽縣茶場出棗其大如拳核尖細如棗決之即脫清甘香脆以此名聞天下明中葉尚存數柯今此種已絕矣惟東南諸鄉於高阜地種之雖不及茶場亦美甲於他處集製法不一未熟輒擊以湯沃之使變色謂之湯紅乾則其色

紫已熟者名樹頭紅乾則其色丹過熟者以  
所煮餘汁煮之色味似蔗糖謂之糖棗此則  
以時食為美不作乾也又有一種棟差小而  
圓味殊勝棗三物理小識南棗出蘭溪搖而  
知之其肉離核

味甘微酸性溫補赤入心酸飲肝

博記單方眼疾中有一種名紅線鎖目乳治  
法取南棗核二十一粒將核截兩斷去仁淨

以銅綠塞孔中仍將棗核合上以紙粘封一  
起放爐中燒紅取出以碗蓋存性每日只用  
七個研極細末調生男乳水抹三日立效  
腸紅下血南棗五枚同黃芪二錢煎湯五更  
服神効又方不葯良方南棗十枚槐米一  
兩同煎去米食棗日三次即愈痔瘡救生  
苦海南棗一枚去核盤頭骨一個持碎銅青  
裝滿棗內紫紫火煨烟盡伏土存性研細用

秋海棠煎洗然後用葯和水粦之三日消  
除壁虫集聽大南枣去核入水銀火煨薰  
走馬牙疳不葯良方陳年南枣核燒灰研末  
搽之 枣參丸醒園錄用大南枣十枚蒸軟  
去皮核配人參一錢布包臧飯鍋內蒸爛搗  
勻為丸如彈子大收貯用之補氣最捷 仙  
菓不飢方醒園錄大南枣一斤好柿餅十塊  
芝麻半斤去皮炒糯米粉半斤炒將芝麻研

成細末枣柿同入飯中蒸熟取出去皮核子  
蒂搗極爛和麻米二粉再搗勻為丸晒乾收  
貯加參更妙 本經逢原云古方中用大枣  
皆是紅枣取生能散表也入補脾葯宜用南  
枣取甘能益精津也其黑枣助溫中大損齒  
生虫入葯非宜

山枣 出廣西肇慶府葉如梅果似荔枝九  
月熟可食 柳貫打枣譜山枣狀如枣而圓



色青色黃出廣草而味甘酸

甘溫無毒生和脾胃益血壯神

藏枣 朱排山柑園小識藏枣來自西藏寔

產于天竺大者長二寸許形味絕似南枣能

補氣功同人參藏中亦不易得其核似蚕蛹

形而無仁

補虛勞足神志治怯如神

### 落花生

油 核壳油

一名長生果福清縣志出外國昔年無之蔓

生園中花謝時其中心有絲垂入地結實故

名一房可二三粒炒食味甚香美康熙初年

僧應元往扶桑覓種寄回亦可壓油今閩省

產者出與化為第一黃土味甜而粒滿出

臺灣名白土味澁而粒細其油煎之不熟食

之令人瀉一名士臣 彙書近時有一種名

落花生者莖葉俱類豈其花亦似莖花而色黃枝上不結實其花落地即結寔于泥土中亦奇物也寔亦似豆荚而稍堅硬炒熟食之作松子之味此種皆自閩中來 物理小識  
香豆名落花生土露子二三月種之一畦不過數子行枝如薤菜虎耳藤橫枝取土壓之藤上開花絲落土成實冬後掘土取之壳有紋豆黃白色炒熟甘香似松子味又物理小

識云蕃豆花透空入土結豆當通潤藏

廂陽雜俎又有一種形如香芋蔓生藝者架小棚使蔓之花開亦落土結子如香芋亦名落花生 花鏡落花生一名香芋引藤蔓而生葉極開小白花花落子地根即生寔連絲牽引土中繫上不斷冬盡掘取煮食香甜可口南浙多產之 萬歷仙居縣志落花生原出福建近得其種之 嶺南隨筆花與葉不

相見為挨錦花莢與蒂不相見為落花參種  
法以沙壅橫枝則蔓生花不生莢別在根莖  
間亦稱落花生 逢原云長生菜產閩地花  
落土中即生從古無此近始有之味甘氣香  
能健脾胃飲食難消運者宜之或云與黃成  
相及子曾二者並食未蒙其害因表出之花  
生壳韓柳生云焙研極細末著入身体沾肉  
即生奇癢 敏按劉啓堂經驗秘方長生果

一名落花生又名落地生不可與黃熟瓜全  
吃上則立死黃熟瓜即香瓜非長而白色可  
以醃吃之黃瓜也始之俗傳之誤兩菘翁食  
物便覽香芋一名落花生久服多男 多食  
治翻胃然其性能動火生痰常只宜少食從  
新云辛甘而香潤肺補脾和平可貴食物宜  
忌云性平味甘舒脾廣志云煖胃葯性考云  
生研用下痰炒熟用開胃醒脾消腸乾嗽者



宜餐滋燥潤火備要云

按落花生乃花謝落土感土氣而成實故有入脾和胃之功又能通肺氣曾見興化今王翁一子酷嗜此物後患軟癱豈非動火生痰之明驗歟近見人以花生入糖湯煮浸醬油入素供更為生痰老人尤不宜多食

俞友梁有烏鬚簡便方止用落花生淨肉炒極焦黑研極細燃鬚一二日後色黑如漆

四日二頭瘡安定臣云昔曾患此諸方莫療有人教服炒熱花生每日食一二兩不半月而愈

玉神庵尼清慧言花生人言服之生痰有一大家婦咳嗽痰多醫束手不治菴尼雲上勸服花生每日食二三兩漸覺稀少不半年服花生二十餘斤咳嗽與痰喘皆除想亦從治之法也童鹿奔言花生本有滌痰之功予家

凡患咳嗽止用生花生去壳膜取淨肉冲湯服瘦嗽自安豈非化痰之功善于瓜萎貝母世俗以大炒食反能生痰又凡被馬踢傷者忌服花生服之瘡愈增痛

花生油 一名果油色白甘平氣腥滑腸下積膈膩生痰

核菴油 好者補更若壞核菴榨取者有毒味劣不宜食

阿月渾子

與榛子同類性更溫良能止痢煖腎開胃除腸穢積得木香山莫能興陽

胖大海

出安南天洞山產至陰之地其性純陰故能  
治六經之火土人名曰安南子又名大洞菓  
形似乾青菓皮色黑黃起皺紋以水泡之脹  
七脹大如浮藻然中有軟壳核老內有仁二  
瓣味甘淡治火閉痘服之立起并治一切  
熱症勞傷吐血下血消毒去暑時行赤眼風  
火牙疼虫積下食痔瘡漏管乾咳無痰骨蒸



内热三焦火症諸瘡皆効功難盡述

無漏果

此即海棧乃鳳尾蕉之子或稱為枣實非枣也  
以刀剝去青皮石灰湯淪之蜜浸瓶封可  
久藏寄遠不壞

味甘美性溫消食寬中除痰止咳血益氣潤  
顏久食令人肥美

藕粉 節粉

冬日掘取老藕搗汁澄粉乾之以刀削片潔  
白如鶴羽入食品先以冷水少許和勻調次  
以滾水沖入即凝結如膠色如紅玉可愛加  
白糖霜摻食大能助營衛生津細目藕下止  
載澄粉作食輕身延年而不知其功用更專  
益血止血也凡一切症皆不忌可服養餘月  
今有澄藕粉法取粗藕不限多少洗淨截斷

浸三日夜每日換水看種淨澆出搗如泥以布絞淨汁又將藕渣搗細又絞汁盡却輕濾去渾脚以清水少和攪之然後澄去清水下即好粉晒乾收貯和糯粉白糖蒸食之或以白糖開水沖服俱可菱粉芡粉俱用此法味甘氣芬芳性平調中開胃補髓益血通氣分清表熱常食安神生智慧解暑生津消食止渴

節粉 出淮安寶應一帶多有之乃藕節搗澄取粉晒乾其價較藕粉數倍

味甘微帶苦性平開膈補腰腎和血脈散一切瘀血生一切新血產後及吐血者食之尤佳 宦遊筆記淮以南皆澤國居人蔣藕暇則濾為粉淘汰即淨去其渣滓存其甘液風吹日曝漸成碎珠以湯沃而食之純任天然別有風味亦野物之可尚者矣尤著多者曰



片粉澤藕之極佳者淘晒入工十倍尋常及其既成則如白雲片片纖鹿不染味亦絕勝非大有力者不能製也

八仙藕粉 經驗廣集此粉滋胃保元治一切虛勞瘵症白花藕粉白茯苓白扁豆炒蓮肉川貝母山葯白蜜各等分入乳另入滾水沖不拘時食

人紅丸 濟世養生集治童子勞怯神驗

之極用人龍二十一條

即蛇虫童便洗淨  
及焙勿令黑研末

不破

皮紅棗三十個

飯土蒸熟  
去皮核

蘿蔔子一錢半炒研

大熟地半兩煮爛拌膏真藕粉兩半研真川

連六分酒拌炒研末右將紅棗肉熟地膏和

諸葯末搗勻為丸如桐子大每早以白滾湯

送下七粒逐日加增二粒至二十一粒止以

後不必再加服一料全愈予屢試皆效切勿

泛視

菱粉 蒂壳

菱有多種老則皆可為粉造粉之法與造藕粉同食菱粉而腹脹者用姜湯或酒解之補脾胃強腳膝健力益氣耐飢行水去暑解毒

菱 湖州府志菱本兩角者有果菱差小有湖跌菱色紅而大有青菱色青角曲而利四角者野菱最小者角極鈍有泰州菱實豐而

美近又有無角者名餽餽菱德清有鷄腿菱  
文武菱

張氏秘驗方治脫肛先將麻油潤濕腸上自  
去浮衣再將風菱壳水淨之即刻縮上不脫  
矣

又疣子俗名飯饍用鮮水菱蒂搽一二次即  
自落

無名腫毒 販翁醫要老菱壳燒灰香油調

敷即愈并治天泡瘡 指生天蛇醫宗彙編  
以風菱角灯火上燒灰存性研末香油調敷  
未潰者即散已潰者止痛立愈



芡粉

嘉泰會稽志芡一名雞頭山陰梅市產之最  
盛有數等小白皮最佳大白皮中白皮其皮  
甚堅難蠶黃嫩者太軟皆不逮也造粉與藕  
菱同法

益精氣強智力靈耳目固精添髓

養餘月令

九龍丹 販翁醫要治腎水不足邪火淫動  
遺精淋濁等症枸杞子酒蒸金櫻子焙山查

肉炒石蓮肉炒蓮鬚焙熟地搗膏艾粉炒白  
茯苓當歸等分共為末煉蜜丸如桐子大每  
服三錢空心白湯送下

中華民國五年三月六日



本草綱目拾遺卷八



錢塘趙學敏恕軒氏輯

果部下

諸荔

陳定九荔枝譜有奇荔能治病經兵燹後亦  
僅有存者今錄之於左以備用 粵語南方  
離火之所出荔枝得離火多故一名離枝亦  
曰麗枝麗離也又從兩日天地之數水一而

諸荔

果部



火二故麗從兩日日為五行之華月為六氣之精日麗乎支猶之乎日出于扶桑也麗枝乃震木之火者震木以扶桑為宗子而麗支其支子故曰麗支日出于離上盡午中故麗支以夏至熟離為坤之中其色黃故曰黃離麗支之核外赤內黃則黃離之美也坤之中其味甘故曰甘節麗支之內少酸多甘則甘節之吉也荔支以臘而萼以春而華夏至而

翕然子赤生於木而成于火也皮紅肉白而核復純丹火包其外復孕其中也肉白為金金為內外火所煉故味酸和而甘其液乃金水之精甘又屬土備五行之粹美而以火為王者也粵以火德王凡花多朱色皆火花寔多朱寔皆火寔太陽烈氣之所結火寔之屬凡百種而荔支為長火為母荔支則火之長子也荔支多食未嘗傷人飲蜜一杯即解或

以青葙調白火酒飲或飲荔支過酒醉則以  
荔支殼浸水飲之又荔支多露有過食者味  
爽就樹間先吸其露次嚙其香使氤氳若醉  
五內清涼則可以消肺氣滋真陰却老還童  
荔支歲初而蕾二月而花發上時多電則  
花落寔小多雨則花腐少雨則花液相膠而  
不寔估計者視其花以知其寔多少而判之  
藏荔支法就樹摘完好者留蒂寸許臘封乃

剪去蒂以臘封剪口以蜜水滿浸經數月味  
色不變

保和支 產泉郡北陳岩山蓮花峯寔大色  
黃可消胸膈煩悶調逆氣導營衛具核燒灰  
酒下可已痢止腹痛

回春果 產漳郡康仙祠葉大如掌色翠與  
衆荔殊其寔味苦澀酸辣不可口采以浸酒  
能已風去癩治癩如神葉亦然以上閩產

紫玉環 產四川瀘州晒乾咬一枚可除瘡  
癘即早行大霧中嵐氣不得侵也 以上川產  
玉露霜 產廣東新會崖門山白殼丹肉不  
摘經冬不落其味甘酸咬之止咳降肺火療  
怯症  
妃子笑 產佛山色如琥珀大如鶯卵核小  
如豆漿滑如乳咬之能除口氣使齒牙經宿  
猶香

牟尼光 產潮州大浦山中味如乳飲之功  
同參苓 以上廣東

墨荔 產廣西平樂萬山中皮肉俱黑如墨  
味臭而苦辣不可咬或曰出賀縣山中或曰  
荔浦修仁二邑山中多有之味臭有大毒誤  
食之必心腐腸爛而死

按荔支名品最多有綠皮者有綠核者有黃  
皮者白皮者三月四月七月熟者然其性大



約相同惟此數品治療各異故類及之

穀 痘出無漿心不爽快以荔支壳煎湯飲

不棄良方王聖愈云荔壳能理血透發分標

凡一切疹瘡不能透達痘出模糊一片者非

此不能解

表成漿 血崩 同壽錄用荔支壳燒灰存性研末好

酒空心調服每服二錢輕者一服即止至重

者三服愈

### 龍眼核壳

網目龍眼條主治多言其肉至其核之功用

最廣止載其能治胡臭他皆未之及又不及

其壳今悉採他本補之

治刀傷出血 殷仁趾傳方以龍眼核炒搗

磨細敷之 一切瘡疥高只元傳世方用龍

眼核殼存性麻油調敷即愈 醋磨塗癬

腦漏黃氏醫抄用廣東元眼核入銅爐內燒

烟起將筒薰入患鼻孔內數次即愈 集聽  
方患癬用龍眼核去外黑壳用內核米醋磨  
搽 小腸疝氣不棄良方荔枝核龍眼核各  
七枚俱燒灰大茴二粒炒共為末好酒調下  
外用生姜搗爛敷腎即消 經驗廣集治疝  
氣偏墜小腸氣痛神效荔枝核炒龍眼核炒  
小茴香炒各等分為細末空心服一錢以升  
麻一錢水酒煮送下 為鏡足指痒爛用桂

元核燒灰搽之立効 小便不通用龍眼核  
去外黑壳打碎水煎服如通後欲脫者以園  
肉湯飲之

念珠丸 張氏必効方治陰疝偏腫囊中疼  
痛難忍乳香去油淨二錢元眼核三錢黃蠟  
二兩和藥末成丸彈子大分為一百零八丸  
蛤粉為衣用線穿起露一宿收貯遇症每服  
三丸乳香湯下

無名腫毒 黃氏醫抄桂元核以調塗俱効  
能止折傷出血療金創滅斑

治癬 祝氏効方元眼核二個去外黑皮槌  
碎雄黃硫黃陀僧枯凡川椒末各三分共為  
細末以生姜蘸擦患處即愈

滅斑生髮 張觀齋云桂元核仁凡人家有  
小子女者不可不備遇面上或磕傷及金刃  
傷以此敷之定疼止血生肌愈後無斑若傷

鬢髮際愈後更能生髮不比他藥愈後不長  
髮也

烟筒傷喉 萬近蓬云凡烟管誤戳傷喉出  
血不止者用桂元核去外黑皮惟取内核仁  
焙持為極細末看喉中傷處用筆管安末吹  
之即定疼止血而愈累試果驗  
刀斧傷 黃販翁醫抄桂元核不拘多少用  
火燒枯存性研末摻患處即愈



按陳杰回生集大興李振祖西平云龍眼核末敷金又傷昔在西秦及巴里坤軍營救愈多人查本草綱目及別集本草俱未紀載可知世間有用之材自古迄今湮沒者不可勝計矣

壳乃龍眼外裹肉之殼本黧黃色闔人恐其易炷輒用姜黃末拌之令黃且易悅目也廣中桂元多不用姜黃拌故今廣元猶存本

色入藥用殼須洗去外色黃者

敷湯泡傷行篋檢秘用元眼壳假存性為末桐油調塗患處即止痛愈後又無斑痕真良方也泉州府志龍眼最小者呼鬼眼龍眼是其中者今不復識別

蜜望

粵志其子五月色黃味甜酸醜洋者兼金購  
之有天桃與相類六七月熟大如木瓜味甜  
酢以羹魚尤善凡渡海者食之不嘔浪 肇  
慶志蜜望子一名莽果樹高數丈花開極繁  
蜜蜂望之而喜故名交廣錄蜜望二月開花  
五月子熟色黃一名望果其類有天苑正月  
開花六七月子熟年歲荒則結寔愈多粵語

云米價高食天飛故廣人貴望果而賤天桃  
貴之故望之蜂望其花人望其果也  
止船暈

按船暈北人謂之苦船苦音庫此症多嘔吐  
不食登岸則已胃弱人多有之蜜望果甘酸  
能益胃氣故能止嘔暈

### 芋薺粉

童北硯食規出江西處南土人如造藕粉法  
製成貨于遠方作食品一名烏芋粉又名黑  
三稜粉 甘寒無毒毀銅銷堅除腹中痞積  
丹石蠱毒清心開腎去肺胃經濕熱通飲傷  
風失散瘡毒乾紫可以起發北硯食規



野苧薺

生山中春有苗三葉似韭而細葉上有光其  
根如豆大年久則愈大入葯用根一名山苧  
薺 磨粉水中瀝過曬乾點眼去翳障如  
神 取粉忌鉄器

按山苧薺甚燥其生必于高原乾土尤最易  
蕃衍有人移植園圃一經汗濕根即朽爛然  
其生不易長百年絕如錢大耳昔容東甌聞

馬氏點眼藥粉為天下第一見其脩製乃用此磨粉合海鯨目珠粉加入藥中著效異常云其性能去面黝斑痣消痞去目星芎肉較產池澤者尤峻利也

磨光散 種福堂方點眼神藥用野苧薺粉洗淨去皮石臼中搗爛密絹絞汁如做藕粉法再用清井水飛晒乾蘆甘石用黃連黃柏黃芩甘菊薄荷煎水煨再用童便煨一次將

藥水飛晒乾珍珠入豆腐內煮過研細水飛每苧薺乾粉一兩配製過甘石五錢珠末三錢各將磁瓶收貯臨用漸々配和加水片少許點之

明目去翳秘方 種福堂方錦紋大黃一兩北細辛四兩將二味用上高泉水一百二十兩將藥入砂鍋煎至二十兩以細絹濾去渣用大銀碗一個盛藥碗下以磚三塊放定碗

底下將灯蓋注麻油用灯草七根燃灯薰碗底內煎藥成膏滴水成珠每膏一兩用野苧穽粉五錢多些亦不妨冰片三分和勻作錠如多年厚翳每兩加水飛過蟬退末五分須要去頭足洗沙水洗晒乾為末水飛三次用又方野苧穽粉猪棧各等分搗和用雞子壳半個放葯在內臨卧合印堂上俟水流入目中翳隨淚出二十日即愈并治田螺頭眼

櫻桃核 山櫻桃

今人常用以洗疹瘡服之亦發透瘡痘以其得春氣早而性熱善達表也綱目不載豈以發風熱故耶逢原云櫻桃核今人用以升發麻班力能助火大非所宜春夏時尤忌入葯用山櫻桃核佳

發麻疹瘡痘滅班痕凍瘕

出痘喉啞 王永光方用甜櫻桃核二十枚



砂鍋焙黃色煎湯服

眼皮生瘤 醫學指南用櫻桃核磨水搽之  
其瘤漸自消

山櫻桃 有毛與嬰桃別是一種  
辛平味劣止瀉腸癖除熱調中

### 栗殼

綱目載其治反胃消渴瀉血此外無他不知  
其能解參之力勝于萊菔故急錄之  
楊春崖驗方解人參栗子殼煎湯服之良

刺菱 沙角

乃小菱也生杭西湖裏六橋一帶多有之以其四角尖如針芒刺手故名春盡時兒童採取入市貨賣菱生水 中根苗與大菱不殊其葉下有氣管故其性通肝腎凡一切病多忌生冷惟此菱不忌最能開胃生津其菱大者如蚕豆小者如黃豆味絕鮮美雖至秋老亦不甚大蓋地土使然誠水仙佳種也

陳湜花鏡一種最小而四角有刺者曰刺菱  
野生非人所植花紫色人曝其寔為菱米可  
以點茶

味甘鮮性平無毒生食補脾健胃止渴生津  
平肝氣通腎水益血消食老者煮食健脾止  
洩痢

根 利水通淋

沙角 乃菱中一種小者止兩角臨平湖一

帶多產之出嘉興者名餽餽青以其似餽餽  
也較他菱體小味甘沙角較餽餽菱尤小色  
紅味甘異常

味甘平大補脾土不滯氣 餽餽青性寒生

熱解積暑煩熱生津煮食健脾和胃益氣

花鏡云遲熟而甘肥者名餽餽菱藥性考餽  
餽沙角生熟俱淨老則甘香補中益氣生者

解酒能壓丹石



烏攬仁

閩廣東今果肆皆有市者皮黃黑色肉白有  
又層疊如海蝶蛸狀酒筵中以為巨遵食品  
綱目集解下云烏攬青黑肉爛而甘取肉搥  
碎放乾自有霜如白益謂之攬醬其子仁肥  
大名攬仁而主治所載悉言白攬即今常食  
之青菓又所載攬仁可治吻燥者亦指青果  
核中仁而言非指烏攬仁也今采嶺南果錄

中補其遺按粵志木語橄欖有青黑烏二種  
閩人以白者名青果粵中止名白欖不曰青  
果也白欖利微人少種烏高欖下番禺諸鄉  
皆種之種至二年其秧長八九尺必扞之乃  
結寔扞至三年而子小收十年而大收矣其  
樹本高而端直多獨幹至頂乃布枝柯有雌  
有雄上為主雌為客猶婦之婦于夫也子如  
束大長寸許光無稜瓣先生者下向後生者

上向八九月熟梯子繫以長竿或刻其幹東  
寸許約以紅藍則其幹東子落刻其幹西或  
南北寸許亦然古詩所云紛々青子落紅藍  
也烏欖子大肉厚其性溫故味清甘以溫水  
泡軟俟紫脂浮起溢乃可食水冷則生膠  
熱則肌膚反寔故必溫水之和乃醇其性亦  
有婉諫之道烏欖二欖論之白欖雄而烏欖  
雌白屬陽而烏屬陰陽故色白而行氣陰故

色紅而補血惟烏者陰故有仁而可食白者  
陽故仁小而不成此其別也仁味甘淡潤肺  
下氣補血殺諸魚毒

### 刺梨

宦遊筆記刺梨形如棠梨多芒刺不可觸味  
甘而酸瀟漬其汁同蜜煎之可作膏正不減  
于楂梨也花于夏寔於秋花有單瓣重臺之  
別名為送春歸密萼繁英紅紫相間植之園  
林可供玩賞獨黔中有之移于他境則不生  
殆六類優曇花之獨見于南滇耶

食之已悶消積滯

筆記



枇杷核

本經逢原云枇杷其核大寒伐肝脾以之同  
落蘇入麩醬則色青翠同鱗入鍋則至熟不  
赤性寒走肝可知敏按石頑所說以其核能  
駐色不變斷為性寒不知枇杷獨具先天四  
時之氣其性溫平其核能化一切毛羽觀花  
圃人貯雞鶩毛水以灌花者患其難化輒持  
枇杷核數枚投于缸中水不三日則雞鶩毛

皆爛化知其直走厥陰更捷利也  
治肝有餘諸症氣寔者可用  
敏按祝士校游戲方枇杷核煮蛤蜊能脫丁  
則其性又善離蓋枇杷具四時全氣其實能  
令分者合故肺嗽能飲核能令合者離故肝  
寔可疎一合一離正見互為乘除之妙物理  
小識枇杷核能去穢垢故能化疫

### 羊桃

粵語其種来自大洋一曰洋桃高五六丈大  
者數圍花紅色一帶數子七八月間熟色如  
蠟一名三飲子亦曰山飲又稜也俗語誤稜  
為飲也亦以其味酸能飲顏色也有五稜者  
名五飲以糯米水洗則甜名糯羊桃廣人以  
為蔬綱目五飲子即陽桃惟言其主治風熱  
生津止渴他功皆未及今依粵語補之

爾雅長楚鉞也註今羊桃也或曰鬼桃葉似  
桃花白子如小麦亦似桃陸機疏云葉長而  
狹花紫赤色其枝莖弱遇一尺引蔓子草上  
鄭氏曰藤生子赤狀如鼠糞故亦名鼠矢兒  
童食之一名羊腸一名御弋蜀本圖經子細  
如束核苗長弱蔓生不能為樹今呼為細子  
根似牡丹羣芳譜羊桃福州產其花五瓣色  
青黃詩檜風濕有長楚倚籬其枝即指此也

酸甘瀟平無毒久食能辟嵐瘴之毒中蠱者  
持自然汁飲毒即吐出脯之或白蜜漬之持  
至北方不能水土與瘴者皆可治 嶺南雜  
記有食猪肉咽喉腫痛食羊桃即解

為性考羊桃生時極酸不可食熟則帶甘過  
食寒中內熱者宜之多食冷脾胃動洩瀉可  
晒乾歌曰猕猴桃寒酸甘止渴調中下氣解  
煩除熱骨節風痛能壓丹石通淋療痔瘻可



煎

### 倒捻子

綱目都念子一名倒捻子僅言其治疫嗽噦  
氣暖腹穢益肌肉而已時珍曰食之必倒捻  
其蒂故謂之倒捻子訛為都念子也味甚甘  
較粵語都念子朴椒叢生花如芍藥而小春  
時開有紅白二種子如軟肺外紫內赤亦小  
有四葉承之子汁可染若胭脂花可為酒葉  
可麩皮積之得膠以代柿蘇子膳名為海漆

非漆而曰漆以其得乙木之液凝而為血可  
補人之血與漆同功功逾青黏故名以其為  
用甚衆食治皆需故名都念產羅浮者高丈  
許子尤美嶺南酒有以花為釀而雜以諸果  
者花則以栴榔花為最果則以倒捻子為最  
倒捻子又名黏子花於暮春實于盛夏諺曰  
六月六黏子熟上以為酒色紅味甘人與猿  
猴爭食之所在皆然

東坡雜記吾謫居南海以五月出陸至藤州  
自滕至僊野花夾道如芍芍而小紅鮮可愛  
朴椒叢生土人云倒黏子花至僊則已結子  
爛紫可食殊甘美中有細核嚼之瑟瑟有聲  
亦頗苦心兒童食之使大便難野人夏秋下  
痢食葉輒已  
子活血補血研漉為膏餅之又止腸消

甘蔗滓 蔗

綱目甘蔗條瀕湖特補蔗渣言其治小兒白  
禿燒烟入目暗其他未能悉今復廣之

救生苦海収口長肉背疽惡瘡用之屢効収  
甘蔗滓晒燥煨存性研極細以小竹管如瘡  
口大者一個以細夏布札緊於上篩藥填满  
瘡孔內膏葯蓋住自能収口

醫鍵云對口一名鼻疽用甘蔗滓焙燥為末



白色狗屎為末和勻將竹管一個希絹包竹管頭入藥篩膏為上貼之垂死者亦生  
痘疔 經驗單方用甘蔗滓晒乾真香油點  
灯燒成灰以津液調勻銀簪挑破點上立効  
一方加珍珠油脂調塗更効 敏按蔗有  
數種紫皮者名峯崑蔗青皮者乃扶風蔗也  
黃海若云凡痘疹不出及悶痘不發毒盛脹  
滿者此痘屬急症宜青皮甘蔗榨汁與食不

時頻進則痘立起其寒散解毒之功過于粒  
蚘白蛤惜人不知其功用入藥如用滓亦宜  
以青皮蔗滓為上

蔗皮 綱目止載治口疳而不知其皮可入  
香料海外三珠有四葉香餅乃用蔗皮又乾  
者墊臥可鬱熱本草滙有接氣沐龍湯亦用  
其皮故為補其說

臘梨初起 百草鏡紫甘蔗皮煨存性香油

調搽接氣沐龍湯 專治陽衰以痿滑精不  
用內服惟主外治大約患此者或由稟弱或  
由縱慾或憂鬱所致或心腎不交用此最妙  
紫稍花甘草甘遂良姜文蛤母丁香巴戟天  
川烏附子吳茱萸川椒細辛淫羊藿蛇床子  
棟樹子甘松各一兩瑣陽菴蓉官桂羊皮紅  
麋皮滿以山紅罌粟殼水泡去筋各二兩紅  
豆七十粒須擇酒為內所用辣者白頭蚯蚓

七條灸倭鉛八兩切薄片勻七劑每日一劑  
瓦鍋內煎湯先熏後洗以冷為度晚重溫藥  
湯再洗如此七日内禁房事

坐板瘡 甘蔗皮燒存性香油調塗 家室方

竹衣乘 經驗廣集此藥治竹衣乘並無皮  
膚膿血淋漓赤剝楊梅一切胎毒用芦甘石

煨淬入黃連汁三次童便四次一兩黃柏猪  
胆炙七次紫甘蔗皮燒存性孩兒茶赤石脂

各五錢菜豆粉炒七次冰片五分為末先用  
麻油將雞蛋黃煎黑去黃候冷調塗即愈

### 猴圍子

宦遊筆記出臨海深山茅草中土名仙茅果  
秋生冬寔蕉人采食并可磨粉其性溫補然  
城市亦無食之者綱目有粧騷子形與此別  
又臨海出猴總子一名土柿每年九十月間  
生形與红柿同皆非一物臨海異物志猴圍  
子如指頭大味苦可食他處亦無  
性溫煖丹田益五藏健脾增氣力



瓜子殼

傳信方治腸紅不論新久三服全愈用此榆

炒黑一錢白薇一錢五分蒲黃炒黑一錢桑

白皮一錢五分瓜子壳二兩煎湯代水不茹良方

獨用瓜子壳一味煎服名物風下血

吐血 不茹良方瓜子壳一茶鍾煎湯一碗

吃下血即止

# 橙餅

同壽錄有製橙餅法方擇半黃無傷損橙子太青者性硬難酥將小刀花成稜入淨水浸去酸澁水一二次每日須換水待軟取起擠去核再浸一二次取起將簪脚揀入每縫觸碎內瓢然後入鍋用清水漬之勿令焦約有七八分爛取出拌上潔白洋糖酒來熟即拌即日晒之待糖吃進再搵再晒令糖吃足將

乾糖再塞入橙肚內畧壓扁入瓶貯用亦可  
煎湯服

消頑痰降氣和中開胃寬膈健脾解魚蟹毒  
醒酒若氣虛瘰癧者勿服

### 津符子

產緬甸見千金方

味苦平性消主益心血養肺金止渴生津液  
多食口爽失滌味安和五臟久食輕身明目  
治瀉痢不止男婦虛勞咳嗽吐膿血肺癆肺  
痿穀啞欲死者每日咬十枚一月不間斷即  
愈



必思答

產回上國地見忽必烈飲膳正要

味甘無毒治調中順氣淋肺金定喘急久食  
利人三陰瘡百藥不効必思答三枚酒一盞  
煎半飲之即止

難產不下或子死腹中必思答七枚酒煎服  
之即下又治胞衣不下

黃皮果

廣志黃皮果狀如金彈六月熟其漿酸甘似  
葡萄與荔支並進荔支饜飮以黃皮果解之  
諺曰飢食荔支飽食黃皮綱目於果部附諸  
果條下僅引海槎錄云出廣西橫州狀如棟  
子及小束味酸至其功用並未之及烏今依  
廣志補之

消食順氣除暑熱廣志酸平無毒主嘔逆疫水

胸膈滿痛蚘虫上攻心下痛 食物本草  
敏按廣東瑣語載果中有白蠟子與黃皮果  
絕相似而味尤勝諺有云黃皮白蠟甜酸相  
雜想功用亦不甚遠也  
廣東通志黃皮果大如龍眼又名黃彈子皮  
黃白有微毛瓢白如肪有青核數枚甚後澀  
食荔支太多用黃皮果解之

### 甘釵子

狀如已攬子仁附肉有白靨不可食能發人  
病此人呼為海胡菹 味甘氣烈治脾胃虛  
寒食少洩利不止形體羸洩下虛脫百方  
不効用甘釵子七枚連殼煨為末空心酒下  
三服即止再用調理藥



楊搖子

生閩越其子生樹皮中體有脊形甚異長四五寸味甘無毒通百脉強筋骨和中益氣潤肌膚好顏色 花鏡此果長五寸色青無核 臨海異物志揚搖有七脊子生樹皮中其體雖異味則無奇長四五寸色青黃味甘

海梧子

出林邑樹似梧桐色白葉似青桐子如栗肥  
甘可食 南方草木狀占城即林邑產海梧  
子與中國松同但結寔絕大形如小栗三角  
肥甘樽俎間佳果也 味平無毒利大腸小  
腸益智慧開心胸明目 心下怔忡夜多  
惡夢健忘每日空心食海梧子十數枚月餘  
自愈

疝氣囊大如斗海梧子七個燒灰服之愈

木竹子

出廣西皮色形狀如大批杷肉味甘美秋冬  
寔熟味甘性平治吐逆不食閉格閉拒不通  
脾虛下陷肛門墜脫不收清熱涼大腸去積  
血利百脉通調水穢止渴生津解暑消酒利  
耳目治咳嗽上送



檣呂子

桂海虞衡志出廣西大如半升盃數十房攢聚成球每房有縫冬生青至夏紅熟

味甘補脾胃固元氣制伏亢陽扶持衰土壯精神益血寬痞消疲解酒毒止酒後發渴利頭目開心益志

婦人不孕用檣呂子浸好酒內三日日日飲之百日有孕又目生翳障漸又昏暗視物不

明檣苦子浸白蜜內每日連蜜咬一枚一月  
即退

榧子

出九真交趾子如莢寔長寸餘二月開花連  
着子五月熟色黃藍藏食之味酸如梅

性涼平清心潤肺止渴生津制亢極之陽光  
消痰蒸之暑氣又降三焦寔火治鼻中出血  
又牙宣牙齦出血用榧子核連仁燒存性調  
水含咽即止

羅晃子

出廣西夏熟味如栗狀如橄欖其皮七層出  
橫州者皮九層剝至九層方見肉故又名九  
層皮果

思恩府志羅晃子俗名九層皮形類蚕豆可  
茹味如煨栗外有黑壳連肉有皮九層故名  
產于山樹中

味甘性溫治臟腑生虫及小兒食泥土腹痛



癰瘡積硬

養肝胆明目去翳止渴退熱解利風邪消煩  
降火翻胃吐食或食下即吐或朝食暮吐暮  
食朝吐用羅晃子七枚煨存性每日酒調下  
方寸匕服完為度即愈

腹中虺虫上攻心下痛欲死面有白斑用羅  
晃子牽牛子各七枚水煎服虫自下

### 夫編子

南方草木狀出交趾武平山谷中三月開花  
連著子五六月熟入雞魚猪鴨羹中味最美  
亦可益食 味甘性平主寧心志養血脉解  
暑渴利水道生津液止逆氣喘急除煩清熱  
潤肺滋命門益元氣骨蒸勞熱四肢瘦削如  
枯柴用夫編子同白鴨爛煮不用鹽醬日日  
啖之契鴨三頭見効

白綠子

出交趾樹高丈餘味甘美如胡菹 味甘平  
主潤肺止渴清熱消食祛風暑濕氣治疥癬  
及山嵐瘴氣所侵變成痰瘧寒熱往來頭痛  
疲逆 足膝屈弱難行寒濕邪氣所侵用白  
綠子一片春爛浸酒日飲一次月餘全愈

繫彌子

廣志狀圓而細色赤如軟枣其味初苦後甘  
可食味平無毒主益五臟悅澤人面去頭面  
諸風

產後痢疾不止用繫彌子一合酒水各一盞  
煎八分空心服下片刻即効



人面子

出海南又出廣中樹似含桃子如桃寔春花  
夏寔至秋方熟蜜煎甘酸可食其核兩邊俱  
似人面耳目口鼻無不畢具

廣志人面子大如梅李其核類人面兩目口  
鼻皆具肉甘酸宜為蜜煎仁絕美以點茶如  
梅花片光澤可愛茶之色香亦不變以增城  
水東所產為佳其核中仁搖之即脫去他產

則否此樹最宜沙土沙土鬆易發數歲即婆  
娑堰蓋山民植之以為利味甘性平無毒醒  
酒解毒治風毒着人通身疙瘡成瘡或痛或  
痒食之即愈  
難產不下產母手握人面子一個單日右手  
握雙日左手握即下  
嶺南雜記人面子煮肉及鴨必用搥爛熬膏  
甘酸益津

### 四味果

出祁連山木生如束剖以竹刀則甘鐵刀則  
苦木刀則酸蘆刀則辛行旅得之能止飢渴  
味甘辛酸無毒明目養肝寧神定志和胃進  
食下氣止欬  
腎虛腰痛不能反側用四味果同狗腰子煮  
熟並食每日一次一月愈

敏按東方朔神異經云南方大荒有樹名如

何結上子味如飴有核形如枣子長五尺圍  
如長金刀剖之則酸芦刀剖之則辛食之者  
地仙不畏水火白又又啓蒙記如何隨刀而  
改味或曰此即仙經所謂大棗據此二說即  
今四味果也

### 千歲子

南方草木狀出交趾蔓生子在根下鬚綠色  
交加如織一苞恒二百餘顆皮殼青黃色壳  
中有寔如粟味亦如之乾則壳肉相離撼之  
有殼如肉豆蔻闕函嶺南隨筆千歲子多子  
根鬚乾則壳肉相離撼之有聲

味甘平主和中益胃利肺除熱止渴醒酒解  
暑



小便閉塞千歲子十數枚打碎水煎清飲下  
即通利  
發背惡瘡千歲子不拘多少持爛如泥調塗  
三次見効

### 候騷子

蔓生大如雞卵味甘性冷消酒輕身王太僕  
曾獻之見酉陽雜俎 甘寒無毒食之不飢  
延年強健消酒除濕治黃疸小便不利溺如  
黃金色口渴煩熱齒痛牙宣出血不止  
小兒重舌木舌候騷子核燒灰擦之或用蜜  
調塗亦可 浮瘡發背候騷子煎湯飲之再  
搗塗之大効

仙人掌

乃仙人掌上所生子也粵語仙人掌多依石  
壁而生葉勁而長若齟齬狀開花儼如鳳形  
子生花下名曰鳳栗葉曰鳳尾笏發苞外類  
芋栗內攢瓣如球各擎子珠于掌一珠一掌  
自下而上子自青赤而黃有重壳外厚內薄  
熟其仁食之味甜魚芡栗可以延年又名千  
歲子此草可避火廣人多植之堂側性宜沙

土惡肥膩 明黃佐仙人掌賦序仙人掌奇  
草也多貼石壁而生惟羅浮黃龍金沙洞有  
之葉勁而長若齟齬狀發苞時外類芋魁內  
攢瓣如翠球各掌子珠如掌然青赤轉黃而  
有重壳剖之厚者在外如小柳可為匕勺薄  
者在裏如銀杏衣而裡圓內煨食之味兼芡  
栗可補諸虛久服輕身延年俗呼為千歲子  
此與蔓生者名同物異也

雲南通志仙人掌葉肥厚如掌多刺相接成  
枝花名玉英色紅黃寔似仙瓜可食  
味甘性平補脾健胃益脚力除久瀉

敏按羣芳譜仙人掌出自閩粵非草非木亦  
非果蔬無枝無葉又并無花土中突發一片  
與手掌無異其膚色青綠光潤可觀掌上生  
米色細點每年只生一葉於頂今歲長在左  
來歲則長在右層累而上植之家中可鎮火



災如欲傳種取其一片切作三四塊以肥土  
植之自生全掌矣近日南浙亦有據所載當  
另是一種與此全別或名同物異欤

### 酒杯藤子

出西域藤大如臂花堅硬可以酌酒文章快  
澈寔大如指味如豆寇食之消酒相傳張騫  
得其種于大宛 甘辛平無毒消食下氣消  
酒止渴辟邪瘡消瘡腫殺虺虫治尸蛀勞瘵  
虫蠱瘰癧癭瘤結核瘡疽潰爛食果成積用  
酒杯藤子燒灰糖拌服下五七錢自効 飲  
酒過量成病用酒杯藤子煎服極驗

藥果

關函嶺南隨筆藥果似橙而味酸可染紅  
治噦

蔞子

出交趾合浦藤緣樹木正月開花四五月熟  
如梨赤如雞冠核如魚鱗

甘平無毒主中惡氣飛尸邪蠱心腹卒痛狂  
邪鬼神鬼疫溫瘧夢寐邪惡氣心神顛倒不  
寧昏冒如癡治驚癇恍惚或語言不倫歌笑  
不徹用蔞子核七枚燒末入硃砂少許姜湯  
下方寸匕自愈



楸子

食物考甘酸小於沙果色黃紅黑如櫻桃類  
產子代北味頗清香作脯點茶俱可此與林  
禽同名類異本草未分故正之多食瀆氣令  
人好睡子宜去盡食之煩心

隈支

益部方物畧記生邳州山谷中樹高丈餘枝  
修而弱開白花實大如雀卵狀如荔枝肉黃  
膚味甘 味甘無毒治七種疝氣及一切瘡  
瘍疥癬 以上自津符子至隈支止諸果品  
綱目附錄諸果後僅載其形狀不錄其主治  
而沈雲將食纂云諸果都出外國及邊瘴地  
方雖不常見但俱屬異品不惟可口兼可療

治百病凡行歷遠方者即當携其種沉傳中  
土有功于世不小故附錄而兼細核其主治  
予因取之以補李氏之遺至其形狀綱目已  
詳載而復列之者亦欲覽者便於詳悉後日  
遇物能名故不厭重贅也

呂宋果 誤列石部

諸穀部

沙米

延綏鎮志苗莖如麻葉類文而稍圓有刺高  
尺許生子成房粒細如黍杆去皮用羊羹作  
食服之不飢邊外名麥喇棘

瀚海記沙蓬米凡沙地皆有之鄂尔多斯所  
產尤多枚葉叢生如蓬米似胡麻而小性煖  
益脾胃易于消化好吐者多食有益作為粥



滑膩可食或屑之可充餅餌茶食之需  
人海記張家口內保安沙城一帶地產沙蓬  
寔如蒺藜中有米如稗子食之益人  
藥性考云蓬蒿之寔名曰沙米清熱消風飢  
荒食旨  
味甘性溫通利大腸消宿食治噎膈反胃服  
之不飢

西國米

珠見粉 竹米

嶺南雜記出西洋西國煮不化而色紫柔滑  
者真偽者以葛粉為之 通雅今楚南兩粵  
專採葛根作粉食其粉可作丸曰葛粉丸廣  
人以假西國米能醒酒 朱排山柑園小識  
西國米來自閩廣洋艘大如綠豆以色紫煮  
不化者真健脾胃運胃功最捷久病虛乏者煮  
粥食最宜益胃和脾病起宜食

珠兒粉 洋船帶來粵灣門杭寧波乍浦通  
船市者皆有形絕細如蘓子白圓而白云孫  
外洋人採葛根及薇其根或茹粉所造煮之  
須滾水沖泡粒上分明如魚子樣極柔滑以  
糖霜和食或沒食 氣清香味甘滑明目運  
脾開胃解酒生津久服尤能強腎

東西洋考大泥即古淳泥今隸暹邏土產有  
西國米亦名沙孤米其樹名沙孤身如蕉空

心取其裏皮削之以水搗過春以為粉細者  
為玉米最精粗者民家食之以此代穀今賈  
舶慮為波濤所濕只携其粉歸自和為丸庚  
申十月予在陳夔友家見有胡西菽盛以玻  
璃小筆管瓶內菽白而細與珠兒粉無別云  
得自王撫軍署可入藥大能消痰其甥女一  
夕患肺風痰喘危極見醫多言不救用此一  
錢調姜汁灌下其痰如失

竹米 物理小識竹結是班文兩上相比謂  
之竹米  
下積如神

陳倉米 朱公米

嶺南記武昌漢陽門內舊有陳友諒倉墓甲  
子年有掘得黑米者色如漆堅如石炒之即  
鬆

秋灯叢話康熙甲子武昌郡廣福坊掘得黑  
米數十斛堅如石炒研為末治膈症如神傳  
為偽陳友諒積粟所又天門學宮前改建北  
郭倉墓地亦掘得黑米治疾頗驗乾隆丙申



黃州重脩郡學既濬泮池上底積粟甚夥色  
如漆而堅治病効如前人爭取之太守王公  
廷棟恐係前人鎮壓物禁而掩之

敏按西陽雜俎乾陀國尸毗王倉庫昔為火  
所燒其中粳米焦者于今尚存服一粒永不  
患瘧 炒研治腸症如神 不藥良方陳年  
倉米治卒心痛燒灰和蜜服之即止

朱公米 南中紀聞靖州南二十里飛山砦

相傳為元末朱都督屯兵之所牆礫時有米  
粒色微黑而不腐云是朱公所遺兵糧游客  
謁神祠取輒得之至今尚存  
療脾疾

山穀

宦游筆記出塞外土人名高尔格納莖長尺餘細如草節如竹葉亦如竹每二節一葉秀穗類蓼花結粒似穀而色紅採之晒乾去其皮煮粥上如穀香蒙古用以充飢兼碎麩合茶商民均雜粟食之色紅豔可愛而味與穀無辨故名之曰山穀實生於水濱或山溝尔味甘香行氣利水清大小腸火亦補脾胃

根 蒙古人名墨克尔外皮微細內實粉白  
味甘美蒙古生咬商民合肉熟食秋冬之際  
蒙古搜掘鼠穴得食物盈筐內多此物長二  
三寸俱野鼠齒截運藏者  
味甘生津滋潤血脉調營衛利水

### 青稞黃稞

為性攻青稞黃稞仁露於外川陝滇黔多種  
之味鹹可釀糟吊酒形同大麥皮薄麩脆西  
南夷人倚為正食  
下氣寬中壯筋益力性平涼除濕發汗止洩  
多食脫髮損顏色



米油

此乃滾粥鍋內煎起沫釀滑如膏油者是也  
其力能實毛竅最肥人用大鍋能煮五升米  
以上者其油良越醫金丹若云黑瘦者食之  
百日即肥白以其滋陰之功勝于熟地也每  
日能撇取一碗波服最佳若近人以熟粥絞  
汁為米油未免力薄矣

味甘性平滋陰長力肥五臟百竅利小便通

淋

精清不孕 紫林单方用煮米粥滾鍋中面上米沫浮面者取起加煉過食鹽少許空心服下其精自濃即孕矣

鍋焦

一名黃金粉乃人家煮飯鍋底焦也取僧寺中米多焦厚者入葯良

味苦甘性平補氣運脾消食止泄瀉八珍粉用之鍋焦丸 小兒常用健脾消食家寶方用鍋焦炒黃三斤神麴炒四兩砂仁炒二兩山查四兩蒸蓮肉去心四兩雞肫皮一兩炒共為細末加白糖米粉和勻焙作餅用

老幼脾胃久不愈 梁侯瀛集驗方鍋焦為末四兩蓮肉去心淨末四兩白糖四兩共和勻每服三五匙日三次食遠下  
白瀉不止 種福堂方乾飯鍋粃二兩松花二兩炒臘肉骨頭五錢烘乾共為末砂糖調不拘時服  
脾胃不健 祝氏効方鍋焦二斤蓮肉一斤白糖半斤蜜一斤丸如桐子大每服數十丸

空心白湯送下

玉露霜 治老人脾胃泄最効白朮炒二兩陳皮一兩半蓮肉去心四兩薏苡仁四兩炒糯米一升炒萊豆一升炒熟陳米鍋焦一升炒糖霜量加共為末每用二三錢滾水調勻服之 行蘆檢秘

預稀痘疹 不藥良方銀花金者不用陰乾鍋粃每一升入銀花一兩共研末用洋糖或做糕



餅或開水調和每日令小兒食之  
陳久年糕 燒灰治痢

### 阿迷酒

出東洋氣味香冽頗醇厚每服不過半盞大  
能助元氣驟長精神估舶帶來九督撫大員  
輒多備貯為不時之需或遇要事疲憊一滴  
入口精神百倍較鴉片尤速 物理小識吉  
利重耐以紅花苧胡菔入麴釀者醫洩數効  
味甘辛竄達能捷通百脉益元生氣每日少  
飲一二滴理怯如神

酒釀 酒蘗

俗名酒窩又名浮蛆乃未放出酒之米酵也  
味釀厚多飲致腹瀉性善升透凡火上行者  
忌之 味甘辛性溫佐藥發痘漿行血益髓  
脉生津液

赤眼淹壘

祝氏効方杜仲厚朴桑白皮枳

柳各一錢取雄雞肝一個忌見水去紅筋入

白酒釀六兩隔湯蒸熟去渣以湯肝食下隔

二日再服一次全愈 小兒鼻風吹乳腫痛  
劉起堂經驗方用酒釀和菊花葉敷上立愈  
無葉用根甘菊葉尤佳搗汁沖和服更效  
吹乳方周氏家寶用苧麻根嫩者炒和白酒  
釀少許共搗爛敷患處一日夜即消  
忌食發物 頭風用蒼耳子白芷穀精草各  
五錢川芎三錢甜酒釀四兩老酒二碗煎一  
碗服妙淨方

蔓遺白濁 酸梅草二錢孩兒菊二錢搗取  
汁加不見水酒釀空心量服 救世青囊  
難產用酒釀麻油蜂蜜童便雞子白各半盞  
煎溫服即下 痘出不起不藥良方用狗蠅  
七枚如冬日取蠅在狗耳內將來搗爛和酒  
釀服即日發起紅潤可觀 痘瘡不起良方  
集要地力搗汁和白酒釀搗溫服之但不可  
損大熱大熱則反不妙慎之



保元丹千金不易方此丹張氏家傳已五世  
矣黃精一斤甘枸杞四兩酒釀五斤好黃酒  
五斤入罐煮一炷香每飲一茶杯為渣搗為  
丸加胡桃肉八兩大黑棗八兩青州餅一斤  
酒葦 生酒罈中不恒有丸藏酒之家千百  
罈酒間有一罈取之中空無酒下有葦結于  
中其葦初結之時酒上薄凝如衣膜久則漸  
厚一二寸便能透酒將酒中精華醇釀之氣

盡攝于膜內乃漸厚酒亦少久以則酒乾所  
存十不餘一啟視之其膜如鮮海蠶濡潤而  
軟嗅之作酒香微帶徽蒸氣識者取之焙乾  
乾者如瓜皮面青黑背作肉紅色濕軟如棉  
可入為蓋酒能生葦必罈係新出罈未脫火  
氣而置酒之地又為濕熱所蒸致中變而成  
此故造釀家用罈貴舊而不貴新也金御乘  
自慈谿歸帶有酒葦出以相示云彼土亦罕

得間有之然不多見也

治一切酒傷酒勞酒疸因酒成病諸症服之  
立効

神黃豆

細豆 圓豆 青花豆 真寧豆

池北偶譚產滇之南徼西南夷中形如槐角  
子視之常豆稍巨用筒丸火焙去其黑壳碾  
末白水下之可永除小兒痘毒服法以每月  
初二十六日為期半歲每服半粒一歲每服  
一粒一歲半每服一粒半遞至三歲服三粒  
則終身不出矣或曰按二十四氣服之以一  
十四粒為度或云水畢閉日服之珍異藥品

云出雲南近西地方痘將發米發時用神黃  
連壳焙炒燥用豆研細水服

本經逢原云神黃豆產緬甸形如槐子近時  
稀痘方用之一陽日用清水磨服 痘學真  
傳云神黃豆出雲南能稀痘生熟各一粒甘  
草湯咀服

寧陽張玳種痘新書云凡痘自胸以上自臍  
以下俱有而中間一截全無者名兩頭痘此

氣血不能貫通上下而腰臍之間為寒毒凝  
滯也若不急治七日之後必變灰白之症矣  
見點時急用生芪當歸赤芍桔梗防風荆芥  
厚朴續斷白芷山查木通神黃豆三十粒服  
此中間方有痘乃可無虞

詔脩考普洱府及永昌府皆出神黃豆能稀  
痘青花豆可治瘡有客帶滇產神黃豆來其  
形如細竹筒長可三四寸搖之有聲其中如



竹節片片相疊剖出如棋子樣白色包裹中  
含一豆黃色光亮形如瓠子中有線痕堅寔  
而扁服之解痘毒

按神黃豆有二種百草鏡云出雲南普洱府  
又四川亦產莢如連翹畧短內有豆微紅色  
產雲南者形如槐角子比蚕豆畧大瓦上焙  
乾去外黑壳用二種形狀不同係地土所產  
各別然其稀痘解毒之性則一也

寶笈方痘將出時用神黃豆按一歲一粒剝  
去外壳并內皮將丸焙熟一半留生一半先  
姜湯調服毒重者稀毒輕者更稀十餘歲者  
亦不過七粒倘未出痘者亦如法以水調服  
之竟不出痘宜三月三五月五七月七九月  
九等日

緬豆 滇畧緬豆如豆蔓生子大如栗班文  
點上吐之傳惡瘡良然性迅惡誤服之吐瀉

致死五雜俎云滇中有神黃豆似五倍子能  
令兒童稀痘然亦不甚驗也

回回豆 五雜俎云出西域狀如椿子磨入  
麵中極香能解麵毒

青花豆 宦遊筆記雲南永昌府有青花豆  
出於外地夷人帶來易貨者治瘡

真寧豆 出陝西慶陽真寧地味甘平能解  
諸藥毒



本草綱目拾遺

清趙學敏撰

第

函

至



稽豆

逢原云細黑豆一名稽豆俗名料豆今人以  
 飼馬故俗又呼為馬料豆 從新云黑大豆  
 之小者為馬料豆不知料豆雖小而形長微  
 扁與黑豆形迥別當另是一種綱目稽豆下  
 僅載其能去賊風風痺治婦人產後冷血而  
 已其他一切功用全未之及今為補之  
 杭州府志黑豆之細者曰稽豆細而扁者曰



稽豆

穀部



零烏豆俗名馬料豆可肥馬

味甘溫無毒壯筋骨止盜汗補腎活血明目  
益精入腎經血分同青葙早蓮草何首烏蒸  
熟但食黑豆則鬚髮不白其補腎之功可知  
今人以製何首烏取以引入腎經也炒焦淋  
酒治頭風脚氣以其直達腎經血分煮汁服  
解烏附丹石葯毒

藥性考本經黑大豆即今之馬料豆也其色

黑而形如人腰故入腎經益水明目多服令  
人身重一年後復原久服身輕非花豆中之  
黑大豆也凡服豆忌葷麻子厚朴猪肉歌云  
黑大豆甘腰子樣式所以補腎葯餌宜入即  
是馬料煮寒炒熱調中下氣止痢寧急利水  
除脹追風活血生研敷種吞止煩渴解一切  
毒甘草煎汁傷中淋露產後諸疾明日悅顏  
製服有益 又說穠豆即小黑豆因其粒細

不及馬料歌云稽豆黑小甘逐邪風冷痺血  
滯浸酒和融 兩葉翁食記小黑豆入鹽煮  
久食大能補腎 事親述見稽豆補五臟益  
中助十二經脈調中煖腸胃殺鬼氣舒筋  
紫虛子吞豆法黑料豆淘淨晒乾以淨瓶裝  
之初服每日一粒以白湯生吞之次日吞二  
粒每日加一粒至百日吞百粒從此每日吞  
百粒但初起服之腸胃未利每遇大便須看

豆化不化如豆化則漸加倘未化仍照舊勿  
加必待食之能化然後遞加至百粒為度服  
之能益精補髓壯力潤肌髮白後黑久則轉  
老為少終其身無疫病也

救生苦海有嫦娥奔月與紫虛吞豆法同但  
其法按太陰盈虧之數初一吞一粒逐日加  
一粒至望日十五粒而止十六日又逐日減  
一粒至晦日一粒而止月初則又加起與紫



虛之法做有不同并附以備用

絕瘧製首烏剝下黑料豆可以絕瘧凡四日  
二頭瘧用豆煎湯服即愈 絕三日瘧祝穆  
効方常山雲苓官桂甘草檳榔各三錢小黑  
豆四十九粒酒水各二碗慢火煎二碗當晚  
先服一碗蓋暖而睡留一碗至次日須將發  
前早兩個時辰服要熱服蓋暖卧待瘧至  
亦輕鬆亦有當日而愈之後忌房事戒食生

冷勞碌風霜忌食雞羊牛蛋白扁豆半月永  
截不發 又秘方集驗治瘧檳榔羅麻子常  
山甘草各一錢紅朮四枚烏梅七枚馬料豆  
歲一粒水二碗煎一碗服忌三日葷油永不  
再發 瘦喘氣急同壽錄用梨剝空中心納  
小黑豆令中滿留蓋合住紮緊糠火煨熟搗  
作餅每日食之赤白帶下白果去皮煮熟蜜  
餞每日清晨吃七枚再食炒馬料豆一兩白

滾水送下數日愈 中風口噤文堂集驗方  
馬料豆一升煮濃汁如飴含汁在口即能言  
也 解藥毒丸服藥過多以致面頭浮腫唇  
裂流血或心腹飽悶臍下撮痛者用馬料豆  
綠豆各四兩合煎汁連豆服病好為度 黑  
白丸百草鏡方開胃消食健脾補腎馬料豆  
白茯苓去刺各一斤炒磨末蜜丸梧子大每  
服二三錢滾水送下 盜汗文堂集驗方蓮

子七粒黑棗七枚浮麥馬料豆各一合水煎  
服三次愈 明日補腎魚治筋骨疼痛小紅  
棗十二枚冷水洗淨去蒂甘州枸杞子三錢  
小馬料豆四錢水二碗煎一碗早晨空心連  
湯共食之不藥良方 痘風爛眼集驗云風爛眼  
用醃白梅一個去核入綠礬少許川椒三十  
粒以五銖錢二個夾之用苧麻扎住無根水  
浸洗自愈若出痘得此症再加馬料豆一歲

一粒投水中 妊娠腰痛酸軟產家要覽馬料黑豆二合炒焦熟白酒一大碗煎至七分空心下

煮料豆方 明太醫劉浴德有增補內經拾遺四卷其種子論後載有煮料豆藥方云老人服之能烏鬚黑髮固齒明目當歸四錢川芎甘草廣皮白朮白芍丹皮菊花各一錢杜仲炒黃芪各二錢牛膝生地熟地各四錢青

鹽六錢首烏枸杞子各八錢同馬料豆煮透晒乾去藥服豆 又方義復方云常食大有補益馬料豆五升桑椹半斤枸杞子四兩肉苁蓉半斤竹刀切去筋青藍龍骨各二兩全豆煮熟和藥同晒乾貯確用 又方呂逸儒傳方何首烏一斤用馬料豆汁煮或老酒亦可要丸蒸丸晒枸杞一斤酒蒸用乾藥末搗勻晒馬料豆一斗再用料豆五升煮汁以汁



煮豆晒乾九蒸九晒或用好酒煮亦可兔絲子一斤酒煮晒焙補骨脂一斤酒洗焙真川椒四兩晒烘青鹽二兩川牛膝一斤酒煮焙煉蜜為丸服之 又方何首烏二斤青鹽一兩棗仁杜仲枸杞各二兩遠志小茴香陳皮各一兩肉蓯蓉苡仁香附白茯苓川芎各二兩五味子牛膝補骨脂木瓜各一兩五錢歸身三兩肉桂五錢防己一兩二錢甘草八錢

小黑豆一斗用水煎為數十滾瀝出渣以藥汁煮豆汁盡為度晒乾每服百粒開水下半真君三豆湯楊春涯驗方綠豆赤飯豆馬料豆等分每日煮湯與小兒吃 出痘自稀如遇痘毒亦用此湯飲之持搽敷上其毒自消治陰症手足紫黑集驗方黑料豆三合炒熟好酒烹滾熟服加葱鬚同烹更妙 四寶大神丹家寶方能治五勞七傷服藥後

忘腥臭發物房事馬料豆五升用泔堂油製  
九次黃芪八兩入乳製七次白當歸酒洗四  
兩金櫻子二斗去內子與毛外去刺淘淨熬  
膏臨收時加童便一二盞听用右將前三味  
和金櫻膏丸如梧子大每服三錢桂元湯下  
服藥丸方周氏家寶用馬料豆一升炒蟬退  
四兩酒洗去頭足木賊草四兩去節兔絲子  
一斤炒甘菊花四兩晒乾白蒺藜一斤各為

末水法為丸每服二三錢晚服滾湯下如若  
年高桂元湯下 腎虛腰痛并治陰虧目昏  
活人書用腰式烏江豆馬料豆各一兩煮湯  
入鹽少許五更時乘熱服忌鉄器 陰虧目  
昏老眼失明活人書馬料豆甘枸杞女貞子  
各十兩陰虧目昏除女貞子為末煉蜜丸梧子大  
早晚服二三錢自効

治產後中風口噤目瞪角弓反張姚希周集

驗用黑料豆鍋內炒極焦沖入熟黃酒內服  
之立効再服回生丹全愈 中附子川烏天  
雄斑毛毒者不藥良方馬料豆煎汁服之即  
解  
延齡廣嗣仙方用淮生地酒製何首烏酒煮  
旱蓮草鹿銜草真者絕少用仙靈脾代之以  
以各三兩按四時乾山藥乳拌白茯苓乳拌  
當歸身酒炒真青藍以上各一兩按分至石

菖蒲菟絲子肉蓯蓉酒浸去膜補骨脂五加  
皮骨碎補淮牛膝白甘菊原杜仲酒炒斷絲  
枸杞子蛇床子槐角子金櫻子覆盆子川黃  
柏建澤瀉以上各五錢按十六節以上二十  
四味俱合二十四氣除去青藍鍋內煎汁至  
半漚渣再將渣煎過半漚清沖和煎濃入馬  
料豆三升七合女貞子一升七合按陰陽二  
炁二至二分合年月日時週天度數餘一合



半以置閏煮數十滾將青益研細傾入同煎  
以汁盡為度取豆晒乾收貯磁瓶每晨四錢  
滾湯送下如遇出門飢餓即可嚼食代點此  
豆謹按陰陽二十四氣合週天度數製法得  
中和補益之妙久服能令人鬚髮再黑齒落  
更生耳目聰明手足便利壯陽補腎固本還  
元多育子息多增年壽常服不斷可成地仙  
凡腎虛目暗上盛下虛者尤為切合

各種癰方陳別駕形曾任太醫院官有治各  
種癰方用馬料豆以瓦罐不拘多少裝入罐  
內罐口以銅絲罩格定使豆不能倒出然後  
用大高邊火盆一個盆鑿一孔將罐倒合孔  
上四圍以乾馬糞壅之火燃罐底盆底下用  
磚墊空安碗一個接油上火煨罐內豆自焦  
有油從盆底滴入碗中色如膠漆以此搽癰  
三次即愈

稽豆葉治瘤急救方頭後粉瘤馬料豆葉碎  
射香草全搗敷患處其瘤漸軟漸消破則手  
擠去粉疙瘩不破聽其自消

### 蠶豆殼

治癰疔行篋檢秘用油盪蠶豆殼一鍾麻油  
浸一週時取起將豆壳瓦上焙研為末麻油  
調搽患處立愈 藥性考云蠶豆苗能醒酒  
禍食指南用蠶豆磨粉紅糖調食數次即  
愈 小便日久不通難忍欲死者慈航活人  
書蠶豆壳三兩煎湯服之如無鮮壳取乾壳  
代之 黃水溜瘡毛世洪經驗集云凡大人

小兒頭面黃水瘡流到即生蔓延無休者用  
蚕豆壳炒成炭研細加東丹少許和勻以真  
菜油調塗頻以油潤之三日即愈

胎漏種福堂方用炒熟蚕豆壳磨末每服三  
四錢加沙糖少許調服疔瘡張卿子外科秘  
方用鮮蚕豆搗如泥塗瘡上乾即換之三五  
次即愈如無鮮者用乾豆以水泡淨搗敷亦  
効 吐血張卿子方以新蚕豆壳四五年陳

者妙煎湯飲之即愈 天泡瘡蚕豆黑壳燒  
灰存性研末加枯凡少許菜油調敷一次即  
愈



醬油 糟油

以麩豆拌成黃鹽水漬成之伏造者味厚  
秋油則味薄陳久者入葯良

味酸性冷殺一切魚肉菜蔬葷毒塗湯火傷  
多食發嗽作渴

解食荔作脹以陳年醬油飲少許即消 中  
輕粉毒以三年陳醬油化水頻漱之 集簡方

糟油 葯性考摩風瘙腰膝痛開胃煖臍止

嘔噦解蔬菜毒

腐 漿 沫 皮 乳 巴 泔 蘇 腐

頻湖綱目於豆腐集解註腐皮堪入饌而漿  
乳皆遺之又胡麻亦可作腐綱目胡麻條亦  
遺之今悉為補概名曰腐

腐漿 味甘微鹹性平清咽祛膩解益滷毒  
藥性考云味甘微苦性涼清熱下氣利便通  
腸能止淋濁銀杏研漿

傷寒十日不汗張卿子妙方用未點豆腐漿

本草綱目卷之八

腐 漿

穀部

一大碗調好白蜜熬服即出汗愈神效 夾  
出腫痛難走者熬豆腐漿加松香末搗勻敷  
過夜即好行走永無後患 大便下血古今  
良方地力一斤或半斤豆腐漿不沖水者一  
大碗將腐漿搗極熟搗地力汁乘熱沖入飲  
之 益孝救生苦海用豆腐漿點糖少許日  
日早服一碗不間斷過百日自愈 治黃疸  
劉羽儀驗方每日空心冷吃生豆腐漿一碗

吃四五次自愈忌食生蘿蔔 痰火吼喘經

驗廣集飴糖二兩豆腐漿一碗煮化搗服愈

治勞及自汗回生集方用黑豆淘淨磨成

腐漿鍋內熬熟結成皮每日一張用熱黑漿

送下即効凡人每日清晨吃黑豆腐漿大有

補益可以免癆病之患

肺癆肺痿用芥菜淘陳年者每日將半酒杯

沖豆腐漿服上後胸中一塊必塞上塞下塞



至數次方能吐出惡膿日服至愈 血崩不  
藥良方生豆腐漿一碗生韭菜汁半碗入漿  
內空心服一二次

五妙湯治產後并弱症郁文虎傳方用頭鍋  
腐漿一碗腐皮一張生雞蛋一個打碎沖入  
漿內再加圓眼肉十四枚白糖一两入漿內  
滾服五更空心食

腐渣 此造豆腐所剩之渣人以飼猪入藥

須用生腐渣為妙

治一切惡瘡無名腫毒神効不為良方用豆

腐渣在砂鍋內焙熟看紅腫處大小量作餅

子貼上冷即更換以愈為度 大便下血古

今良方用不見水豆腐渣炒黃清茶調服即

愈 治腫瘡裙邊瘡爛臭起沿養素園方生

豆腐渣捏成餅如瘡大小先用清茶洗淨絹

帛拭乾然後貼上以帛縛之一日一換其瘡

漸小肉漸平此貴啟彰親試有效之方也又  
可敷脚蛙 不藥良方脚上皮蛙生水孔而  
皮濕爛者豆腐渣貼三日即愈不要落生水  
腸風下血慈航活人書雪花菜即豆腐渣  
用未嘗瀝出漿者帶水鍋內炒燥為末每服  
三錢紫血塊者白糖湯下紅血塊者砂糖湯  
下日三次難遠年垂危者服之神效  
陳廷慶云豆腐漿入陰分瀉火通淋濁凡淋

症用六一散沖腐漿食最妙五更沖雞蛋白  
糖點服寧嗽補血粵人以腐漿煮粥食名甜  
漿粥大能補虛羸

腐皮 味甘性平養胃滑胎解毒

小兒遍身起羅網蜘蛛瘡燥痒難忍仁惠編  
用豆腐皮燒存性香油調搽自愈 落頭疽  
慈惠小編用壁上蟾子五六隻腐皮包好吃  
完即愈 冷嗽劉羽儀驗方乾豆腐衣燒灰

存性為末熬陳酒調下吃四五十張即愈  
水散脹種福堂方陳芭蕉扇去筋燒灰存性  
五分千金子去油壳二分五厘消石二分共  
為細末以腐衣包滾水送下十服愈  
腐乳 一名菽乳以豆腐醃過加酒糟或醬  
製者味鹹甘性平養胃調中

腐粍 此即腐漿鍋底所結焦巴也入葯晒  
焙研末或生搗作丸皆可用藥性改名鍋災

開胃消滯逐積治淋濁補血 慈航活人書  
有五効丸用豆腐鍋粍一兩加川連一錢同  
搗丸如梧子大每服五錢赤帶蜜糖滾水吞  
下白帶砂糖湯下熱淋尿血白湯下腸風下  
血陳酒下 血風瘡先將豆腐泔浸洗去靨  
以布拭乾用前末藥即川連付粍粉真麻油  
調搽乾則再塗三四次自愈 翻胃神方珍  
記用豆腐粍黃色者佳炒研末每服三錢沙



糖湯調服白湯下 痢疾神方珍記陳冬米  
炒豆腐鍋耙二味各等分為細末空心白湯  
調服二三錢服後宜餓半日自愈

腐泔 即豆腐所瀝下之水也為性考云豆  
腐有益滷點者有石羔點者俱能清熱

性清涼能通便下痰通癰閉洗衣去垢膩

腐沫 即豆泔水上結沫是也治鵝掌癬  
生手掌及掌層、剝皮血肉外露此沫熬洗

即愈

麻腐 乃胡麻小粉所造者味甘性平潤肌  
滑腸解毒又蔣儀藥鏡滋生賦云麻腐豆粉  
清腸清胃

芝麻殼

此乃芝麻外殼也綱目載其苗曰青囊又有  
麻姑餅麻花麻楷無麻殼因補之

湯火傷 楊春涯驗方芝麻壳燒存性研細  
遇火傷者用麻油調搽即愈倘濕爛乾搽之  
半身不遂 千金不易方芝麻壳五錢酒煎  
服出汗即愈

諸蔬部

甘藷

一作甘薯又名朱薯以其皮有紅者也一名  
金薯今俗通呼為番薯或作蕃茹有紅皮白  
皮二色紅皮者心黃而味甜白皮者心白而  
味淡南方各省俱植之沿海及島中居民以  
此代穀其入葯之功用亦廣而諸家本草皆  
未載李瀕湖特補列綱目中惜其所言者惟



補虛乏益氣力健脾胃強腎陰而已他皆未  
之及焉乾隆五十一年冬今

上特允閣學侍郎張若溥之請勅直省廣勸栽  
植甘薯以為救荒之備陸中丞燿有甘薯錄  
之輯所載衛生一門實足補李氏所未及因  
擇錄之以補其遺陸公原序云甘薯即薯蕷  
之屬見于陳祈暢異物志嵇含南方草木狀  
中土之有此物其來舊矣第不甚貴重栽植

者少明季有閩人陳經綸復自呂宋移其種  
歸巡撫金公學曾勸民樹藝閩人德之號為  
金薯然自是長樂謝肇淞黃州李時珍新城  
王象晉各有論述皆不及經綸事而其裔孫  
世元父子復為金薯傳習錄盛侈其先世傳  
自呂宋之功一似中國素非所產者此考証  
之疎也夫以一物之微足以備荒療疾而又  
不費功力其為功于民食實不淺歟前任布

政使李公涓嘗舉以教山東之民其性又喜沙土高地于山海之區尤屬相宜五雜俎百穀之外有可以當穀者芋也薯蕷也而園中有番薯似山藥而肥白過之種沙地易生而極蕃衍飢饉之民多賴全活此物北方亦可種也羣芳譜朱薯一名番薯大者多玉枕薯形圓而長本末皆銳皮紫肉白質理膩潤與芋及薯蕷自是各種氣香生時似桂花熟者

似薔薇露撲地纏生一莖蔓延數十百莖即生枝根一畝種數十石勝種穀二十倍園廣人以當米穀有謂性冷者非二三月及七八月俱可種但卵有大小耳卵八九月始生冬至乃止生便可食若未大者勿損掘令居土中日漸大到冬至須盡掘出不則敗爛金氏學曾曰薯蕷傳外番因名番薯形如王瓜藕臂如拳如指如卵如束大小不一實同種別

皮有紫有白有深淺紅有濃淡黃肉亦如之  
蒸熟勻膩如脂甘平益胃性同薯蕷海隅人  
以供饗飧蔓延極速節節有根入地即結每  
畝可得數千斤腫勝五穀幾倍徐氏元扈曰  
昔人謂蔓菁有六利柿有七絕予謂甘薯有  
十二勝收入多一也白色味甘諸土種中特  
為蔓絕二也益人與薯蕷同功三也徧地傳  
生剪莖作種今歲一莖次年便可種數十畝

四也枝葉附地隨節生根風雨不能侵損五  
也可當米凶歲不能灾六也可充邊實七也  
可釀酒八也乾久收藏屑之旋作餅餌勝用  
錫蜜九也生熟皆可食十也用地少易于灌  
溉十一也春夏下種初冬收入枝葉極盛草  
穢不容但須壅培不用鋤耘不妨農十二也  
陸公薯錄有溉種藏製諸法雖無閩子為病  
而有濟于滄荒故併錄之種薯宜高地沙地



起脊尺餘種在脊上過早可汲井澆灌即過  
澇年若水退在七月中氣候既不及莖五穀  
即可剪藤種薯至于蝗蝻為害草未蕩盡惟  
薯根在地存食不及縱令莖葉皆盡尚能發  
生若蝗信到時急令人發土偏壅蝗去之後  
滋生更易是天灾物害皆不能為之損人家  
凡有隙地但只數尺仰見天日便可種得石  
許此救荒第一義也歲前深耕以大糞壅之

春分後下種若地非沙土先用柴灰或牛馬  
糞和土中使土脉散緩與沙土同可行根重  
耕起要極深將薯根每段截三四寸長覆土  
深半寸許每株相去縱七八尺橫二三尺俟  
蔓生既盛苗長一丈留二尺作老根餘剪三  
葉為一段揀入土中每栽苗相去一尺大約  
二分入土一分在外即又生薯隨長隨剪隨  
種隨生蔓延與原種者不異凡栽薯須順栽

若倒栽則不生節在土上則生枝在土下則生卵約各節生根即從其連綴處斷之今各成根苗每節可得卵三五枚凡藤蔓已遍地不能容者即為游藤宜剪去之及掘根時捲去蔓藤俱可飼牛羊豕或晒乾冬月喂皆能令肥脂二三月種者每株用地方二步有半而卵徧焉每官畝約用薯三十六株四五月種者地方二步而卵徧焉畝約六十株六月

種者方一步有半而卵徧焉約一百六株有奇七月種者地方三尺以內得卵細小矣畝約九百六十株種上疎畧以此準之九月畦種生卵如箸如束擬作種此松江法也金氏曰薯苗入地即活東西南北無地不宜得沙土高地結尤多天時旱澇俱能有秋養苗地宜鬆耕過須起町高四五寸春分後取薯種斜置町內發土薄蓋縱橫相去尺許半月

即發芽日漸蔓延長一丈或五六尺割七八寸為一莖勿割盡留半寸許當割處復發生不息若養蔓作苗須用稍長尺許密土栽莖如養葱非法栽莖使牛耕町寬二尺許高五六寸將莖斜插町心約以七分在町內三分在町外町內者結實町外者澆蔓每莖相去一尺餘十餘日町兩旁使牛耕開令晒又七八日以糞壅之仍使牛培土每町可得薯

三四斤若兩多須將蔓撥町上毋令浮根匝地然實結地內虫不能灾葉如食盡亦能復發早栽宜稀晚栽宜密三四月栽者實粗大七八月栽者寔細小秋末寔始加大冬至前當掘盡不掘盡亦不能大熟時須先割蔓町下俟乾捲起冬月割喂牲畜若北地早寒則遲一個月栽早一個月掘宜遲宜早亦看天氣寒暖耳甘薯蔬云江南田汗下者不宜薯



若高仰之地平時種藍種豆者易以種薯有  
數倍之獲大江以北土更高地更廣即其利  
百倍不啻矣倘慮天旱則此種畝收十石數  
口之家止種一畝縱旱甚而汲井灌溉一至  
成熟終歲足食又何不可取種之法羣芳譜  
云九月十月間掘薯卵近根先生者勿令損  
傷用軟草包裹掛通風處陰乾一法于八月  
中揀近根老藤剪七八寸長每七八根作一

小束耕地作畦將藤束栽如栽韭法迺月餘  
每條下生小卵如蒜頭狀冬月畏寒稍用草  
蓋覆至來春分種一法霜降前取起根卵稍  
堅實者陰乾以軟草作襯另以軟草裹之置  
無風和暖不近霜雪不受冰凍處一法霜降  
前收取根藤晒令乾于灶下掘窖約深一尺  
五六寸先用稻糠三四寸次置種其上更加  
稻糠三四寸以土蓋之一法七八月取老藤

種入木甬或磁瓦器中至霜降前置草蒿中以稻糠襯置向陽近火處至春分後依前法種金氏曰存薯之法不一在人變通或存木斛草固磁甕竹籠中俱可但性畏寒又畏熱置避風和暖處用草浮蓋俾通氣若封固則發熱壞爛敏前在東甌玉環見其島民少穀食多以茹為糧彼土有地率多種茹土人云其利十倍于穀以茹糧多者為富其收茹之

法多晒乾切條以竹席圍如囤儲之久亦不蛀用則以水煮代飯云食之多力鮮病蓋其味甘能補脾土故也金氏曰薯初結即可食味淡多汁及時則甜煨食煮食煨食蒸食亦可生食切片晒乾碾作饘粥磨作粉餌淡水灼可作丸拌麩可作酒春細水瀝去渣澄晒成粉其葉可作蔬 范咸臺灣府志長而色白者是舊種圓而黃赤者出自文來國金姓

者携回故名金

薯 諸羅縣志他物下種必用子用仁或原物根芽獨薯不然取一條片片切之只苗皮一面種之發根生苗亦一異也

氣味甘平無毒主治補中和血暖胃肥五臟白皮白肉者益肺氣生津中滿者不宜多食能壅氣煮時加生姜一片調中與姜朮同功紅花煮食可理脾血使不外洩敏按甘薯俗傳能發諸病

患痔漏者愈後食之復發亦以性能滯氣故也

痢疾下血 傳習錄云痢疾之起多因脾胃

先虛而後積滯成痢其有脾氣虛甚欲健中

焦者必宜甘溫之藥其有命門不暖欲實下

焦者必宜純熱之藥至若濕熱所致煩熱口

燥腹痛純紅小水黃赤以及下血者用此茹

蒸熟以為藥湯頻下嚼服或茹粉調冬蜜服

亦愈



酒積熱瀉 傳習錄云泄瀉之症不一或水土相亂併歸大腸而瀉者或土不制水清濁不分而瀉者或小腸受傷氣化無權而瀉或真陰虧損元陽枯涸而瀉者此皆各從其類治之若酒濕入脾因而飧泄者用此薯煨熟食

濕熱黃疸 黃疸之症有四一曰陰黃由氣血敗致也一曰表邪發黃即傷寒症也一曰

胆黃驚恐所致也更有陽黃一症或風濕外感或酒濕內傷因濕成熱因熱成黃者用此薯煮食其黃自退

遺精淋濁 遺精之與淋濁症有不同故治亦不同然大要責在心脾腎故凡遇此症無論有夢無夢有火無火或氣淋血淋膏淋勞淋搃宜調養心脾每早晚用此粉調服大有奇功

血虛經亂 婦人血虛或遲或早經多不定  
故陽虛補其陽陰虛補其陰氣滯順其氣其  
有不宜辛燥寒涼而宜于清和者用此茹養  
飡頻服調養其脾使脾健生化經期自定  
小兒疳疾 疳者乾也在小兒為五疳在大  
人為五勞其病由于哺食乾燥之品嗜啖肥  
厚之物妄服峻利之藥以致津液乾涸延而  
成疳此薯最能潤燥生津安神養胃使常服

之則舊積化而疳愈矣

甘薯粳 羣芳譜一造粳將糯米水浸五七

日以米酸為度淘淨晒乾搗成細粉看晴天  
將糯米入生水和作團子如盃口大即將薯  
根拭去皮洗淨沙石土徐上磨作漿要極細  
勿揅水將糯團煮熟撈入瓶中用木杖盡力  
攪作糜候熱得所大約以可入手為度將薯  
漿傾入每糯粉三斗入薯漿一斤攪極勻先

將乾小粉篩平板上次將糜置粉上又着乾粉拌薄晒半乾切如骰子樣晒極乾收藏用時慢火燒鍋令熱下二合許慢火炒少刻漸軟漸發成圓球子次下白糖芝麻或更加香料炒勻候冷極浮脆每粳二升可炒一斗芋漿山為漿俱可作按此物食之厚腸胃健脚力縮疲涎解毒活血甚妙

甘薯粉

功同甘薯造法用薯根粗布拭去

皮水洗淨和水磨細入水中淘去浮渣取澄下細粉晒乾同豆粉用此粉水作丸與珍珠沙谷米無異按此粉余前在閩中及玉環俱有土人造以售客販行遠方近日寧波及乍浦多有販客市粉價賤于麵粉近日餅餌鋪中率多買此摻和麩麥中作果餌以售其粉亦高低不等有曰淨粉則依前法所造者滾水沖之儼如藕粉故藕粉店中亦多買此摻



和非有識者莫辨有曰行粉則連浮渣一切  
皆磨細和入只可作餅餌用其色亦黃而不  
白然其又有甜苦二種沙土細潔者則其茹  
作粉甜倘先一年種烟其地次年種茹則苦  
澁人不售之惟堪作粉味亦苦矣以味甘有  
清香氣化開色如王者佳

甘薯酒 和脾暖胃止瀉益精造法用薯根  
不拘多少寸截斷晒乾甑炊熟取出揉爛入

瓶中用酒藥研細搜和按實中作小坎候漿  
到看老如法下水用絹袋濾過或生或煮熟  
任用其入甑寒暖酒為分兩下水并丰或用  
麩藥或加藥物悉與米酒同法若造火酒即  
用薯酒入鍋如法滴糟成頭子火酒或用薯  
糟造當用火酒亦與酒糟造火酒同此酒福  
建最多土人名土瓜酒火酒曰土瓜燒其酒  
味微帶苦峻烈不醇不善飲者食之頭目微

有昏眩亦無大害園中紹酒價貴此酒值廉  
土人相率飲此亦以餉客

### 山百合

此百合之野生者瓣狹長而味甘山人採貨  
之藻異云百合有三種一名山百合花遲  
不香二名檀香百合可食三名虎皮百合食  
之殺人 百草鏡百合白花者入藥紅花者  
名山丹黃花者名夜合今惟作盆玩不入藥  
百合以野生者良有甜苦二種甜者可用取  
如荷花瓣無蒂無根者佳能利二便氣虛下

陷者忌之

逢原云余親見包山土罅中蛭化百合有變  
化未全者大畧野生百合蛭化有之其清熱  
解毒散積消痰乃蛭之本性耳 應驗方瘡  
疽無頭野百合同鹽搗爛敷

甘入肺清痰火補虛損治肺癆救生苦海取  
白花者三兩搗爛白酒和絞取汁一碗不拘  
時服七服全愈

石衣

石耳

台州仙居有之生峻嶺絕壁海崖高處乃受  
陰陽雨露之氣漸漬石上年久則生衣鮮者  
翠碧可愛乾者面黝黑背白如雪土人以作  
羹餉客最為珍品煮法用滾水一碗投鹽少  
許泡石衣于中用手細口擺揉去其細砂待  
軟如綿其細砂去淨色即變紫如玫瑰必得  
鹽水則石衣細砂始能吐盡再返清水二三



次以雞湯下食消脆鮮美味最香甜為山蔬  
第一台州六屬惟仙居有之或云及處深山  
皆有非仙居人不能取故仙居人有專業此  
為生者近則一二百里遠則數百黑外向深  
巖危磴人跡莫能躋攀者壁上始有此物其  
取之法人則藤變飛架衣雞毳躡鞋趨捷如  
猿採取之則鉛鉤鋒鏑輪紐入山有祭買路  
有楮非仙土人莫能盡其術也然結侶難多

其采取止許一人往不得兩人並採亦奇也  
每年必損人故其值昂而貪利者且競趨之  
味甘氣清性寒無毒清膈熱利小水化疫消  
瘰細結滯氣有補血明目之功婦人食之能  
繫子宮易于受胎男子服之益精增髓

石耳 羣芳譜石耳一名靈芝生天台四明  
河南宣州黃山巴西邊檄諸山石崖上遠望  
如烟廬山亦有之狀如地耳山僧採曝饒遠

洗去沙土作茹勝于木耳 粵志韶陽諸洞  
多石耳其生必於青石當大雪後石沫潤微  
見日色則石生耳大者成片如苔蘚碧色望  
之如烟亦微有蒂大小朵上如花烹之面青  
紫如芙蓉底黑而皺每當味爽擷取則肥厚  
見日漸薄亦微化為水凡香蕈感陰濕之氣  
而成善發冷氣多和生姜食乃良惟石耳味  
甘腴性平無毒多食飲人能潤肌膚頰在地

耳木耳之上 藥性攷石耳寒平石崖懸珥  
氣並靈芝久食色美益精悅神至老不毀瀉  
血脫肛疝服愈矣南粵瑣記凡青石以烈日  
輒出汗汗凝結則成石耳青為木氣故生耳  
若白石則否或曰此蕈之類厚者蕈薄者耳  
或曰凡乳床必因石脉而不自頑石出其  
在陰洞者為乳床在陽崖者為石耳石耳之  
美見稱于伊尹其言曰漢上石耳蓋上古已

珍之矣

性寒或曰平味甘腴無毒名勝志安吉州梅  
溪石門中產石耳食之止熱

野芋考 土芋藤 野芋頭

汜勝之農書芋有六種五野芋六青芋野芋  
有大毒殺人凡芋三年不收即成野芋性滑  
下石毒服之食皆忘之青芋亦有毒必須灰  
汁易水煮之堪食只宜蒸咬之中野芋毒者  
令人戟喉音啞煩悶垂死以大豆地漿或糞  
汁解之姜汁亦可

葛祖遺方合麻為治跌打損傷痔痛麻風敷



種毒止痛治瘡癰搗敷蛇傷

乳癰 野芋頭和香朮糟搗敷

青芋 療冷熱止瀉

土芋藤 土芋即黃獨俗名香芋肉白皮黃

形如小芋一名土卵與野芋不同綱目野芋

附家芋內土芋另立一條可知然所引僅據

陳藏器一說不知其功能稀痘小兒熟食大

解痘毒其藤燒灰傳痘爛成瘡可無癍痕

群芳譜土芋其根唯一顆而色黃故名黃獨

野芋頭 文堂集驗一名仙人掌同野芋一

種但此種葉較小畧似茨菇葉有尖此又與

草本形如鞋底者不同仙人掌形如鞋底

治諸物食積已成痞塊者用野芋頭磨爛和

糯米粉浸煮粥每早食一茶鍾不用油盐十

服後其積自消試驗無害 集驗

鬼芋 羅浮志深谷中產物如薯芋狀小人

得之剖作四片入砂盆磨作膠漿鍋煮成膏  
待冷則凝結如餅塊一復剖為四片添水再  
煮成膏一成照前三煮四煮乃可食飽一芋  
所煮可免數十人之腹故稱鬼芋焉芋有四  
異初生不藉根苗葉上朝露着地即成種子  
一異也採製不令婦人雞狗見之見即化水  
二異也磨時焙時必須順逆旋之即化水三  
異也一芋之成由一而四四而十六十六而

六十有四如卦象之數四異也聞廬山衡嶽  
各有鬼芋採製又不同

野毛豆

野毛豆生園隰中蔓生枝細弱葉細尖兩兩  
排株對生清明後開淡紫細花結寔如毛豆  
三夏後可採初生苗絕似金鳳花花葉其英  
儼似角蒿中有子二圓如小录豆小滿前後  
皆黑老便枯落矣 生田塍間莖葉及莢較  
家者細小一名勞豆 沈氏効方性微寒平  
肝火治疔疾目疾 百草鏡治黃白疸性能



發汗 救生苦海治痘毒八九月時痿邊棟  
連莖葉根用煨存性研用其豆更妙麻油和  
敷不問初起日久未潰已潰俱効

按通雅引焦弱侯曰野田小豆曰捺音勞陳  
留耆舊傳云赤眉以營豆與桓牧隋末子通  
攻江都夏候端採營豆食之身之曰野豆也  
魯刀切勞豆或捺營二字之誤也然考古今  
註營豆一名治豆菜似葛而實長尺餘可蒸

食一名營菽綱目鹿藿一名營豆又名鹿豆  
即今野菉豆爾雅釋草園鹿藿注今鹿豆也  
唐書夏候端傳擲營豆以食則似又非野毛  
豆之屬今野毛亦名勞豆豈名同而物異歟  
並書之以俟攷

肝疳初起 百草鏡野毛豆鮮者七錢乾者  
五錢雞肝一具同堵食煎服亦可

# 辣茄

人家園圃多種之深秋山人挑入市貨賣取以熬辣醬及洗凍瘡用之所用甚廣而綱目不載其功用陳艮堯食物宜忌云食茱萸即辣茄陳者良其種類大小方員黃紅不一惟一種尖長名象牙辣茄入藥用 又一種木本者名番姜范咸臺濟府志番姜木本種自荷蘭開花白瓣綠寔尖長熟時朱紅奪目中

有子辛辣番人帶殼咬之內地名番椒更有  
一種結實圓而微尖似柰種出咬留吧內地  
所無也 藥檢云辣茄一名臘茄臘月熟故  
名亦入食料苗葉似茄葉而小莖高尺許入  
夏乃花白色五出倒垂如茄花結實青色其  
實有如柿形如秤錘形有小如豆者有大如  
橘者有仰生于頂者有倒垂葉下者種不一  
一入藥惟取細長如象牙又如人指者作食

料皆可用

食物宜忌云性辛苦大熱溫中下氣散寒除  
濕開鬱去痰消食殺虫解毒治嘔逆療噎膈  
止瀉痢祛脚氣食之走氣動火病日發瘡痔  
凡血虛有火者忌服 為檢云味辛性大熱  
入口即辣舌能祛風行血散寒解鬱導滯止  
辟瀉擦癬

百草鏡薰壁虫洗凍瘡浴冷疥瀉大腸經寒



辟外痔以象牙辣茄紅熟者剉細甜醬拌食  
毒蛇傷用辣茄生嚼十一二枚即消腫定痛  
傷處起小泡出黃水而愈食此味反甘而不  
辣或嚼爛敷傷口亦消腫定痛  
祛臭虫方經驗廣集用羊骨頭一個秦樹半  
斤共入大盆內同鋸木屑燒之閉定閉緊勿  
令出烟其虫自死敏按木屑用樟木屑者佳  
凍瘡 蔡白雲方剝辣茄皮貼上即愈

痢積水瀉 醫宗彙編辣茄一個為末清晨  
熱豆腐皮裹吞下即愈

敏按花鏡番樹一名海瘋藤俗呼辣茄本高  
一二尺叢生白花秋來結子儼如禿筆頭倒  
垂初綠後朱紅懸挂可觀其味最辣人多採  
用研極細冬月以代胡椒蓋其性熱而散能  
入心脾二經亦能祛水濕癸亥予在臨安有  
小僕于暑月食冷水卧陰地至秋瘡發百藥

因効延至初冬偶食辣醬頗遠口每食需此  
又用以煎粥食未幾瘧自愈良由胸膈積水  
變為冷瘦得辛以散之故如湯沃雪耳又名  
秦椒李成裕途載秦椒一名番椒形如馬乳  
色似珊瑚非本草秦地之花椒即土中辣茄  
也

龍柏藥性考秦地乃草本辣椒綱目諸註誤  
為秦地花椒不知即今之辣茄又名辣虎性

熱味辣溫中散寒除風發汗去冷痺行疫逐  
濕多食眩旋動火故也久食發痔令人齒痛  
咽腫

刀豆根 壳

綱目穀部刀豆條發明下註刀豆本草失載  
惟近時小書載其煖而補元陽近有人燒其  
子存性白湯調服止呃逆有效故瀕湖特為  
增入而不知其用甚廣今悉補之

治頭風 集聽云刀豆根乃治頭風之神藥

每用須五錢酒煎服 治久痢種福堂方用刀

食一二 豆羹飯上蒸熟洋糖蘸

日即愈



治鼻淵 年希克集驗方老刀豆文火焙乾  
為末酒服三錢重不過三服即愈  
穀 治腰痛萬氏家抄用刀豆殼化灰好酒  
調服外以皂角燒烟薰之牙根臭爛洪氏一  
盤珠刀豆殼燒灰加水片擦涎出即安  
治婦女經閉腹脇脹痛欲死并血痞經驗廣  
集陳年刀豆殼焙燥為末好酒服一錢如射  
香五厘亦妙

喉癰張氏必效方刀豆壳灰以二三厘吹之  
立効楊梅瘡萬氏濟世方當歸川芎沒仁木  
通木瓜生地熟地金銀花防己防风荆芥黃  
柏白芷知母甘草皂莢猪苓各二兩人參二  
錢山紅花刀豆殼各五錢 硬飯團水煎二兩  
雪茶服忌魚腥 一鍋濃汁不拘時  
生冷四劑全愈

地腎

粵志羅浮多地腎一名松黃旦松黃未落為松實已落而英華未散為地腎其狀若彈丸大者如雞卵紅黃相錯一一晶瑩熟之可入饌其生無根蒂散布松下土鬆石潤處有之或占松茸之類也乍浦九山補志松花茸山之有松者皆產惟陳山東麓為多三月間松花入土至四五月經雨後即生至八月又

地腎

統部

生鮮肥滑嫩素品之上味也  
味甘性平生津消痰治澁濁不禁

穿腸瓜 節瓜

吉雲旅鈔穿腸瓜乃大便解出甜瓜子生苗  
結實土人名糞甜瓜不拘大小皆可入藥採  
來晒乾新瓦焙焦為末乳鉢研極細攤地上  
出火毒收貯所用但此瓜不易有須以人力  
製造其法將爛熟甜瓜與七八歲小兒空心  
帶子食之令其勿嚼碎子次日解出大便子  
裹糞內帶糞晒乾時早即于本年下出倘時



晚不及生瓜花亦可用否則藏于次年下種  
更好大人便出者子亦可種此瓜生在夏秋  
若春冬要用必須預備

治痔漏 吉雲族抄有秘授消痔神方不論  
遠年近日痔漏三服除根用穿腸瓜焙存性  
為末每末一兩加蟬退末三錢五分以金銀  
花五錢浸酒一二日煎數滾調藥末每服二  
錢七分空心金銀花酒下外以白海南花並

根葉煎湯不時先薰後洗三日即愈海南花  
春冬無鮮者預收陰乾備用蓋痔漏乃大腸  
鬱火臟腑積熱發而為腫為痛為瘡久而成  
管今用此葯以散之消毒去積除壅其管自  
退不問新久屢試屢驗忌房事惱怒煎炒辛  
辣熱物並發氣之類百日永不再發此方傳  
自西洋僧有洋客患痔漏痛甚不能上海船  
其僧出此葯與服三日即愈求其方送洋布

十足黃金五兩始得此方用無不効  
節瓜 粵草志節瓜乃冬瓜中一種小者白  
皮蔓地生一節生一瓜得水氣最多故解暑  
毒

止渴生津驅暑健脾利大小腸

### 葛乳

一名葛花采各山皆有亦產高州粵志高州  
多種葛雷州入市之為締綌秋霜時有葛乳  
涌生地上如芝如菌赤色味甘脆微苦乃葛  
之精華也亦曰葛葦瀕湖僅據太和山志載  
其醒酒與酒精成疾他皆未及故特補之  
性涼解肌熱散風火及陽明風熱癍疹

鬼胎

汪連仕云乃殘老之向日葵其子性烈通氣  
透膿合射香急性子搗爛為膏貼臍能落胎  
敏按冬日菟園子中有樹上乾枯殘桃亦名  
鬼胎與此名同物異



鮮草果

粵志人多種之為香料即杜若非葯中草果也其苗似縮砂三月開花作穗色白微紅五六月結子其根勝于葉味辛溫能除瘴氣久服益精明目令人不忘

天龍藤

此乃鄉野村中桑樹皮屋籬上所挂霜打絲瓜也其子名烏牛子

治婦人白帶血淋腹脹積聚一切筋骨疼痛並宜服之 汪連任方

真珠菜 鵝鵝菜

六安有真珠菜如真珠 益部方物畧記真  
珠菜弋瀘等州有之生水中石上翠縷纖蔓  
首貫珠蜀人以蜜熟食之或以醢煮可致千  
里不壞 黃山志真珠菜藤本蔓生暮春發  
芽每芽端綴一二蕊圓白如珠葉翠綠如茶  
連蕊葉惜之香甜鮮滑他蔬讓美  
利水通淋結消腹脹下氣癢閉



鷓鴣菜 連江志生海石上色微黑 漳州  
府志鷓鴣菜散碎花微黑出漳浦  
療小兒腹中虫積食之即下如神

### 葛仙米

生湖廣沿溪山穴中石上遇大雨衝開穴口  
此米隨沉而出土人撈取初取時如小鮮木  
耳紫綠色以醋拌之肥脆可食土名天仙菜  
乾則名天仙米亦名葛仙米以水浸之與肉  
同煮作木耳味大約山洞內石髓滴石所成  
性寒不宜多食四川亦有之必遇水衝乃得  
歲不常有他如深山背陰處大雨後石上亦

間生然形質甚薄見日則化或乾如紙不可食矣 梧州府志葛仙米出北流縣勾漏洞石上為水所漬而成石耳類也采得曝乾仍漬以水如米狀以酒泛之清爽襲人此原非穀屬而名為米傳云晉葛洪隱此之糧采以為食故名

嶺南彙記韶州仁化縣丹霞山產仙米徧地所生粒如粟而色綠煮熟大如米其味清腴

大抵南方深山中皆有之

宦遊筆記出粵東葛仙洞外有沉泉噴薄石上遂生苔菌之類其狀如米粒青色毫以為羹味極鮮美土人呼為葛仙米有未識者疑是青螺按韶州府志丹霞出仙米頗與此相類但一生沙土一生水石為異耳

陸祚蕃粵西偶記道書寶至洞天即今北流縣勾漏洞口前後產葛仙米采而乾之粒

圓如黍揉麩釀酒極芳香性寒味甘爽解熱  
清膈利腸胃

按葛仙米本屬石耳之類憶庚子歲曾于劉  
明府席間食之時以為羹儼如青螺狀翠碧  
可愛味極甘鮮滑脆適口入蔬為宜為性考  
云清神解毒疫火能療或云久服延年蓋亦  
能清穢熱者

### 黃矮菜

一名黃芽菜咸淳臨安志冬間取巨菜覆以  
草積久而去其腐葉黃白鮮瑩故名黃芽萬  
厯杭州府志杭人訛為黃雅菜或庵慢華黃  
矮菜杭州呼為花交菜

羣芳譜燕京圃人以馬糞入窖壅培菘菜今  
不見風日長生苗葉皆嫩黃色脆美無滓謂  
之黃芽菜乃白菜別種莖葉皆扁



甘溫無毒利腸胃除胸煩解酒渴利大小便  
和 中止嗽冬汁尤佳食物宜忌味甘性溫滑  
利竅陳堯士云補虛羸

按黃矮菜有南北二種南產者性抗城太平  
門外沙地產者為最他處悉高大粗鬆絕無  
捲心密葉味亦較遜北產糧艘帶來者味更  
美質更細且無粗筋有重至十餘斤一顆者  
南中亦不易得也陳確齋云食之潤肌膚利

五臟且能降氣清音聲惟性滑洩患痢人勿  
服

天茄 牛心茄子

出廣中如大姆指其形如茄而有稜黑色堅如石擊之不得碎其蒂黃黑如醬色一種牽牛花嫩子蘇人采為蜜餞入食品者亦名天茄大能破氣與此迥別

胃脘痛 救生苦海水磨服之每服一枚見效

蠍毒 五雜俎閩中有天茄可治蠍毒

牛心茄子 產瓊州一核者入口立死兩核者可以糞清解之入外科膏藥用麻藥用此藥只可外敷不宜內服

### 緬茄

高濂珍異藥品云緬茄一作沔茄形如大栗上有單帽如畫皮樣出滇南緬甸地方堅如石

滇畧緬茄枝葉皆類家茄結寔似荔枝核而有蒂土人雕刻其上而繫之拭眼去翳亦解瘡毒

滇南雜記緬茄出緬甸大而色紫蒂圓整蠟



色者佳 粵志廣東高州府出木茄上有方  
蒂拭眼去昏瘴即緬茄也

水磨塗治牙疼抹眼眶去火毒又能解百毒

治疔瘡走黃 良朋彙集此方出寶坻張相  
公百發百中真神效方凡疔瘡黃毒攻入內  
不知人事但有氣者可救用緬茄一枚以磁  
碗盛黃酒將茄放碗內磨得下磨不下只管

于酒內磨一鍾約熟茶時將酒裝入長頸錫  
壺內再入連鬚葱二根牙咬不令斷白豇豆  
七粒如蕎麥開花時加蕎麥七粒別時不用  
又用小麥令衆人口嚼成麩筋封固壺口放  
水鍋內燂一炷香取出熱服出汗即愈

醬茄

白茄葉 白茄蒂

此即人家醬中食茄入藥宜陳年者佳

治耳痒出膿 妙藥方醬茄擠汁滴之即愈

治牙疼 周氏家寶方醬茄燒灰為末掩患

處

腹內鱉瘕 壽域方陳年醬茄燒存性入射

香輕粉少許脂調貼之

白茄葉 治腸紅大便下血劉羽儀驗方用

醬茄 白茄葉

蔬部

白茄子葉經霜方採刷淨毛去焦黃葉陰乾  
取三四葉煎濃湯如此吃三四次其血即止  
永不復發此方曾經邪犬咬過之人勿服  
白茄蒂 治發背及一切毒瘡初起味水雜  
記用白茄蒂七個生首烏等分酒煎服即消  
白茄 汪連仕方一名玉盤茄有大小二種  
大者如雞卵小者如指頭初生色白老則皮  
黃能入骨追風治一切癰瘡根名白風藤合

酒蒸服茄寔蘸硫黃擦白點風除大麻風東  
粵茄園產者名茄丸

糟茄 山海草函燒灰存性治鷺口疔



玉瓜

即廣昌土瓜出江西常中丞宦遊筆記廣昌  
土瓜本草不載形甚拙園者如瓠或磊砢如  
贅疣無瓣無瓢長水土中外汗內潔細肌密  
理剖之白如冰玉入口清甘無滓消煩釋滯  
或熟食之亦佳殆瓜中異品也其性蔓生春  
種而秋成冬初始入市無種春深後切瓜連  
皮成小塊用沙土覆于室內久之芽生於是

就沙地為窖令深而寬藉以茅啟其中通而  
根可旁達既長密葉蔓生繫上挿竹引之上  
行培以雞糞乃繁碩土人土人又名玉瓜抱  
朴子云五原蔡誕入山而還語家人曰予至  
崑崙得玉瓜以玉瓜井水洗之乃軟可食是  
豈其遺種耶江西他縣亦有產者然小而渣  
多惟廣昌附郭五里內為佳予食于元宵後  
喜其味美至郡覓之東風送暖瓜即不可留

矣

味甘性平調中益氣舒鬱化滯消食清大小  
腸火生津涼血和營衛熟食補脾健胃

白鼓釘

宦遊筆記口外白鼓釘即內地蒲公英葉有  
鋸齒婆婆娑鋪地與內地生者迥殊內地者花  
早開單瓣生沙漠者花開于夏至前宛似黃  
菊一望燦然滿地其蕊瓣重疊顏色嬌媚暮  
春早甫萌芽口外岐此味用之不竭不啻春  
韭秋菘也採食之清火亦為通淋妙品其莖  
中折斷有白汁諸虫盛夏孕育子人手觸之



成疾百葯難効取汁厚塗即愈鄭方弁云一  
莖丙花高尺餘者拙下數尺根大如拳旁有  
人形拱抱搗汁酒服治噎膈如神按上所載  
皆綱目未及言者且口外所產又與內地異  
綱目蒲公英入柔滑類歸草部今沙漠所產  
人以作菜茹故入菜部亦各從其類也  
清火毒鬱熱通乳通淋消腫治膈噎瘵一切  
毒虫蛇傷

三寶姜 粵姜 川姜

香祖筆記產臺灣鳳山縣相傳明初三寶太  
監所植治百病有効

粵姜 滇程記產雲南百夷中餅一刀圭終

其世斷絕人道土人以飼牡馬不知虛也

川姜 出川中屈曲如枯枝味最辛辣絕不

類姜形亦可入食料用 包汝楫南中紀聞

云扶叢鄉徭人携木姜土茶餉余受其木姜

作羹味如菜菔醬即此物也  
味辛性熱治胃寒散冷積寒辟疫氣

沙葱 風葱

西北遊記口外沙石中生野葱一名楞葱一  
名沙葱石楞中所產故名楞沙清中所產故  
名沙其葉與家葱同大更過之味辣于家葱  
根絕似蒜頭大更過之味亦辣于蒜善食辣  
辛者不能罄一枚雖細如草連攢生于沙磧  
甚密醃之調羹勝于韭雉羹兔羹尤宜又有  
沙葱草與沙葱相似人食之心迷亂馬食之

腹隱痛惟宜于橐駝採者折以辨之沙葱本  
脆折易斷此草柔韌難折入葯取根 西域  
聞見錄不雅斯類野蒜頭大如雞子葉如葱  
而不中空味辛甘肅人呼為沙葱回人嗜之  
寬中下氣消食解肌活血發汗表風寒滌宿  
滯  
風葱 臺志出臺灣  
療風疾

### 番蒜

徐昆柳崖外編番蒜出臺灣番地外形似木  
瓜中似柿有浮山張氏官于閩一婢食薰肉  
後誤食菹遂病面黃腹脹碗碗欲死者數矣  
半載後有饋番蒜者婢偶食之遂大瀉有物  
如小鱉者數十少頃爽然疾若失方知番蒜  
可治鱉菹毒也  
治鱉瘕解食毒水毒



蒜梗

此大蒜近辦處中心短梗也乾者入藥用  
治瘡成管 年希克集驗方用大蒜梗燒灰  
存性搽患處其管自消

坐板瘡 黃氏醫方用蒜梗燒灰為末先洗  
淨去靨將藥搽上

洗漏立驗 良朋彙集云夏應遴試効過防  
風荆芥地骨皮川椒蘄艾瓦松各五錢槐條

一兩陳蒜梗二兩共入麻布袋內熬滾熱盪  
止疼神効

熏痔瘡 救生苦海蒜梗陰乾以火盆置微  
火將梗投入火盆即移于木桶中令患者坐  
燻之四圍以衣被塞緊勿走洩烟三次自愈  
凍瘡 種福堂方大蒜煎湯洗之

### 刺兒菜

西北遊記即內地之紫花地丁俗呼刺兒菜  
葉如柳有刺毛夏開紫花生平地者起莖生  
溝壑者起蔓內地在在有之生口外沙漠者  
花開于夏至後大如蒜頭色紫可愛人多採  
食之暮春萌芽之際挖其根狀如大枝入參  
色較微白巨者如蘆葦烹調適口誠塞外鮮  
品然乾其根帶回內地入藥其清火之功勝

于金銀花解毒之用更捷于山茹菇一物而兼二物之用如此

清火疎風豁痰解毒一切疥瘡痘瘰腫毒如神波斯菜 即今紅菜一名洋菜汪連仕云生長海陽者佳根本紅艷色鮮麗

止血治行杖瘀血攻心搗汁沖酒服即散可理跌打

乾冬菜

陳冬菜滷汁 陳芥菜滷汁 糞金子

冬菜乃白菜杭俗小雪前後居人率市白菜以鹽醃之作齏藏為禦冬及春時所食名曰冬菜頗利膈下氣其滷汁煮豆及豆腐食能清火益肺誠食中佳品也至春分後天漸暖菜亦漸變黑色味苦不堪食以之晒作乾飯鍋上蒸黑再晒再蒸如此數次乃曝之極燥貯击器中可以久藏不壞名曰徽乾菜即乾冬



菜也年久者出之頗香烈開胃禁口痢及產  
蓐以之下粥大有補益蓋白菜本能和中下  
氣利三焦通二便含土德之精有生金之用  
乾之則苦返其初而從母化也久蒸久晒則  
味反甘全其德故有中和之運功與參耆等  
惜乎世多忽而不知余故特為表之瀕湖網  
目菘下無乾菜之用殊為缺畧近日覓橋人  
所市者乃蘿蔔秧所乾與芥菜乾蒸晒成者

皆不入藥須人家冬白菜醃作蒸晒年久者

佳

物理小識益干菜水滴蜈蚣即死  
以鹽菜炒雞吳公亦不食

開胃下氣益血生津補虛勞已瘦嗽年久者

泡湯飲治聲音不出和酒搗爛塗湯火傷

白火丹 黃氏傳方此症形如水脹肢體俱

腫皮膚色白飽脹不食畏見灯火用冬菜勿

落水陰乾陳三年者可用愈陳愈妙煎湯洗

浴并煎服之立消如神

陳冬菜油汁 清肺火痰嗽解咽喉腫毒  
陳芥菜油汁 味鹹性涼治肺癆喘脹用陳  
久色如泉水緩呷之下痰清熱定嗽真能起  
死回生 作法以芥油貯甕中埋行人處三  
五年取用

糞金子 凡油白菜收子作種者其中心老  
根內必有一子枯時搖之有聲剖出名糞金  
子以其得糞力而花寔幹中子又得菜之生

氣大能益人曰金子重之也田種者其子更  
佳

治血症取三錢炒研白湯調服立愈

麒麟菜

出海濱石上亦如瑠珠菜之類瓊州府海濱亦產周海山煌琉璃國志載雞脚菜麒麟菜皆生海邊沙地上又名鹿角菜食令人蔬食中多用之煮食亦酥脆又可煮化為膏切片食細目鹿角菜云甘大寒滑陳芝山食物宜忌云微碱性平大有消痰功用瀕瀕反引孟詵一說以為有微毒不可久食能發痼疾且



其主治止載下食風氣小兒骨蒸治丹石熱  
結解毒何昧其功用乃尔耶茲特表之  
朱排山柑園小識石花菜生海中沙石間高  
二三寸狀如珊瑚有紅白二種洗去沙土煮  
化凝成膏糟醬俱佳又有細如牛毛者呼牛  
毛石花味稍劣郭璞海賦所謂土肉石華是  
也  
味鹹性平消痰如神能化一切痰結痞積疔

毒 按盛京志龍鬚菜生于東南海邊石上  
叢生狀如柳根長者至尺餘白色以醋浸食  
亦佳蔬也土人呼為麒麟菜出金州海邊鹿  
角菜生東南海中大如鉄線分了如鹿角紫  
黃色乾之為海錯水洗醋拌則如新味今金  
州海邊有之據志則似一類二種也  
石花膏 毛世洪養生集治辛苦勞碌之人  
或嗜酒多慾忽生外痔發作疼痛步履難移

服此或大便瀉一通或不瀉亦即止痛可以  
行走再用搽洗等葯自能斷根用麒麟菜洗  
去灰石一兩右用天泉水煮烱和白糖五錢  
食之此方乃李治運臬司傳靈隱寺僧杭人  
蕭或子患此症僧往候授以此方服之隨愈  
予記之後治數人多効

諸笋 乾笋

綱目竹入苞木類以菜笋附菜部所載亦止  
苦竹篁竹溪竹冬竹諸笋且於義類多未詳  
盡不知春冬所出性皆各別鮮乾諸品味亦  
迥殊則入經絡主治自不能合一陳芝山食  
品真一笋譜及食纂所載較詳頗近時尚即  
耶以補之

春笋 笋譜其佳者曰猪蹄紅冬月即生埋

頭土中以鋤掘之可三寸許其味極鮮甲子  
他笋未出土名猪蹄紅若長尺許則其穉元  
故人名元笋亦名蚤笋蓋冠諸筍而先出者  
味甘性微寒下氣養血利膈消痰化熱爽胃  
解渴利水療風邪止喘嗽

毛笋 即茅竹笋、之大者笋譜毛筍為諸  
笋之主其穉有毛故名俗呼為茅笋者非也  
大者重幾二十餘斤猶未出土肉白如霜墮

地即碎以指搯之其軟嫩如腐臭之作蘭花  
香毛笋大者清明後方有其出於臘月及正  
月者形短小穉亦有毛土人名貓兒頭食之  
多嗜心然消痰之力較勝他筍味甘性平利  
九竅通血脉化痰涎消實脹多食令人易飢  
鞭笋 即發于竹邊者夏秋有之其生於四  
月者曰梅邊蓋感梅雨濕蒸之氣而生頗早  
味淡肉硬不如秋生者笋譜邊笋即毛笋之



旁出者方笋盛時生氣上升笋皆豎生氣既  
衰根即橫生盡其力可橫亘十餘丈至地之  
邊際與竹之長短相稱謂之竹邊故名邊笋  
其狀類鞭亦名鞭笋地肥者軟嫩長尺許其  
穉紫色而兼白其味恬淡而鮮其氣醇而有  
蘊藉不類毛筍之精英盡發洩于外也  
味甘性寒開胃利腸消痰止渴  
冬笋 即渾笋沈雲將食纂猶竹冬生筍不

出土者名冬笋又名渾筍

味甘溫

陳芝山宜忌  
云味甘性寒利

九竅通血脉治吐血衄

血及產後心腹痛一切血症食之肥白人

纂食

消痰滑腸透毒解醒發痘疹中諸笋毒者生

姜麻油解小兒及脾虛者多食難化

食物宜忌 痘

瘡不出以此煮粥食即有生發之意

方不為良

青笋 即青竹笋竹細小故出笋色亦青山

間遍地有之係野竹所生笋也即時下俗呼

水竹者是也胡丞謀湖州府志天目出笋乾其色綠

即綠矣  
開其煮法旋湯使急轉下笋再不犯器

味甘止肺痿吐血鼻衄治五痔并妊娠食纂

青筍乾 即青竹笋盐湯煮晒乾者出杭臨

安天目者最佳色如鸚哥綠有尖上尖球子

二尖等名味鹹甘性平爽胃消痰

盐笋乾以春笋盐湯煮晒而成有泥黄烏夾

直脚等名

味鹹甘性平行氣清痰

衢笋乾 以笋用盐湯煮熟薰乾而成

味鹹甘性平利膈化痰

羊尾筍乾 主治同

處笋乾 俗名素火腿以毛笋微醃湯煮薰

乾而成

味甘微寒鹹性平利血消痰

綠笋片 即玉版筍以毛笋皮煮晒乾者浙

筍乾

蔬部

閩江西多有有草鞋底蝴蝶尖玉版等名湖  
州府志綠笋大者謂之濶綠有名泥裏黃者  
尤美  
味甘性平治實喘消痰張石頑云乾笋沒片  
利水豁痰水腫葶藶丸用之

### 紅海粉

蟲語海珠生嶺南狀如姑蜃大如臂所茹海  
菜於海濱淺水吐絲是為海粉鮮時或紅或  
綠隨海菜之色而成或晒晾不得法則黃有  
五色者可治痰或曰此物名海珠母如墨魚  
大三四寸海人冬養于家春種之瀕海田中  
遍插竹枝其母上竹枝吐出是為海粉乘濕  
舒展之始不成結以點羹湯佳



治赤痢風疫

疳積壞眼 慈航活人書穀精草小青草俱  
炒青黛水飛海粉刺蒺藜使君子肉各一兩  
為末早用羊肝七片拌桑三錢蒸熟食



本 草 綱 目 拾 遺 卷 九

錢塘趙學敏恕軒氏輯

器用部

番打馬

形長尺許內藏油膏外裹椶皮可代火把又可鞭馬番舶上來合喇以出方輿勝覽做打麻乃樹脂結成夜點有光塗舟水不能入華夷考曰做打麻乃樹脂流落膠汁土內掘



番打馬

器用部



出如松香瀝青狀內有明淨好者都似金珀  
一般出滿刺加團

性劣殺蟲不可服有毒入外科瘡瘍膏用治  
陰癬救苦海用番打馬和鉛水銀雄黃樟  
腦各等分猪油和搽効 癩疥膿瘡積善堂  
良方麻黃膏中用之 疥瘡救苦海番打  
馬三錢楓子肉五錢水銀杏仁蛇床子各一  
錢川椒樟腦雄黃各二錢用紅燭蓋油共研

勻擦之神效 治疥瘡應驗良方用全蝎乳  
香枯礬大楓子蛇床子土木鼈川椒雄黃水  
銀番打馬輕粉樟腦為末用燭油為丸擦之  
即効此方番打馬作番答木

擦諸瘡并楊梅風毒經驗濟世良方黃柏去  
皮一錢黃連去蘆一錢川大黃五分三味另  
研雄黃胆凡銅青兒茶青黛輕粉枯礬各二  
分水片一分半另研入大楓子七個去壳去



油人言壯人七厘弱者五厘用番打馬即番  
舶打火把之物另為末瘡毒盛而人壯健能  
食者每分五分毒盛而人弱者每分用三分  
不健不弱之人每分用四分和入前葯內研  
勻水銀壯健人每分用一兩中等人用五錢  
弱極人用三錢不可多葯須研極細否則粒  
粗恐傷皮肉右先將水銀一分并前葯末一  
分入盞內加真麻油少許以指研開逐漸添

油研至不見星為度大約如稀糊可矣于兩  
手兩足掌後動脈處周圍擦之每一分葯擦  
三日每日早晚各擦一次每次以七八百擦  
為止大率擦使熟透則住擦時凡周身破傷  
處俱用無射香膏葯貼之每日一換不可經  
風避帳幔內冬月用煖床厚被褥即春夏秋  
暖時亦不可見風擦至七日必口吐臭涎若  
口齒破爛出血者用黃蜂窩煎湯候冷漱解

勿熨下輕則用花椒湯漱之擦處多皮破不可畏痛而少擦忌魚腥生冷發風等物及醋茶醬一個月尤忌房事其牛肉火酒團魚之類忌二三年若蕎麥麩與羊肉則終身忌之每次擦畢以藍布尺許包裹所擦處此治楊梅風毒法也如楊梅瘡初發者擦五六日全愈所用葯皆同惟水銀止用四五錢足矣不必貼膏葯

久遠癩瘡應擦處如有破爛可于脚手心擦之其葯料照中等者亦包布貼膏如前下疳及蛙榦重者亦照中等藥擦治貼膏喉內瘡癬潰爛不能進飲食者亦照前用中等葯擦 遍身牛皮風癬作痒作痛出水者亦照前用中等葯擦凡擦葯仍須內服煎葯煎之

煎葯方 防風荆芥銀花防己白芷連翹

仁白癬皮桔梗川芎當歸赤芍生地黄連黃  
柏知母牛膝木通陳皮羌活獨活粉草梔子  
各等分加土茯苓乾者四兩鮮者八兩水六  
碗煎至二碗分三次一日早午晚服完自擦  
起之日服至七日癸口止虛人加人參二三  
錢 痔漏消管藥線 妙靈方用葯先用灯  
心試其深淺頂至極痛處為率以葯條如式  
送入漏口三日後又試內根漸上生肉條漸

上短用葯直至滿而止玉簪花根白者佳焙  
乾四兩番打馬焙乾三兩馬兜鈴炒乾二兩  
磁石三錢煨紅醋淬三次共研極細末以麩  
打條或粗或細候瘡管用之通始化去再揀  
廣瘡 仙遺拾珠用胆丸三錢皂丸石黃青  
黛各二錢番打馬二錢硃砂五分為末猪脂  
一塊搗勻夏布包擦手足心候復鳴即止病  
自愈



膿窠瘡 慈航活人書班毛三個麻黃二錢  
番打馬三錢樟米五錢臘豬油二兩先熬化  
次入斑毛煎焦撈起再入麻黃煎焦撈起再  
加番打馬末全樟米調勻搗破瘡頭以葯點  
上立時結痂次日全愈

### 老材香

山陝等省無漆民間棺殮俱用松香黃蠟塗  
于棺內數十年後有遷葬者棺朽另易新棺  
其朽棺內之香蠟名曰老材香土人用合金  
瘡為按脂蠟乃先天流液之精又得土以固  
其力藉血肉餘氣以凝其神是一物合三才  
之用故入葯功效倍于他草木也 葯性考  
北地古棺中松脂合金瘡葯止血極效

治跌打損骨止金瘡血出生肌定疼神效盧  
氏仙方金瘡鐵扇散中用之

### 縛木藤

綱目藤部有省藤即紅藤集解云堪縛物主  
治止言去風殺虫無腦漏治法

治腦漏 急救方用縛木紅皮藤燒存性為

末每用酒服三錢服後覺有一線從鼻至脊  
背而下肢其腦漏隨愈一人一年服一次

腸瘻 經驗廣集凡腸瘻生于小肚角微腫  
而小腹隱痛不止皮色不變是也紅藤一兩

許好酒二碗飲醉卧午後用紫花地丁一兩  
許亦以好酒煎服後痛必漸止再服

救琉璃 浮子

係羊角所造有五色惟白者入葯佛前十餘  
年者良去淨油垢新瓦煨研

退管漏湯火傷乳痛 急救方用琉璃片燒  
灰存性食後酒服一錢即消

救生苦海退一切管秘方手指甲灸黃研細  
象牙剉末研細山甲灸黃研細乳香沒葯俱  
灸硃砂水飛舊琉璃灯底佛前白者用三十



年者佳如若難得十餘年者亦可用打碎麩炒為極細末各三錢合勻再研用黃蠟四兩化和為丸如椒大初服五粒次服六粒每日加服一粒加至十四粒止共服十日計服九十五粒至十一日每日減一粒至五粒仍舊逐日加上一粒加至十四粒又逐日遞減一粒如此週而復始或服至十四粒仍從五粒服起更妙每日空心陳酒送下管漸褪出褪

盡為度如若未盡再從頭服起神效秘之秘之

內消痔管神方 陳直夫躬行錄載此方治

痔管如神有一小兒從高墜下傷背脊骨月

餘後生毒潰爛成漏烟虫從漏孔中出經云

外瘻透膜者死內瘻透膜者死此症已屬不

治直夫用此為一料而愈亦奇方也凡諸般

漏管皆可服不獨痔管耳琥珀灯心研末象

牙屑焙血餘瀝自製蛻皮陰陽瓦合好泥封  
煨存性兩前茶舊琉璃底剪碎製法全蛻皮  
蟬退炒人指甲不拘手足俱可用瓦上焙脆  
為末川山甲炒脆當歸白茯苓猪懸蹄甲壳  
尖剪上碎製同蛻皮蛻娘丸灸牛皮膠酒煮  
化和為如不足加煉白蜜以上之藥各三兩  
小蜂房十個製同蛻皮火候更宜輕勿煨成  
灰蛇退十條剪碎丸上灸烊自作汁將凝即

覆存性否則過性矣為末同阿膠和搗搥丸  
每日早午晚服三錢滾水送下一料自愈已  
驗過數十人

痔潰成管 俞曉園抄方尅蛇龜活者一個

泥裹擇朝南墻下背陰處煨烟盡為度去泥  
用多年白琉璃底一具琥珀象牙各三錢珍  
珠犀黃冰片各五分為末搽之此藥亦可服  
每服九分

肺癰 傳信方陳年琉璃煨灰存性陳年油  
紫漆匠店有煉成灰和勻酒服試驗神效  
尿血 救生苦海用舊琉璃灯洗淨剪碎入  
磁罐內泥封火煨以紅為度待冷取出酒下  
三錢  
輕粉結毒 救生苦海用舊琉璃灯燒存性  
研毒服二錢毒在上者川芎湯下毒在下者  
牛膝湯下輕者十日重者一月全愈

濟世方用佛前照過舊琉璃燒存性酒調下  
日一二次一月全愈

凡人火燒 取廟中琉璃浮子松樹厚皮做  
的燒灰放地土上用碗覆蓋灰上存性研末  
用洪塘真香油調敷

臘利瘡 百葯備遺用陳年佛前琉璃只取  
底用丸上煨存性為末真麻油和搽  
喉癰 選奇方用陳年琉璃煨為末一錢加



薄荷葉末白朮砂各五分米片少許和勻吹入立愈

敗毒散 不問新久腫毒瘰癧發背疔瘡皆治家寶方琉璃陳年破損者一個棟樹子四兩舊髮網巾一頂鳳凰衣四十九個三七一錢敗龜板炙五個共為末每服五分棟樹子湯下

男女癰瘡 家寶方先用白蘿蔔打爛貼瘡

口上一日一換三日毒血去盡再用後為松香一兩杏仁三十粒去皮尖油黃丹八錢輕粉五錢日琉璃燈三錢火焙為末研細麻油調搽一日一換數次即愈 雲谷醫抄多年佛前舊琉璃焙存性麻油調搽癰疔即消散結核 石臨初結核論凡馬刀瘰癧一切結核用破舊琉璃煨存性為末每服二錢取微汗此物乃羊角製成能療節中結氣佐以

養血和榮清熱解毒之品標本並治乃佳  
散結湯熟地當歸白芍川芎丹參丹皮柴胡  
桔梗元參白薇各等分水煎沖琉璃末全服  
頸上瘰癧 舊琉璃燈燒灰菜油調搽神效  
長明酒 種福堂方治痔漏神效用積年旧  
琉璃燈洗淨油膩火煨研細以紅酒服四錢  
不過七日管自退去

治通身漏 醫宗彙編云驗過良方用陳年

琉璃底三錢人指甲麩皮炒一錢象牙末一  
錢辰砂一錢蟬退去土五分沒葯去油八分  
白凡八錢如漏在上身加川芎六分在下身  
加牛膝六分共為細末以黃蠟三兩溶化入  
前葯和勻衆手急丸如菉豆大初服七八丸  
每日加一丸至十六七丸止無灰酒送下上  
身飽服下身飢服最忌雞及一切有葱物

# 油胭脂

藥性考油胭脂平承膏合就潤膚習裂活血  
點痘西北風高塗舒面皴不皴手葯古名非  
膠一名碗兒胭脂用小錫碗盛故名色紅  
潤如膏 百草鏡製造油胭脂法紅花汁一  
杯白蠟二兩微火熔化攪勻傾于磁盤內待  
成薄餅用碾麩杖碾數百遍則膠粘如膏葯  
矣假者係胭脂脚所造不入葯



治血解毒治痘疔金蜂咬王氏準繩同珍珠  
 末塗治痘瘡燕窩疔救生苦海痘初起時預  
 免壞眼用臨清濟寧好油胭脂點眼大皆  
 普濟方有四聖丹治小兒痘中疔或紫黑而  
 大或黑壞而臭或中有黑線此痘十死八九  
 惟牛都御史得秘傳此方點之最妙用豌豆  
 四十九粒燒存性頭髮灰三分真珠十四粒  
 炒研為末以油胭脂同杆成膏先以簪挑破

咂去惡血以少許點之即時變紅活也  
 乳頭破裂 油胭脂蛤粉水飛敷之不用蛤粉亦可  
 治疹子眼 眼科要覽用鷄胆將油胭脂調  
 勻塗上雖眼突出能好無鷄胆用田鷄胆代  
 之亦可

木套皮

古為展今名木套

治血風瘡 救生苦海周木套皮燒灰東丹  
礬石各一錢為末菜油和搽

# 火漆

火漆乃造胭脂紫梗水以染脂胚所澆之渣滓也紫梗本名紫鈿出波斯真臘南番等處有小虫如蟻緣树枝造成正同造白蠟一般吾杭造胭脂者藉以染製然第用紫梗一味則色不能紅必須配以黃葉水同煎色始紅艷其所餘之渣則火漆也入葯只須研極細用之有枝梗不受研者篩去物理小識火漆



一名紫膠

治血崩 救生普海火漆不拘多少入無油  
淨鍋內令化炒黃烟淨見白烟起退火取出  
研末空心時好酒和服三錢重者不返三服  
腸風下血 不為良方火漆三錢研細末以  
豆腐皮包作三十包白滾水送下至重三服  
即愈

九種心痛 神方考用火漆一味燒灰存性

每服一錢送下即愈

七氣罌瓶

此乃人家屋簷脊上用壓鎮不祥者以七小  
蟬橫疊相聚如七星狀外以灰泥粘戩入葯  
用年久者王子接絳雪園方罌小口餅也七  
氣者日月風雨露霜雪也七罌人家多置古  
屋上廣漢前上層生瓶年深者良火土結成  
堅剝性利復藉天之上炁能透骨入髓理傷  
續絕入葯取純銅剝生剝末研至無殼水飛

用慈惠編接骨七厘散中用朝天寶即人家  
其屋上瓦將軍前小瓶也愈久愈妙必要取  
者朝天之淨精華

接骨丹 絳雪園方七杰罌口剉末水飛一

錢古文錢有半兩五銖自秦漢鑄紅銅者佳

唐時開元錢亦可用火煨醋淬七次研至如

塵粉無殼為妙用五分與罌末和勻每服七

厘先用甜瓜子仁去壳三錢嚼爛吐出拌為

再服下清酒過口此方用七杰罌口古文錢

功尚腐蝕壞肉陳藏器曰能直入損處鐸入  
斷骨甜瓜子仁開腸胃之壅過通筋骨之机  
関因丹為厘數微甚助以入胃轉輸為丹為  
之嚮導也

七厘散

罌口



紅絹 白絹

紅絹乃毛布今名絹子西人多以牛羊毳雜織而成以茜草染則色紅

治疔瘡 醫便用紅絹燒灰存性五錢乾桃

樹上乾者燒灰存性五錢爐甘石火煨黃色

童便淬七次二錢半共為細末臨搽入片腦

少許其瘡先用椒葱湯洗淨再搽藥三次即

愈

血崩 醫便六合散治血崩不止諸藥不效  
用此立止此急則治其標也杏仁皮燒存性  
香附童便浸三日炒黑舊紅錫子燒存性地  
膚子炒舊棕存燒存性壯血餘燒存性蠟壳  
燒存性陳蓮蓬燒存性共為末每服三錢用  
酸漿草汁一鍾冲上熱酒一鍾空心服按此  
方初服反覺多以漸而少由紫色面紅以至  
于無即止既止之後用十全大補湯二十劑

調補方斷根矣

走馬牙疳 祝氏効方黃規壳煨存性研末  
一錢五分黃連忌鉄器為末五錢括萎根胆  
凡煨五穀虫要尾全者佳瓦上煨存性紅褐  
煨存性以上各五錢為末加水片二分和勻  
先以來泔水漱口連吹數次即愈吹後仍用  
泔水漱口淨去

治疳血疳濕 救生苦海用紅錫燒灰油和

敷或用裁衣店中百家碎五色布燒灰搽之  
清香散 萬病回春治瘵疾生牙疳潰爛臭  
穢用乳香沒藥孩兒茶輕粉炒象牙  
牙焙黃紅褐炒灰珍珠焙黃海巴焙乾各等  
分為細末搽患處立時止痛生肌如神  
白褐 治小兒牙疳集驗方銅綠水飛雄黃  
水飛五倍子炒焦枯凡白褐燒存性烏梅肉  
炙乾細辛去葉蘆炒焦胡黃連炒焦共八味

各等分用老茶葉葱根煎湯以鷄翎洗去腐  
肉見鮮血然後用此為搽上



# 罽布

粵山錄出新安南頭罽本苧麻所治漁婦以其破敝者剪之為條縷之為緯以棉紗經之煮以石灰漂以溪水去其舊染薯蕷之色使瑩然雪白布成分為雙丹雙者表裏有大小絮頭單者一向有之絮頭以長者為貴摩裘久之歲黉然若西糧起絨更或染以薯蕷則其絨勁爽可為夏服不染則柔以禦寒粵人

甚貴之亦奇布也

小兒服之可辟邪魅

舊帽沾

治疔毒 外科正宗下疳用油透羅縠舊帽  
沾燒灰杭粉瓦上煨黃色等分研極細先用  
紅棗十五枚甘草三錢煎湯洗後搽  
金瘡 集聽方用舊粘帽油口沾燒灰搽之  
愈

綿珠

綿有木棉絲綿二種惟絲綿製服則有珠新製衣每上有絲珠透出衣外周履靖群物奇制云伏中裝綿布衣無綿珠秋冬則有以灯草少許置綿上則無珠也入葯用舊衣內綿珠取其襲人氣既久其新衣透出衣外綿珠無用也

治蝎虎咬香油調塗神驗



紅絨

治疔疔瘡此症小兒月內鼻門上忽有瘡孔  
即此症也救苦海用紅絨燒灰二錢珍珠  
五分輕粉五分兒茶二錢血竭一錢乳香一  
錢為末乾搽

五國...

紅絨

器用部

棉紗

養素園方此乃草綿花所紡線也吳松人以  
之織布名曰棉紗本色者白或染藍靛作青  
色為婦人縫紉之用古用木棉今用草棉綱  
目服器部有綿乃絲綿故從絲

性平能透斑疹 傳信方風疹斑瘡出不透  
快用白棉紗二兩梔柳一兩共煎湯浴之避  
風頃刻透發無梔柳以櫻桃核代之亦可煎

服 藍棉紗 此乃經靛染者煎湯解毒與藍汁  
同功

舊頭繩

百草鏡俗名紫根乃婦人以之紫髮入葯取  
油透棄去者良細目有中及繳脚布而無此  
治紅絲疔蛇傷紫束肉上能令毒氣不透  
小兒一切頭瘡 秦中用云燒灰油塗立愈  
治難產 經驗廣集用婦人旧頭繩一條燒  
灰加入參一兩煎服不論橫生逆生服之順  
沉而下矣神奇不可思議



北雁砂

出關東录豆色如珠顆粒擲碗中  
有嚮聲者  
真明目

治一切眼疾 洪清遠方用明月砂五分用  
針刺入紅者佳北雁砂三錢再用羊肝一具  
連胆不落水利開數路不要刮開將二味砂  
為末入肝內以無灰酒二斤蒸熟煎剩二碗  
空心一服晚飯後一服以盡量為度羊肝配

之一服完不論眼病內障外障黑暗不明無  
不神效

烏金紙 皮金紙

江浙造帛處多有兩面黝黑如漆光滑脆薄  
不中書畫惟市鋪用以裹珍寶及葯物作襯  
紙又呼薰金帛以其熏黑搥研而光也 物  
理小識造金箔隔碎金以葯紙揮巨斧捶之  
金已箔而帛無損帛初褐色以則烏金色  
魏良宰云烏金帛惟杭省有之其造帛非城  
東淳佑橋左右之水不成其法先造烏金水

制帀俟黑如漆再熏過以槌石研光性最堅  
韌九打金箔以色金片打之金成箔而帀不  
損以市遠方價頗昂值蓋天下惟浙省城人  
能造此紙故也

治下疳 集聽下疳用高金帀銅杓內炒末  
加冰片少許塗上即愈

復明散 陳嘉木眼科要覽治翳膜遮睛  
瞽者亦可復明用七八歲童子口中吐出虻

虫一條用竹刀剖開清水洗淨將新瓦以炭  
火焙乾勿焦研極細末高金帀包好再用礪  
砂四兩將虻虫包藏其中一七日取出以骨  
簪蘸葯點眼一日三次後將骨簪脚換去眼  
中翳膜熱水洗之少頃又點七完此葯無不

重明

皮金紙 又名羊皮金出廣東凡金箔店皆  
有售者呼皮金帀



治跌仆擦傷釘鞋打傷足跟病久陰瘡擦痛  
并凍瘡足跟瘡爛流水凡小擦傷刀傷腫潰  
紅赤皮光潮濕皆効看患處大小以此剪取  
將金面貼傷處過宿即愈 毛世洪養生集

### 舊繖紙

網目有桐油繖帑止言治蛙幹陰瘡及疔瘡  
疔汗而已無他治法今補之

治纏腰丹急救方用旧傘帑燒存性為末香  
油調敷 對口瘡祝氏効方葭底白色者佳  
一兩陳傘帑燒灰五錢將烏梅肉一兩先打  
爛入末再加生桐油搗勻敷患處漸愈 發  
背立效方周氏家寶千年石灰研為細末鉄

杓內炒紫色傾出磚上待畧冷微有熱氣不  
可太冷太熱三錢大川芎研細末二錢和勻  
入真麻油五六點用井水或河水調服遍身  
大汗出即散矣若遇惡瘡可加黑織帛灰三  
分照前服 瘰癧蔡毓晉方用人家蓋牆<sup>頭</sup>旧  
傘須多年經霜雪者取傘衣依瘡大小剪成  
一塊上用木針刺洞貼上三日另換一張每  
日翻貼七上三張即愈

集聽方瘰癧以輕粉猪骨髓研勻推旧傘帛  
上貼之 周氏家寶諸瘡隔帛膏腫瘡經驗  
膏隔帛膏脫身隔帛膏俱用舊織紙夾葯貼

包烟紙

此乃烟舖內包烟外一層厚白帛係石灰槽  
浸造灰氣未去帛亦不鞣止可包烟用名建  
帛近人食烟以其帛擦烟筒頭彘令銅潔白  
可擦錫器武原朱進士醒菴言此方朝士多  
貯此帛每日清晨盥頰後以之拭面久之能  
轉黝為白令光發如玉 拭面去黝點汗班  
美容顏發光艷



粗草紙 廁草紙

此乃稻草所造南貨店以之包物有厚薄二種厚者名銅板草帑入葯用

發疹瘡 百草鏡折角草帑半張南貨店包

物厚者是也煎服較檉柳尤透發 小兒疳

瘡不葯良方急用大草帑燒灰敷之則不致

變瘋癩或枯丸或加龍骨燒灰等分入射香

少許撒之 腸風下血不葯良方粗草帑燒

灰砂糖拌勻開水服

貝母團 經驗廣集治羊兒風百發百中用  
川貝母去心一兩研粉用羅篩過鋪大草席  
一百張一層草席篩一下百張草席篩百下  
然後用線縫之入四碗水煮乾每清早取一  
張席成團煨過滾湯泡汁飲之服盡全愈神  
妙無比

廁草席 此乃坑廁中拭過糞草席棄于地

者同壽錄云傷寒內有一症名咯蒂傷寒非  
用此不能除也覓此席四十九張燒灰為末  
水二碗煎一碗去渣飲之效

櫓箍

治奶痺毛世洪經驗集凡乳癰串爛年久不  
愈洞見內腑深陷不愈者取搖船之櫓上首  
手捏之處舊藤箍剪下以陰陽丸上煨末竹  
管紮棚篩日日搽之如乾處以香油調搽不  
過半月全愈



酒罈上紙

燒酒草

此乃蓋封酒罈口上帛陳久者佳以其得酒氣多微爛不堅韌又脫去灰性也

治皮膚間忽然血濺出同壽錄用此帛扯碎如楊花推于血出處即止

燒酒草

此即燒酒罈頭泥中之草慈航活人書有此一種入葯故錄之

治剪刀風 活人書云其症腰生紅瘰如物  
纏緊作痛用針挑出血取此草如葢擦出汗  
即愈

### 古瓦

網目土部有烏古瓦不言治癩毒

治小兒生毒 救生苦海已成形者用多年

古瓦研末用細茶葉煎極濃汁和敷留頭即

散

蟻拱癩 用瓦片火煨醋淬七次為末菜油

和搽消渴 用舊屋上瓦兩片洗淨槌碎以

水煮濃汁食後溫服一小盞 同壽錄

青龍背

龔廷賢回春云鍋蓋面上垢膩名青龍背可  
治療瘰癧潰爛久不愈者用此入烏龍膏治之  
烏龍膏 木鼈帶壳炒存性去壳側柏葉焙  
人中血即亂髮也燒灰青龍背帑錢灰飛羅  
匙各一錢俱為末好陳米醋調成膏塗瘡上  
外用紙貼



絹篩籬

今呼篩子有馬鬃織作底者有絲絹作底者  
入葯以絲絹者良

治過月難產 彙集有急救過月難產仙方  
用陳篩籬底一個捲筒燒碗內與產婦服即  
下如產生之見身上皆有羅其驗如神

陳年竹燈盞

銅燈盞青

治多年陰陽諸癰 救生苦海用陳竹燈盞  
油透者入尖底瓶內瓶口安一鉄絲髻將地  
挖一土坑坑內安大碗一只將瓶倒覆碗上  
瓶底朝天週圍用糞糠填滿燒之取滴下碗  
中之油搽之效驗

文堂驗集治癰多年油竹燈挂一個火上烤  
出油汁如膠者良另將五倍子去虫炒研為

末二味和一處用陳醋火上溫熱和勻搽之甚效

臘梨頭瘡 張卿子秘方集驗以酒飯店油透陳竹燈臺一個劈碎裝于磁瓶內口上用旧髻鉄絲煖于瓶上倒轉下再用一空磁瓶以此瓶合于下瓶口上用火煨之其汁滴下取汁搽瘡其效如神

腦漏 百草鏡竹灯絡子十年者須覓鄉村

中有油垢者勿淨煨成炭伏土存性研細每用一二錢包豆腐皮清晨滾水吞下陸續服盡自愈

腸瘻肚瘻神效方 便易良方云右脚拘急是腸瘻左脚拘急是肚瘻取數十年旧油印竹灯臺俗名善福以一只燒半過不用水息悶合成灰研為細末陳三白酒冲服二錢或三錢即愈王站柱不葯良方云此葯又治肺



瘡極神効

銅灯盞青 即盞內之油垢起銅碌者入葯  
良

治燕窩瘡救生苦海本名髮際瘡生頭枕骨  
下髮盡處以銅灯盞內青垢刮下研爛擦之  
如神

料絲

物理小識滇金齒衛用瑪瑙石英屑汁以北  
方天花點之乃凝練為絲以作灯近日丹陽  
松江皆能作料絲李西涯書作繚絲大內青  
瑣即此物  
磨漿能止血破血

船蓬薯

洋船璞

漆盤上漆

治耳內腫爛脹痛 救生苦海用多年船蓬薯燒存性加水片少許研細吹入

洋船璞 此乃海船底中間有襯木舟人名曰龍骨蕔生其間形如菌蕈乾之入藥治胃腕疼痛

按潘之恒廣菌譜舵葉即海船舵上所生菌也不可多得果爾則宜入蔬部留以俟考

船蓬薯 洋船璞 漆盤上漆

署印

漆盤上漆

治羊眼漏 救生苦海此症生足脛骨上生  
一孔無膿無血惟沉清水大痛用多年漆盤  
刮下漆燒灰摻之愈  
產後發血暈 舊漆器燒烟熏鼻即甦

油木梳

木梳以木製成用以通髮黃楊木者能清大  
石楠木者理風其器以此二木造者為最餘  
雜木及駝骨牛角等梳不入藥或曰牙梳可  
辟邪皂角木梳不腫髮栴木鉛梳皆能烏髮  
總不若常用黃楊石楠二木為佳也綱目梳  
篋合一不分所載治法亦夥惟油梳尚遺其  
功用因補之



治肺癆 救生苦海油木梳須二三十年者  
一個燒存性滾水和服甜酒亦可  
治五淋 同壽錄以多年木梳燒存性空心  
冷水調下男用男梳女用女梳神效  
物頸 海上名方此病俗呼落枕乃頸項間  
夜卧悞落枕下或偶被閃挫血滯而強作酸  
疼以舊油梳火上烘熱梳背于疼處極力刮  
之自愈

誤食螞蝗 俞潛山云曾誤食此腹中作瀉  
不時疼痛瀉血以黃土漿水他葯試之多不  
效有教以取多年舊油梳煨灰酒調服一夕  
蝗皆化水而下真神方也

衣帶

刀鞘

舊竹篸

治蛇纏 救生苦海用繫腰帶煨存性研細  
和好醬塗或加水龍骨和柿漆水塗

刀鞘治中惡腹痛 救生苦海用刀鞘燒灰  
水服

舊竹篸治蜈蚣傷 救生苦海將小頭燒通  
伏土取少許研細敷之立愈

草鞋鼻上布

織机上草瓣

網目後標鼻繩下有草鞋鼻無取布法亦不知其有發瘡之功今補之

治見患瘡疹不發取破草鞋鼻上所衮之布七八條煎湯服立效如神周寶生醫通織机上草瓣

楊春涯驗方治白蛇纏此物以陳為好燒灰存性麻油調搽紅蛇纏亦治



肉臺上屑

網目故木砧條列凡上屑止言治噤瘡唇耳  
等瘡乾霍亂虫牙等症急救方言其治手毒  
如神因急補之

治手掌連虎口邊腫毒用猪臺肉上刮下木  
屑如膏作餅貼患處即愈

吐血 慈航活人書醃臘肉店中切肉木墩  
上刮取肉垢火上燒枯勿令成白色存性研

末冲酒服

狗咬 楊春涯驗方刮取切肉墩上油垢和  
砂糖拌敷神效

盛米拷栳

爛籬底

治血散楊春涯驗方用二三十年盛米拷栳  
只擊碎煎湯服一二次即消

爛籬底

此乃人家盛米竹器浙人呼為淘

籬以竹絲織成用以浙米者舊者多用以貯

柴灰淋水洗衣年久則爛

截經 同壽錄云婦人行經不止服此可截

用頭紅花爛籬底爛入搭草鞋臭子蓮房此

四味俱燒灰存性共為末每服一錢黃酒送  
下不過三服其紅立止

### 花簪

楊春涯驗方治乳癰初起時將女人頭帶花  
簪對向日中打圈口中默念天上一朵黑烏  
雲地下女子害乳疼我今特授金簪上金簪  
化去永不疼如此七遍將簪交付婦人圈患  
處即好



厠上椽木 尿板

此即毛坑上椽子多年為糞氣薰漬其解毒之功不下糞清也

治紅絲疔 敬信錄紅絲疔先用針挑斷其絲將多年糞坑上碎木椽子煨灰研細用飴糖拌塗面頭疔即拔出

尿板 治手足瘡無力不能收口家寶方用多年尿浸爛白色木板煨存性為細末加水

慘之立時水口

夏布舊蚊帳

江西麻布染藍入夏作蚊帳名夏布今人以  
此舊帳作漆器坯最佳

治走游風 王化九簡便方用青夏布舊蚊  
帳燒灰存性麻油調敷如再發再敷

陰奇痒難忍 不為良方用青夏布舊蚊帳  
燒灰存性麻油調搽即愈

靈鶴蓋

李金什曾客淮南言山陽一帶洲渚皆蘆葦  
產鶴多卵育于中村人有能識其期者俟鶴  
下卵後竊歸入鍋煮熟急以凉水沃之看卵  
壳不熱復置其窠鶴不知而猶魚伏之過三  
七日其卵中黃白復鮮如故又竊之婦急煮  
而又納窠鶴又伏之如是者三次則鶴卵外  
壳厚如紫玉而盃成矣復竊之歸鋸去其頂



外則鑲飾金玉令成盃形名靈鶴蓋注酒中  
輒有一小鶴影浮酒上云食之益壽延年且  
能治心疾不易得有市者價亦不賈  
安神魂定心悸小兒用之除驚癇孕婦用之  
養胎稀痘出外帶之辟蛇蠱及一切毒

### 小兒破鞋

接骨 家寶方用市鎮上乞小兒破鞋一只  
燒灰白麩等分好醋調成糊敷患處以絹束  
之杉木板夾好須臾疼止骨接有殼為妙

白秋霜

萬表積善堂方白秋霜即多年糞缸底結成  
白霜須經風雨者入葯炭火煨紅醋淬九次  
用網目人部瀉白堊為人中白乃瀉堊也且  
所列主治及附方皆無接骨治傷之說特補  
其缺

治跌撲損傷閃挫骨傷極重者研極細末每  
服五分好酒調下萬表

陳海曙云凡多年廁坑底石板背後有白胎如雪結其間鑿取微有穢氣陳久亦無然糞力透石故其精華凝聚于此能清火毒王聖俞云一名糞霜曾見小兒瘡痘初愈者忽然肺燥咽乾唇裂目中出火滿面紅赤此火毒壅遏未化滯于上焦每服此葯一二錢不數日全愈

敏按蔣儀葯鏡云泥宿糞坑之底疔種發背

立痛當塗而霜又其精華也  
大抵清火解毒  
功用亦不甚相遠



砂壺

出宜與紫泥者佳入葯吸毒用取其口光滑而薄不傷肌肉也

治傷寒不出汗用吸法以二砂壺各盛燒酒八分重湯煮滾將酒傾出即將壺口對臍上各住使吸之際輪換汗出即愈

瘰癧破爛拔毒法將先破處麩糊作餅貼上用小砂壺二個燒酒煎滾去酒以熱壺口覆

于麪餅上熏瘡如拔火壺一樣壺冷又易一  
壺如此數次將毒氣拔盡即愈熏後用猪胆  
熬成膏貼瘡口此方神效

治獸虫咬傷并風寒一切毒用砂壺酒壺二  
個盛大半壺燒酒先以一壺火上令滾無殼  
傾去酒即按在破口上拔出汚黑血水滿則  
自落再以次壺仍按瘡上輪流提按以毒盡  
為度 俱見經驗廣集

按王站柱不葯良方治瘋狗咬傷用砂壺吸  
法與此同吸後再拔去頂上紅髮即愈



禽部

燕窩

一名燕蔬菜從新云出漳泉沿海處有之乃  
 燕却小魚春壘之窩中人取之聞小記云燕  
 取小魚粘之于石久而成窩有烏白紅三色  
 烏色品最下紅者最難得能益小兒痘疹白  
 色能愈瘦疾泉南雜志閩之遠海近番處有  
 燕名金絲者首尾似燕而甚小毛如金絲臨



燕窩

禽部



卵育子時群飛近沙汐泥有石處啄蚕螺食之蚕螺背上肉有兩肋如楓蚕絲堅潔而白食之可補虛損已痢勞症此燕食之肉化而筋不化并津液嘔出結為小窩附石上久之與小雛鼓翼而飛海人依時拾之故曰燕窩也似此則形狀功用時候族類俱有可信嶺南雜記燕窩有數種日本以為蔬菜供僧此乃海燕食海邊虫上背有筋不化復吐出

而為窩綴于海山石壁之上土人攀援取之春取者白夏取者黃秋冬不可取上之則燕無所棲凍死次年無窩矣 香祖筆記燕窩紫色者尤佳 崖州志崖州海中石島有玳瑁山其洞穴皆燕所巢燕大者如鳥咬魚輒吐涎沫以備冬月退毛之食土人皮衣皮帽東炬探之燕驚樸人年老力弱或致墜崖而死故有多獲者有空手而返者是為燕窩之

菜 粵錄海濱石上有海粉積結如苔燕啄  
食之吐出為窩累上岩巒之間島人俟其秋  
去以修竿接鉗取之海粉性寒而為燕所吞  
吐則暖海粉味益而為燕所吞則甘其形質  
盡化故可以清痰開胃云凡有烏白二色紅  
者難得蓋燕屬火紅者尤其精液一名燕蔬  
以其補草木之不足故曰蔬榆肉產于北燕  
窩產于南皆蔬也 宦遊筆記燕窩出南海

日本諸國春間取者色白為上秋間取者色  
黃次之一種微黑而多毛是棟擇所遺者價  
亦不能廉怯症人久服之亦能潤肺止咳功  
等參苓 查浦輯聞南燕歸海外水邊難達  
因啄小魚肉作窩口啣之而飛上倦即投窩  
水中棲止其上少息復啣之而飛故東南風  
則飄掠近岸人就取之 阮蔡生茶餘客話  
許青岩 松信 藩司語予云燕窩產海島中窮

岩邃谷足力絕竿之所不及估舶養小猿猴  
善解人意至山島間以小布囊繫猿背上縱  
之往升木深岩盡剝塞囊中而歸猿之去也  
苦不得食三數日始返海客以果餽充囊中  
俾之遠出不飢拙者出即剝盡塞囊中歸而  
傾囊不過數片為果餽占地也其黠者將果  
餽傾岩竇間剝塞滿囊盡燕窩矣空而復去  
尤為便捷猿一值數百金價數倍于拙者云

許謹齋黃門每晨起食燕窩蔗漿一巨觥以  
融軟為度謂他人皆生食也終日不渴  
味甘淡平大養肺陰化痰止咳補而能清為  
調理虛損勞瘵之聖藥一切病之由于肺虛  
不能清肅下行者用此皆可治之開胃氣已  
勞痢益小兒痘疹可入為煎或單煮汁服  
從新云今人用以煮粥或用鷄汁煮之雖甚  
可口然亂其清補之本性豈能已疫耶有與



水糖同煎則甘壅矣豈能助肺金清肅下行  
耶 物理小識燕窩能止小便數 逢原云  
甘平無毒烏却海粉作窩得風日陽和之氣  
化益寒為甘平能使金水相生腎氣上滋于  
肺而胃氣亦得以安食品中之最馴良惜乎  
本草不收方書罕用今人以之調補虛勞咳  
吐紅痰每煎冰糖者食往亡獲効然惟病勢  
初淺者為宜若陰火方盛血逆上奔難用無

濟以其出柔無剛毅之力耳 張石頑云暴  
得咳嗽吐血乍止以冰糖與燕窩菜同煮連  
服取其平補肺胃而無止截之患也惟胃中  
有痰濕者令人欲嘔以其甜膩戀膈故也  
食物宜忌云壯陽益氣和中開胃添精補髓  
潤肺止久瀉消痰涎 嶺南雜記紅色者治  
血痢入梨加冰糖蒸食治膈痰  
何惠川云翻胃久吐有服人乳多吃燕窩而

愈者老年疲喘 文堂集驗方用秋白梨一個去心入燕窩一錢先用滾水泡再入冰糖一錢蒸熟每日早晨服下勿間斷神效  
禁口痢 救生苦海白燕窩二錢人參四分水七分隔湯頓熟徐上食之立效  
素燕窩 月湖筆叢近時素食中盛行一種素燕窩寧波洋行頗多形白而細長空心虛軟儼如食舖中饊子而細有七八寸至尺長

不爭望之晶瑩握之輕虛每三十餘枝作一束厨人買得湯沃之即起脹韃上然凝白類官燕以入素饌為珍品食之亦淡而少味不知何物造成或曰糯粉山穀為之何以見沸湯反脆美或曰銅鉛之苗產海外深山食之可明日近日始知有用者不知然否附記俟考 北硯食規有製素燕窩法先入溫水一盞伸腰即浸入滾過冷水內俟作料配菜齊

集另鍋製好笊籬撈出燕窩將滾湯在笊籬  
上淋兩三遍可用軟而不糊拌烟用  
解食烟毒

石燕 蝙蝠腦 石錄

粵語產西樵岩穴中大如乳燕足生翼末細  
目石燕條引日華子本草無治疔之說今廣  
人用之頗驗故補之

治兒疔小兒羸瘦取食即愈諺曰嬰兒瘦探  
石殼即此

蝙蝠腦 李氏蝙蝠腦丸中用之治癰疽內陷  
服之能令毒不攻心



石鍾 張氏日抄乃大鵬之精也鵬獨運無  
雌海靜不波之日見影在下以為鵬也其精  
溢出墮土上為土鍾木上為木鍾惟石上為  
不失本性最佳或墮水中以婦女初衣投水  
自能躍出

按石鍾乃慎恤膠之類

浸酒服壯陽令人有子以姜酒解之

鸕鶿涎 蛋 翠鳥舌

鸕鶿形如鵝而色黑面紅俗呼摸魚公水鄉  
人家多養之以捕魚十月後飼以狗肉則身  
暖不畏寒雖破冰入水亦不瘵死

治腎咳俗呼頓嗆袋小腹下逆上而咳連救  
數十聲少住又作甚或咳發必嘔牽掣兩脇  
涕淚皆出連月不愈者用鸕鶿涎滾水沖服  
下咽即止

蛋 能打胎有不欲留孕者取一個白水煮服胎即化為血水從小便出多則二服無有不驗

翠鳥舌 翠鳥即魚翠也其舌大而可用細目魚狗下止言其肉可治魚骨硬而附以翡翠亦云方書無用此者其功效大約相同今為補其舌之用

針頭風 集聽翠鳥舌一個以桐油浸晒乾

又浸又晒硬如三稜針方病發時將鳥舌于頭上亂針即愈

白鷓鴣 鷓 鷓 雪

珍異藥品文首白翼黃足

治盜痛

鷓鴣 珍異藥品出廣中孫硤川云此物在  
山中多食鷓金苗故肉鬆脆

解鷓散結氣

鷓鴣 出廣中鷓頭而烏喙色黃腹毛純黑  
尾長下垂鳴聲鷓上性嗜蛇其哺子時取雛



折其兩足乃以蛇飼之三日即復屢折屢復  
捕食之能治骨節折傷  
雪鷄 生西陲千百成群棲止雪中西域聞  
見域喀什噶爾雪鷄群飛極肥美人以為食  
惟性燥耳入葯雉者良  
煖丹田壯元陽除一切積冷陰寒痼癖之疾  
較雪蓮尤效

洋鴨 烏鴉胆

朱排山柑園小識洋鴨種出海洋形如鴨紅  
冠翠羽馴而善飛雉者重至十斤雌者如常  
其性淫雌雄相交日必四五次故房術用之  
卵大如鶩子味極美以母鷄伏之約一月餘  
則雛出矣雛極易長大

助陽道健腰膝補命門煖水臟

烏鴉胆 此乃慈烏之胆浙東最多悉體肥

黑而大所在多有予門人奉化徐朋圭居白  
岩其地山僻徑出古木叢雜言其土人有取  
鴉胆者云烏鴉胆汁晝則散注身日故精聚  
而能見烟霄外物夜則汁歸于胆取之法須  
伺鴉夜睡時乘其罔覺以利刀斷其頭急剖  
腹取之胆汁全飽並無漏溢然後以線穿陰  
乾入葯用若取之不得法或鴉被驚覺縱殺  
得其胆亦空皮無汁不堪用

明目開瞽功勝空青點青盲最驗解藤黃毒  
爛弦風眼及翳障 不藥良方烏鴉胆點之  
即愈

鵝毛

屎涎 蛋壳 腿骨 喉管

網目鷺下載其毛治射工毒通氣辟癩開噎  
其屎治小兒鷺口蒼鷺者可傳虫蛇咬而不  
知毛可治瘰屎更治犬咬患為補之

治瘰毒 集驗方用鷺毛煨灰一兩明瓦二  
兩研末麩糊為丸每服二錢好酒下

大麻風 赤水元珠參毛丸治大麻風神效  
苦參一斤鷺毛八兩煨存性為末陳米糊為



九桐子大每服五十九酒送下一日二次  
神功至寶丹 王秋泉家傳秘方專治男婦  
油膿肥瘡膿窠瘡臘梨頭遍身風癩隱疹疥  
癬瘙痒異常麻木不仁諸風手足酸痛皮膚  
破爛陰囊痒極并婦女陰瘡濕痒酒丸散擦  
葯洗貼如神隨病上下茶湯送下日進二次  
戒暴怒房勞炎燻發毒之物苦參一斤為末  
鷲毛香油炒存性六兩黃米糊丸硃砂為衣

此方與元珠治大麻風所用大同小異因並  
存之

按鷲白者能疎風瀕湖謂其氣味俱厚發風  
發瘡莫此為甚而馭韓悉醫通以為疎風大  
快殊不知鷲能發瘡生濕火熏者并發火毒  
宿疾害誠有之而疎風之功亦不可盡誣至  
其毛與肉則性尤不同本經逢原云昔人治  
癩風方中取純白鷲通身之毛及鼻足之皮

鷲毛

禽印

與肫肝內皮同濟煨灰存性和風葯用之為  
風葯之嚮導也然不可遺失一處遺一處即  
不能愈又不可用煤色者若有一處色蒼風  
愈之後其處肌膚色黑正取其疎利而不燥  
能和風葯之燥烈而不用蒼色者以純白鷺  
無毒耳絕胎方保和堂秘方用血管鷺毛燒  
灰百草霜各一錢行經後酒調下終身無孕  
又周氏家寶方用鷺毛一把煨細茶煎湯經

後服永不生

此二方難存  
不可輕用

寶生論有受打不

痛法用血管鷺毛七根地龍七條煨通同乳  
香白蠟為丸好酒送下 傳信方治瘰癧初

起白鷺大者二只取週身毛翎并口脚黃皮

新瓦焙焦為末分作十服每日食後服之服

完即愈 救生苦海治腫毒用血管鷺毛一

握銅鍋炒焦腐皮包裹酒吞下即內消初起

者效 諸腫毒痛甚有膿即清無膿即消用

鷲毛燒灰一兩雄黃三錢川烏草烏各錢半  
黃蠟鎔化入前藥為丸每服一錢好酒送下  
方嚴氏諸毒內消方吳涵宇用鷲毛二個炒蜈  
蚣十條醋炒川山甲一兩炒姜蚕一兩炒全  
蝎五錢洗廣膠二兩炒桑黃二兩炒羊角屑  
二兩炒共為末每服三錢砂糖調好酒下以  
醉為度 蜈吞銅錢及鈎線慈惠方用鷲毛  
一錢燒灰礞石皂角子火煨象牙一錢燒存

性為末每服五分新汲水下 艾火帶乃灸  
火所傷爛痛不可忍同壽錄用雄鷄毛同鷲  
毛燒灰敷之效

喉痺癰傳信方用鷲毛灰三分兒茶二錢牛  
黃三厘雄黃一錢人中白一錢半煨存性如  
吃深加珍珠煨存性一分為末先將生桐油  
探刷一番後用藥吹入如胆丸更妙

鷲屎 救生苦海治犬咬以鷲屎敷之不爛



痛

驚涎 網目止載治咽喉殺賊今人治小兒驚口瘡甚効頗驗

蛋壳 急救方瘡疽無頭用新生鷲蛋壳燒灰存性為末醋調敷立出膿血妙

腿骨 奇効方火傷日久發者用鷲腿骨煨存性研末搽之

喉管 家寶方治喉症用鷲喉氣管一個陰

陽瓦 炙黃色冰片一分共為細末吹二三次愈

治赤白帶 家寶方取鷲水喉管煨存性研末酒調臨卧服之

發背疔瘡對口風毒 醫宗彙編川山甲蛇

退蜈蚣俱為末鷲毛全副燒灰存性全蝎血

管鷲毛二翅燒灰人指甲用十分之一敗龜

板一個姜蚕俱為末每用一錢酒下

鷹吐毛 鷹條

百草鏡鷹每日食雀時連毛與食肉化而毛不化聚成一團如芡實大次早吐出收用入葯網目有鷹毛無吐毛故補之 按鷹稟西方兌金之氣其性猛烈而竄捷故余居士以其頭治眩運王燾以其糞治食哽皆取其得庚辛銳氣一往無滯反胃之症食而後吐久積于胃不能運化故旋出大蓋由于憂鬱者

居多取此復吐之意而又得其爽猛之性為  
治其義精矣

治反胃嘔存性研 醫方集聽查將軍家傳  
噎膈方用牙烏洒出毛肘即鷹吐烏毛也要  
七個不可落地用布接在架中微火煨燥為  
末服之營內凡喂毛肘但在下午次日天明  
即吐出最易得不可使肘落地落地則不驗  
鷹條 本經逢原云鷹屎中化未盡之毛謂

之鷹條入陰丹陽丹用不特取其翻之善脫  
以治難脫之病并取屎中未化之羽以消目  
中未脫之翳可謂妙用



雄鷄卵

茅崑來云鷄本南方積陽之象于卦為巽五  
更則日臨巽位故鳴凡鳥鷓卵而雄否惟鷄  
則雌者間亦生卵乃陽極而陰乘之其卵較  
小于雌鷄卵壳堅如石壳色微紅入葯用可  
安胎稀痘 王楙秋汀叢話古北口以噓嶺  
有喇嗎令巡檢張某市雄鷄卵張咲曰雄鷄  
焉能生卵故相難也曰非也俗有斯言即有

斯物第覓之可得也張漫應之語其役上曰  
聞前村民畜雄鷄連生三卵衆以為不祥姬  
異而歲之命役取送喇馮收其一給價五十  
金張詢所用曰能醫眼疾年遠瞽者得其汁  
點之即復明與空青同 陳藏器本草今鷄  
有白臺如卵而硬有白無黃云是牡鷄所生  
名父公臺二申野錄成化二十三年吳縣湯  
惟信家雄鷄生卵平湖縣志萬歷四十八年

四月施太史家公鷄生子形如雀卵色紫史  
異纂天啓二年陝民王進榜家白雄雞生卵  
三因識略壬申二月廿九日提標左營韋元  
鼎廨中雄鷄連生二卵述異記康熙甲戌十  
二月松江吳南林家雄鷄生卵大如鵝蛋壳  
甚堅厚推破之亦有黃白白如凝脂不散黃  
帶赤色 質直設耳嘉定湖南村民錢嵩家  
推鷄生卵與雌無異乾隆壬寅夏間事

紀曉嵐先生云雄鷄卵大如指頂形似園中  
落花生不能正圓外有班點向日映之其中  
深紅如琥珀以點目青甚効德少司空成汪  
副憲承霈皆嘗以是物合葯然不易得一枚  
可以值十金阿少司農迪斯曰是雖罕睹寔  
亦人力所為以肥壯雄鷄閉籠中縱群雌統  
籠外使相近而不能相接久而精氣團結自  
能成卵此亦理所宜然上鷄秉巽風之氣故

食之發瘡毒其卵以盛陽不洩鬱積而成自  
必蘊熱不知何以反明目又本草之所未載  
醫經之所未言何以知其能明目此則莫明  
其故矣汪副憲曰有以蛇卵售欺者但映日  
不紅即為偽托亦不可不知也

敏按諸書所載雉鷄生卵自古有之原非有  
異據陳藏器所說有白無黃而述異記所載  
則有黃有白想本間氣所生其形色亦無一



定乾隆庚戌臨安慈聖寺有放生雄鷄忽生  
卵日產其一如是旬餘人以為異其卵較小  
色紫而壳堅為一錫匠索去予時適館臨安  
聞而索之已無有已錫匠徽人亦云其卵白  
可入葯故乞之婦里然此物又不時入葯李  
煥白先生云曾見喇嗎誦黑經用雄鷄蛋川  
中鬼師有用雄鷄蛋以行禳者白蓮教則又  
需以解冤迷術今人徒吃其異而不知天生

此正所為世用也

安胎稀痘開聲

獸部

獅子油 血 糞

辛温有毒色微黑者真善透經絡凡用勿多

沈良士云塗指甲上涼透指甲者真又方

以黍許入沸湯上即不沸者真 逢原云獅

為百獸之長性最難馴一吼則百獸辟易爾

雅言其食虎豹熊太古言其乳入牛羊馬乳

中皆化成水西域人捕得取其油入貢以供

官人捺除衣垢之用又能去帝上墨跡刮少許隔帝熨之即脫予嘗試用垢雖去而衣易敗帝易脆僅供一時之用雖係方物方為罕用近世醫者以之治噎膈病蓋噎膈皆鬱疾痰積所致用取滌痰之意試之輒驗由是方家爭為奇物但性最猛利力能墮胎孕婦忌用象油亦能去垢滌痰但不能去墨跡耳椿園聞見錄溫都斯坦西域一火回國從葉

尔羌西南行百日可到其國西隅有巨澤圍數千里澤中有山圍逾千里萬峯聳峙高入雲天或曰人間第一高山也名曰牽各里麻胆達喇斯山中產獅子于新月皎潔輒負雛于山中往來頭大而毛虬尾形帚黃質黑章如虎皮長六七尺時登山絕頂望月垂涎咆哮跳擲猛飛吞月有飛去八九里十餘里而墜地山谷中者其國人以養養獅子為上戶



每當秋月其汗使人取獅以精鉄作柱大如  
瓮密布層遮圍畜之于其中飼以牛時而吼  
如雷霆滿城震動人畜不寧取之法擇炮手  
之最精者開地為阱人匿其中遇有負雛者  
來乘其不備發炮斃之而取其雛倘一炮不  
中則拋山裂石而人無焦類矣 張景濟有  
此油云熬之可挑絲一二尺不斷他油則不  
及也 陳海曙曾在京邸簡親王府見獅油

堅如石絕如鷄卵白潔可愛

朱排山柑園小識獅子油白膩如猪肪氣味  
俱薄利小便凡人小便不通雖腹脹莖痛病  
在危急者以酒或白湯送三四厘或半分即  
通嘗有一丐因受暑熱遂致小便不通每月  
一發上至二三日後莖痛如割至不可忍屢  
投繯折死人以獅油少許投之片刻即通奏  
効之速無逾于此而本草不著其功用何哉

豈當時未知用欵第虛秘者似宜酌而用之  
敏按獅油性最猛烈內服尤不可單用更  
勿多服嘉慶元年三月予友邵某得獅油少  
許因病欲服之未果為一鄉人轉乞去市于  
人獲重價其人市得服半黍許夜半而死鄉  
人惧罪亦投水死蓋外用不妨內服尤宜審  
慎以人之腸胃太弱不任峻利之攻削耳  
消熱結治膈大小便不通救生苦海用獅油

油服二三厘自效

獅血 沈雲將食物會纂獅血殺百虫燒之  
去鬼氣

獅糞 王沂堂藏有獅糞一段用鉄匣盛之  
四圍以鉄屑養之其形至堅如鉄石磨之作  
紅色云非鉄屑養則易朽爛也

治一切腿足下部惡瘡年久不愈者塗之即  
痂而落

象糞 白 尾毛

按象有家野二種京師者食俸料滇廣山產者食竹木槲草入葯以野象糞良京象糞銷皮坊皆多取濺黃貂黃狼能令毛黑如漆綱目象下凡牙肉睛皮胆骨俱入葯不及其糞仍為補之

治鷲掌風以象糞燒熏自愈

起死回生散 李文炳經驗廣集治痘瘡至



七八日忽然變黑收入腹內遍身抓破吭喘  
死在須臾服此從新另發出立可回生當歸  
川芎白芍生地升麻紅花上陷加白芷下陷  
加牛膝遍身黑陷加麻黃象糞微炒如一歲  
兒用二錢大兒用至三五錢者右剉一劑半  
水半酒煎服從新發出脚下黑疔至七八日  
用針挑去以太乙膏貼之即拔去毒連進二  
三服

瘟疹 良朋彙集方治小兒大人出瘟疹回  
在心胸作喘發燒用象糞八錢升麻二錢水  
二鍾煎一鍾服即刻透出

象白 乃象交于水其精浮水面象房人用  
磁瓶收貯入葯敷面不皺亦可入房葯用  
尾毛 通雅云今人剔牙杖極重象尾謂可  
去火

犴血

孫含懿云有客自川中來帶有犴血言此獸  
乃星禽為天上井宿五百年一降于世以濟  
人其降也必于蜀降之前三日天乃大風振  
屋拔木為降犴風左右村落居民知犴必降  
悉遷避之求鐵工造蓮葉箭鏃如橄欖形而  
窪其中鏃上刻名以記犴降之日形如胡犬  
有鱗大十倍于象者必朝歲星躔踞不動土

人從其後射之矢集其身如猬三日後乃去  
遺矢于地各認所鑄以歸矢人無爭者其鏃  
頭有血一塊大如欖核可入為土人亦甚珍  
寶之不輕售自明洪武時曾一降至今幾四  
百年所珍為亦罕有存者縉紳舊族或有之  
亦寶同和璧矣

治一切陰疽發背一切大毒凡瘡疽必死之  
症無為可救者每以一厘潰則敷膏外貼未

潰則調酒服一夕自愈合治瘡守為一斤加  
入分許即奏効如神



醉虎 油 胆 脂 脛骨

三國識略 壬子正月初十日福山戍卒遇一  
醉虎縛獻王大將軍轅門將軍剖肉分贈郡  
紳之小兒食之可以稀痘按虎食人與楊柳  
及狗皆醉

宦遊筆記載山人捕虎法云虎嗜食犬食之  
必醉如人中酒虎匿深谷峻嶺往來不時難  
尋其踪人以劣犬縛于山四犬嗥不已虎聞

殺而前果腹而醉不能遠去人迹犬血而捕之則無所適矣此縛醉虎之法也  
主稀痘

虎油 物理小識虎一身皆入藥而本草未載虎之功效愚于獵戶取其油以塗臘梨瘡一二次即愈 萬性考虎油療禿塗狗嚙傷五痔下血反胃酒嘗

虎胆 治打傷垂死飲食不進前前不通乃

瘀血在心命在旦夕可用此方虎胆五分去外皮用老酒調灌下出可不死矣

虎脂 治打碎頭骨蓋方用虎脂一兩浸好熱酒內俟化勻服之汗出為度如患處青者不治

按虎胆虎脂綱目雖載其用而未言反入折傷科之用此二方出錫山華氏經驗並屢試有效故補其說以濟急

反胃 不葯良方虎脂八兩清油一斤瓦瓶  
浸一月密封勿令洩氣每以油一兩入無灰  
酒一盞溫服以瘥為度油盡再添

鹿胎 鹿乳餅 鹿胫骨

瀕湖網目鹿條精髓筋胆胎糞俱各條載獨  
遺此張璐逢原另列鹿胎一條頗詳辨可採  
錄出以補其遺璐曰胎中鹿其嘴尾蹄哈與  
生鹿無異者為真其色淡形瘦者為鹿胎若  
色深形肥者為麋胎慎勿悞用能損真陽又  
獐胎與鹿胎相類但色皎白且其下脣不若  
鹿之長于上脣也其他獐獸之胎與鹿胎總



不相似也入葯取真者酥炙黃用 氣味甘  
溫無毒鹿性補陽益精男子真元不足者宜  
之不特茸角羣胎入葯而全鹿丸合大劑參  
芪桂附大壯元陽其胎純陽未散宜為補養  
天真滋益少大之良劑然須參芪河車羣佐  
之尤為得力如平素虛寒下元不足者入六  
味丸中為溫補精血之要葯而無桂附辛熱  
傷陰之患但慎勿悞用藥胎及傷天元陽氣

也

鹿乳餅 茗陰扎記孝豐深山產鹿土人計  
其產子時輒于夜半伺其洞側鹿乳子必五  
更乳畢出洞至暮方歸每日祇乳小鹿一次  
小鹿食乳于腹結十二小餅每一時輒消一  
餅土人候母鹿出洞即將乳鹿抱歸剖腹出  
餅持貨遠方為珍葯價值兼金其餅如雲南  
棋子大色微黃乾者作老黃色腥氣最烈食

之大能強陰益命門火衰于老羸最宜  
理怯弱虛損發痘漿通女子乾血勞  
鹿脛骨 綱目鹿條有骨乃指全體而言至  
脛骨不聞有用法今時醫有班龍散純取其  
脛為用因載其方以補之  
生肌收口救生苦海用班龍散取鹿脛骨濕  
帛包固灰火煨之以黃脆可研為度若焦黑  
色者為過性勿用摻大毒生肌甚速

猴經 犬豕胎糞

入葯名申紅深山羣猴聚處極多覓者每于  
草間得之色紫黑成塊夾細草屑云是母猴  
月水乾血也廣西者良

治乾血癆

犬豕胎糞 史長惺有不服葯而點眼發汗  
方以初男胎糞煉而升之加水射礮兒收有  
當發汗者男左女右以乳點之卧即汗出本

猴經 犬豕胎糞 獸部

草所未載小識云犬豕初生糞皆可合煉不  
必定嬰孩也

### 獠油

獠即雅字所在山澤有之穴居食虫鼠劉仲  
旭云北直河堤一帶尤多穴岸而居最為堤  
防之患守河兵卒多捕之一說獠入蟄時必  
食蜂始過冬不飢有人于初冬發其蟄穴得  
獠破腹其肚胃中猶有蜂糞腹中反為蜂蟄  
輒厚數寸或藉此不飢此說亦未可深信堤  
民得獠脂多市煤廠作地灯非此不可他油



輒為地風吹滅惟獠油作灯能禦地風也  
入膏中拔濕如神繆仲淳廣筆記趙府膏藥  
中用之  
治頭上白禿 集驗用獠油火烤擦三四次  
即愈如年久者恐不生髮以枸杞子煎湯飲  
痔瘡 劉怡軒云一切內外痔獠油塗上立  
效 效血胸中哽噎怵上如虫行者不為良  
方猪獠油入酒和服或下或吐或自消也

### 海狗油

海狗出遼東登州海中即媪胸獸也綱目載  
媪胸臍不言及其油之用故為補之 蓬萊  
李金什言其地登州海口出海狗皮可作裘  
帽俗美其稱曰海龍即此其腎乃葯中媪胸  
臍土人取海狗名曰打狗此物晝夜潛海底  
惟孽乳時登島產子稍大即相率入水人不  
可得須冬月極凍時海崖水口結冰天晴海

海狗油

獸部

狗群出處冰上爆日必候其卧冰時驟入水以木棍擊其腰方可得之若冰裂或步履有聲非其睡時皆不可得然每年打狗墮水溺死者亦多因利重人亦不惜軀命以往性熱而降善消利治三焦濁逆之氣能清水臟積寒停飲觀近海人取鮫魚海參者用其油滴海面海水即清見底砂石畢見可知其性之分利也 近有人自閩東帶來其油綠

色如乾糊以塗皸瘰即愈次年不復發其性熱烈可知

狐麝

獺糞

狼脂

金沙江志產東川州通二府較常射香氣尤烈佩之辟邪絕惡夢定魘

獺糞 綱目獺條載其采治魚鱗瘡反下痢而已不知有消瘤之功今補之

王氏檢秘消瘤用獺糞一兩天南星三錢射香三錢共研末醋調塗上即愈

狼脂 本經逢原云狼性追風逆行故其糞

本草綱目卷之九

狐麝

獺糞

狼脂

獸部



燒烟能逆風而上燒灰水服治骨鯁以其性  
專逆行而無阻滯也狼脂摩風首推而本草  
不錄亦一欠事按周禮冬獻狼取其膏聚也  
內則食狼去腸古人以為食品綱目獸部狼  
膏下瀕湖僅據飲膳正要載其能瀾燦澤服  
塗惡瘡而已不知其大功用乃能驅風散逆  
結之氣何可昧耶故急補之入風氣膏中  
能去積久風痺調酒服散逆結之氣

### 山羊血

油 糞

常中丞筆記山羊生平樂山崖間能陟峻坂  
躡捷若飛其血可治跌損傷及諸血症凡跌  
撲死者未絕氣以一分許調酒飲之速甦神  
效立見第捕甚難每見人則決驟而去聰迅  
非常非足力所能及必密布絕網草間冒其  
足始能生得之刺其心血待乾凝結成塊可  
以携遠蓋凡血皆患凝滯山羊踰高歷險旦

夕不休則其血涸矣而心為主故心血最良  
語云流水不污戶樞不蠹觀此益信 本經  
逢原云山羊產滇蜀諸山中性善走逐好鬥  
肉能療冷勞山嵐瘴癘婦人赤白帶下其心  
血瀕涸綱目失載苗人取血法以蘆竹通節  
削鋒利活刺心血收乾者良宰取者不堪用  
柑園小識山羊血產廣西諸土群山羊似  
羊而大善鬥能上絕壁每登高處失足或至

骨折少頃如故喜食三七苗其血主治損傷  
極妙輕者服數厘重者二三分以心血為上  
身血次之色黑有光而質輕者為真

陸祚蕃粵西偶記試山羊血取鷄血半盃投  
一粒過宿變成水或以久凝臭鴉血一塊投  
入山羊血過宿反變成鮮血乃真 湖湖綱  
目云山羊即野羊也一名羴羊非今之家山  
羊也時珍于山羊主治條僅載其肉之功用

不及油與血之用此並附之。今人收得乾血成塊者必用糯米養之云可以留不枯。性溫味鹽無毒逢原云為和傷散血之神藥。其治跌撲損傷單用酒服取醉。醒其骨自續。每用不過分許不可過服。雖不耗傷元氣而力能走散陰血。上然必初患便服得效最速。若過三五日血凝氣滯無濟于治矣。價等牛黃心血亦不易得。參血丹用之真虛勞失

血之續命丹也。藥性考山羊血味鹽療跌撲損傷。咯吐嘔衄。便溺諸血。能止血消瘀。和酒服。其皮作茵褥。愈筋骨疼痛。角作火礮。灸頭風。以入水一絲不散者真。

吐血 蔣莘田經驗方。臨卧時用廣西真山羊血。每服三分。能引血歸源。不過二三服。其血自止。

黎尚九 治跌打及一切瘡腫。天竺黃八分。



牛黃四分冰片四錢三七四錢五蝎四錢見  
茶四錢射香四分沒葯四錢阿魏二錢雄黃  
二錢藤黃四錢孩兒骨一兩山羊血製藤黃  
入葯共為細末煉蜜為丸如龍眼大陰乾外  
用蠟為壳封固三白酒服

祝氏效方 山羊血能解鮮茵河魃毒傷損  
惡血治痘內無漿不起發 集驗良方用真  
羊山血三分用甜酒釀調服痘漿立起

太乙神鍼方 人參四兩三七八兩山羊血  
二兩千年健一斤鑽地風一斤肉桂一斤真  
川椒一斤乳香一斤沒葯一斤川山甲半斤  
小茴香一斤蒼朮一斤真蘄艾四斤甘草二  
斤射香四兩防風四斤以上共為細末用綿  
帛一層高方帛三層帛寬裁尺二寸五分長  
一尺二寸將葯末薄上鋪勻在上一針約用  
為七八錢緊捲如花炮式務要緊寔兩頭用

帛封固外用印花布包面亦要齊整好看此針能治一切痛風寒濕筋骨疼痛諸症用時將針以火焯着或按穴道或在痛處下視以方寸新紅布數層將針按上若火旺布薄覺疼多墊布數層但針必須三四枝一針已冷再換一針連進七針無不立驗神效治喉痺喉症惟此最遲久則失音不可救種福堂方西牛黃一分真山羊血二分川連五

分血珀三分冰片一分硼砂一錢青果核灰三分灯草灰五分共為細末每一茶匙藥用一茶匙蜜調放舌尖上徐徐嚥下一日五次兩月可愈或加蜃蚶梅灰更妙

馬氏夾棍神方 吉雲旅抄山左馬家市夾棍藥極效方用蜈蚣胆二錢山羊血一錢半琥珀一錢大白頸地龍七條去泥珍珠三分辰砂一錢見茶八分金箔一帖為衣為細末

蜜丸梧桐子大金箔為衣每服一錢五分好  
酒下如不打夾者用刀破皮葯自出  
治急心痛 集驗方用山羊血一分火酒化  
下

中邪遇鬼 醫鈴此症乃陽氣衰而陰甚治  
須急補真陽以存正氣則陰邪自平即或治  
痰然亦當加意補正為本人參二錢當歸六  
錢白朮一兩菖蒲二錢半夏三錢白芥子三

錢升參五錢皂角刺五分山羊血八分附子  
一錢此方用山羊血皂角刺為開闢聖品以  
通邪崇之要路半夏白芥消其寒痰無寒之  
侵斷不中鬼大用參以扶其陽上生陰滅此  
不易之理也

救絕仙丹 石室秘錄此丹尚救五絕及有  
邪祟昏迷一時卒倒者皆可灌之以起死回  
生寶神奇之極宜端午日修合山羊血三錢



菖蒲二錢人參三錢紅花一錢皂刺一錢製  
半夏三錢蘇葉二錢射香一錢各為末蜜丸  
如龍眼核大酒化下

敏按山羊血以產滇黔及蜀者佳以其地深  
山多三七苗及理血定風諸草山羊每食之  
尚人追逐得之山羊本迅躍無一刻之停其  
體血自頂貫尾終日旋運如飛又被逐捕則  
躁性頓發血隨氣運矯捷尤甚黎尚人捕得

以竹鎗刺入其心取血用此上品也其血成  
條深紫有光以少許入水中自然旋運如飛  
蓋矯捷之性猶存也若網取刀剖而得者血  
色黯滯入水亦不能迅捷他省產者亦能如  
尚苗之合象追逐令其騰躍上下而後刺取  
其心血用亦可較次于滇黔山羊血惟今之  
各處所獲山羊皆用網取或鎗斃而後剖其  
心血似矯克心血則力微性緩更有以他血

代充者則尤偽質質無用故今市中每多此物高索重價非親歷其地真知酌見而得者勿用也

油 張卿子秘方集驗治主心疝用山羊油不落水者荷葉包裹挂風處陰乾不可着雨遇此症取三五錢沖熱酒服不飲酒者滾湯亦可

并治諸疝 按文堂集驗主心疝用山羊血

其言與此同然細繹文義有不落水句則用油非血矣文堂誤以油為血故並正之南方亦有山羊但不及粵產者其血尤為迅捷也糞 山羊糞同水粉各一升浸一夜絞汁頻熱午刻服治疝癰

祝西菴本草山羊屎煨灰療潰爛生肌入外科收口葯用 祝氏効方大束丸用山羊屎晒乾入鍋炒炭存性研細收藏每久爛

不堪將見內腑者以大棗去皮核搗爛如泥  
後入前粉槌至成丸每服四錢黑棗湯送下  
此物大能斂潰爛諸口神效無比  
山蓮散用大活鯽魚一尾破腹去雜以山羊  
屎塞寔魚腹放丸上慢火灸乾存性研末加  
射香一錢封貯如遇潰瘍爛見內腑止隔一  
膜者以此葯摻上立愈

雷頭風 祝氏効方云諸葯不愈惟山羊糞

炒炭斫粉甚效歌曰雷霆頭裡震山羊糞有  
綠酒送二錢下不在腦門喧

治心痛不論遠年近日 玉泉方山羊糞七  
粒油頭髮一握全燒為末好酒和服永不再  
發



石羊胆

廣東通志石羊色黑類人家羊而躡捷其角  
燒帟為火罐能收頭風其皮作褥可愈筋骨  
疼痛其血能療跌打損傷猶秦中山羊也

肇慶志石羊出高要山中似羊而高大長角

耳厚于羊一孔三毛服用柔而能久 內兄

朱問亭官粵曾寄石羊胆一對盛以銀匣大  
如小指以絨線紮其一頭乃乾者據言此物

不易得試驗之法以此胆囊掛在胸前急行  
不喘者真治折傷勝于山羊血也

治一切目疾勞眼青盲人乳調點風火防風  
汁調點此物去翳障如神水調亦可  
跌撲功同山羊血

曹閏亭先生曹宦黔中云邊邑皆產石羊形  
小如兔趨捷難獲有得之者須即破其腹取  
胆少遲則裂于腹內矣其胆乾之可療肝厥

暴絕酒服一二厘即甦其心血能治真心痛  
頗有效骨皮熬膠去風活血如神

山狸

貂尾

犀牛皮

坤輿圖說利未亞國有山狸似麝齋後有一  
肉囊香滿輒病就石上剔出始安其香似蘇  
合油黑色療耳病

犀牛皮 物理小識近有從舶上來者此真  
是海犀其皮入葯 治風活血最效

貂尾 貂出西北塞外食松栗即南中松狗  
之類其行捷穿樹枝如飛蓋以尾為用者故



其力在尾綱日貂鼠條止載其皮毛拭目去  
昧而遺其尾故為補其功用  
凍瘡用貂尾燒存性為末摻爛處自愈未破  
者用舊貂皮毛煨研香油和搽 養素園驗  
方

七葛 香鼠 鼠血

回疆志出伊犁西番一帶用馬乳裝皮袋內  
以繩緘口手捉袋提壓半時許放于熱處一  
夜即成名之曰七葛飲之熱而補人若日日  
服之有返老還少之功云  
性熱補虛羸長力怯弱者宜之

香鼠 珍異藥品云出雲南形如鼠僅長寸  
許周櫟園書影云密縣西山中多香鼠較凡

鼠小死則有異香蓋山中之鼠多食香草亦如樟之有香齊也山中人捕至篋笥中經年香氣不散桂海志云至小僅如指掌火穴于柱中行地上疾如激箭 治疝甚驗  
鼠血 此乃家鼠血網目于鼠下獨遺鼠血今補之  
本經逢原云生鼠血蘸青鹽擦牙宣有效壯者良

猫尿 胞胎 猫尾血 白松香

鳳聯堂驗方治偷糞老鼠用猫尿并底泥和勻圍之立愈 急救方塗蝎毒螫傷取蒜片擦猫牙溺即下 虫入耳中不出以猫尿滴之即死

猫胞衣 為治膈噎之神葯瀕湖綱目猫下雖附胞衣惟引楊氏經驗方治反胃吐食燒灰入硃砂服其他槩未之及烏且取之有法

食之有忌均為補之

膈噎同壽錄用猫初生衣胞以新瓦焙乾研細末每服一二分好酒送下口含竹華管睡恐咬牙及咳嗽米不下者五六服即愈取猫胞法猫將產以木枷上之恐生出即食也忌火酒

翻胃鳳聯堂經驗方猫胞衣三個好酒洗用猪肉四兩浸煮熟服之數年者立效

猫胎 祝氏效方治瘰癧用猫胎一個泥裹煨存性菜油調搽

金御乘云猫胞衣凡患小產婦于產後或為羹或為末食嗣後即不小產極驗



猫尾血 白松香

不藥良方急驚風剪破猫尾滴血冲滾湯下  
秘賞云凡噎膈之症服猫尾灰者每服只  
好二分服時須口含竹筒恐傷齒 莫際華  
云胃腕痛非服猫尾不能断根

白松香 汪連仕云即瓦上多年猫糞色白  
火煨用治盜哮喘就厥作痛更理瘟疫鼠瘡立  
刻見効

浙膠

黃雲盛言近日浙人所造黑馱皮膠其法一如造阿膠式用臨平寶庄水煎熬而成亦黑色帶綠頂有猪鬃紋與東阿所造無二入葯亦頗有效蓋阿膠真者難得有浙膠則較勝于用雜膠也寶庄在臨平湖西岬有寶庄泉土人名為大力水云食之多力向聞虎跑泉水注大缶中平口投錢于中能吞一百六十

青錢而水不溢他水至八十已浸漫于外矣  
故虎跑泉食之益氣力寶庄水能吞二百青  
錢不溢其力更可知以此水作膠自可敵伏  
沉之濟水然予每索此膠于市通詢葯客皆  
云造者亦少不易得而雲盛言之甚詳姑存  
之以備異日考証  
補血潤燥功同阿膠治內傷腰痛強力伸筋  
添精固腎尤別有殊能也

### 霞天膏

綱目書却牛下附例倉法而無霞天膏製法  
近時用之頗多故附錄之本草經疏亦載為  
專品其法用肥黃牛肉三十四斤洗極淨  
水煎成糜瀝去滓再熬成膏用繆仲醇曰胃  
病土為水穀之海無物不受胃病則水穀不  
能以時運化羈留而為痰飲壅塞經絡則為  
積痰老痰結痰等症陰虛內熱生痰則為偏



癆口眼歪斜留滯腸胃則為宿飲癱塊隨氣  
上湧則為喘急速悶沉注肌肉則為結核王  
隱君論人之諸疫悉由于疫然而疫之所生  
總由於脾胃虛不能運化所致惟用霞天膏  
以治諸疫証者蓋牛土畜也黃土色也肉者  
胃之味也熬而為液雖有形而無濁質也以  
脾胃所主之物治脾胃所生之病故能由腸  
胃而滲透肌膚毛竅搜剔一切留結也陰虛

內熱之人往，多疫此則由於水涸火熾煎  
熬津液凝結為疫膠固難散者亦須以此和  
竹瀝貝母橘紅蘇子栝樓根枸骨葉之類消  
之或以橘皮白茯苓蘇子白芷菴仁半夏蒼  
朮為麴治脾胃積疫或以橘皮貝母蘇子栝  
樓根及仁蓬砂為麴治積熱疫結

味甘溫無毒主中風偏癱口眼歪斜疫涎壅  
塞五臟六腑留疫宿飲癱塊手足皮膚中疫

核 繆氏經疏

羊哀

形圓如彈大小不等產羊腹在胃中惟山羊  
有之胡羊不能成也蓋羊食百草其精氣聚  
于胃久則成此物俗呼百草丹亦牛黃狗寶  
之類牛黃細膩而疎鬆且香烈故以黃名狗  
寶花白而堅凝如石故以寶名此則如爛草  
團成輕鬆而氣羶人多惜其不能如牛黃狗  
寶之精美而亦產于羊腹得日月精華又食

羊哀

獸部

異草孕結乃不堅重香凝僅成此物故哀之  
因名曰哀 常中丞宦遊筆記載軍營于羊  
腹中得石子名鮮荅形如鴨卵色紫黃兩頭  
有二白圈圓如黃豆腰有束帶寬如韭菜色  
青藍束帶上亦二白圈質細如玉滑潤如水  
輟耕錄亦載蒙古求雨取淨水一盆浸石子  
數枚持咒播弄其石子名鮮荅產畜腹中牛  
馬皆有不必定羊也而羊哀又與鮮荅異鮮

荅堅重細潤此則輕鬆羶膝亦無束帶白圈  
庚戌冬友人李金什在臨安西關外屠羊肆  
見屠者剖一羊胃中忽湧出一彈如鴨卵黃  
勻圓光潔浮水盆上購歸示予予曰此羊哀  
也氣勝而鬆非鮮荅之類彼云屠者呼為百  
草丹云業此三十年止取得三枚亦不易遇  
也此物惟山羊始生因山羊食百草偶嚙得  
異草或石乳其膏液注胃中日久凝成胃為



精氣往來之所日為氣運動故所結之物多  
圓如丸鮓答結于腹不為氣擾動故形扁圓  
如石金什即以此贈予予復取細視其質鬆  
而亦堅嗅之作羊膝氣外則色澤光膩儼如  
油潤其體質非石非酥如腐草融結始信說  
畧所載羊哀如濕茅紙之說為不謬因附記  
于此以待折衷于格物諸君子按百草鏡羊  
骸結成在羊腹中色微黑可治反胃或即此

歟

解百草葯毒治噎膈翻胃

敏按慈航活人書端五日收羊屎名百草丹  
可截瘡與羊胃所積草有別不可不知

蘭薰

俗名火腿出金華者佳金華六屬皆有惟出  
東陽浦江者更佳其醃腿有冬腿春腿之分  
前腿後腿之別冬腿可以留不壞春腿交夏  
即變味久則蛆腐難食又冬腿之中獨取後  
腿以其肉細厚可以藏前腿未免較遜蓋金  
華一帶人家多以木甑撈米作飯不用鑊煮  
飯湯醃厚者以飼猪其養猪之法擇潔淨欄

房早晚以豆渣糠屑餵養兼煮粥以食之夏則兼飼以瓜皮菜葉冬必飼以熟食調其飢飽察其冷暖故肉細而體香茅船漁戶所養尤佳名船腿其腿較小于他腿味更香美凡金華冬腿三年陳者煮食氣香盈室入口味甘酥開胃異常為諸病所宜 東陽縣志薰蹄俗謂火腿其寔烟薰非火也淹晒薰叔如法者果勝常品以所淹之鹽必台鹽所薰之

烟必松烟氣香烈而善入製之及時如法故久而彌香另一種名風蹄不用鹽漬名曰淡腿浦江為盛本邑不多 陳遠夫藥鑑浦江淡腿小于鹽腿味頗淡可以點茶名茶腿陳者止血痢開胃如神 陳芝山食物宜忌火腿醃過粽條高挂至次年夏間者愈陳愈妙出金華府屬邑者佳 常中丞筆記蘭薰金華猪腿也南省在在能製但不及金華者以

蘭薰

獸部



其皮薄而紅熏淺而香是以流傳遠近目為珍品然亦惟出浦江者佳其製割于冬月用鹽勻稱使肉堅寔不敗最上者曰淡腿味美香潔可以佐茶各處皆無此製益此地畜豕闌圈清潔俟其將茁壯時即宰剥醃晒或曰其豕種原異他處而又得香溪等水飼之亦近乎理陳瑤歲藥秘訣凡收火腿須擇冬醃金華猪後腿為上透皮薄色潤日照之明亮

通體隱見內骨者佳用香油遍塗之每個以長繩穿脚排勻一字式下以毛竹對破仰承以接油置之透風處雖十年不壞倘交夏入梅上起綠衣亦無害或生毛虫見有蛀孔以竹簽挑出用香油灌之如剖切剩者須用鹽塗切口肉上荷葉包好懸之依此可久留不壞戴義養餘月令有製火腿法十一月內圈猪方殺下只取四隻精腿乘熱用鹽每

一斤肉益一兩從皮擦入肉內令如綿軟以石壓竹柵上置缸內二十日次第三番五次用稻草灰一重間一重疊起用稻草烟熏一週時挂在烟處初夏以水洗仍前挂之按此乃村鄉土醃火肉法要不及金華之蘭薰也然較之杭市醃臘店所買火腿則又不啻霄壤矣故並載其法 朱氏僕為三言少時曾傭金華習其業知醃腿法甚詳云火腿金

華六屬皆有搃以出浦江湯家村者為一第村止一二千戶皆養豬作腿其豬不甚大極重者不過七八十斤製為腿軋之不過三四斤或五六斤不等四時皆可醃惟冬腿為第一冬醃者皮細無粟眼手摸之潤膩切開無黃臙瓜灣可久留不蛀他時者皆易蛀春腿多粟眼夏腿瓜直秋腿皮粗醃法每腿十斤用炒鹽四兩以木刻榿如人手掌狀搽鹽後

用掌煨乾上揉擦四圍煎到俟皮軟如綿然後入缸上面蓋以辣蓼竹匾煨之待七日後有油翻攪一轉令上下勻再以炒鹽四兩如前法以手揉醃入缸十日後出缸即用缸中原汁洗淨一一以草繩縛足挂懸風處惟冬醃者不滴油

藥性考火腿益溫開胃寬膈病人宜之下氣療噎腹痛或三四日不止筆苑仙丹火腿肉

煎湯入真川椒在內撇去上面浮油乘熱飯湯立愈累驗 味益甘性平 陳芝山云和中益腎養胃氣補虛勞 陸瑤云生津溢血脉固骨髓壯陽止泄虛痢痔旁怔忡開胃安神

加香肉 食物宜忌云又名加香肉出浦江者最佳 藥鑑云家鄉肉金華屬邑俱有之秋即醃給客販入省城市賣其肉皮白肉紅



鮮氣香美不似他處醃猪肉色少鮮澤也但  
一入杭城店便加硝油投缸中浸透然後出  
售蓋不尔則肉味淡反不美而秋時尚暖不  
須透硝油又易腐臭也肉為硝清食之恐乏  
補益不似火腿冬醃陳久者為佳然今店中  
所售火腿均以加香肉腿風乾至次年皮上  
起綠衣充陳火腿賣人多不察若療病作食  
餌須真金華腿方有效也

味鹹甘性平 陳芝山云補虛開胃 百草  
鏡云平肝運脾和血生津 藥鑑云滋腎健  
足力

敏按芝山所言乃未經杭肆油漬之肉故能  
補虛若經瀆漬透便能燥肺凡肺痿陰虛咳  
嗽者忌非所宜產婦虛勞須補者亦忌其肥  
肉得硝油入腹即成瘦體肥作瘦者亦不宜  
多食倘食之作瘦杏仁研食可解

陳火腿骨 百草鏡云煨黑研用治食積及痢 救生苦海治痢用陳火腿骨二根炭火煨灰篩過加上白糖一兩米湯飲或滾水或酒調服無不效

又方治赤白痢陳火腿骨灰陳皮芡草各一兩為末蜜丸如綠豆大空心服一錢白痢用姜赤痢用白湯送下

鼠咬 救生苦海陳火腿骨燒灰香油和敷

治痢疾 神錦方生火腿骨焙燥研極細末無灰酒送下即止

小兒臘梨瘡 販翁醫要陳火腿骨燒灰如瘡加礬少許麻油調敷不生髮用老姜擦久瀉 救生苦海陳火腿脚爪一個白水煮一日令極爛連湯一頓食盡即愈多則三服此子宗人柏雲屢試屢效之方也百草鏡云火腿出浦江縣胫骨細者真陳者佳皮上綠

微愈重其味愈佳須洗去垢及黃油用  
噤口痢 筆珠萃火腿骨煨一两蓮肉二兩  
木香七錢烏梅三錢醋糊為丸桐子大每服  
七九 蜒蚰湯下  
大人小兒積食諸葯不能消者不葯良方陳  
年火腿骨煨黑色研末三錢用火肉一斤煮  
熟去汁上肥油取清湯一碗將末送下  
醫林集秘治痢用陳火腿骨煨灰六兩飯鍋

已煨灰五兩砂仁炒三兩南山查炒五兩共  
為末每服三錢久痢人參湯下紅痢紅糖湯  
下白痢白糖湯下糞痢炒焦白朮三錢煎湯  
服霍亂吐瀉霍香湯服

猪項上蜻蜒骨 燒灰塗一切頭上疽毒凡  
腦疽髮發對口等症麻油調敷立愈 王聖  
俞子集 雄猪眼稍肉 能拔疆肉散毒滯  
劉羽儀經驗方 治對口瘡用雄猪眼稍肉



三錢剝爛如泥加消石末四錢和勻敷患處  
頂上以膏藥蓋之拔去疔肉放出黃水愈  
李化楠醒園錄有醃火腿法每十斤豬腿配  
鹽十二兩極多加至十四兩將鹽炒過加皮  
硝末少許乘豬腿兩熱擦之令勻置大桶內  
用石壓之五日一翻候一月將腿取起晾有  
處風四五個月可用金華做火腿每斤豬腿  
配炒鹽三兩用手將鹽擦完石壓之三日取

出又用手極力揉之翻轉再壓再揉至肉軟  
如綿挂風處約小雪後至立春後方可挂起  
不凍 造火腿醬法用南火腿煮熟切碎丁  
加火腿過鹽先用水泡沒再煮去皮單取精  
肉用火將鍋燒得滾熱將香油先下滾後次  
下甜醬白糖甜酒全滾煉好然後下火腿丁  
及松子核桃瓜子等仁速炒翻取起礚礚收  
貯其法每腿一只用好麩醬一斤香油一斤

白糖一斤核棗仁四兩去皮打碎花生仁四兩炒去皮打碎松子仁去皮四兩瓜子仁二兩桂皮五分砂仁五分  
箭鏃不出 家寶方用陳年醃肉去皮取紅活美好者同其肥細切剉濃將象牙末及人所退爪甲為末共為研細伴入所剉肉內再為勻剉令其合一厚敷箭鏃周圍約一飯頃其鏃即自逆脫竟有逆至二三尺遠者



本草綱目拾遺卷十

錢塘趙學敏恕軒氏輯



鱗部

脆蛇

雲南志順寧府出脆蛇見人則斷人去復續  
取而乾之可治腫毒滇黔記遊出滇黔土司  
長尺餘伏草莽見人輒躍起跌數段頃復合  
一色如白金光亮悞拾之觸毒即斃

脆蛇

鱗部



陳鼎蛇譜脆蛇產貴州土司中長尺有二寸  
圓如錢嘴尖尾秃背黑腹白暗鱗點上可玩  
見人輒躍起數尺跌為十二段須臾復合為  
一不知者悞拾之即寸斷兩端俱生頭齧人  
即斃出入往來恒有度捕之者置竹筒于其  
徑側則不知而入其中急持之方可完稍緩  
則碎矣故名曰脆予家多蓄奇為曾購得其  
腊見寸斷處皆光潤如新截然亦一異也

查慎行入海記脆蛇出崑崙山聞人声即斷人  
伺其斷鉗取之須寸各異處待風乾入藥若少  
頃無人声寸寸仍續成蛇治色癆及驚疑喪胆  
諸症 玉鏡新設

肉熬膏箍癰疽去風腐其骨醋磨圍腫毒良  
接斷骨 滇黔記遊脆蛇入得而腊之用接骨  
價值兼金視其上中下治頭腹肚股無不效  
大麻風 痢 滇畧脆蛇一名片蛇產順寧大

候山中長二尺許遇人輒自斷為三四人去復  
續乾之色如黃金治惡疽腰以上用首以下用  
尾又治大麻風及疔近人貨之為輿棍藥

### 環蛇

蛇譜云出三佛齊國如環大數圍至數十圍者  
逐獸即疾走如轉車輪於千仞山獸入環中即  
斃其口眼俱生環之半與尻相對  
脂服之刀劍不能傷

翠蛇

珍其異藥品云形曲蟠長五六寸蟠旋作圈治  
瘡毒癰疽良



碧飛

湖州府志武康山多腹蛇名碧飛大者如圍甕  
小亦如杯案斧首出目鋸齒方大而綬色厥雄  
赤紫厥雌青黑色睥睨如蜃甲光目亦如之山  
中人謂有目而無視也春夏布絲草條人物觸  
絲激射迅于矢忽不見已攫肉去矣殺人至死  
霜降絲脆升高樹抄旋吐白涎烏鵲不啄則吞  
之惟鹿以為膳獵獲之前左足挽其腰中首尾

餘英嶺而內皆是物也

治風痺蝮傷人被其齧者還食其肉則生  
故按湖志所言碧飛吾杭山鄉多有之土人名  
方勝板以其遍身花紋如錦中方勝形匾似板  
故名啣人最毒惟野猪能食之土人言冬日蛇  
蟄地中野豕嗅其氣輒翻石掘土出而咬之蛇  
性大熱野猪食三條即能過嚴冬綱目蝮虺為  
二蝮即方勝板虺即土錦俗呼灰地區是也惡

風頑痺非此猛烈積熱之性驅之則肢廢者不  
能復舉殆以毒攻毒之義想碧飛或同類而異  
名者書此以俟証

蟒油

爾雅蟒王蛇注蛇中之最大者故曰王蛇今深山處有之大小不一色如菜花蛇而較黃頭上皆有王字亦有黑色者土人名曰烏蟒捕蛇者有呼蛇法不拘何種蛇呼之即至末後俟蟒到則諸蛇皆圍伏不動聽其擇取惟不敢傷蟒、傷則諸蛇無主環起嗾人聞其人云蟒蛇自有此種生而皆有王字故不侖大小也蟒至則



諸毒蛇皆不敢傷人

治漏瘡 集驗取蟒油銅鍋內熬熟隨將黃蠟  
入油內攪勻油帝攤膏貼患處十餘日便封口  
全愈按蟒蛇名王字蛇其首天生有一王字予  
子庠子在奉化長橋見丐者手握此蛇乞錢其  
蛇亦不甚大性頗馴良因以千錢買得縱之網  
目諸蛇獨遺此因急補之

### 斷草烏

粵志斷州烏出廣中蛇也大僅指許長五六寸  
頭如龍形而小身絨烏其行也百草沾之立斷  
人見斷州輒跡得之故蛇每離地丈許使身如  
矢直以八穴使不沾州人莫得而跡之此亦烏  
蛇中一種網目烏稍蛇不載龍頭者一種故錄  
其餘

治大痲瘋者酒服

龍涎香 龍泄附

通雅龍涎有嶼在花面國傍獨立南海中彼人  
言于樹收之最收香氣今大內甜香用之 澳  
門記畧大食國產龍涎香為上西洋產於伯西  
免海焚之則翠烟浮空結而不散坐客可用一  
剪以分烟縷 嶠南璫記龍涎香新者色白久  
則紫又久則黑白者如百藥煎黑者次之似五  
靈脂其氣近臊和香焚之則翠烟浮空不散試

法將結塊者奮刀投沒水中須臾突起浮水面  
或取一錢口含之微有腥氣經宿其細沫已噉  
餘膠結舌上取出就濕秤之仍重一錢又乾之  
其重如故雖極乾枯用銀簪燒極熱鑽入枯中  
乘暖抽出其涎引絲不絕驗此不分褐白褐黑  
真海東禮記海翁魚大者三四千斤小者千餘  
斤即海鯨也皮生硃石刀剪不入或言其魚口  
中噴涎常自為吞吐有遺于海濱者具一淺黃

色不一即龍涎香也聞上浚水有之欲辨真  
贗研入水攪之浮水面如膏以口沫撚成丸  
擲案有聲噏之通宵不耗分毫者為真每兩  
值數十金廣志新安有龍穴洲每風雨即有  
龍起去地不數丈朱鬣金鱗兩自如電其精  
華在浮沫時噴薄如澹泉如兩土人爭承取  
之稍緩則入地中是為龍涎或謂龍涎多積  
于海上枯木如鳥遺狀其色青碧其香腥雜



百和焚之翠烟千結蜿蜒蟠空經時不散可  
以剪分香縷然多不真從番舶來者出大秦  
波斯于雨中焚之蝠爆有聲者真坤輿圖記  
龍涎香黑人國與伯西兒兩海最多有大塊  
重千餘斤者望之如島每為風濤湧泊于岸  
諸虫鳥獸亟喜食之汪機本草龍吐涎沫可  
制香 星槎勝覽錫蘭山國卜刺哇國竹步  
國木骨都東國刺撒國佐法兒國忽魯謨斯

國油山洋國俱產龍涎香 稗史彙編龍涎  
香白者如百煎而膩理極細黑者亞之如五  
霧脂而光澤其氣近于臊似浮石而輕香本  
無損益但能聚香耳和香而用真龍涎焚之  
則翠烟浮空結而不散坐客可用一剪以分  
烟縷所以然者入蜃氣樓臺之餘烈也泉廣  
合香人云龍涎入香能收斂腦麝氣雖經數  
十年者香味仍存 廣東通志龍涎在水采

者褐黑色在山采者褐白色 東西洋考海  
旁有花若木芙蓉花落海大魚吞之腹中先  
食龍涎花嚙入久即脹悶昂頭向石上吐沫  
乾枯可用惟糞者不佳若散碎皆取自沙滲  
力薄

按龍涎論色則瑣記言有白與紫黑之分而  
札記又有淺黃色廣志有青蠶色辨真偽亦  
諸說互异大抵不必論其色摠以含之不耗

投水不沒雨中焚之能爆者良東壁網目鱗  
部龍下龍腦胎俱有主治而於龍涎獨遺之  
惟附其名云龍涎方葯解用惟入諸香云能  
收腦麝數十年不散出西南海洋春間群龍  
所吐涎沫浮出者番人採貨之亦有從大魚  
腹中部得者其狀初若脂牒黃白色乾則成  
塊黃黑色如百藥煎而膩理久則紫黑如五  
靈脂而光澤其體細飄似浮石而腥臊其說

本草綱目拾遺卷十  
亦未確核蓋所云魚腹中得者即禮記所云  
海鰲魚之精也亦名龍涎出臺灣不若大洋  
中產者佳夫龍腦龍胎世上所無龍涎則閩  
粵貨售者多東壁何得于罕見者載之于所  
有者反畧之耶則甚矣談博之難也入藥用  
隔湯煇化如膠糖狀者佳

氣腥味微酸鹹無毒 張瑤實云夾砂者有  
小毒乃土人于砂磧上收取之入藥須以甘

草水煮過用 酉陽雜俎云龍瘞遇烟煤則  
不散入藥忌鐵器及石膏

瘞永言驗方云利水通淋散癥結辟精魅鬼  
邪消氣結逐勞虫尸症

活血益精髓助陽道 陳良士云在澳門見  
倭夷用合舶硫及他藥作種子丸云漢時術  
士和丹用此倭夷皆有其方秘不傳中國  
禮記云出沒水者止心痛助精氣 范成臺



灣府志龍涎出浚水者皆浚黃色無黑色者以嚼而不化者為佳

按龍乃東方之神其體純陽能噓氣成雲陽之質輕浮故雲上升其骨皮入手足少陰厥陰經者蓋凡知覺運動之物皆肖陰陽以立體孤陽則不生龍秉純陽而骨反屬陰入藥能救陽中之陰治心腎諸病所謂一陰一陽之謂道也其質靈其齒能治魂能不定鎮驚

癩凡病在肝而龍主肝木治之最神涎乃陽中之陽故其氣絕香龍屬木之氣得太陽多者必香故諸香以龍涎為最得孟水徑撲其中不落空外龍以水為用見水則精入焉入藥所以能利水道分陰陽能殺精魅鬼邪者亦以至陰之物見真陽而立解也

龍泄 河南薛姓客言曾在嘉興永太守處見有龍泄結成大塊其質亦輕有六七兩及

斤許不等每塊皆起螺旋紋如象牙花紋其  
色有純黑有褐白二種欲辨真偽刮屑少許  
以滾水泡之其氣悉滷而成雲遇婦人雲輒  
撲入髮際旋繞不散蓋龍性好淫故也人服  
之入腹亦不耗惟見雞湯輒化如服後不食  
雞湯次日糞出其藥仍在色亦不改淘出洗  
淨復可再用氣亦不臭其功效食之能煖婦  
人子宮男子下元虛冷入房術中用又史良

宇言曾見龍血結塊如棋子大光滑可鑿觸  
手冷如冰夫龍純陽也而血獨冷又不解何  
故龍泄又何物也其涎與血歟抑精與溺歟  
俱不可知悉存其說以俟証

范咸臺灣府志龍涎香傳為鯁魚精液泡水  
面凝為涎能止心痛助精氣以沒黃色嚼而  
不化者為佳

朱國楨大政記龍涎香出蘇門答刺國西有

龍涎嶼峙南巫里大洋之中群龍交戲其上  
遺涎焉國人駕獨木舟伺採之舟如龍形浮  
海面人伏其中隨風潮上下傍亦用漿龍遇  
之亦不吞也每一斤值其國金錢一百九十  
二枚准予中國銅錢九千文嘉靖三十四年  
下戶部取香百斤遍市京師不得下廣東藩  
司採買部文至臺司集議懸價每斤銀一千  
二百兩僅得十一兩上進內驗不同姑存之

亟取真者部文再至廣州夷囚馬那別的貯  
有一兩三錢之上黑褐色密地鄰密地山夷  
人纏上六兩<sup>白</sup>褐色細問狀之黑者採在水白  
者採在山皆真不贗尋有密地山商再上通  
前共得十七兩二錢五分次年進入內辨驗  
是真許留用自後夷舡聞上供稍二扶來市  
始定價每一兩價百金龍涎之為用也入香  
合和能收斂腦麝清氣雖數十年香味仍在



矣得其真者和香焚香之翠烟裊空不散涎  
之沫有三品曰汎水曰滲沙曰魚食汎水則  
固輕浮水面善水者伺龍出取之滲沙則凝  
成積年久氣滲沙中魚食則化糞于沙磧惟  
汎水者可食香用又言魚食亦有二種海旁  
有若木芙蓉春夏間盛開花落海大魚吞之  
若腹腸先食龍涎花涎嚥入久即脹悶昂頭  
向石上吐沫乾枯可用惟糞者不佳

周曲大云龍涎能生口中津液凡口患乾燥  
者含之能津流盈頰微若有腥氣粵中夷人  
合龍涎丸和以他藥便不腥入口亦不耗減  
一丸可用數十年不敗如單用龍涎入藥須  
先用雞湯將龍涎制死則入腹便化否則入  
腹絲毫不損蓋極難尅化者方書云焚之其  
烟能入水孟予嘗試之多不驗嶺南雜記諸  
香龍涎最貴市值每兩不下百千次亦五六

本草綱目拾遺卷一  
出大食國近海有雲氣罩山間知有龍睡下  
或半年一二載土人守視雲散則龍已去必  
得其涎五七兩或十餘兩衆共分之又大洋  
中渦旋處龍在其下湧出之涎日礫成片風  
漂至岸取之又嶺外雜記龍枕石而睡涎浮  
水積而堅新者色白久紫甚久者黑氣近臊  
形如浮石而輕賦理光澤入香焚之翠烟浮  
空結而不散又出沒海上吐出涎沫有三品

一汎水二滲沙三魚食汎水輕浮水面善水  
者伺龍出隨取滲沙凡風浪飄泊舟嶼積年  
氣盡于沙土中魚食涎作糞散沙磧氣腥穢  
進貢亦不過四兩

藥性考龍涎香甘氣鯉性濕能興陽道通利  
血脉

西楞魚

坤輿圖說大東洋海產魚名西楞上半身如  
男女形下半身則魚尾其骨入藥用女魚更  
效  
止血治一切內傷癰損等症



鮓魚鱗

本經逢原鮓魚性補溫中益虛而無發毒之慮其生江中者大而色青味極甘美生海中者小而色赤味亦稍薄觀其暗色生光迥非常魚可比

綱目主治言其肉補虛勞油塗湯火傷子集解下記其鱗花婦入鈿飾不及入藥功用湯火傷 逢原云用鮓魚鱗香油熬塗立効

茅集之云鱗魚鱗貼腿瘡疼痛立效

治疔 陳氏傳方疔瘡用鱗魚鱗貼上即咬  
緊先須與酒飯飽然後將魚鱗邊畧二將起  
些須用力急揭去疔根便帶出也但揭出疔  
根時極痛無比非醉飽即暈倒也傳氏方水  
疔用鱗魚腮下近腹處有划水二瓣二間有  
長鱗二瓣最佳但難得令人以背上火鱗代  
之貼上即消

下疳 救生苦海鱗魚鱗焙乾研白色名白  
龍丹敷之即愈得此可色醫

血痣蔡雲白言人生血痣挑破血出不止者  
用鱗魚鱗貼之即痂而愈

張佳時之鱗魚須乘活時拔取划水邊二鱗  
尖長者佳若死魚鱗便減藥力

毛世洪經驗集鱗魚鱗用手括下不可見水  
陰乾收貯此拔疔第一妙藥也用時以銀針

撥開疔頭將一片貼上以清涼膏蓋之俟一  
宿揭開其疔連根拔出後用生肌散收功予  
治兩貴婦大脚趾患瘡二三年不收功將鱗  
一片以銀花湯浸軟拭乾貼之不數日而愈

### 苦魚

劉基苦齋記匡山在處州龍泉縣劍溪之水  
出焉注入大谷其中多斑文小魚狀如吹沙  
味苦而微辛可食故名

解酒毒可以醒酒

藥性考苦魚微辛形細色斑烹食腴美消酒  
除疔



# 金魚

此魚自宋南渡始有一名珠砂魚乃人家蓄玩于盆盎中者有三尾四尾金管銀管之分有蛋魚名龍蛋文蛋虎頭反鱗諸品純紅白或紅白相間體具五色極大者三四寸小者寸許網目金絲鯉魚按金魚治痢而所用雖有鯉鯽諸種殊不知鯉魚中一種紅鯉名金鯉鯽魚一種紅鯉鯽名金鯽皆有金魚之

名與此全別而東壁合為一則誤矣  
味苦微鹹有小毒食之令人吐網目本條氣  
味下云甘平無毒此指紅鯽而言並非古之  
金魚也

鮮服瀉毒用金魚一二枚搗下灌之吐出涎  
水自甦治瘋癲石瞖水瞖黃疸 慈航活人  
書俱用紅色金魚一個取三尾者甘蔗大者一  
二枚同搗爛絞汁服立刻即吐出痰涎愈

### 阿羅魚

一首十身音如吠犬亦可禦火珍異  
藥品  
療癰疽

本草綱目卷之...

漾波魚

輿地志鄆縣漾波出魚味美可入藥  
治痔

本草綱目卷之... 漾波魚 四足魚 鱗部



四足魚

物理小識游子六曰閩高山源有黑魚如指  
大其鱗即皮四足可調粥入藥

治小兒疳

河豚目 予附

逢原云扶河豚目拌輕粉埋地中化水拔婦  
人脚上雞眼瘡可以脫根

子 性有毒可絕壁蟲行篋檢秘同蟬殼樟  
冰各五分拌棉花子安床下燒烟熏之

本草綱目卷之六十一

蠃蝦魚

三才藻異產撫仙湖狀如龜殼青大如盤無  
尾八足腹白  
食之辟瘴毒

本草綱目卷之六十一 蠃蝦魚

鱗部

密姑魚

宦遊筆記自光溪入四明二十餘里有密巖峭壁千尋下臨深溪窅洞無底巖顛舊有蜂巢聚蜂數百萬其蜜滴下溪魚食之故魚味甘絕曰密姑魚其釣法倍多曲折魚性極喜苔須絕懸崖下有水衣演漾深碧而細者刻以為餌魚性暴遇釣則跳宕卒不可制而密巖下溪水清甚用粗綆則恐魚之瞥見而驚



遊也用細絲則又恐不足以勝魚跳宕之力  
釣者乃取絲長十餘丈盤于竿上遙望見深  
波中魚謂之鼓鬣而至則取絲徐之放之如  
小兒之送帑焉者使得縱其所往魚入鉤果  
一躍數尺翻波跋浪橫激溪面其鱗光閃爍  
如千片碎金雜珠顆中隨風散灑觀者莫不  
目眩心動已而徐之力倦乃可取之  
性溫味甘食之生胃津益肺氣補血脈增髓

去熱除虛羸壯筋骨止嗽定喘功同燕窩蛤  
蚧也

按此魚最潔惟食苔蜜苔寒而蜜溫得水火  
既濟之力大能補土金燕窩性清肅而下行  
蛤蚧性和中而溫臟此則故能兼之真勞嗽  
虛羸之食品上藥也柳崖外編載張方海浙  
人少年讀書四明山斷炊者數月山礮谷多  
竹峭壁有蜜之入江花為魚名蜜鮎張遂掘

蜜姑魚

鱗部

笋釣貼而食自言笋味淡以清蜜鮎濃而美  
有天台胡麻所不如者嗣後遂輕身耐寒暑  
不復思烟火味據此則其功用信不誣也

### 雪鮎

粵語鮎魚廣人池塘多蓄之以魚狹長成與  
鮎性相反鮎屬土其性沉長潛水中鮎屬水  
其性浮長躍水上鮎食之可以實腸鮎食之  
可以行氣鮎守而鮎行性各不同如此其物  
以各而肥故名喜泳浮波上得湊流則跳躍  
尋丈生食之益人氣力  
健筋骨活血行氣逐水利濕

梧潯雜佩魚形似鯉而稍短味甚美作膾  
尤佳

### 帶魚

出海中形如帶頭尖尾細長者至五六尺大  
小不等無鱗身有涎乾之作銀光色週身無  
細骨止中一脊骨如如迹箕狀兩面皆肉裹  
之今人常食為海鮮據海漁人言此魚八月  
中有外洋來千百歲群在洋中輒啣尾而行  
不受網惟釣斯可得漁戶率以乾帶魚肉一  
塊作餌以釣之一魚上釣則諸魚皆相啣不



斷掣取盈舡此魚之出以八月盛于十月霧  
重則魚多霧少則魚少率視霧以為貴賤云  
網目無鱗魚條獨遺此品故為補之 五雜  
俎閩有帶魚長丈餘無鱗而腥諸魚中最賤  
者獻客不以登俎然中人家用油沃煎亦  
甚馨潔 福清志帶魚身薄而長其形如帶  
無鱗入夜爛然有光小者俗名帶柳 物鑿  
帶魚形纖長似帶御尾而行漁人取得其一

則連類而起不可斷絕至盈舟溢載始舉刀  
割斷捨去其餘 玉環志帶魚首尾相啣而  
行釣法用大繩一根套竹筒作浮洋面綴小  
繩一百二十根每小繩頭上拴銅絲一尺銅  
絲拴鐵絲鈎長三寸即以帶魚為餌未得帶  
魚之先則以鼻涕魚代之凡鈎海魚皆如此  
釣期自九月起至次年二月止謂之魚汛  
味甘性平和中開胃食物宜忌

帶魚形長扁薄似帶色白無鱗內細佳膾醢  
鮓風乾久藏不敗煎煮味美多食發疥  
註帶魚嚼尾而行得一可連數十醢食佳黑  
夜有光故有毒葯性考  
朱排山柑園小識帶魚生海中狀如鰻銳首  
扁身大眼細齒色白無鱗脊骨如篋肉細而  
肥長二三尺形如帶亦謂之裙帶魚冬時風  
浪大作輒釣得之橐為鮓以致遠

### 血鱈

出浙江寧波府慈谿縣以白龍潭產者為第  
一他產者尾尖尚黑不能通體如硃砂紅也  
葛三春言白龍潭血鱈周身紅如血每年所  
產亦虛取其血冲酒飲可以驟長氣力行伍  
中學習八段錦工夫者多服之  
增氣力壯筋骨益血填髓

沙魚翅

沙即鮫魚種類甚多皆可食綱目鮫魚條集解下瀕湖註云沙魚腹下有翅味並肥美南人珍之主治下特載其肉皮膽之功用翅獨畧焉今人習為常嗜之品凡宴會餽饌必設此物此物為珍享其翅乾者成片有大小率以三為對蓋脊翅一切水翅二也煮之折去硬骨檢取軟刺色如金者瀹以雞湯佐饌味



最美漳泉有煮好剔取純軟刺作成團如胭  
脂餅狀金色可愛名沙刺片更佳

味甘性平補五臟消魚積解蠱毒食物宜忌益氣

托毒長腰力閩部食疏清瘦開胃進食藥性考

土附

嘉興縣一名菜花魚以其出於菜花時最肥

美故名程大昌演繁露土部吳興人呼為鱸

鱧以其質圓面長與黑鱧相似其鱗斑駁又

似鱸魚故兩名長興謂之蕩部又曰蕩魚湖

府志鮒魚今呼土部此魚質沉常附土而行

不似他魚浮水遊也故又名土附錢唐縣志

土鶩俗名土哺以清明前者佳藻異云吐哺

產杭本名土附以其附土而生也色黑味美  
兩航雜錢吐哺或曰食物嚼而吐之故名敏  
按以上諸說皆無杜父之名而綱目載杜父  
魚云其色黃黑有斑脊背上有鬚刺螫人又  
名淡父魚黃魴魚舩斫魚伏念魚似與土附  
絕不相類沈雲將食纂陳芝山食物宜忌皆  
以為今之士部魚即杜父魚也此乃承山堂  
肆考之誤今土部杭城甚多一年皆有惟正

二三月獨旺背黑亦有沒黑帶土黃色者不  
聞能刺人俗云此魚立冬後則伏土閉眼不  
食冬至後出土附土而行清明後開眼遇食  
小患蝦故有毒陳芝山云土部清明後頭上  
生紅蟲不可食細核其形狀食惟與杜父全  
不相類何能強合予故于禽蟲考中魚類辨  
之甚詳以杜父入吹沙類而另立土附本條  
蓋不敢附古人而欺後世也土部綱目所無

復為補之

味甘性溫 補脾胃治噎膈除水腫濕氣療一切瘡疥此物又能扶陽其子用燒酒醉食頗能興腎與對蝦全功以其食蝦力也

子 助相火煖腰腎

### 烏魚蛋

產登萊乃烏賊腹中卵也藥性考即以為雄魚白味鹹開胃利水

### 青魚膽

梧州雜佩青魚膽出藤縣之榻榻不讀如字見字書人亦有此姓

洲：在江中長可五六里診其上居民甚多  
多水多石上青苔此魚食之其膽甚涼可入

本草綱目拾遺卷十 烏魚蛋 青魚膽 鱗部



本草綱目拾遺卷十  
藥他處即不堪用魚大者百餘觔漁人網後  
必以聞官乃剖取其膽送鬻于市

白皮子

蟬史垞生南海四五月初生如帶至六月漸  
大如盤形似白綠絮而無耳目口鼻鱗骨一  
段赤色破碎謂云垞頭其肉如水晶以明凡  
醃之呼吳人呼為水母鮮久則漸薄如帛俗  
呼為白皮帛按今所云白皮帛乃海蜃外之  
皮非陳久之海蜃也  
一名風秋風子乃海垞外面白皮

味鹹清性溫消痰行積止帶祛風貼爛腿  
救生苦海用白皮子照瘡大小剪作膏貼內  
摻銀硃

無名腫毒 集聽方用白皮子一片白糖霜  
揉軟中開一孔貼上重者潰輕者散且又止  
痛

流火 文堂集驗取海蜃皮薄者貼上燥則  
易之網目載海堧名水母人以石灰礬水醃

之去其血水其色乃白其形最堧頭味更勝云  
而不錄其外皮之用且其言性暖可治河魚  
腹疾而農田餘話云水母本陰海凝結之物  
食而暖其性未詳東壁亦無發明敏曾居東  
甌數年見土人販鮫為生者詢之據言其物  
確係海水所結東南海俱鹹遇春夏天雨在  
在海中者一澍雨水入海輒有一小泡凝積  
海面初則大如豆隨波逐蕩受日烘染漸長

大成形如笠上頭下脚塊然隨潮而行土人  
撈鮑者每于海塗間插竹為小城以稻草作  
網圍之潮長鮑隨潮而來入竹城為網所絡  
不得去然後取之以及撈其中段者然而開  
有似腸胃穢積者落二交下名蟹花食之亦  
最美再以凡灰醃而售之按海為陰雨水天  
雨水屬陽相入而感便生此物受太陽真氣  
所以日漸長大而性暖也

頭風貼兩太陽能拔風濕外出

膝髌風濕以白皮子貼之

消痞王聖俞云有二方一用白皮子同葶藶  
燒酒浸服一用白皮子葶藶同煮止食葶藶  
自消痞也 朱排山柑園小識海蛇上有白  
皮乳潔白脆美過于海蛇謂之白皮子  
程克庵云凡小兒一切積滯用葶藶與海蟹  
全煮去蟹食葶則積自消亦以積非寒不滯



而成海蜃能暖水臟葶薺化堅相因而用其  
效故捷也同壽錄載其方治瘡用大葶薺一  
百個古錢二十個海蜃一觔皮硝四兩燒酒  
三觔共浸七日後每早喫四錢加至十個止  
即愈

### 鮐魚音寺

滇程記雲南百夷中有小孟貢江產鮐魚彼  
夷食之日御百婦故夷性極淫貴賤俱數妻  
其地亦產鸞薑 說畧云鮐魚產孟貢江壯  
者恆多北而遊夷人常食其肉一日能御百  
女入藥用雄者  
杜陽道固精髓八十老翁服之多子

四足見前

介部

海龍

赤嵌集海龍產澎湖澳冬日雙躍海灘漁人  
獲之號為珍物首尾似龍無牙爪大者尺餘  
入藥譯史此物有雌雄雌者黃雄者青  
功倍海馬益房箱催生尤捷效握之即產  
百草鏡云海馬之屬有三小者長不及尺名  
海蛆不入藥中等者長一二寸名海馬尾盤

旋作圓形扁如馬其性溫味甘煖水藏杜陽  
道消瘕塊治疔腫產難血氣痛海龍乃海馬  
中絕大者長四五寸至尺許不等皆長身而  
尾直不作圓入藥功力尤倍雖一類形狀微  
有不同此物廣州南海亦有之體方周身如  
玉色起竹節紋密：相比光瑩耀目誠佳品  
也 介語蝦姑一名海馬其扁如蜈蚣者燒  
服主夜遺

### 海牛

本草原名海牛生東海：羸之屬頭有角如  
牛故名其角硬共銳有紋身蒼色有龜背紋  
腹黃白色有筋頂花點魚尾今房術中多用  
之氣味鹹溫無毒主治益腎固精興陽



白鼈

粵志白鼈可以治疫火其初得之神授廣人甚珍之有口號曰烏耳鱓白甲魚滋陰降火只須更一名玉鼈龍以其背上倭起如鼈龍連首白者良甲白而首足仍青者不及補虛勞愈疫火滋陰降氣養血益精

驚膽

盧之頤云驚無耳以眼聽故其目不可驚識  
精於明復識于聽也亦惟精專肝竅膽亦異  
衆而味大辛寧脊連脇亦少陽胆府所屬  
此木金交互故得聲色疊用而肝為胆藏取  
決更相親耳

本草乘雅云味辛開聲替除癥瘕痞積息肉  
惡肉陰蝕痔核今人以入房用風斯下矣

痔瘡痔漏 家寶方鼈一個取汁磨香墨入  
麝香冰片少許鷄毛蘸塗

物理小識云鼈膽最辣通竅尤捷此人所未  
知者

### 煙殼

綱目煙條止載其內云治冷痢補厚勞不及  
其殼之功

治喉風急痺

舊選方煙壳置瓦上日晒夜  
露經年取下色白如雪搗細

水漂淨末晒乾全冰片吹喉而治咽喉一切  
急症立愈



海螂

杭州府志海螂杭俗立夏以為應時之味以  
椒花灑之麻油拌食從從新云比螺螂身  
細而壳長布有旋紋上有翳春初蛭起訂海  
崖石壁海人設網于下一掠而取治以益酒  
椒桂按海螂有大如指長一二寸許者名釘  
頭螺温台沿海諸郡多有之海螂螺生海塗  
中立夏後有人見其羣變為蚤今人所稱豆

娘是也或云此螺能跳丈許蓋遷其處此物  
又能食蚶明州奉化多蚶田皆取苧于海塗  
種之久則自大時田者不時耨視恐有海螵  
苟蓋蚶不畏他物惟畏海螵蚶田中有一此  
物蚶無遺種皆被其吮食盡玉環出者大如  
指名釘頭螺

鹹寒治療癰結核能降鬱氣

辟蛆 雲客傳方立夏日食海螵後以壳七

枚勿令人見撒廁中或馬桶內暑日不生蛆

蟲頗驗

吐鐵

沈雲將食物本草曰吐鐵海中螺屬也大如  
指中有腹如凝膏白其壳中吐膏大于本身  
光明潔白可愛姑蘓人享客佐下酒小盤為  
海錯上品一名麥螺一名梅螺產寧波者大  
而多脂餘姚者不及生食之令人頭腫土人  
以鹽漬之去其初次涎便縮可食 海味索  
隱曰土鐵一名泥螺出寧波南田者佳五月



梅雨後收製 會稽志吐鐵歲時含以沙  
黑似鉄至桃花時鉄始吐盡見云編云九月  
可食蓋此物產泥塗以泥為食八月至九月  
不復食泥吐白脂晶瑩塗上比池月出者佳  
也 福州府志吐鉄為海錯上品色青外壳  
亦軟肉黑如鉄吐露壳外人以醃藏糟浸貨  
之四方別有小如菜豆者桃花時方有名桃  
花吐鉄產泉州者名曰麥螺 稽弟觀願錄

云吐鉄出海寧者無脂多泥肉軟不堪食出  
寧波者極大多脂無泥內脆水洗三次用甜  
生白酒浸半日待滋味出換白酒釀加燒酒  
或單用燒酒亦可必多人白塘藏久不壞  
柑園小識吐鉄生海中微似扁螺壳白而薄  
肉青黑色大者多脂以鹽漬之可以致遠

甘酸鹹寒補肝腎益精髓明目

按吐鐵色青得甲木之氣以斥鹵為食不復  
他食更得土之餘潤而生脂膏八九月不食  
土者以秋金盛而木氣衰故吐泥而不食其  
能補肝腎益精髓亦猶脾土得養化津液上  
升而并及耳目也東璧以藜螺為泥螺味酸  
入肝二物形質不同性味亦異則強合為一  
誤矣此物又能潤喉燥生津予庚申歲二月

每患燥火入夜喉咽乾燥舌枯欲裂服花粉生津藥多不驗一日市吐蚘食之甘至夜咽乾亦愈可知生津液養脾陰之力大也

### 田螺涎

保元方田螺涎能去水腫用田螺不拘多少水漂加香油一盞於水內其涎自然吐出取晒乾為末每服不過三分酒調下水自小便下氣自大便出腫即消再服養脾胃藥全愈



蛤蜊肉

厚殼紫口而圓者曰蛤蜊目本條下載其肉  
性寒而闊高武宗痘疹正宗以為可發疹及  
治痘毒入目取其汁點之說為謬不知其肉  
性寒方能解熱藥之毒正取其與丹石相反  
為用耳

治癰疔痘毒 集驗載一檢念金方治一切  
癰疽腫毒初起最驗兼治疔毒候風蛇傷犬

咬及小兒痘毒乳香一錢雄黃三錢血竭錢  
半此三味不必製沒藥一錢明礬一錢硃砂  
三錢紅信六錢麝香六分蟾酥一錢蛤蜊肉  
二錢蜈蚣三錢甲片炒三錢姜蚕一錢川烏  
一錢皂牙四錢共為末以磁罐貯之大人一  
分五厘小人七厘強者二分亦可將葱白三  
寸搗爛和藥為丸好酒服下取汗再服不必  
汗

### 蜆腊

蜆生沙泥中江湖溪澗多有其類不一有黃  
蜆黑蜆白蜆金口玉口等名黃蜆殼薄肉肥  
黑蜆壳厚肉薄又番禺韋浦地方產無耳蜆  
更甘美異常凡蛤之屬皆能孕子而黃蜆化  
蛾而散卵白蜆藉霧以生形則一異海南介  
語蜆在沙者黃在泥者黑蜆老則肉出小蛾  
而蜆死小蛾復散卵水上為蜆凡南風霧重

本草綱目拾遺卷十  
則多白蜺北風霧則否蓋白蜺之生二于霧  
二味鹹二為白蜺所生之本始生時白蜺之  
形霧自空而下若無若有人見以為霧也漁  
人知之以為天雨蜺子也蜺子阮成以天暖  
而肥寒而瘠在菱塘沙灣二都江水中積厚  
至數百丈是曰蜺塘其利頗大綱目蜺下集  
解尚欠詳晰且其主治下壳肉蜺水皆載而  
蜺腊無問焉特采介語以補

解蠱并治不服水土介語



蚌淚

蚌中水也蚌生淡水中色蒼入肝故有清熱  
行濕治雀目夜盲之力綱目載蚌粉功用獨  
遺其殼內所含之水不知此水乃真陰天一  
之精入藥最廣特為補其缺

清熱安胎消痰除濕解酒積丹石藥毒

初生小兒啞驚逢原云用活蚌水磨墨滴入  
口中少頃下黑糞而愈

湯火傷用生蚌炙水塗之

### 西施舌

屠本峻曰沙蛤土匙也產吳航似蛤蜊而長大有舌白色名西施舌閩部疏曰海錯出東四郡者以西施舌為第一蠔房次之西施舌本名車蛤以美見謚產長樂灣中本草從新西施舌浙温州有之生海泥中似車螯而扁常吐肉寸餘類舌故名

敏在臨安館劉芳洲明府署中劉為諸城相

國脆姪據言介屬之美無過西施舌天下以  
產諸城黃石瀾海濱者為第一此物生沙中  
仲冬始有過正月半即無取者先以石碌礮  
磨沙岸使沙土平實少頃視沙際見有小穴  
出泡沫即知有此物然後掘取之綱目海蛤  
上蚶條中獨遺此今依吳氏從新本補之  
甘鹹平益精潤藏府止煩渴為補陰要藥木  
從新

宦遊筆記西施舌似車螯而扁生海泥中一  
名沙蛤長可二寸常吐肉寸餘類舌俗以其  
甘美故名



石蚶

俗呼鳧脚煙海濱多有之古未聞入葯瀕湖獨增此品止載其能利小便不知其別有功用今依介語補之

下寒辟消積痞濕腫脹虛損人以酒米同煮食最補益

朱排山柑園小識鳧脚形似鳧脚生海中石上壳如蟹螯其色紫可食即石蚶也江淹有

石蚶賦

乾蝦

蝦米

鶯爪

蝦子

對蝦

蝦生波水者色青生鹹水者色白溪澗中出者殼厚氣腥以其得土氣薄也湖澤池沼中者殼薄肉滿氣不腥味佳海中者色白肉粗味殊劣又葑以湖澤中者為第一以蝦煮晒乾去殼大者曰鶯爪小者曰蝦米又蝦子名曰蝦春錢唐八月潮盛時江濱人俟潮退後率于江沙淺水處撈取蝦子入市貨買黠者

以腐渣撓和須取少許置銅鈔中和益炒之  
色純紅者乃真多醃藏貯作來春食品綱目  
蝦及海蝦分條明晰于蝦內集解下載蝦米  
海蝦集解下載對蝦皆不列主治僅云充饌  
品而已故悉為補正其缺

蝦米 味甘性平逐風痲 胡潛法製編有  
蛤蚧蝦製法云食元補腎益陽蝦米一斤蛤  
蚧二枚茴香蜀椒各四兩並以青鹽化酒炙

炒以木香末一兩和勻乘熱收新餅中密封  
每服一匙空心鹽酒嚼下甚妙

鶯爪 味甘性平治疣去癬 食物宜忌

治無乳及乳病蝦米酒鮮蝦米一斤取淨肉  
搗爛黃酒熱服少時乳至再用猪蹄湯飲之  
一日幾次其乳如泉

宣吐風痲 不葯良方連壳蝦米半斤入葱  
姜醬煮汁先喫蝦後吃汁緊束肚腹以鷄翎

全圖夏夏子

蝦米

鶯爪

蝦子

介部



探引取吐

赤白遊風 不藥良方蝦米搗碎敷之

蝦子 鮮者味甘醃者味鹹甘皆性溫助陽

通血脉物俱見食忌敏按粵語云蝦春非蝦子也

江中有水蠓大僅如豆其卵散布取之不窮

然別蝦春之性當與蝦性有別陳芝山助陽

之說或未加精核耳

對蝦 粵志蟬蝦產鹹水中大者長五六寸

出水則死漁人以絲粘網其深四尺有五寸

六尺者仄立海中絲柔而輕蟬蝦至則鬚尾

穿胸弗能脫也兩上乾之為對蝦鮮者肉肥

白而甘 宦遊筆記淮海產對蝦長數寸兩

兩乾之勺結如環烹以為羹味鮮美居人往

以享客且可致遠或曰以雌雄為對但當

懷子既散之後雌雄亦無從辨至其出時自

正月望後始二三四月大盛端陽而後即杳

不可得亦物理之不可推者也

補腎與陽火酒浸服

治疫火後半身不遂筋骨疼痛醫學指南核  
菔仁棉花子仁杜仲炒巴戟硃砂骨碎補枸  
杞子續斷牛膝各二兩大蝦米四兩兔絲餅  
四兩用火酒二十斤煮服如年高者加附子  
肉桂各一兩酒服完將渣晒乾為末蜜丸每  
服二錢酒送下

朱排山柑園小識海蝦磔鬚鉞鼻背有斷節  
尾有硬鱗多足而好躍大於溪河所生長尺  
餘鬚可為簪土人兩三乾之謂之對蝦以充  
上饌

蝦醬

粵語蝦醬以香山所造為美曰香山蝦其出  
新寧大襟海上下二川者亦香而細頭尾與  
鬚皆紅白身黑眼初醃時每百斤用鹽三斤  
封定缸口候蝦身潰爛乃加至四十斤蓋于  
是味大雀可以久食

解毒樹蠱 廣有毒樹蠱其樹無花結子如  
牛奶食之立死以蝦醬解之



宦遊筆記遼東大凌河出蝦醬蝦油皆甘美  
平海又出一種小蝦名紅毛子作蝦醬尤佳  
今浙寧波及蘓皆有蝦醬味亦佳

### 石上螺螄

俗名鬼螺螄形如海螄而小秋冬常在牆脚  
石隙中夏月在湿地青苔上取用洗去上  
治黃疸 慈航活人書取石上螺螄半碗持  
如泥無灰白酒頻熱沖服之

疥 濟世良方治疥瘡及頭面熱毒瘡雄黃  
一兩丁鏤白梅肉各五錢消風散一兩夏月  
加鬼螺螄二十个共研細末苦益油調勻貯

磁確內凡患疔腫毒瘡用銀針挑破毒頂敷  
上此藥以綿帛蓋定其毒水斂不走三日後  
即愈 黃氏醫抄取細最小鬼螺螄搗爛連  
壳敷患處露頭出膿次日即可消

白火丹 集聽丹有五種青黃赤白黑黃白  
易治黑丹莫救青丹十日內可治赤丹亦然  
俱不可見灯火食鹽物治法取溪澗中鬼螺  
螄酒煮食即消痕瘡氣悶者食數次愈

拔疔 保合堂秘方鬼螺螄一個荔枝核三  
個煨存性白梅肉六個共搗爛成膏貼之取  
出疔痕後用八寶丹收功

通經周氏家寶鬼螺螄十四個研碎油帛搵  
貼臍上縛走週時生在陰處

鼻疔 慈航活人書花盆中青螺二三個全  
益持塗立効

三漏丸 活人書治穿尻漏通腸漏瓜藤漏

皆濕熱之邪毒殺虫退管穩當之劑土蜂窩  
煨鬼螺螭煨蟬蛻煨各七錢乳香沒藥川草  
蘇酥炙陳棕煨管仲煨各五錢猪懸蹄甲煨  
十個刺蝟皮炙一個雷丸三錢黃蠟三兩化  
開加麻油六七匙入藥為丸桐子大每服六  
七十九空心白湯下



叩頭虫

形黑如大豆以手按其身其頭能俯屈刺  
 有殼出南方者小而力微北土者大而力厚  
 兒童捕之為戲入药用大者試法取虫置桌  
 翻其背令仰少頃便跳起三四寸有跳起過  
 五六寸及尺諸者力更大綱目以之附阜螽  
 後亦不言主治之方此虫北人謂之跳百丈  
 治腰脚無力與山螞蟻子並入牡药用百草



叩頭虫

叩頭虫

叩頭虫



鏡云外用可絕瘡叩頭虫一个安眉心虫頭  
向上膏药盖住過時自愈

大力丸 彙集此馮家嘉寶方蒺藜酒洗炒  
去酒刺白茯苓白芍從蓉酒洗杜仲酥油炒  
鬼絲子酒煮續斷當歸覆盆子威靈仙破故  
紙薏苡仁各一两半牛膝酒洗無名異自然  
銅醋煨七次一两乳香沒药硃砂飛過血竭  
青藍各半两天雄二两童便浸五日象鱉一

个去頭足翅如無用土鱉代之跳百丈十人  
去足虎骨二两酥酒炙上药俱為細末煉蜜  
丸二錢半晝早晚盐湯或黄酒送下少時用  
力行功散于四肢

沙鷄母

物理小識土鼈是象房屎中所生或以旋土成窩者充之不知旋土窩者乃沙鷄母非土鼈也

同金墨磨塗磨口磨



牙皂樹虫

救生苦海云此樹大如錢粗者方得有虫但取之有法以利刀速砍其樹逢則虫即下行入根不可得其虫子時下行過午則上行須午復伐取

治一切腫毒初起其虫有大小大者用一條小者用二條證輕者用一條證重者用二條或三条搗爛酒調服已膿者不治

芝麻虫

生芝麻梗中三更輒從下而上至頂食露五  
更輒下取之以夜性熱助陽入幃箔用  
去痔管 用芝麻虫如蚕綠色取焙乾為末  
開水送下每食前服七日其管自出

黃麻梗虫

須秋時先收取以葱管藏之

百草鏡麻虫生麻梗近根上一節中二月化為飛虫穿穴去山在人每于刈麻時將虫連麻根寸斷布袋裝盛帶至南方貨與養禽鳥家飼畫眉百翎之用云其虫性暖去風行血烏食之可以禦寒虫形如小蚕細長明淨入药須連麻梗蒸焙用如用生者須以葱藏



程林即得方治疔用黃麻梗內虫以葱葉包  
貯挂風頭令乳將疔瘡挑破以麻虫少許入  
于所挑之處瘡即化為水而愈

陶節菴治疔蜚螂膏用蜚螂三個肚白者佳  
黃麻虫十個二味搗勻撥破患處貼之如患  
在手足有紅絲上臂絲盡處將針挑斷出血  
仍用前葯毒重者更服數毒葯

治疔 葉氏方用黃麻梗中虫一條焙乾為

末酒調服下疔化為水

蟲部

雪蝦蟇

憶舊遊詩話巴里坤雪山中有之醫家取作  
性命根源之藥軍中人爭買之一枚價至數  
十金且不易得也

朱退谷曾于吳門見之云遍身有金線紋其  
形絕似蝦蟇

性大熱補命門益丹田能回已絕之陽功魚

參附火盛者不可服

內造伏虎丹 秘方集腋興陽種子強腎助  
神用真川貝母四兩酒四製第一次用大附  
子一個童便一湯碗蒸切細乳火酒三湯碗  
韭菜汁三湯碗各入砂鍋將貝母煮乳去附  
子不用 第二次用雪蝦蟇一兩無則以大  
蛤蚧一對代之用石敲碎亦用火酒韭汁各  
三碗同貝母煮乳去蛤蚧不用 第三次用

吳茱萸一兩亦用酒韭汁各二碗同貝母煮  
乳去茱萸不用 第四次用公丁香五錢亦  
用酒韭汁各三碗同貝母煮乳去丁香不用  
製完其貝母爛如泥置石臼中舂再入真阿  
芙蓉二錢乳製蟾酥三錢射香五分拌勻作  
條焙乾收貯用時唾津磨搽  
雪裏蝦蟇性熱微辛壯陽却冷痿弱能興性  
考



風蛤

職方考閩邵武府出風蛤類蝦蟇蟄我眉峯麓  
之數村每春初東南風起則此物滿林厨間  
土人取而脯之  
性温煖治風及手足拘挛折傷

飯蒼蠅

謝天士云虫中各種俱入药用惟飯蠅無用  
故本草不載其主治予精思十年求其主治  
不可得嘉慶庚申偶在東江晤柴又升先生  
云昔在台州患面疔初起即麻木癢幾入骨  
不可忍山中倉卒無药有教以用飯蠅七个  
冰片一二厘全研爛敷之即不走黃如言果  
疼定治日漸痊旬日而愈

東疔根不走黃金瘡疤即生髮

吳秀峯用以塗小兒疔愈後脫疤不長髮用  
此持塗立生

塞鼻治拳毛倒睫藥性考

### 蠃蜂

粵志陽春有蠃蜂嘗附橄欖樹而生雖有首  
足與木葉無別須木葉凋落乃得之土人以  
置簾筍每遇蠃毒必鳴，則自呼又以其殼  
之清濁卜禍福佩之辟蠃



蜜蜂

綱目止用子云入足陽明太陰而無用蜂者  
赤水元珠有治療瘰癧方用之為補于後  
赤水元珠云蜜蜂同杏仁葉蝙蝠蛇虺治療  
瘰癧神效

# 苦蜜

出處州劉基苦齋記匡山之巔四面峭壁風從北來大率不能甘而善苦故植物中性之苦者莫不布族而羅生焉野蜂巢其間采花隨作蜜味亦苦山中方言謂之黃杜初食頗難以則弥覺其甘按綱目言蜜有黃連蜜味苦不知更有天成自然之苦蜜故補之

除積熱已煩渴解熱痢暑積驅風丸藥中用

之更佳老人腸燥以一盞和酒食尤宜

土栳榔

粵西叢載狀如栳榔在孔穴間得之新者猶  
軟相傳蟾蜍夫也不常有之  
主治惡瘡



燬發黃

物理小識余岸少養蜘蛛以小者飼大者久之以硃砂飼大者數十日滿身皆赤其腹有黃入药用去醫開瞽

蜜虎

似蜂而大首尖身圓壯如橄欖形有兩翼亦如蜂翅通身生毛斑色尾有短毫鋪張如鷲尾鼻上有鬚二根喜入花心中以鬚釣取花蕊而出其鬚能伸縮屈如曲如象鼻然以捲物登州人呼古路哥子安徽人呼為蜜虎養蜜者最忌之 臺灣府志蜂虎虫屬狀似灯蛾而大頭有斑点入蜜蜂窠則盡食其蜂

汪杭葦言蜜虎多喜入鳳仙花叢中散子于  
葉背日久生小灰色虫如青蠖躰上有黑白  
斑暈食其花葉長大及老則下根底變為蛹  
頭粗尾尖如海螂狀作老黃色久則蛹出為  
蛾即成蜜虎如此循環生之不已

治咽喉腫痛生蛾 陳良翰云蜜虎登州最  
多人捕得裝入布袋懸挂簷下陰乾遇有咽  
喉腫痛或生單蛾双蛾取一枚瓦上火焙去

其週身絨毛剪去頭足尾翅再用火焙為末  
加水片少許吹入喉中即愈此神方也又入  
杜葯用

治心痛鞠子靜方用烟嚙哥即蜜虎五六月  
飛行牆壁山東甚多取置竹筒中此物難死  
必待二十日方乾死在筒中自能撲打躰上  
絨毛盡落有患心痛者及腹痛者丸焙研末  
酒服一二枚即止諸城王遜亭云古路哥有

雌雄上者身瘦小雌者腹大入藥用雄者以線穿陰乳可合房術藥用其老僕王三云此虫山東極多能食蜂養蜂家最忌之其虫口中  
中有黑絨常捲若入蜂窩即吐其絨以刺蜂  
即斃然後食之蓋蜂針在尾而此虫之針在首想亦有毒針在尾者陰在首者陽以陽剋陰故蜂為所刺無不立斃其虫于初秋散子在豆莢上則為豆虫如青螻狀食豆在

黍稷上則為朝天猴如刺蝟狀後黍葉自下食而上最為庄田之患然可食庄人候日未出時此虫着露軀重翅輕不能飛易于撲取人捕得去其翅羣置瓦罐內令其自相扑擲其軀上細毛自落然後以油鹽椒姜炒食之味勝蚕蛹但其軀上毛不可着人眼着眼即損目



蟾皮 舌

此乃癩蝦蟆皮也能拔大毒外出又能回毒  
功效不可殫述綱目蟾蜍條主治皆全用無  
單用其皮者惟附方引孫真人千金方中治  
腸頭推出用蟾皮一片燒燻并傳僅錄其些  
小功用反遺其大者故特著明補之

貼大毒能拔毒收毒黃汝良行篋檢秘方載  
指頭紅腫生毒用活蟾一只生剝皮將皮外

面向患處包好明日其毒一齊拔出或發背對口等症毒忍收內如又起再貼切記不可將其皮裡面着肉即咬牢難揭凡痘疹後回毒亦可用此治

瘰癧欬口膏藥治瘰癧膿已盡腫已平瘡口未斂以此貼之 蝦蟇皮二个要活刺者鼠皮二張蛇退二条蜂房大者一个右四味俱煨灰將水膠一兩用井花水一酒中化開後

加蜜一兩蜈蚣煎麻油一小中撓勻前四味灰臨起入射香一分將絹推耒不濕為度靈秘再葯云凡患瘰癧瘡毒者用土中大蝦蟆一个剝全身癩皮蓋貼瘡口于蟆皮上用針將皮刺數孔以出毒氣自覺安靜且能爬住瘡口不令長大又可免蜈蚣聞氣耒侵神妙

舌 拔疔 外科全書夏月患疔用蝦蟆舌

一个研爛蟾肚皮蓋貼其根自出

### 藥蜂鍼

物理小識取黃蜂尾鍼合硫煉加水射為藥  
置瘡瘍之頭以火點之灸瘡上本草未載此  
法須先以濕帛覆瘡先乾者即瘡頭灸之



驢龍

物理小識驢腹中虺也方体方目有足可以  
小使入房術用與臯厭黑兇虫瓦雀卵衛子  
莖墮蛤蚧吉弔脂同功

龍蟲

閩小記云龍蟲形如小蟬螂又似金龜而黑色每八月十三至十五日飛墮漳州海口餘日絕無除向上黝黝赤氣食之良蕪美男女顏色活血

物理小識智少隨老父福寧曾見龍蟲後在姚有僕署中食此云自濠鏡來則他處亦出此何漳獨異也蓋是甲虫大如指頂甲下有

翅熏乾油潤去甲翅咬似火魚之變味

### 洋虫

一名九龍虫出外洋明末年始傳入中國或云出大西洋康熙初年始有此物形如米蟬子初生蟻如小蚕久則變黑如豆辦有雌雄今人用竹筒置穀花飼之性極畏寒天冷須藏之懷袖中夜則置衾褥間否則凍死得人氣則生極蕃衍有飼以茯苓屑紅花交桂京者則色紅而光澤可愛入葯尤良性溫行



血分煖脾胃和五臟健筋骨去濕接風壯陽  
道治怯弱 附治各症魚引 老人不寐茯  
苓引 小兒夜啼硃砂引 女童夜溺枸杞  
引 少婦陰寒附子引 瘰癧發背沉香末  
引 舌燥作渴麥冬引 眼目閉痛甘草引  
耳鳴耳聾當歸引 感冒風寒防風引  
中濕瘟毒蒼朮引 跌打損傷全蝎引 酒  
醉傷人葛花引 怒氣傷人沉香引 絞腸

痧痛青蒿引以上十四症俱用虫十四个好  
陳酒冲服

治刀斧傷用虫搗敷即愈 瘋癱用虫九个  
木香湯送 打傷用九个黑束薄荷湯送  
黃疸痧用十二个薄荷灯心湯送 哮喘用  
九个薄荷湯送 眼脹用七个薄荷湯送  
傷食用九个姜湯送 水毒用九个薄荷灯  
心湯送 氣痛用九个枳榔湯送 中風不

語用廿四个薄荷灯心湯送 小肚痛用九  
个姜湯送 急慢驚風用九个薄荷杏仁湯  
送 喉痛用廿四个薄荷銀花湯送 脾風  
用二十四個酒送 胃痛心疼用七个木香  
米沖酒服 無名腫毒用十六个陳酒送五  
更服 痘疹用七个米湯沖服 膨脹用二  
十四个薄荷陳皮湯送 嘔吐痰火用七个  
淡姜湯送 乍寒乍熱口乾舌枯用七个陳

皮半夏煎酒沖服 五勞七傷白茯苓三錢  
用七个搗爛每日空心酒沖服以復元為止  
瘧後寒熱不調用七个以未發之先沖酒  
服三次即止 焚遺白濁血淋白帶以芡實  
三錢微炒研末白果五枚去皮心先將藥搗  
爛再加淫羊藿二錢去邊廣皮二錢韭子三  
錢同煎用虫七个酒沖服 赤白帶及產後  
等症以香附芡芎烏翹骨各八分酒煎用虫

七个冲服即愈 氣急咳嗽以川貝母二錢  
牛蒡子當歸陳皮淮牛膝各八分水煎服如  
婦人去牛蒡加益母炒香附各三錢水煎冲  
服三次神效 腰痛以破故布二錢雄猪腰  
一对竹刀剖開去衣將破故內入酒蒸熟爛  
加桔梗二錢為末用七个持冲酒服神效  
痢疾白利用紅糖紅利用白糖陳酒冲虫七  
个服 水瀉不止猪苓白朮各一錢陳酒煎

冲七个服之忌油膩魚腥等物 偏正頭風  
以川芎防風荆芥蟬蛻各一錢細辛八分陳  
酒煎冲七个服之忌生冷葱韭等物 骨節  
酸痛胃寒等症以川芎白朮各八分水煎冲  
虫七个服三次即愈 吐血不止喘息燥熱  
等症以古墨研濃貝母三分研末虫七个陳  
酒冲服七次愈 小便不通以灯心車前各  
七根虫七个陳酒冲服 飽悶成痞肚腹腫



脹用酒冲七个服三次 翻胃隔食以生姜  
七片装布袋内入糞坑浸七日取起清水洗  
淨埋土中一層姜一層土七八日取起用陰  
陽丸焙乾研末每次一分用虫七个冲酒服  
三次愈 吐血以藕節茅草根洗淨酒煎用  
人乳酒各半冲七个服三次愈 筋骨疼痛  
以挑肉三錢陳酒冲虫七个服 勞瘵以牛  
骨髓三錢豕肉三錢共為末入虫七个再搗

為丸每丸三錢每日五更銜化一九九日見  
効 痿症蛇床子三錢煎湯冲虫九个服三  
次即愈久服延年種子 經水不調以香附  
陳皮益母草當歸元胡索各八分水煎和酒  
冲虫七个服之即愈久遠者連服數次其效  
如神 產後崩症以香附白芍益母草當歸  
陳皮茯苓白果蘇木各八分酒冲虫七个服  
三次愈

糞 如蚕砂状金御乘云研末敷金刀傷立  
結痂止血最效

勞怯 為性考洋虫色黑形如壁虱活吞數枚止血

### 蟋蟀

綱目于灶馬下附促織僅列其名云古方未  
用附此以俟

性通利治小便閉 養素園集驗方治跌撲  
傷小肚尿閉不出用蟋蟀一枚煎服立驗  
小兒遺尿 慈航活人書取全蟋蟀一个焙  
末滾水下照歲服如免十一歲者每次服一  
個服至十一个為止

集聽治男婦小水不通痛脹不止服此立愈  
用蟋蟀一個陰陽瓦焙乾為末白滾湯下小  
兒半個即通

催生 趙際昌云虫之戲蟋蟀最盛其百  
戰百勝者俗呼為將軍其虫至冬必死勿輕  
棄失留以救產厄神驗凡產不下用乾者一  
枚煎湯服即生并無橫倒之患許景尼云鬥  
蟋蟀家冬則  
封盆待其自死成對者入藥  
產科痘科用須成對者入藥

藥性考蟋蟀辛鹹溫能發痘勝于桑虫

治水蠱朱娘齋任城日鈔云促織可治水蠱  
昔有人患水蠱百治不效一日偶飲開水水  
中先有促織一對在內其人倉卒一併吞之  
越數日其病漸消方知促織可治此症後傳  
此方數人無不驗者一對不足連服二三對  
自效



炸螞

綱目蟲螞僅引拾遺佩藥一條並無主治  
按炸螞初夏大火始有得秋金之氣而繁性  
竄烈能開閉透竅一種灰色而小者名土礫  
不入藥用大而青黃色者入藥有尖頭方頭  
二種救生苦海五疋丹中用之治暴絕氣閉  
大抵取其竄捷之功為引也

味辛平微毒性竄而不守治咳嗽驚風破傷

療折損凍瘡癰疹不出

治鷓鴣瘟 王氏効方鷓鴣瘟其症咳嗽不已連作數十穀類哮非哮似喘非喘小兒多患此取穀田內蚱蜢十個煎湯服三劑愈  
百草鏡云鷓鴣鬱小兒有之其症如物哽咽欲吐難出之狀久之出痰少許日久必死治以乾蚱蜢煎湯服

破傷風 救生苦海治破傷風用霜降後稻

田內收方頭灰色蚱蜢全穀裝入布袋內晒乾勿令受濕致生出蛀壞常晒為要遇此症用十數個瓦上煨存性酒下立愈

痧脹 養素園集驗方用蚱蜢五六个煎湯温服

凍瘡 養素園待驗方用方頭黃色蚱蜢風乾煨研香油和搽乾搽亦可

小兒驚風 李氏表方用蚱蜢不拘多少煨

存性砂糖和服立愈 一方治急慢驚量大  
小入多少用之煎服 王立人易問方用螞  
蟥焙乾為末姜湯調服少許立愈  
急慢驚風 百草鏡霜降後稻田中取方頭  
黃身蚱蜢不拘多少與穀共入布袋內風乾  
常晒勿令受濕出蛀遇此症用十個或七個  
加鈎藤鈎薄荷葉各一撮煎湯灌下渣再煎  
服重者三劑愈李東未常施此藥據云山東

王出尤妙每服只須二個

產後冒風 王良生救急方乾蚱蜢數十個  
瓦上煨存性好酒調服

王站柱不葯良方急慢驚風先用白鳳仙花  
根汁半盞服下即用方頭蚱蜢焙乾研末滾  
水調下即愈



灯蛾

今古方無入藥者祝氏效方有治痔管法用  
蜣螂一个全撲灯蛾十个放罐内一宿加射  
香一錢陰乾為末吹入管内自能出水水乾  
即愈

蠅虎

古今註蠅虎蠅狐也形似蜘蛛而色灰白善捕蠅一名蠅虎子潛確居類書一名蠅豹身黑身有双肉爪攫蠅而食兩目似虎炯然生光易曰震未覿三雅俗稽言曰覿蠅虎也嘗若多惧故取象焉

按蠅虎亦蜘蛛之屬腹亦有絲而不能結網惟居牆壁捕蠅食其体灰褐色身上有微毛

嶙有兩鉗翕吸頻動跳躍如虎亦有純白色  
兩目朱色絕可愛兒童捕置器中捉蠅以飼  
之視其搏躍為戲此物未聞入藥故瀕湖網  
日壁錢蠪蠹皆列入而此獨遺之今徐氏驗  
方云其性頻動而不靜取以調血脉治跌打  
因錄其方以備品云  
治跌打損傷 徐順之驗方取蠅虎數十个  
研爛好酒下

### 灶馬

今之灶馬俗呼贓郎又作蟬螂網目所謂蜚  
蠊也網目虫部亦有灶馬形似蟋蟀今人名  
灶壁鷄又與蟬螂別瀕湖于蜚蠊條下無治  
疔疔諸法今備錄之

拔疔 集聽灶上蟬螂不拘多少搗爛敷之  
其疔根自出

卿子妙方

蟬螂虫其黃紫色甚臭者取數



個用患者自吐唾沫几口研爛敷瘡四圍頂  
上露孔使毒氣從孔出一日愈矣

白火丹 葉氏方用蟬螂丸上焙乳為末白  
滾湯服一二人立效兼治疔瘡

卽伸達方 治疔瘡取蟬螂大者七個去頭  
足殼將砂糖少許全搗爛敷疔四圍露出頭  
晝夜即愈

一切兒疔 集聽去凡小兒患疔疾不拘何

等疔垂死者皆效取灶上蟬螂焙乾與之食  
患者但聞其香不知有腥臭之氣猶中虫者  
食豆無辛含礬不苦也有患此症治之無不  
效只須食一二次即愈上後體更肥白且屢  
試屢驗

藥性考 灶馬拔持塗有效

百草鏡云 兒疔初起用蟬螂去頭足翅新  
屋上焙乾常與食之百人病愈

吐血 徐雲生方取蟬螂五個止去翅淨在  
火盆淨瓦上焙乾為末紙包安地上存性用  
濕腐皮包一個滾湯吞下每日如此吞五日  
不可間斷

解諸疔者毒 傳信方灶上紅蟬螂五個研  
爛熱酒沖服取汗為度

痧症 周廷園方活蟬螂虫三個用紙包灶  
上焙乾研細冷水和灌或吐或瀉即愈

腹脹 家寶方蟬螂一個焙乾蘿蔔子一撮  
共炒為末好酒吞十日全愈

氣虛中滿 醫宗彙編以蟬螂七個為末用  
地枯樓煎湯送服愈

無名腫毒 慈航活人書蟬螂十個鹽一撮全  
搗爛敷之留頭

對口 活人書桂州荔枝肉二三枚蟬螂二  
三個全搗如泥敷露頭敷數次即散

紅絲疔 傳信方蟬螂一個去頭和青糖搗爛搽上即效

治諸毒惡瘡 嚴氏家用方蟬螂搗石灰敷之

### 水馬

網目水馬名水黽于主治下云令人不渴殺雞犬不知有治痔之功更為補之按水馬四五月內出浮水面身硬脚長池沼中甚多性喜食蠅子在甌親見小兒捕之嬉戲用釣竿繫繩、頭穿一蠅擲水面誘之即來以四足抱繩不放因而獲之

治痔 東醫寶鑑有水馬散夏月三伏內於



止水中採婆子一名水馬兒高脚水面跳走  
是也採取三十個用三個紙包每包十個于  
背蔭處懸挂陰乾每包作一服研爛空心酒  
調下良久乃吃飯三日連三服十日內效久  
痔膿血者二三十服絕根

### 禾虫

閩廣浙沿海濱多有之形如蚯蚓閩人以蒸  
蛋食或作膏食餉客為饅云食之補脾胃  
廣志夏暑雨禾中蒸鬱而生虫或稻根腐而  
生虫稻根色黃虫乃稻根朽化故色亦黃大  
者如筋許長至大節上有口生青熟紅黃霜  
降前禾熟則虫亦熟以初一二及十五六乘  
大潮斷節而出浮游田上網取之得醋則白

漿自出以白米泔濾過蒸為膏甘美益人得  
縮之精華者也其醃為脯作醢醬則貧者之  
食

吳震方嶺南雜記禾虫絕類螞蝗青黃色狀  
絕可惡厭潮所淹沒沒水田禾根內出數尺  
長至丈餘寸寸斷皆治能游泳午後即敗不  
可食滴益醋一小盃裂出白漿蒸雞鴨蛋牛  
乳最鮮

粵錄禾虫狀如蚕長一二寸無種類夏秋間  
早晚縮將熟禾虫自縮根出潮長浸田因乘  
潮入潮入海日浮夜沉浮則水面皆紫采者  
以巨口狹尾之網繫於杙逆流迎之網尻有  
囊口重則傾瀉於舟  
補脾胃生血利濕行小便瘡瘍勿食能作膿

壁虫

俗呼臭虫以其氣腥穢觸鼻故名行必南向  
為南方穢濕所產今江南北人家多有之稍  
不潔即生此物亦有速行於旅店驛舍中帶  
入衣被歸家即生極易蕃育一日夜生九十  
九子與蝨斯同其形儼如半粒豌豆老則黑  
次則赤皮紅初生者色黃而細小其子如蟻  
子白色卵生與蝨同初生便啣人生一二日



即能褪殼愈褪愈大漸，而老色轉紅而黑  
老者嗜人愈毒多藏藁荐中及壁內或桌櫬  
床縫間其身扁而易入至冬則入蛰多藏泥  
沙山穴中及古樹根下交春皆啟蛰而出入  
人家壁木內歲性畏螻山中有一種紅螻喜  
食之故近山及山寺僧舍此物甚少有帶入  
者輒為山螻啣去其嗜人尤狡黠不与蚤蟲  
周昔人謂暑時有五大害乃蠅蚊蚤蟲臭虫

也然蠅蚊迭為晝夜蠅可揮拂蚊可設帳蟲  
則暑時裸浴生者絕少蚤則因土濕而生夏  
時土乾亦不甚患惟此最可憎無分晝夜潛  
身床蓐及几圍間善識人氣伺人一從  
眼生偷針 臭虫血点之即散

海上方有用壁蟲治小兒驚風用壁蟲于淨  
水中漂去臭氣焙乾入葯

拔疔 楊氏經驗方臭虫同米飯搗勻撥疔

上能立拔疥根外出  
鮮魚刺截 醫宗彙編四谷茴香葉使益花  
火酒搗餹夫瘡上如口久爛用臭虫削去頭  
傳之

### 山螞蟻窠

朱樂只云山草中有之係草樹之葯葉結成  
大者如斗冬月取之蟻入土而不在窠矣  
救生苦海山蟻窠深山內大樹根中有之十  
一月或正月草枯時尋取有二種一種大如  
升斗色黃柔軟形如乾黃爛葉又若柔皮紙  
窠皮上層々有刷紋成暈若虎頭俗呼虎頭  
蟻窠不知何物所造惟內中有筋其筋係松

毛草莖之類也抽去內中筋及泥土用之一種色白係是泥土所為其形有類松皮研用入藥

久不收口爛瘡貼之即收口

藥性致蟻類最多惟馬蟻食之長力

治刀傷出血 救生苦海用山義窠抽去內中筋及土泥色裏處再用布縛即血止收口沈氏傳云冬月用之有驗如神

禿瘡 周氏傳方山螞蟻窠中土益滴調敷數日即愈

生皮結齧丸瘡膿腐已盡新肉已生不肯收口用山蟻窠搓去草泥等物扯開貼之即結齧生肉

子 白如糲米俗呼狀元子大力丸用之然微有毒食之作脹網目蟻下僅存其名無主治進行伍中營醫以此合壯藥頗效



益氣力澤顏色

張聖耒云山蟻生深山窮谷中頭如虎有牙  
鉗甚銳利有翼能飛凡虎食人過飽則醉  
後則吐蟻食其唾餘則形變虎頭而生翼即  
以其所吐涎嚙樹汁草漿和山土醜如泥綠  
樹枝成窠其窠重叠如蜂窩內有臺外則黃  
白紋大如斗挂樹枝上山人見其窠以烟薰  
之去蟻採之入藥

窠敷金刃傷止血定痛生肌收口

窠中臺治發背百烏朝王毒

窠上綠枝治蛀節脊

敏按蟻有各種入藥用窠則取山蟻窠蓋山  
蟻形大在草中或樹根內作窠其子粗如粒  
未入藥力太猛用子以黃色細蟻所生子為  
佳蓋此蟻力最大能舉等身鉄故人食之其  
子亦力大也

宦遊筆記廣人美味有蟻子醬於山間收蟻  
卵淘淨滓垢固以為醬詫為珍品則其子亦  
無毒矣

### 蛆窠

王安采葯錄大窖坑內有蛆出窠如白繭子  
樣掛在蓬堞內者取未淨去泥灰晒燥焙用  
治瘰癧疔疔一切虫蛀爛孔外科收口葯用  
疔瘡疔梗 柴氏獨妙方用糞坑內蛆出窠  
在蓬堞內者形如白繭子而小取未不拘多  
少放在確中焙燥為細末貯小口瓶內瓶口  
以細稀紗色紫覆輕匕敲彈少些藥末於瘡

口內如有小蛀眼藥末不能入用麥草桿吹  
藥入細孔內每日三五次其蛀爛者肉孔自  
能長平神效無比

### 死人蛆虫

此檢尸場中棺內死蛆也唐怡士云凡人死  
後魂魄散盡其生氣有未盡者肉爛後悉腐  
而為蛆攢噬筋骨久之蛆亦隨死故強死者  
棺中無不有黑蛆凡用須問梓作於尸場收  
之

主治大麻風癩疾 赤水元珠治大麻風癩  
疾秘方用死人蛆虫洗淨銅片上焙乾為末



每用一二錢皂角刺煎濃湯調下若腫而有  
疙瘩者乃陽明經濕熱壅盛先以防風通聖  
散服二三帖然後再服此藥有補功以皂針  
為引故能達表能以服之極有神効非常  
草木可比也

人蚘 陳所安金見錄近有一種不肖奸徒  
輒于攢殯左右勾賄寄尸寄尸者以產貨人  
厝棺杭人呼為開寄場每有七日內之出厝

棺木到場被即昏夜啟棺竊取人蚘貨與方  
術家及走醫為夾棍藥并治跌打絕邪瘧等  
用予初不解人蚘為何物後詢唐博氏與宜  
博士家有老僕來升曾見之云凡人死七日  
外遍身肌肉腐如漿心氣散漫蒸為人蚘形  
如九龍虫而小色赤如血光滑異常男女皆  
有入藥男棺者佳其取之法用大鑽于棺和  
頭前鑽一大孔以香糟塗孔外內虫聞糟氣

皆從孔出其虫雖有甲而不能飛用手搦投  
入小瓶中大酒浸陰陽丸二焙乾用  
醫學指南有治大麻風秘方用人蛆一升細  
布袋盛之放在急水內流之乾淨取起以麻  
黃煎湯將蛆連布袋浸之良久取起晒乾再  
用甘草煎湯浸晒乾又用苦參煎湯浸晒乾  
又用童便浸晒乾又用蔥姜煎湯投蛆入內  
不必取起就放鍋內煮乾焙為末每一兩加

射二錢蟾酥三錢共為一處入磁器內每服  
一錢石薺花煎湯下花即山中石上生白薺  
如錢樣用蒼耳草煎湯洗浴然服藥七日見  
效躰壯者一日一服躰弱者二日一服即愈  
按人死血化為虫或為蛆或為蚘形各不一  
或云二物並生或云一物先後互化又有云  
貧窮者多蛆少蚘富厚者多蚘少蛆第勿深  
考並存其說以俟博雅君子折衷焉

治勞瘵能驅蛆尸虫以賊攻賊之義跌蹶絕  
邪瘴尸蛆若尤  
吳秀峯虛勞論云勞有虫為濕鬱所化在外  
為虫在藏府為虫用死人身上蛆虫製令潔  
淨焙乾和藥服之則癆虫化為水下

### 隊隊

游宦餘談隊匕形如壁蟲生有定偶緬甸有  
之夷婦有不得于夫者飼于枕中則其情自  
合故不惜金珠以易 詹景夙小辨同年蘇  
侍御民傑按云南還語予云南有小虫名曰  
隊匕狀如蟲出必雌雄隨人偶得之以賣富  
貴家價至四五金富貴家貯以銀匣置枕頭  
內則夫妻和好無及目此則物氣之正人也



入媚藥治夫婦不和  
此桃然竹上所生竹蟲李氏草秘云卷疥瘡  
瘡疔最妙

淮東子

今名跳蝦虫生濕土中形似跳蚤而大逾倍  
色如蝦青腹下多足如蝦善跳躍見童以器  
置水于中捕得輒投入便不能躍出秋時開  
蟋蟀家多蓄之凡蛋遇門傷及虛羸必每日  
以此飼之云能益蛩力也其性最竄捷能達  
透經絡皮裡膜外無不行到

治風痺去濕腫

梭虫

滇南各甸土司記梭虫產藤越州外各土司  
中穴居梭栲木中食其根脂汁狀如海參粗  
如臂色黑土人以為珍饈土司餉貴客必向  
各崗丁牽取此虫作供連棕木數尺解送剖  
木取之作羹味絕鮮美由亦堅美軟而瘦絕  
似遼東海參云食之增髓益血尤治帶下彼  
土婦人無患帶者以食此虫也

治赤白帶腸紅血痢其行血而又能補血功  
全當歸

### 桐蛙

李氏草秘生桐油樹中即木蠹也最治惡腫  
毒取七根焙末沖酒服即愈

### 紅虫

物理小識虹為淫氣方士于東海見虹處掘  
地出紅色得之入術用  
娟為益幃箔全紫稍花功力更大



茄棵虫

此虫生茄棵内梗上有蛀眼内即有虫其虫带绿色黑嘴者是

治男女童劳 刘涓子经方云男女童劳

其症不必如大人咳嗽吐血洩精只是身体

瘦弱皮毛焦枯肌膚微热急宜早治用野茄

棵内虫取数十条私和在食物之内與病者

吃数次即愈

牛膝蛀

李氏草秘中生牛膝草節中香油浸製  
治指頭毒晝夜痛不可忍者敷上即愈

蔗姑

漳泉種蔗田中出一種虫如蚕食蔗根名蔗  
姑土人食之味甚甘美  
發痘行漿托痘清毒化疫醒酒和中利小便